


პრეტულიკატორთ ცილა ქვეყნისა, შერთოდით!

საქართველოს ქონისი

ყოველთვიური ეკონომიური ჟურნალი.

საქართველოს, ს. ს. რესპუბლიკის
ეკონომიურ-სტატისტიკის ორგანო.



ტფილისი
1927 წ. ოქტომბერი

№ 10

პრტოლუცატრულ ყველა ქვეყნისა, შვეტდით!

საქართველოს კონსოლისაი

ყრველთვიური მონოგრაფიური ჟურნალი,

საქართველოს ს. ს. რესპუბლიკის
ეკონომიურ საბჭოს ორგანო.

P-135422

№ 10

ტფილისი
1927 წ. ოქტომბერი

ტფილისი, ს. ს. მ. უ. ს. პოლიგრაფტრესტის 1-ლი სტამბა. პლენი. პრ. № 91.

17/X—27. შეკ. № 45. მთავარლიტი № 1789. დაიბეჭდა 1000.

შ ი ნ ა ა რ ს ი:

	83-
ვ. ავაქოვი—საქართველოს მრეწველობის მდგომარეობა და მისი განვითარების პერსპექტივები	5
აღ. გეგეჭკორი—საქ. სასოფლო მეურნეობა ოქტომბრის რევოლუციის ათი წლის თავზე	17
ინჟ. ბ. ჭიჭინაძე—ელექტროფიკაციის საქმე საქართველოში ოქტომბრის რევოლუციის ათი წლის თავზე	31
დ. თოფურაძე—საქართველოს ბიუჯეტი 1918—1927 წლამდე	48
ა. სიგუა—საბანკო კრედიტი ჩვენში	62
ვლ. ცაგარელი—საქართველოს კოოპერაცია ოქტომბრის ათი წლის თავზე	71
ლ. კარბელაშვილი—საქართველოს სახალხო მეურნეობის განვითარების მთავარი მაჩვენებლები	91
ს. გოდაბერიძე—მუშათა საკითხი და ოქტომბრის რევოლუცია	113
ლ. ასათიანი—სამელიორაციო მშენებლობა საქართველოში	117
ვ. ხაზანაშვილი—მასიურ მოთხოვნილებათა დაკმაყოფილების წესი წინათ და ეხლა	122
ს. ამაღლობელი—კინო ინდუსტრიალიზაციის პერსპექტივები ჩვენში	128 ✓
გრ. კუჭაიძე—სახალხო ჯანმრთელობა გასაბჭოების 10 წლის თავზე	136
—	
პროფ. ს. კუყელ-კრაევსკი—ელექტროფიკაციის თანამედროვე მდგომარეობა და პერსპექტივები საბჭოთა კავშირში	139
პ. კალაძე—საბჭოთა კავშირის ეკონომიკის ხასიათი და მისი მიღწევები ოქტომბრის რევოლუციის 10 წლ. თავზე	147

საქართველოს მრეწველობის მდგომარეობა და მისი განვითარების პერსპექტივები.

დიდი ოქტომბრის ათი წლის მიჯნაზე არამც თუ ჩვენ, ახალი ცხოვრების უშუალო მშენებლებმა, არამედ ყველა ქვეყნის პროლეტარებმაც უნდა იცოდნენ, თუ რამდენათ წარმატებით, გავებულათ აგებს თავის მეურნეობას ძალა-უფლების სათავეში მყოფი მუშათა კლასი. ჩვენ თავის ღროზე უნდა გაუკეთოთ ჯამი ჩატარებულ მუშაობას, დავსახოთ, დავამუშაოთ და ცხოვრებაში გავატაროთ ისეთი ღონისძიებანი, რომელიც ხელს შეუწყობდა ჩვენი ქვეყნის საწარმოო ძალების მაქსიმალურ განვითარებას, სოციალისტურ სექტორის ხვედრითი წონის აუცილებელ ზრდასთან ერთად.

მხოლოდ ციფრებმა და ფაქტებმა ნათლად უნდა გვიჩვენონ თუ ამ ხნის განმავლობაში რა გავაკეთეთ, რამდენათ წავიწიეთ წინ, როგორი პროცესები მოხდა ჩვენს ქვეყანაში.

თქმა არ უნდა, უძნელეს აღმშენებლობითი პერიოდის განმავლობაში და რეკონსტრუქციაზე გადასვლის დროს დაუშვით შეცდომები, მაგრამ ისიც უდაოა, რომ ჩვენი მიღწევებიც თელსაჩინოა, მეურნეობა დიდის ნახტომებით მიიწევს წინ და ამ ძლიერ ტემპთან ერთად იზრდება სოციალისტური, სახალხო მეურნეობის განზოგადოებული სექტორი; და ეს ხდება კაპიტალისტური სექტორის ხარჯზე.

ჩვენს ქვეყანაში სოციალისტურ აღმშენებლობის ძირითად ღოზუნგს შეადგენს მისი ინდუსტრიალიზაცია, მრეწველობის განვითარება, რაც გავლენას ახდენს სახალხო მეურნეობის ყველა დარგზე და მიმართავს მას მშრომელი მოსახლეობის საკეთილდღეოდ.

ამგვართ, მრეწველობა უნდა გახდეს ჩვენი სოციალისტური სამშობლოს სახალხო მეურნეობის ჰეგემონი.

საქართველო ყოველთვის წარმოადგენდა ისეთ ქვეყანას, სადაც სახალხო მეურნეობის სისტემაში სასოფლო მეურნეობა გადამჭრელ როლს თამაშობდა.

ახალი სოციალისტური საქართველო კი, რომელიც დიდი საბჭოთა კავშირის წევრი შეიქნა, თვითმოქმედებისა და ფართო ინიციატივის სულით აღსდგა, დადგა ახალ გზაზე — ინდუსტრიალიზაციის გზაზე. თუმცა მთელს სახალხო მეურნეობაში სასოფლო მეურნეობას ახლაც გადამჭრელი მნიშვნელობა აქვს, მაგრამ ციფრები მრეწველობის ხვედრითი წონის შეუჩერებლად ზრდას გვიჩვენებენ.

მოელი სახლხო მეურნეობის 1926-27 წ. საერთო პროდუქციიდან, რაც 355,6 მილ. მან. უდრის, მრეწველობაზე მოდის 24,5 პროც. წინააღმდეგ 23,5 პროც. 1925-26 წ., 22 პროც. 1924-25 წ. და 16 პროც. 1923-24 წ.

სასოფლო მეურნეობა კი, აბსოლუტურ ზრდასთან ერთათ, სახლხო მეურნეობაში ამის დამხედვით კარგავს თავის ხვედრით წონას 83,9 პროც. 23-24 წ., 75,5 პროცენტამდე 26-27 წ.

შედარებისთვის საინტერესოა მოვიყვანოთ ანალოგიურ ციფრების შეფარდება პროცენტებში მოელი ს. ს. რ. კ. მიხედვით.

	24—25 წ.	25—26 წ.	26—27 წ.
მრეწველობა	37,5	40,5	43,2
სასოფლო მეურნეობა	62,5	59,5	56,8

აქედან სჩანს, რომ სსრკ-ში მრეწველობის ხვედრითი წონა უფრო მეტია, ვიდრე ჩვენი, საქართველოში; მაგრამ თუ სსრკ-ში 24-25 წლიდან მრეწველობის ხვედრითი წონა 37,5 პროცენტადან 43,2 პროცენტამდე გაიზარდა (ე. ი. 5,7 პროცენტით), საქართველოში კი იგივე ზრდა იმავე წლებში 8,4 პროც. გამოიხატება. მრეწველობის მსგავსი აბსოლუტური და შედარებითი ზრდა საქართველოში აიხსნება არა მარტო არსებულ საწარმოთა აღდგენით, მათი გადაკეთებით და გაფართოებით, არამედ ახალ საწარმოო ერთეულთა აგებით, რომელთა შორის ჯერ მხოლოდ რამდენიმეა მოთავებული. შეცდომა იქნებოდა გვეფიქრა, რომ ე. წ. აღდგენითი პროცესი ჩვენი წი. განისაზღვრა მეგვიდრობით მიღებულ საწარმოთა მხოლოდ მათ უწინდელ სიძლიერემდე აღდგენით, როგორც მოწყობილობის, ისე პროდუქციის მხრივ. სამწუხაროთ, ჩვენი მრეწველობის მრავალ დარგიდან ომამდე არსებულ პროდუქციის ნამდვილი ციფრების უქონლობა არ გვაძლევს საშუალებას სისწორით აღვნიშნოთ პროცენტული შეფარდება ეხლანდელ და ომამდე არსებულ დონეთა შორის, მაგრამ ბევრ სხვა ცნობისა და საბუთის მიხედვით, გვაქვს საფუძველი ვამტკიცოთ, რომ მრეწველობამ საერთოდ უკვე მიიღწია ომამდე არსებულ დონეს. ზოგიერთ დარგებში კი (რომლის შესახებაც მოიპოვება ცნობები) კიდევ გადავამეტეთ. ასე, გასასყიდათ გამოტანილ პაპიროსების რაოდენობის მიხედვით, თამბაქოს ტრესტმა 77,8 პროც. გააღიდა პროდუქცია ომამდე არსებულ პერიოდთან შედარებით. ქვა-ნახშირის ამოღება 1926-27 წელში ომამდე არსებულ დონეს 26 პროც. აღემატება. მენშევიკების დროს კი (1919-20 წელში) მრეწველობის ეს დარგები გავერანებული იყო: თამბაქოს მრეწველობა 1913 წელთან შედარებით 50 პროც. დაქვეითდა, ქვა-ნახშირის მრეწველობა კი — 52 პროცენტით. ასე დაქვეითებული იყო მრეწველობის სხვა დარგებიც. მაგრამ ეს ძნელი პერიოდი კარგა მოშორებით ჩვენს უკან დარჩა. ჩვენ არამც თუ აღვადგინეთ დანგრეული და შეუღეპით მრეწველობის გაცვეთილ მოწყობილობათა განახლებას, არამედ ფართო სამრეწველო აღმშენებლობის პრაქტიკული განხორციელებაც დაიწყეთ.

გასულ წელს ვლადიკავშირით. რომ მრეწველობამ სავსებით გამოიყენა თავისი ძირითადი კაპიტალი, და თუ შარშანდღამდე ჩვენ ყოველდღიურთ საგრძნობლად ვადიდებდით პროდუქციის დამზადებას, 1926-27 წ. კი ისეთ საზღვრამდე უნდა მოვსულიყავით, როცა შეუძლებელი იქნებოდა პროდუქციის შემდგომი გადიდება წინანდელი გაძლიერებული ტემპით წასულიყო, და ეს ტემპი აუცილებლივ უნდა შენელებულიყო. მრეწველობის პროდუქციის განახლებული და ამავე დროს სწრაფი ზრდა უნდა დაისახოს მომავალ მახლობელ წლებში, როცა მშენებარი საწარმონი დამთავრდება და ბაზარზე დიდის რაოდენობით გამოვა ახალ-ახალი საქონელი. და მართლაც, თუ სახელმწიფოს ცენზიან მრეწველობის პროდუქცია 24-25 წ. 29,3 მილ. მან-დან 43,8 მილ. მან-მდე გაიზარდა 25-26 წ. (ე. ი. 49,3 პროც.), 26-27 წ. კი გვაქვს მხოლოდ 44,7 მილ. მან., რაც გასულ 25-26 წ. მარტო 2,2 პროც. აღემატება. თუ გამოვყოფთ სატრესტო მრეწველობას, 26-27 წ. პროდუქციას 25-26 წ. შედარებით, იგი 7,5 პროც. ადიდებს. რაც აიხსნება იმ გარემოებით. რომ ტრესტები, რომელნიც საქართველოში უფრო მსხვილ საწარმოთ აერთიანებენ. სხვა ორგანიზაციებზე ცოტა ადრე შეუდგენ საკუთარ წამოწყებათა როგორც აღდგენას. ისე, უმთავრესათ, მოწყობას. გვაქვს რა მხედველობაში ახალი საწარმონი, რომელნიც მახლობელ წლებში მოთავდებიან და გადაეღენ ექსპლუატაციაზე, 27-28 წ. სატრესტო მრეწველობის პროდუქცია 26-27 წ. შედარებით 34 პროც. გადიდება, ხუთწლედის ბოლოს კი, 30-31 წ., — უკვე 150 პროც.

ცენზიან მრეწველობაში დაბანდებულ მუშების რიცხვი აქამდე შედარებით ნელა იზრდებოდა — 24-25 წ. 11,923-დან 26-27 წ. 14,237-მდე გადიდა. ე. ი. 19,4 პროც. სატრესტო მრეწველობა კი 1927-28 წ. მოითხოვს მუშების ახალ რაოდენობას 19,5 პროც. მეტით, ვიდრე 26-27 წ. იყო, 1930-31 წ. კი, დაწყებულ და პროექტში მყოფ წამოწყებათა დამთავრებისას, სმუს საწარმოებში მუშების რიცხვი 113,9 პროც. მეტი იქნება, ვიდრე 1926-27 წ. იყო.

მაგრამ, როცა ვლადიკავშირით სახალხო მეურნეობის, კერძოთ კი მრეწველობის. ზრდაზე. საჭიროა ვიცოდეთ — საით მიდის ეს ზრდა? სოციალისტური სექტორის. აუ კაპიტალისტური კლემენტების. ისრევ მიდის იგი?

როგორია კერძო კაპიტალის ხვედრითი წონა ჩვენი ქვეყნის მრეწველობაში?

თუ ჩვენ გვაქვს სახელმწიფო მრეწველობის შეუჩერებელი ზრდა. ამავე დროს — 1926-27 წ. — დაცვა კოოპერატიული მრეწველობა 1 ნახევარ პროც., კერძო კი — 31,3 პროც. კერძო მრეწველობის ასეთი მნიშვნელოვანი დაცემა აიხსნება საკონცესიით გაცემულ ჭიათურის შავი ქვის ამოღების დროებითი შემცირებით, მაგრამ, ამის დამოუკიდებელიცა, ჩვენ ვამჩნევთ კერძო მრეწველობის აბსოლუტურ და შედარებით შემცირებას. მრეწველობის ცალკე კატეგორიების მიხედვით ხვედრითი წონის ცვალებადობა ასე გამოიხატება: (ცხ. იხ. მე-8 გვ.).

ამგეაით, ეს ციფრები კვიჩინგენზე განზოგადოებულ მრეწველობის როლისა და მნიშვნელობის თანდათანობით გადიდებას და სოციალისტურ სექტორის გაძლიერებას.

	24—25 წ.	25—26 წ.	26—27 წ.
სახელმწიფო	77,8	80,1	83,9
კოოპერატიული	8,6	6,8	6,9
კერძო (შავი ქვით)	14,1	13,1	9,2
(შავი ქვის ჩათვლელად)	1,4	3,3	2,3

როგორც ვსთქვით, ჩვენი მრეწველობის აღდგენითი პროცესი დამთავრდა და იგი რეკონსტრუქციულ პერიოდისა და კაპიტალურ აღმშენებლობის სტადიაში იმყოფება. საქართველოს ახალი სამრეწველო მშენებლობა, რომელსაც უდიდესი მნიშვნელობა ეძლევა ჩვენი შემდგომი განვითარებისათვის, უნდა ემყარებოდეს არა მხოლოდ სხვადასხვა ნედლ მასალის დიდ მარაგს, რითაც აღნიშნული ქვეყანა მდიდარია, არამედ ორ ძირითად მომენტსაც უნდა გაეწიოს ანგარიში.

1) ჩასახვა და განვითარება მრეწველობის ისეთი დარგებისა, რომელიც პირველ რიგში სამსახურს გაუწევინებს მომხმარებლების ძირითად მასას — გლეხებსა და მუშებს — ფართო მოხმარების საგნებით.

2) ისეთი კურსის აღება, რომელიც ჩვენს კავშირს თანდათანობით გაათავისუფლებს კაპიტალისტურ ქვეყნების ეკონომიურ დამოკიდებულებისაგან და განავითარებს სამთო-მადნო და სამეტალურგო მრეწველობას, ვინაიდან სსკპ (ბ) მეთხოთმეტე პარტკონფერენციამ აღნიშნა: „სოციალისტური მშენებლობის წარმოების ძირითადი წინამძღვარი არის მსხვილი სოციალისტური მრეწველობის სამეურნეო ჰეგემონიის გამტკიცება ქვეყნის მთელ ეკონომიკაზე და, პირველ რიგში, მისი სოციალისტურათ გარდამქმნელი როლი საგლეხო მეურნეობის მიმართ“.

დიდი თანხები, რომელიც დაბანდულია მრეწველობაში, უეჭველათ, გვიჩვენებენ იმ ჩქარ ტემპს, რასაც მიემართებ ახალ აღმშენებლობის დარგში. 1924-25 წ. მრეწველობაში დაბანდული იყო 1.392,4 ათ. მან., 1925-6 წ. — 4.185,6 ათ. მან., 1926-27 წ. — 8.402,4 ათ. მან., 1927-28 წ. კი დამტკიცებულია 9.598,5 ათ. მან. გადადება, სულ 4 წლის განმავლობაში 23,5 მილ. მან. მეტი ასეთი დიდი თანხის დაბანდვამ სამრეწველო აღმშენებლობაში ისეთი ეფექტი უნდა გამოიწვიოს, რომ 1930-31 წლისათვის სატრესტო მრეწველობა 1926-27 წ. შედარებით 150 პროც. გადიდებულ პროდუქციას მოგვცემს, სხვანაირათ, ხუთწლიდან დარჩენილ სამი წლის განმავლობაში (1927-28 წლიდან 1930-31 წლამდე) პროდუქციის საშუალო შენამატი 50 პროც. შეადგენს. სსრკ სახ. საეკგმო კომისიის „მასალების“ მიხედვით (რომელსაც აკლია კაპიტალური ხარჯების ეფექტიურობა), წლის საშუალო შენამატის ეს ციფრი ხუთწლიდისათვის მთელ სსრკ განსაზღვრულია 15,9 პორც.

აქ შესაძლებელია სრული კატეგორიულობით უარყყოთ ოპოზიციის საეხებით უსაბუთო მტკიცება იმის შესახებ, თითქოს ჩვენი სამრეწველო განვითარება კაპიტალისტურ ქვეყნებთან შედარებით, ნელის ტემპით მიმდინარეობდეს.

მაგალითად, ჩრდილო-ამერიკის შერთებულ შტატების სამრეწველო პროდუქციის საშუალო წლიური ზენამატი 1850-1900 წლამდე ეცემა 8,7 პროც-დან 4,3 პროცენტამდე, მეფის დროის რუსეთისათვის კი 8,2 პროცენტთან 1895 წ. 3,6 პროცენტამდე 1910 წ.

მაშასადამე, სსკ-ის, კერძოთ კი-საქართველოს, სამრეწველო პროდუქციის ზენამატი მნიშვნელოვნათ აღმატება კაპიტალიზმის უფრო სწრაფ და ინტენსიურათ. განვითარების ქვეყნების, როგორსაც წარმოადგენენ ამერიკა და მეფის დროის რუსეთი, სამრეწველო პროდუქციის ზენამატს.

როგორი მდგომარეობაა ჩვენში ახალი მშენებლობის მხრივ? შევხვით სატყეო მრეწველობას. 3 მილ. დეს. ტყისა და 150 სხვადასხვა სატყეო მრეწველობის მნიშვნელობის ჯიშის მიხედვით. საქართველოს ხის დამუშავების მრეწველობას მაქსიმალური ყურადღება უნდა მიექცეს. ეს გარემოება ჩვენ ვავითვალისწინეთ. ანგარიში გასწვიეთ ბაზრის მოთხოვნილებას და დავისახეთ, და ვანხორციელებთ შემდეგ პროგრამას: წიფლის ტყეების დიდ ფართობებმა საშუალება მოგვცა მარელისში აგვეო გრესილ ავეჯეულობის ფაბრიკა, რომელიც წლიურათ 120.000 სკამს ამზადებს. ფაბრიკა უკვე გადაცემულია საექსპლოატაციოთ და იქ 326 კაცი მუშაობს. ამასთან ერთათ შეუდევით საკასრე ქარხნის აშენებას ბორჯომში. ამ ქარხნის დანიშნულებაა უზრუნველყოს წიფლის კასრებით ჩვენი ერო-ქარხნის საექსპორტო ორგანიზაციები, რის გამო სსკ ვათავისუფლებულია აუცილებლობისაგან რძის ნაწარმისთვის ექსპორტისათვის საზღვარ-გარეთიდან შეღებულანოს საკასრე ტარა, რაც აქამდე ხდებოდა. ქარხანა მოწყობილია ტენიკის უკანასკნელი სიტყვის მიხედვით და ერთცვლიან მუშაობის დროს წლიურათ 600.000 საკასრე კომპლექტს დაამზადებს. ქარხანაში მუშაობს 250 კაცზე მეტი. დამზადებული კასრები კარგ-ხარისხისა და არაფრით არ ჩამოუვარდება საზღვარ-გარეთისას.

დამთავრებული და ამუშავებული შამონის სამჩარჩოიანი ხე-ტყის ქარხანა მდ. ინგურზე; 1.500 კუბ. ფუტ. წარმოებით, დანიშნულია ზემო სვანეთის ტყეების საექსპლოატაციოთ. ზაჰესის ჯებირებით მდ. მტკვრის გადაღობამ და ტივების ჩამოტანის შედეგებამ გამოიწვიეს ხე-ტყის ქარხნის აგების აუცილებლობა მცხეთაში — ზაჰესის ზევით. ქარხანა უკვე დამთავრებულია და მახლობელ თევებში დაიწყებს მუშაობას.

მდ. ბზინზე ხე-ტყის ქარხნის აგების დაწყებით სიძირკველი ჩაყარა აფხაზეთის მდიდარი ტყეების ექსპლოატაციას; ეს ქარხანა წარმოადგენს მოძავალ ძლიერ სატყეო კომბინატის პირველ უჯრედს. განზრახულია ქარხანას განსაკუთრებით საექსპორტო ხასიათი მიეცეს. ხე-ტყის დახერხის გარდა, ქარხანა დაამზადებს საყუთ მასალას, პარკეტს, ბურბუშელას და სხვ.

იმ საწარმოთა რიცხვს, რომლებიც ამუშავებენ ჩვენს ტყეებს, ეკუთვნის მდ. ინგურზე; შამონში, ასაგებათ განზრახული ქალაღის ფაბრიკა. მართალია, ეს საკითხი ერთობ გაქიანურდა, მაგრამ შეფერხება გამოწვეული იყო აუცილებლობით საფუძვლიანათ შეგვესწავლა ყველა დეტალები. და პირობები, რაც წამოწყების უექველ მომგებინარობის გარანტიას მოგვემდა. მახლობელ თევებში პროექტი საბოლოოთ დამთავრდება და მაშინ მუშაობის დაწყებას წინ არაფერი

გადაეღობება. ფაბრიკამ წლიურათ უნდა დაამზადოს სხვადასხვა ხარისხის ქალაღლი 1 მილ. ფუთის რაოდენობით, რაც უზრუნველყოფს არამც თუ საქართველოსა და ამიერ-კავკასიას, არამედ შესაძლებელი იქნება ნაწილის გატანაც. საწარმოს ღირებულება განსაზღვრულია 13 მილ. მან., მეშეშის რაოდენობა კი თვით წამოწყებაში (ტყის დამზადება არაა მხედველობაში მიღებული)—1.000 კაციით. სატყეო მრეწველობაში, ნარჩენების დიდი რაოდენობის გამო წამოიჭრა საკითხი მათი მიზანშეწონილათ გამოყენების შესახებ. ამ ნარჩენებიდან შეიძლება მივიღოთ ერთობ ძვირი და საჭირო პროდუქტები, როგორცია ხის ძმარი. ფისი, მეტილის სპირტი და სხვ. ამ მიზნით, წელს ბორჯომში დაიწყება ქიმიურ ქარხნის აგება ხის მშრალათ გამოსახდელათ. საჭირო მოწყობილობა უკვე შეკვეთილია გერმანიაში.

დიდ პრაქტიკულ პროგრამას ვანხორციელებთ აბრეშუმის მრეწველობაში. მებაბრეშუმეობა საქართველოში ძველი დროიდანაა განვითარებული. მაგრამ ამ დარგში მუშაობა განისაზღვრებოდა პარკის გატანით საზღვარ-გარეთ ან რუსეთში. საბჭოთა ხელისუფლების დროს კი აბრეშუმის სართავ და სახვევ ქარხნების აგება მებაბრეშუმეობის განვითარების ძლიერ სტიმულს წარმოადგენს და ამავე დროს საშუალებას მოგვცემს პარკის მოსავალი ადგილობრივ გადავამუშაოთ. მიმდინარე პერიოდში ამუშავებულია აბრეშუმის სართავი ქარხნები: თელავში 52 ტაშტიანი, ოზურგეთში 72 ტაშტიანი, ხონში 48 ტაშტიანი. ამას გარდა, ოზურგეთში აგებულია 2.400 თითისტარიანი აბრეშუმის სახვევი ქარხანა. ამჟამათ შენდება აბრეშუმის სართავი ქარხნები: ქუთაისში—144 ტაშტიანი, ხონში—96 ტაშტიანი (არსებულთან გაერთიანებით) და ოზურგეთში—72 ტაშტიანი. სააბრეშუმო მრეწველობაში, რასაკვირველია, ჩვენ არ უნდა დავკმაყოფილდეთ აბრეშუმის სართავ ქარხნების მხოლოდ აგებით, ვინაიდან ისინი ამზადებენ მხოლოდ ნახევრადფაბრიკატებს. გეგმის მიხედვით ვათვალისწინებულია აბრეშუმის საქსოვი ქარხნის აგება აბრეშუმისნაირ ქსოვილების დასამზადებლათ: ტფილისში არსებული ერთი აბრეშუმის საქსოვი ქარხანა ნედლეულის სულ უმნიშვნელო რაოდენობას ამუშავებს.

ასეთსავე გზას დავადექით ჩვენ საქართველოს მატყლის დამუშავების დარგში, რომელიც აქამდე გააქვთ განსაკუთრებით რუსეთის ბაზარზე.

ქუთაისის მაუღის ქარხანა ამზადებს წლიურად 120.000 მეტრ ქსოვილს; რაც, რასაკვირველია, ვერ აკმაყოფილებს ბაზრის მოთხოვნილებას და ვერც მთელი ჩვენი მატყლის პროდუქციის გადაამუშავებს.

ტფილისის მაუღის ქარხანა, რომელსაც ამჟამად ვაშენებთ, გერმანული და ინგლისური დაზგებით, დაამზადებს მილიონ მეტრზე მეტს ქსოვილს და 80.000 კლგ. წოხის ნართს. ქარხნის აგება დასრულდება 1928 წ. და მასში იმუშავება 900 მუშაზე მეტი.

საამშენებლო მასალის დიდმა სიმცირემ აუცილებელი გახადა ცემენტის ქარხნის აგება. რისთვისაც საუკეთესო ხარისხის ნედლეულის დიდძალი მარაგი მოგვეპოვება. ქარხანას ვაგებთ სადგ. კასპთან (გორის მაზრაში), წარმადობა ნავარაუდევია 700.000 კასრის რაოდენობით. ქარხანა ჯდება 4 ნახევარი მილ. მან. და იმუშავებს 600 მუშა.

სამთო საქმის დარგში. რომელსაც საქართველოში დიდი პერსპექტივება აქვს, თანდათან ვაფართოვებთ მუშაობას. ქუთაისში ვაგებთ ბარიტის ქარხანას წლიურად 400.000 ფ. გაწმენდილ და დაფქვილ ბარიტის გადისამუშავებლად. ქარხანა ბარიტს მიაწოდებს ს. ს. რ. კავშირის ლაქისა და საღებავების მრეწველობას. ქარხნისათვის გერმანული მოწყობილობა უკვე მიღებულია და ქარხნის აგებაც დასრულდება 1928 წ.

აგრეთვე უნდა აღინიშნოს სამთო მრეწველობის დარგში ჩატარებული სხვა სამუშაოებიც. დაწყებულია ინფუზორიტის ამოღება. კარგი შედეგები მოგვცა ლიტოგრაფიის ქვის დამუშავებამ (ს. ს. რ. კავშირში შესწყდა უცხოეთიდან მისი შემოზიდვა).

განზრახულია ნატანების ბიტუმიან სილის დამუშავება, საუკეთესო შედეგები მოგვცა ქართულმა ფლორიდინმა, რომელიც ნავთის მრეწველობაში იხმარება და რაც ამდენხანს უცხოეთიდან შემოგვკვანდა. ვაწარმოებთ გურიის ნავთის დაზვერვას.

განსაკუთრებული ყურადღება ექცევა ტყვარჩელის ნახშირს, რომელსაც საკავშირო მნიშვნელობა აქვს. ამჟამად ჩვენ ვარკვევთ ტყვარჩელის ნახშირიდან მეტალურგიულ კოქსის მიღების შესაძლებლობას. დადებითი შედეგები (რაშიაც ექვი არ გვეპარება) უკვე შესაძლებლად გახდის საქართველოში და საერთოდ აკავკასიაში, მეტალურგიული მრეწველობის შექმნის საკითხის პრაქტიკულად დაყენებას.

განზრახულ დიდი მასშტაბის საწარმოებს შორის უნდა აღვნიშნოთ მინის ქარხანა ლაშეში (ხარაგოულში), შაქრის ქარხანა (გორის მაზრაში) და მექანიური ქარხანა ტფილისში.

შაქრის ქარხლის დათესვის ცდამ გორის მაზრაში ბრწყინვალე შედეგები მოგვცა, მოსავლიანობისა და ხარისხის მხრივ ეს ცდები მომავალ წელშიაც გაგრძელდება და ერთი წლის შემდეგ შევეუდგებით შაქრის ქარხნის პროექტის განხორციელებას.

ტფილისში მექანიურ ქარხნის აგების საკითხი უკვე პრაქტიკულად არიზ გადაჭრილი როგორც აქ, ისე საკავშირო ორგანოებში და საჭირო თანხებიცაა გადადებული. საწარმოების დაქუცმაცების და მოწყობილობათა გაცვეთის გამო აუცილებელია ახალი ქარხნის აგება. გეგმა მოსკოვში მუშავდება, ქარხნის ღირებულება წინასწარ ნაანგარიშეა 3 მილ. მან., ხოლო მუშახელი — 1.200 კაცის რაოდენობით.

დიდი ყურადღება ექცევა ადგილობრივ მრეწველობის განვითარებას. აქ ხდება სასოფლო-სამეურნეო პროდუქციის დამუშავება, რაც ზრდის ამ პროდუქციის ღირებულებას, ხოლო მეორეს მხრივ ადგილობრივ მრეწველობამ უნდა მიაწოდოს ჩვენს სოფელს საჭირო საამუშენებლო მასალები. ამ დარგში დასახულია ჯერჯერობით შემდეგი პროგრამა. შენდება გორის მაზრაში ორი ხილის სახმობი ქარხანა და ერთი ახალციხის მაზრაში. გორში შენდება საკონსერვო ქარხანა, შენების პროცესში იმყოფება ახალქალაქისა და დუშეთის მაზრაში ერო-კარაქის ორი ქარხანა, აგებულია ოზურგეთში კაკლის საწმენდი ქარხანა, ერთი შენდება ზუგდიდში. უახლოეს დროში შევეუდგებით აგურ-კრამიტის ქარხნების

აგებს ახალენაკში, შორიპანსა და კახეთში (მეორე რიგში). ამის გარდა ქუთაისში შენდება კირის ქარხანა.

ასავე და განზრახულ საწარმოების მოკლე დასახელება საკმაო იმის ნათესაყოფად, რომ დიდი სამრეწველო აღმშენებლობის ხანაში ვიმყოფებით. მაგრამ ამ დარგში ჩვენ ხშირად ხელს გვიშლის ერთგვარი დისპროპორცია, — ესაა ინჟინერ-ტექნიკური ძალების სიმცირე. ამიტომაც მუშაობის დროს გვაქვს შეცდომები და ნაკულულოვანებანი. მუშაობა ხშირად ჭინურდება, ბევრს ვხარჯავთ და ხშირად ნამუშევარიც არაა დამაკმაყოფილებელი. აუცილებელია ენერგიულ ღონისძიებათა მიღება მუშაობის ახალ მეთოდების დასამკვიდრებლად, აღმშენებლობაში ტექნიკის მიღწევათა გამოსაყენებლად. პარტიის ღირებულება აღმშენებლობის, რასაკვირველია სააღმშენებლო მასალების, ღირებულების 15 პროც. შემცირების შესახებ მტკიცედ უნდა გატარდეს ცხოვრებაში, რასაც უდიდესი საერთო-სამეურნეო მნიშვნელობა აქვს.

სამრეწველო პროდუქციის თვითღირებულების 15 პროც. დაკლების კამპანიამ უმნიშვნელო შედეგები მოგვცა (არა უმეტეს 2,5—3 პროც.). ეს სრულებით არაა საკმაო. ეს კამპანია გაორკეცებული ენერგიით უნდა გაგრძელდეს. უახლოეს წელში სამრეწველო პროდუქციის თვითღირებულების დაკლება არ უნდა იქნეს 5 პროცენტზე ნაკლები 1926-27 წ. მიღწეულ დონესთან შედარებით. ამას უნდა მივალწიოთ წარმოების სოციალისტური რაციონალიზაციით, ტექნიკის უკანასკნელი მიღწევების გამოყენებით, შრომის ორგანიზაციის გაუმჯობესებით, მუშახელის კვალიფიკაციის აწევით, სამუშაო დღის სრული დავტვირთვით და სხ.

ყველა ამ ღონისძიებათა განხორციელება შესაძლებლად გახდის ხელფასის მომატებას, შეამცირებს პროდუქციის თვითღირებულებას და საერთოდ გაზრდის შრომის ნაყოფიერებას.

ზოგიერთ ჩვენს საწარმოში ამ მხრივ მართლაც გვაქვს მიღწევები, მაგრამ ეს მიღწევები ვერ დაგვაკმაყოფილებს. მაგ., თამბაქოს მრეწველობაში კონვეიერის სისტემის შემოღების შემდეგ ერთი მუშა დღეში ახარისხებს 32 კლგ. მაგიერ 72 კლგ., ასევე მიღწევები გვაქვს მრეწველობის სხვა დარგებშიც. საერთოდ ბევრი მაგალითის დასახელება შეიძლება იმის საილუსტრაციოდ, თუ როგორ იზრდება მექანიზაციისა და რაციონალიზაციის შემდეგ შრომის ნაყოფიერება და მატულობს ხელფასიც.

სამრეწველო პროდუქციის თვითღირებულების დაკლებამ არ უნდა გააუარესოს საქონლის ხარისხი, პირიქით, მიზნად უნდა დავისახოთ პროდუქციის ხარისხის გაუმჯობესება.

როგორც ს. ს. რ. კავშირის, ისე ჩვენი სახალხო მეურნეობისთვის ერთ უდიდეს სიძნელეს წარმოადგენს უმუშევრობის ზრდა ქალაქებში, რასაც განსაკუთრებული მწვავე ხასიათი ეძლევა ჩვენში არსებული მიწის სიმცირის გამო. შიუხედვად იმისა, რომ ზემოთმოყვანილი ციფრები ცხადყოფს ჩვენი სამრეწველო აღმშენებლობის ჩქარ ტემპს, მრეწველობა მაინც ვერ იკრებს მთელ თავისუფალ მუშახელს და ამიტომაც უმუშევრობასაც ჩვენში აქვს ადგილი.

უმუშევართა რიცხვი საქართველოში უდრიდა 1924 წ. ოქტ. 12.300 კაცს. ხოლო 1927 წ. 1 ივლ. აღრიცხულია 23.000 უმუშევარი, უმუშევრების 75%-ს წაადგენს საკანტორო-საკანცელარიო პერსონალი და ყოველგვარ კვალიფიკაციის მოკლებული მუშები. შესამჩნევია ისეთ უმუშევართა რიცხვით, რომელთაც ან სრულებით არ გააჩნიათ ან და უმნიშვნელო სტაჟი აქვთ.

უმუშევრობის სოციალური შემადგენლობის შესწავლამ გამოარკვია, რომ უმუშევრობას აღიდებს სოფელი, რომლის ზედმეტი მოსახლეობა სამუშაოს ქალაქში ეძებს.

უმუშევრებს ეძლევათ ფულადი დახმარება, მათთვის ეწყობა საზოგადოებრივი სამუშაოები და ხდება მათი სოციალური დაზღვევა. მიმდინარე წელს უმუშევრობასთან საბრძოლველად გადადებულია 200 ათ. მან. საზოგადოებრივ სამუშაოებისთვის გადადებული იყო 43 ათ. მან. ამის გარდა საქართველოს სხვადასხვა ქალაქებში მოეწყო უმუშევართა კოლექტივები, რომლებშიაც ჩაბმული იყო 3 ათ. უმუშევარი. ყველა ეს ღონისძიებანი, რასაკვირველია, უმუშევრობას მხოლოდ ანელებს, მისი დაძლევა ამ ზომებით, რასაკვირველია, არ მოხერხდება.

არ შეეცებით ზოგიერთ „ეკონომისტებს“, რომლებიც გვიჩვენებენ სამრეწველო განვითარების ისეთ დაჩქარებას, რომ შესაძლებელი შეიქნეს მრეწველობაში ყველა უმუშევართა ჩაბმა: განვითარების ასეთი ტემპი მოითხოვს მოკლე დროში კოლოსალურ საშუალებათა დახარჯვას, რაზედაც ფიქრიც ზედმეტია.

უმუშევრობასთან ბრძოლა სწორედ სოფლიდან უნდა დაიწყოს. უნდა მივიღოთ სასტიკი ზომები იმ მიზნების წინააღმდეგ, რომელიც იწვევს უმუშევრობას. უმთავრეს ღონისძიებას უმუშევრობის წინააღმდეგ წარმოადგენს თვით სასოფლო მეურნეობის ინდუსტრიალიზაცია, სასოფლო-სამეურნეო პროდუქტების დამამუშავებელ მრეწველობის განვითარება. უნდა მოვაწყოთ ქაობების ამოშრობა, მორწყვა და სხ.

ამის გარდა საჭიროა, რათა უმუშევართა, განსაკუთრებით ახალგაზრდობის, რიგებიდან მოვამზადოთ ჩვენი ახალ-საწარმოებისთვის კვალიფიციური მუშახელი და ამით უზრუნველყოთ ჩვენი მრეწველობა საჭირო კვალიფიკაციის მუშახელით.

მრეწველობის და საერთოდ მთელი სახალხო მეურნეობის აღორძინებასთან დაკავშირებით უმჯობესდებოდა მუშების მატერიალური მდგომარეობაც. ერთდროულად იზრდებოდა შრომის ნაყოფიერებაც; რაც გამოიწვია, ერთის მხრივ, მუშის შრომის ინტენსივობის ზრდამ და, მეორეს მხრივ, შრომის პირობების გაუმჯობესებამ და წარმოების მექანიზაციამ და რაციონალიზაციამ.

საქართველოს მთელ ცენტრში მრეწველობაში საშუალო თვიური ხელფასი 1926-27 წ. 4,7%-ით მეტია 1925-6 წ. შედარებით და 24,9% მეტი, ვიდრე 24-25 წ.

მრეწველობის შვიდ მთავარ დარგში, რომელთა შესახებ გვაქვს ცნობები ომის წინადროსთან დაპირდაპირებისთვის, საშუალო თვიური ხელფასი 1926-27 წ. შეადგენდა 1913 წ. მიმართ 94,5%; სამთო მრეწველობაში საშუალო თვიური ხელფასი ომის წ. დროსთან შედარებით გაზრდილა 9%-ით, ხის დამამუშავების მრეწველობაში — 11,9%; კვების მრეწველობაში — 15,2%, პოლიგრაფიულ

მრეწველობაში — 29,3%-ით. არ არის მიღწეული ომამდე არსებული დონე ლითონის მრეწველობაში (84%) და ტყაის მრეწველობაში (91,7%).

თუ შევადარებთ დღიურ ხელფასს ს. ს. რ. კავშირში და საქართველოში მრეწველობის სხვადასხვა დარგების მიხედვით, ვნახავთ, რომ ჩვენში ხელფასი უფრო დიდია, ვიდრე ს. ს. რ. კავშირში^{*)}.

		ლითონის მრეწველობა	ტყაის მრეწველობა	პოლიგრაფ. მრეწველობა	ხის დამამზ. მრეწველობა
ოქტომბ. 1926 წ.	ს. ს. რ. კ.	2.76	2.95	2.96	2.10
	საქართველ.	3.39	3.14	3.01	2.14
იანვარი 1927წ.	ს. ს. რ. კ.	2.84	3.04	3.04	1.96
	საქართველ.	3.51	3.31	3.80	2.55
აპრილი 1927 წ.	ს. ს. რ. კ.	2.98	3.20	3.24	2.05
	საქართველ.	3.92	3.12	3.56	2.31

ამგვარადვე იზრდება შრომის ნაყოფიერება. თუ 1925-26 წ. მრეწველობის ზოგ დარგში ხელფასის ზრდა ჩამორჩებოდა შრომის ნაყოფიერების ზრდას, 1926-27 წ.-კი საწინააღმდეგო მდგომარეობა გვაქვს. მაგ., ტრესტებში ვაერთიანებულ საქართველოს მრეწველობაში შრომის ნაყოფიერება 1926-27 წ. 1925-26 წელთან შედარებით უდრის 102,1%-ს, ხოლო წმინდა დღიური ხელფასის ზრდა კი — 107,4%-ს. მართალია სათანადო ციფრები ტყავტრესტში უდრის 130,3 და 105,9, თამბაქოს ტრესტში — 120,3 და 115,0, მაგრამ საერთოდ შრომის ნაყოფიერების ზრდა ჩამორჩენილია. ამ მოვლენას უსათუოდ დიდი ყურადღება უნდა მიექცეს.

როგორც ვიკით, 1927-28 წ. საკონტროლო ციფრების შედგენის დროს მოცემული იყო დირექტივა ნომინალური ხელფასის 1926-27 წ. შედარებით 6,5%-ით გადიდების შესახებ. თუ მხედველობაში მივიღებთ, რომ ერთდროულად ადგილი ექნება საბიუჯეტო ინდექსის დაკლებისთვის ბრძოლას, მაშინ საშუალო წლიური ხელფასი ნამდვილად მოიმატებს 12-13%-ით. ამ პირობებში შრომის ნაყოფიერების გადიდების საკითხს მთელი სახალხო მეურნეობისთვის უდიდესი მნიშვნელობა ეძლევა, ნამეტურ 7 საათის სამუშაო დღის შემოღების შესახებ საკავშირო ცაკის მანიფესტთან დაკავშირებით.

საბინაო კრიზისი კიდევ წარმოადგენს სერიოზულ დაბრკოლებას ჩვენი მრეწველობის განვითარებისა და მუშათა კლასის მატერიალურ მდგომარეობის

*) ეს ციფრები ამოღებულია ს. პ. კ. ს. არს. შრომის სტ. ბიუროს მასალებიდან, ს. ს. რ. კავშირისათვის ს. ს. რ. კ. ს. მ. უ. ს. სტატ. გან. „ბიულეტენებიდან“.

გაუმჯობესებისათვის. 1927 წლიდან ღღემდე სხვადასხვა ორგანიზაციებმა საბინაო ამშენებლობაზე 7,3 მილ. მან. დახარჯეს, რაც არაა საკმარისი, არ შეეცებოდა ამ საკითხს დაწვრილებით, მაგრამ უნდა აღინიშნოს, რომ აუცილებელია, რათა ახალი ფაბრიკა-ქარხნების აგების დროს სავალდებულო იქნეს მუშების ბინების საკმარისოდ აღმოჩენა. ყოველად დაუშვებელია, რომ ქარხანა ამშენდეს, ხოლო მუშებს საცხოვრებელი ბინა არ ექნეს.

სამრეწველო ამშენებლობისთვის უდიდესი მნიშვნელობა აქვს ელექტროდიკაციას, რადგან ენერჯით მომარაგების საკითხი ჩვენი მრეწველობის განვითარებისთვის სერიოზულ მომენტს წარმოადგენს. მთის მდინარეების სიუხვე და წყლის ენერჯის გამოყენების ხელსაყრელი ბუნებრივი პირობები გვიკარნახებს ჰიდრო-ელექტრონულ ამშენებლობის განვითარების შესაძლებლობას და აუცილებლობას; ამ დარგში სხვა საბჭოთა რესპუბლიკებთან შედარებით მეტი მიღწევები გვაქვს.

1922-23 წ. საქართველოში იყო 22 თბოსადგური და 7 მცირე ჰიდროსადგური. ყველა ამ სადგურების საერთო ძალოვნობა არ აღემატებოდა 12.000 ცხ. ძ.; მთელი ძალოვნობის 87%-ს იძლეოდა თბოსადგურები, დანარჩენ 13%-ს კი ჰიდროსადგურები. ამგვარად მოსახლეობის ერთ სულზე მოდიოდა 8 კვ. ც.

თუ ვიანგარიშებთ უკვე აგებულ სადგურებს და აგრეთვე ანგარიშში მივიღებთ იმ სადგურებს, რომელნიც აშენდება 1930-31 წლამდე, მაშინ ყველა სადგურების მთელი ძალოვნობა იქნება 63.000 ცხ. ძ. (ჰიდროსადგურები მოგვცემენ მთელი ენერჯის 97%-ს, ხოლო თბოსადგურები — 3%-ს). ამ შემთხვევაში ელექტროენერჯის სულდობრივი მოთხოვნები იქნება 8,4 კვ. ც.

არ იქნება ინტერესს მოკლებული, თუ გინდ, მოკლეთ აღინიშნოს როგორ სადგურებს ვაგებთ და როგორი სადგურების აგება გვაქვს გათვალისწინებული მახლობელ ხუთწლედში. როგორც ვიცით, ზაპესი ბრწყინვალეთ დამთავრდა. სხვა ჰიდროსადგურებს შორის უნდა აღინიშნოს უკვე დაწყებული რიონის ჰიდროსადგური, რომელიც 60.000 ცხ. ძალ. არის ნავარაუდები, პირველათ მისი ძალოვნობა 30.000 ცხ. ძალ. იქნება განსაზღვრული. შემდეგ შეეცებოდა აპარის წყლის მწენებარ ჰიდროელსადგურს (ბათომიდან 30 ვერსტის მოშორებით). პირველათ მისი ძალოვნობა 7.500 ცხ. ძალას შეადგენს, მაგრამ შეიძლება აყვანილ იქნეს 12.000 ცხ. ძალამდე. გათვალისწინებულია ამ სადგურის დამთავრება 1928-29 წ. მოვიხსენიებთ აგრეთვე აბაშის ჰიდროსადგურს, რომლის ძალოვნობა პირველათ შეადგენს დაახლოებით 2.500 ცხ. ძალ., მაგრამ შესაძლებელია ავიყვანოთ 3.200 ცხ. ძალამდე. სხვა ნაკლებ ძალოვან სადგურებს შორის, რომლებიც უკვე აშენებულია ან აშენდება, უნდა აღინიშნოს ახალციხის, აბასთუმნის ჰიდროელსადგურები, შემდეგ ხონის, შოვის, ცხინვალის და ახალქალაქის. ამ სადგურებს გარდა, განზრახვაა მახლობელ ხუთწლედში აიგოს შემდეგი ადგილობრივი ხასიათის სადგურები: აფხაზეთის ჰიდროელსადგური 1.500 ცხ. ძალ., ოზურგეთის და ბორჯომის 550 ცხ. ძალამდე. შემდეგ სვანეთში, სოფ. მესტიას მახლობლათ; პირველათ 100 ცხ. ძალ., ცაგერის 1.200 ცხ. ძალ., ბოლოს ლაგოდინში 100 ცხ. ძალ. გათვალისწინებულია აგრეთვე ელდენის გადამცემ სასოფლო ქსელების მოწყობა ზემო-ავეკალის სადგურის მახლობელ რაიონების საელექტროფიკაციით.

ესენი შემდეგია: 1) ზაქესი-მარტყოფი-საგარეჯო — 60 კილომეტრის სიგრძით, 2) ზაქესი-კოჯორი-მანგლისი და კოჯორი-თეთრი წყარო — დაახლოებით 90 კილომეტრის სიგრძით, 3) გორის ქვესადგური-ცხინვალი — 30 კილომეტრის სიგრძით, 4) ზაქესი-ერწო-თიანეთის რაიონი — 50 კილ. სიგრძით.

ეს არის დღევანდელი დღის და მახლობელი მომავლის პროგრამა, და თუ ცოტათი შორს გავიხედავთ, წესრიგში იქნება ისეთი გიგანტი, როგორც თოვორავანის ჰიდროსადგური არის, რომლის ძალეობა 100.000 ცხ. ძალ. არის განსაზღვრული. ამჟამათ ჩვენ უკვე ვეწეით მოსამზადებელ მუშაობას ჰიდროელსადგურის პრობემის შესასწავლათ.

საქართველოს სასოფლო მეურნეობა ოქტომბრის რევოლიუციის ათი წლის თავზე.

საქართველოს საერთო მოსახლეობის რიცხვიდან სასოფლო მეურნეობაში ჩაბმულია მოსახლეობის 77,7% ე. ი., დაახლოებით იმდენი, რამდენიც გვაქვს საკავშირო მასშტაბით.

სახალხო შემოსავალში სოფლის მეურნეობის წონა უდრის 69,8%, ხოლო ა/კ ფედერაციისათვის—63,3%, და კავშირისათვის—37,7%. საექსპორტო ვაჭრობაში სოფლის პროდუქციის წონა შეადგენს საერთო ღირებულების 49,9%, ხოლო საკავშირო მასშტაბით კი 40,5%.

შესადლოა აქ მოგვეყვანა სხვა მაჩვენებლებიც, მაგრამ ნათქვამითაც საკმარისათ ნათელია ის დიდი მნიშვნელობა, რომელიც აქვს ჩვენს სახალხო მეურნეობაში სოფლის მეურნეობას და მის ცალკე დარგებს. აღენიშნავთ მხოლოდ, რომ საქართველოს ბუნებრივი პირობები მეტად ხელსაყრელია სოფლის მეურნეობის განვითარებისათვის, ნამეტურ ტენიკურ კულტურებისა და სამრეწველო მესაქონლეობისათვის, რაც მრეწველობის განვითარებისათვის აუცილებელ პირობას წარმოადგენს.

მიუხედავად ამისა, ძველი რეჟიმის დროს სოფლის მეურნეობას ნაკლები ყურადღება ექცეოდა, იგი სახელმწიფოებრივ ზეგავლენის გარეშე იღვა და ვითარდებოდა სრულიად სტიქიურად.

იმპერიალისტურ და სამოქალაქო ომის ხანაში (1914—1921 წ.) საქართველოს სოფლის მეურნეობის განვითარება, ისე როგორც საერთოდ ყველა საწარმომო ძალთა განვითარება, რასაც ქვევით დავინახავთ დაქვეითების, ხოლო ზოგიერთი დარგი სრულიად მოსპობის გზას ადგება და ომამდე ჩასახული მცირეოდენი საბაზრო და სამრეწველო კულტურების შექმნის ტენდენცია სრულიად ისპობა.

საბჭოთა ხელისუფლების დამყარების დღიდან (1921 წ.) ზოგად პოლიტიკურ ამოცანებთან ერთად ისმის ომამდე არსებულ დონემდე გაპარტახებულ მეურნეობის აღდგენის გრანდიოზული ამოცანა და სოფლის მეურნეობის განვითარება ექცევა საერთო შთიან სახელმწიფო გეგმაში სოციალისტურ მშენებლობასთან დაკავშირებით. ეს გრანდიოზული ამოცანა, რომელიც ითხოვდა არაჩვეულებრივ ძალთა დაჭიმვას და უდიდეს ენერჯის დახარჯვას საბჭოთა ხელისუფლების მიერ 7 წლის განვლილ პერიოდში სავსებით შესრულებულია და ზოგიერთ დარგში ეს დონეც გადალახულია.

აქ შეჯამებით შევხებით ამ განვლილ მუშაობას და ზოგადად ვუჩვენებთ იმ მიღწევებს, რომლებიც საბჭოთა ხელისუფლებას აქვს სოფლის მეურნეობის დარგში ოქტომბრის რევოლიუციის ათი წლის თავისთვის.

ამისათვის ავიღებთ უკანასკნელ 14 წლის პერიოდს, რომელიც შეიცავს ომის წინა დროს, ომიანობას რევოლუციასთან ერთად და უკანასკნელ წლების აღდგენითი პერიოდს. ეს საერთოდ მაჩვენებელია, ერთის მხრივ, იმ ღრმა ცვლილებებისა, რომელიც გაიარა სოფლის მეურნეობამ უახლოეს წარსულში და მეორეს მხრივ, ნათელს ჰყოფს უკანასკნელ წლების მიღწევებს ამ დარგში.

შევეხოთ თითოეულ დარგს ცალ-ცალკე.

მემინდვრეობა. პურეულის ნათესების არე და მოსავალი ამ ხნის განმავლობაში შემდეგი არის.

წ ლ ე ბ ი.	1909-13 წ.	1921 წ.	1924 წ.	1925 წ.	1926 წ.	1927 წ.
არე ათას ჰექტ.	698,2	523,6	710,2	723,9	751,2	718,1
მოსავალი ათას ტონ.	657,6	360,0	614,7	721,9	742,2	609,0

ამრიგათ, მემინდვრეობა აღდგენილ იქნა 1925 წელს. 1927 წელს ნათესობის არემ კი გადააჭარბა მშვიდობიან დროის დონეს 2,7%-ით.

მ ე ბ ა მ ბ ე ო ბ ა.

წ ლ ე ბ ი.	1909-13 წ.	1917 წ.	1923 წ.	1925 წ.	1926 წ.	1927 წ.
არე ათას ჰექტ.	6,1	1,3	1,0	7,5	9,4	4,9
მოსავალი ათას ტონ.	1,2	0,3	0,2	0,8	0,6	0,8

ამრიგათ, მებაზმეობის ნათესების არე თითქმის ჯუთანასწორდა მშვიდობიან დროის არეს (80,3%).

როგორც სჩანს უკანასკნელ წლებში ბამბის ნათესებმა საგრძნობლად იმატა, ხოლო 1927 წელს ბამბის ნათესობა შემცირდა 52,1%-ით 1926 წელთან შედარებით, რაც აიხსნება: დროებითი და გარდამავალი ხასიათის დაბრკოლებებით.

მ ე თ ა მ ბ ა ქ ო ო ბ ა.

წ ლ ე ბ ი.	1909-13 წ.	1918-20 წ.	1925 წ.	1926 წ.	1927 წ.
არე ათას ჰექტ.	10,1	2,5	9,2	14,1	13,1
მოსავალი ათას ტონ.	9,3	2,3	8,0	12,0	10,0

ამრიგათ ამ დარგში გვაქვს გადამეტება მშვიდობიან დროის დონესთან შედარებით; ფართობის 29,7%-ით, მოსავალის—7,5%-ით. შარშანდელ წელთან შედარებით ფართობმა დაიკლო 7,1%¹, მოსავალმა წინასწარ გამოანგარიშებით დაიკლო 6,7%. საერთოდ საქართველოში ტექნიკური კულტურების არე 1927 წელში 1909—1913 წელთან შედარებით გაზარდა 16,8%-ით.

მევენახეობა და მებაღეობა. ამ ორი დარგის პროდუქცია 1913 წელს შეადგენდა 16,7% მთელი სოფლის მეურნეობის პროდუქციისას. ასეთი მნიშვნელობა მათ არ დაუკარგავს და ამჟამად თვალსაჩინო ადგილი უჭირავთ. ამ დარგების ევოლიუცია შემდეგნაირათ ხასიათდება.

ვენახი.			ბაღი.	
წლები	არე ათას ჰექტ.	მოსავალი ათას ტონ.	წლები	არე ათას ჰექტ.
1909—13	49,4	154,2	1913	7,4
1917	41,0	96,4	1923	9,2
1924	39,0	160,9	1924	11,4
1925	37,4	134,9	1925	10,7
1926	37,5	155,8	1926	10,8
1927	37,7		1927	15,8

ამრიგათ ვენახების ფართობი 1927 წელში იყო შედარებით 1913 წელთან ნაკლები 23,7%¹.

ვენახების ფართობის კატასტროფული დეპრესია 45,2 ათას ღესეტინიდან 1913 წელში 34,5 ათას ღეს-მდე 1927 წელში (23,7%¹) აიხსნება ფილოქსერის გაჩენით, რომელიც დღესაც დიდ საშიშროებას უქადის ჩვენს მევენახეობას. აღნიშნული პროცესი, როგორც ეს სჩანს უკანასკნელ წლების ცნობებიდან, მთელი 100%¹-ით შეჩერებულია და ეხლა უკვე იწყობა ამ ფართობის გადიდება.

მებაღეობაში ნავარაუდევია არ არის აქა იქ გაფანტული ხილის ნარგავები, რომლის რაოდენობა 1923 წლის აღწერით აღემატებოდა 4 მილ. ძირს, რაც ფართობზე გადაყვანით უდრის 13,3 ათას ღესეტინას.

მეზოსტნეობა. მეზოსტნეობის ფართობი და პროდუქცია ხასიათდება შემდეგი ცნობებით:

	1913 წ.	1924 წ.	1925 წ.	1926 წ.	1927 წ.
არე ათას ჰექტ.	7,1	3,8	3,9	6,0	6,0
პროდ. ათას ტონ.	—	688,1	802,6	737,6	557,0

სუბტროპიკული კულტურებიდან დიდი მნიშვნელობა აქვს ჩაის კულტურას, ეს კულტურა ხასიათდება შემდეგნაირათ.

	1909--13 წ.	1925 წ.	1926 წ.	1927 წ.
არე ჰექტარ.	—	1267	1338	1904
მოსავ. ათას კილოგ. —	—	799,4	848,2	—

ამრიგად ჩაის კულტურას არე 1927 წელში გაიზარდა 1913 წელთან შედარებით 152,6%-ით.

დანარჩენ სუბტროპიკებიდან გავრცელებულია მანდარინის პლანტიციები, რომლის ფართობი უდრის 700 დეკეტინას. 1926 წლის მოსავალი უდრიდა 17,5 მილიონ ცალს, რომლის ღირებულება იყო 875 ათასი მანეთი.

მესაქონლეობის მდგომარეობის დასახასიათებლად მოვიყვანთ შემდეგ ცხრილს.

ათას სულებში.

	1913 წ.	1917 წ.	1923 წ.	1924 წ.	1925 წ.	1926 წ.	1927 წ.
ცხენები	120,5	88,3	74,3	81,4	92,9	93,6	94,9
მსხვილფეხა საქონ.	1301,7	1186,5	1145,0	1273,7	1320,2	1400,2	1441,9
ცხვრები	1668,5	1414,4	873,4	1630,2	1711,9	1808,8	1900,0
თხვები	190,9	196,8	142,0	154,2	163,4	180,4	191,2
ლორები	284,2	356,7	303,5	410,0	447,5	537,0	585,4
დანარჩენები	32,5	18,0	14,9	15,9	17,0	18,1	19,2
სულ	3593,3	3260,7	2643,7	3565,4	3742,9	4038,1	4233,6

აქედან სჩანს, რომ საქონლის საერთო რიცხვი გასცდა მშვიდობიან დროის დონეს 17,8%-ით და თვითული ნაწილი მესაქონლეობისა აღუგენის გზაზე დამდგარი: თვითულ ცალკე სახის საქონლის ანალიზი გვიჩვენებს კი, რომ ამ დროსთან (1913 წ.) შედარებით 1927 წელში ჩვენ გვაქვს მეცხენეობაში 21,3%-ი დაკლება, მსხვილფეხა რქიან საქონელში 10,8%-ი მომატება, მეცხვარეობაში 14,2%-ი გადაჭარბება, მელორეობაში 106,4%-ი მომატება. ამრიგად, გადიდა მსხვილფეხა საქონელი, ცხვარი და ლორი. ცხენი და ჯორი კი ჯერჯერობით ჩამორჩენილია. თუ შეხედვლობაში მივიღებთ, რომ საკავშირო მასშტაბით მესაქონლეობა 1926 წელში აღდგენილია მხოლოდ 88,1%-ით, აქაც ჩვენი მიღწევები ნათელია.

მებარეშუმეობის დასახასიათებლად ჩვენ გვაქვს შემდეგი ცნობები:

წლები:	1913 წ.	1920 წ.	1924 წ.	1925 წ.	1926 წ.	1927 წ.
გაცოცხლებულია ათას კოლოფებ.	80	45	104	84	97	98
მოსავალი ათას ფუთ.	95,0	50,0	120,0	130,0	150	120,0

ამრიგად, მებარეშუმეობა საერთოდ დიდ მიღწევებს გვიჩვენებს, თუმცა 1927 წელს 1926 წელთან შედარებით მეტეორიოლოგიურ პირობებთან დაკავშირებით პარკის მოსავალმა რამოდენიმეთ დაიკლო.

საინტერესოა საქართველოში დამზადებული და უცხოეთიდან შემოტანილ თესლის ცვალებადობა ათას კოლოფებში და %/0-ით.

შემოვიდა უცხოეთიდან 1920 წ. 41(91,12%/0) 1921 წ. 50(90,9%/0), 1922 წ. 30(83,3%/0) 1923 წ. 55(87,2%/0), 1924 წ. 87(83,7%/0), 1925 წ. 49(58,3%/0), 1926 წ. 25(25,8%/0). 1927 წ. 6,0.

დამზადა საქართველოში: 1920 წ. 4(8,9%/0) 1921 წ. 5(9,12%/0), 1922 წ. 6(16,7%/0), 1923 წ. 8(12,7%/0), 1924 წ. 17(16,3%/0), 1925 წ. 35(41,7%/0), 1926 წ. 72(74,2%/0) 1927 წ. 98,0.

აქედან ცხადია, რომ ჩვენ ვნათავისუფლდებით უცხოეთიდან შემოტანილ თესლისაგან და ფებს იკიდებს ადგილობრივი დამზადება. უახლოეს ხანში საზღვარ გარეთიდან შემოტანილი იქნება მარტო საჯიშე თესლი. დანარჩენი საქირო თესლი მთელი 100%/0-ით დამზადდება საქართველოში.

მეფრინველეობა და მეფუტკრეობა.

ამ ორ დამხმარე დარგში ჩვენ გვაქვს შემდეგი სურათი:

მეფრინველეობაში.

წლები.	1923 წ.	1924 წ.	1925 წ.	1926 წ.	1927 წ.
ფრინველი მილ.	3,4	3,7	3,8	4,1	4,5
კვერციხი მილ.	—	173,1	176,8	188,6	203,4

მეფუტკრეობაში.

წლები:	1923	1925	1926	1927
ძირი ფუტკარი				
ათას.	68,2	82,6	90,3	96,7
პროდუქცია (თაფლი, ფიქა) ათას ფუთ.	20,7	32,6	40,6	43,5

ამრიგად, ამ ორივე დარგსაც ეტყობა დიდი წინსვლა და განვითარება.

საბოლოოდ სოფლის მეურნეობის საერთო პროდუქცია ნაჩვენებ პერიოდის განმავლობაში 1913 წლის ფასებით მილ. მანეთებში შემდეგ სურათს იძლევა.

პროდუქცია	1913 წ.	1923 წ.	1924 წ.	1925 წ.	1926 წ.
მცენარეულობა	73,7	54,4	61,5	66,3	70,7
მესაქონლეობა	35,1	31,8	35,5	37,3	38,3
ს უ ლ .	108,8	86,2	97,0	103,6	109,0

ამრიგად, სოფლის მეურნეობის საერთო პროდუქცია წლით - წლობით იზრდება და 1926 წელს გვაქვს 0,28 მატება 1913 წელთან შედარებით. აქ უნდა აღვნიშნოთ, რომ მესაქონლეობა უფრო სწრაფათ ვითარდება, ვიდრე მცენარეულობა და 1926 წელში სოფლის მეურნეობის ამ დარგის პროდუქციამ 9%/0

გადააქარბა მშვიდობიან დროის დონეს. ამასთან დაკავშირებით მცენარეულობის პროდუქციის მონაწილეობა სოფლის მეურნეობის საერთო პროდუქციაში 67,7%-დან 1913 წელში დაეცა 64-დის, ხოლო მესაქონლეობისა კი 32,3%-დან გაიზარდა 36%-დე.

1926 წლისათვის სოფლის მეურნეობის პროდუქცია 1913 წელთან შედარებით უდრიდა: საქართველოში—95,1%, სომხეთში 78% და აზერბეიჯანში—82%. თითქმის ასეთივე სურათს გვაძლევს ჩვენი სოფლის მეურნეობის შედარება უკრაინასა და ბელორუსიასთან და მარტო ჩამორჩება რ. ს. ფ. ს. რ., რადგან აქ სოფლის მეურნეობის აღდგენა სწრაფი ტემპით მიდის წინ დაკავშირებით წინა წლების მოუსაგლიანობასთან.

ამრიგათ, სოფლის მეურნეობა აღდგენილია, რაც შედეგია საბჭოთა ხელისუფლების მიერ გავლილ პერიოდში მთელ რიგ სახელმწიფოებრივ ღონისძიებათა გატარებისა სასოფლო მეურნეობის დარგში.

გადავდივართ რა ამ ღონისძიებების დახასიათებაზე, ხაზი უნდა გაუსვათ იმ გარემოებას, რომ ამ მოკლე წერილში იძულებული ვართ აღვნიშნოთ მხოლოდ მთავარი მომენტები და თავი შევიკავოთ იმ უდიდეს და რთულ ღონისძიებათა სისტემის ამომწურავ აღნუსხვისაგან, რომელსაც საბჭოთა ხელისუფლებამ სისტემატიურად ატარებდა ნაჩვენებ პერიოდის განმავლობაში.

პირველი უდიდესი საკითხი, რომელიც დასვა რევოლუციამ, იყო მიწის საკითხი. თავის თავად ცხადია, რომ ვერც ერთი პოლიტიკური პარტია, ზნ და სახელმწიფოებრივი ძალა ვერ შესძლებდა ეს საკითხი, ისე რადიკალურათ გადაეჭრა, როგორც საბჭოთა ხელისუფლებამ—მხოლოდ უკანასკნელს შეეძლო მიწა გამოეცხადებინა მშრომელ მასის კუთვნილებათ და გადაეცა იგი მის სრულ სარგებლობაში (დეკრეტი № 17, 1921 წ. 6 IV).

ამ უდიდეს რეფორმის მნიშვნელობისა და შედეგების ნათელსაყოფათ მოვიყვანთ ცხრილს, საიდანაც სჩანს მიწის დანაწილება წოდებათა და უწყებათა შორის რევოლუციამდე, მენშევიკების ხანაში და საბჭოთა ხელისუფლების დამყარების შემდეგ.

ხ ა ნ ა	მიწის რაოდენობა ათას ჰექტარით.								
	ხაზნა.	თავდაზნაურობა.	გლეხობა.	საკუთვირო წოდება და ვაჭურები.	კაღსისა მონასტერი.	საფულის-წულა.	სხვადასხვა.	უვარგისი მიწები.	ს უ ლ.
1917 წლამდე.	3628	1.994	343	178	20	140	18	1.016	7.343
1917-1921 წ.	4.613	3.02	1.245	7	1	—	22	1.153	7.343
1921-1927 წ.	3.544	54	2.015	—	—	—	34	1.305	6.952

ამ ცხრილის ზოგერთ აღვლის ახსნისათვის უნდა ითქვას შემდეგი:

1917 წლამდე ხაზინის მფლობელობაში ითვლება ტყეები, საძოვრები და სახაზინო გლეხების სანადელო მიწები; მენშევიკების ხანაში, სახაზინო მიწას მიემატა ერთი მილიონი ჰექტარი (ჩამორთმეული ტყეები და საძოვრები). საბჭოთა ხელისუფლების დროს ხაზინის განკარგულებაში დარჩა მხოლოდ სახელმწიფოებრივი მნიშვნელობის ტყეები, საძოვრები და სათიბები, დანარჩენი ადგილობრივი მნიშვნელობის ნაკვეთები კი გადაეცა მშრომელ მასებს.

ცხრილის მეორე სვეტი გვიჩვენებს, თუ რა გრივალისებური სიმძაფრით განადგურა რევოლუციამ თავიდანხაზრობისა და ვაჟარ-ხუცების მიწათმფლობელობა; რევოლუციის პირველმა ტალღამ მათი მიწების რაოდენობა დაიყვანა 15 პროცენტამდე, ხოლო მეორემ 2.7%-მდე, ე. ი. შეუნარჩუნა მათ მხოლოდ საარსებო მინიმუმი იმ აუცილებელი პირობით, რომ მიწა თავისი შრომით დაამუშაონ; სრულიად მოსპობილია სასულიერო წოდებათა, ეკლესიების საუფლისწულო მიწათმფლობელობა.

რაც შეეხება გლეხობის მიწათმფლობელობას, აქ ჩვენს წინ იშლება სულ წინააღმდეგი სურათი: 343 ათასი ჰექტარი საკუთარი მიწებიდან გლეხობა ერთი დაკვრით შეიქნა მფლობელი 2.015 ათასი ჰექტარისა, ე. ი. ოთხჯერ მეტი მიწის რაოდენობისა; ამ რიგით საბოლოოთ მოისპო ფეოდალიზმის ნაშთები, ისტორიის არქივს ჩაბარდა წოდებრივი ჩაგვრა და უსამართლობა, გლეხობას მოშორდა ისტორიული ბატონი.

არ ვჩერდებით რა მიწათმოწყობის სამუშაოთა შინაარსზე, რომელიც ჩატარდა ნაჩვენებ დროის განმავლობაში და რომელსაც საერთოდ მიზნათ აქვს ტერიტორიის მოწყობა რაციონალურ მეურნეობის საწარმოებლათ, ჩვენ ამ ეჟამალ აღვნიშნავთ მხოლოდ იმ მიღწევებს რომელნიც გვაქვს მიწათმოწყობის დარგში შედეგათ შევით წლის განმავლობაში ჩატარებულ მუშაობისა. შიდა საქართველოს 3473 სოფლიდან კომლუერად მიწათმოწყობილია 337 სოფელი, რაც უდრის 9.8%, 355.500 სოფლის მეურნე კომლიდან მიწათმოწყობილია 67.543 კომლი, ე. ი. 19.0%, ხოლო 1.988.900 ჰექტარი სასოფლო-სამეურნეო მიწიდან მოწყობილია 347.483 ჰექტარი; რაც შეადგენს 17.4% თუ ჩვენ სახსებით გავითვალისწინებთ მიწათმოწყობის საქმის სიძნელეს და სირთულეს, მაშინ ჩვენთვის ნათელი იქნება თუ რა მნიშვნელოვანი მუშაობა ჩატარდა ამ დარგში მიუხედავად იმისა, რომ დიდი ნაწილი მუშაობისა ჯერ კიდევ განსახორციელებულია. საბჭოთა ხელისუფლებას სჭირდება კიდევ ხანგრძლივი მუშაობა და დიდი ენერჯის გაღება, რომ ეს მნიშვნელოვანი მხარე ჩვენი სასოფლო-სამეურნეო მშენებლობისა საბოლოოთ იყვეს შესრულებული.

დასასრულს უნდა აღინიშნოს ერთი მეტად მნიშვნელოვანი გარემოება, რომელიც განსაკუთრებული სიძნადით გამოაშკარავდა მიწათმოწყობის მუშაობის პროცესში და რომელსაც გადამჭრელი მნიშვნელობა აქვს ჩვენი სოფ. მეურნეობის განვითარების პერსპექტივების განსაზღვრაში. ეს არის საქართველოს სოფლის მოსახლეობის სიჭარბე არსებულ მიწის ფონდთან შედარებით და აქედან გამომდინარე მცირე მიწიანობა.

საქართველოს ტერიტორია უდრის 6-952.300 ჰექტარს. აქედან ათას ჰექტარში სამოსახლოებს უჭირავს 72.4 ჰექტარი, ბაღებს—17.2, ვენახებს—37.5,

სარწყავ სახნავეებს—115.3, ურწყავ სახნავეებს—1.080.4, სათიბებს—102.8, სასოფლო საბალახოებს—781.4, საზაფხულო საძოვრებს—717.1, საზამთროს—249.5, ტყეს—2.473.9 და სახნავ-სათესად გამოსადეგარ მიწას—1.304.8 ჰექტარი. ამნაირად, სასოფლო-სამეურნეო მიწა უდრის სულ 1.425.600 ჰექტარს, ე. ი. მთელი ტერიტორიის 20. $1/2^{0}/_{10}$.

ამ სასოფლო სამეურნეო მიწიდან საშუალოთ სულზე მოდის: აღმოსავლეთ საქართველოში ერთი ჰექტარი, დასავლეთში და აფხაზეთში ნახევარი, სამხრეთ ოსეთში ჰექტარის ოთხი მეათედი და აჭარისტანში სამი მეათედი ჰექტარი, რომ მხედველობაში არ მივიღოთ ხარვეზობა, მრავალნაკვეთიანობა, შორს მიწიანობა, და სხვა ეს თავისთავად ისეთ მცირე მიწიანობას წარმოადგენს, რომ შეუძლებელს ხდის რაიმე რაციონალურ მეურნეობის წარმოებას. მაგრამ მართო ესეც არა კმარა. თუ მივიღებთ მხედველობაში საშუალო კანონიერი მიწის ნორმას სულზე (აღმოსავლეთ საქართველოში 1.4 ჰექტარი, დასავლეთ საქართველოში და აჭარისტანში 0.9 ჰექტარი, აფხაზეთში და სამხრეთ-ოსეთში 1.3 ჰექტარი. დავინახავთ, რომ საქართველოს სოფლის მოსახლეობის კანონიერ ნორმამდე მიწით დასაკმაყოფილებლათ საჭიროა კიდევ 940.800 ჰექტარი. ამ რიგად ჩვენი სოფლის მეურნეობის ძირითად დამახასიათებელ მომენტად უნდა ჩაითვალოს მცირე მიწიანობა და მეორეს სოფლის მხრივ მოსახლეობის სიჭარბე, სოფლ. მოსახლეობის ზედმეტი რაოდენობა უკანასკნელ გამოანგარიშებით უდრის 474 ათას სულს და ჰქმნის ფარულ უმეურნეობას, რომელიც განსაკუთრებულ სიმძაფრით აშკარავდება დასავლეთ საქართველოში.

ეს გარემოება გვიკარნახებს ჩვენ გარკვეულ გეზს სოფლის მეურნეობის მომავალ განვითარებაში. მცირე მიწიანობის მძიმე შედეგების გადალახვა შეგვეძლო მხოლოდ იმ შემთხვევაში, თუ უზრუნველყოფილ იქნება საქართვე. სას.—მეურნ. რეკონსტრუქცია შრომის ტევადიან კულტურების განვითარების და კოლექტიურ მუშაობის მეთოდების გაერცვლების საფუძველზე.

საბჭოთა ხელისუფლების აგრო-კულტურულ ღონისძიებათა შორის აღსანიშნავია აგრო-დანპარება და საცდელი საქმე.

მექანიზაცია ვითარდება სწრაფი ტემპით მიწათმოქმედების სახალხო კომისარიატის უშუალო ხელმძღვანელობით.

ომამდე საქართველოში არსებობდა ცხრა საცდელი სამეცნიერო დაწესებულება, რომელთაც შესამჩნევი ცვლილება სოფლის მეურნეობის სისტემაში არ შეუტანიათ, რადგან მათი გამოკვლევანი და მიღწევანი არ იყვენ დაკავშირებულ-ჩვენი სოფლ. მეურნ. პრაქტ. მოთხოვნილებებთან.

იმპერიალისტურმა ომმა და რევოლიუციამ მეტის მეტად მძიმე მდგომარეობაში ჩააყენა საცდელი დაწესებულებანი, ზოგიერთ მათგანს საცდელ დაწესებულებების ხასიათი დაეკარგა და ზოგიც გადაყვანილი იქმნა სამეურნეო ხარჯზე.

საბჭოთა ხელისუფლების დამყარებიდან პირველი სამი წლის განმავლობაში იწყება საცდელ საქმის აღდგენა, ერთი მთლიანი გეგმის შედგენა და თავის მოყრა ერთ ორგანოს—მიწათმოქმედების სახალხო კომისარიატის ხელში. საბჭოთა ხელისუფლების არსებობის განმავლობაში საცდელ დაწესებულებათა ქსელს მიემატა ახალი დაწესებულებანი, რომელთა საქმიანობა დიდი ხანია დასმული იყო

ჩვენ სოფლის მეურნეობის მოთხოვნილებებით. ასეთი დაწესებულებანი არიან: კახეთის მევენახეობა-მელვინეობის საცდელი სადგური (1923 წლ.), მანქანა-იარაღების გამომცემელი სადგური (1925 წლ.) (ზოტტენიკური სადგური 1927 წლ.).

მიუხედავად იმისა, რომ საცდელი დაწესებულებანი იმყოფებიან ფრიად გაჭირვებულ მდგომარეობაში სახსრების და მომზადებულ პერსონალის სიმცირის გამო, მუშაობა მაინც ნორმალურად მიდის და თანდათან განვითარების გზაზე დგება.

ამასთანავე მათი სამუშაო პროგრამა გამომდინარეობს ჩვენი სოფლის მეურნეობის საჭიროებიდან და მტკიცე კავშირს მქნიან მეცნიერებას და პრაქტიკას შორის.

1913 წლამდე ჩვენში აგრო-დახმარება არც კი არსებობდა. ამ დროს დაარსდა ყოფილ მეფის შიდადილის კანცელარიასთან აგრონომიული ორგანიზაცია, რომელშიაც შედიოდა 14 აგრონომი და 8 სპეციალისტი. ომისა და რევოლუციის ხანაში ეს ორგანიზაცია სულ მთლად დაიშალა. ამის ნანგრევებზე აღმოცენებული აგრონომიული ორგანიზაცია ვერც თავისი რაოდენობით და ვერც თავისი რეალური შესაძლებლობით ვერ გასწვდებოდა მეტისმეტად რთულ და მრავალფეროვან აგრო-დახმარების საქმეს და მისი მუშაობა იყო მხოლოდ წინასწარი სამზადისი უფრო მძლავრ და ღრმა ორგანიზაციის ჩამოსაყალიბებლათ, რომელიც შედეგად მოჰყვა საბჭოთა ხელისუფლების დამყარებას საქართველოში.

ქვემოთ მოყვანილ ცხრილში შეჯამებით აღნიშნულია აგრო-დახმარების დინამიური პროცესი უკანასკნელ სამი წლის განმავლობაში (აგრონომიურ რესპუბლიკების ცენტრის და კოოპერატიულ აგრო-დახმარების გამოკვლევით).

წ ლ ბ ი	აგრონომიული პერსონალი.	აგროაუტენტები.	აგროკაბინეტები.	მანქანა იარაღების პუნქტები.	თსლის საწმენდი პუნქტები.	გაირკვა სათესი მასალა ათას ფუთ.	ცხენების საკვები პუნქტები.	დასწრო საუბრებს და ლექსებს	გადაიღო ათას მანეთი.
23/24	38	25	10	40	15	15,0	12	9,7	19,5
24/25	62	38	14	48	25	48,0	19	7,6	282,7
25/26	67	51	25	61	26	68,0	20	91,4	315,3
26/27	91	66	38	56	37	148,0	13	112,8	542,6

აქედან აშკარაა, თუ როგორ ვითარდება ჩვენში აგროდახმარება და რა სწრაფი ნაბიჯით მიდის წინ.

არ ეჭვრდებათ რა უფრო დაწვრილებით აგროდახმარების მიერ ჩატარებულ გრანდიოზულ მუშაობაზე, რომელიც მისწვდა სოფლის მეურნეობის ყოველ დარგს და შესაფერისათვე აამუშავა სოფლის მეურნეთა აგრონომიული აზროვნება, რამაც გამოიწვია მისი უაღრესი მისწრაფება აგრონომიულ ცოდნისაკენ, ჩვენ ამ უამათ ვადავალთ იმ მუშაობის მოკლე დახასიათებებზე, რომელიც, საბჭ. ხელისუფლებამ აწარმოვა ს—მეურნ. მექანიზაციის და კოლექტივების დაარსების საქმეში.

მნიშვნელოვანი დარგი, რომელიც როგორც აღვნიშნეთ, თითქმის დაღუპვის გზაზე იყო დამდგარი და თხოვლობდა საბჭოთა ხელისუფლებისგან სასწრა-

ფო ზომების მიღებას, იყო მევენახეობა. საქართველოში გამძვინვარებულმა ფილოქსერამ ჯერ კიდევ ომამდე საშინელ დეპრესიამდე მიიყვანა მევენახეობა და 80 ათას ჰექტარიდან ჩამოვიდა 49,4 დესეტინამდე 1913 წელში. საუკეთესო მევენახეობის რაიონი—კახეთი დღესაც განსაცდელშია ჩავარდნილი. საბჭოთა ხელისუფლების ხელში დარჩა განადგურების გზაზე დამდგარი მარტო 41,0 ჰექტარი ვენახი და რაღაც 14 ჰექტარამდე ამერიკული ვაზის სანერგე. 1924/25 წელი უნდა ჩაითვალოს გარდატეხის მომენტად. ყველა ორგანიზაციების მწყობრმა და ენერგიულმა მუშაობამ, მიწათმოქმედების სახალხო კომისარიატის მეთაურობით ვენახები, დაღუპვისაგან იხსნა. ვენახები არც შემციობებს არა თუ საზღვარი დაედო, პირიქით, უკანასკნელ წლების განმავლობაში აღდგენის პროცესიც დაიწყო ამ დარგში.

მოვიყვანო, მაგალითად, მიწადმოქმედების სახალხო კომისარიატის ინიციატივით და თაოსნობით ჩატარებულ მუშაობას ამ დარგში.

სახალხო-მაშულების ტრესტის საშუალებით მიწადმოქმედების სახალხო კომისარიატმა გააშენა სანერგეები: სულ 188 ჰექტარი, ხოლო სხვადასხვა ორგანიზაციებმა 279 ჰექტარი, ე. ი. მევენახეობის აღსადგენად საჭიროა სანერგეების დაახლოებით 60%/.

ამავე ხანში გაკეთდა 11 სათბური, რომელთა ყოველ წლიური დატვირთვა გამოიხატება 3 მილ. ცალ ნაშენის დაშაღდებაში. გასაბჭოებამდე კი იყო მარტო ერთი სათბური, რომელიც უკანასკნელ ხანში არც კი მოქმედებდა.

ამის გამო ნაშენის დაშაღდებაც შესამჩნევად გაფართოვდა.

1923 წ. გაკეთდა სულ 300.000 ცალი და 1927 წ. ეს რიცხვი ავიდა 6 მილიონ ცალამდე. მიღებულ ღონისძიების შედეგად აღდგენილი ვენახების არეუდრის 2.186 ჰექტარს.

მევენახეობა-მეღვინეობაში რაციონალური მეთოდების შემოღების მიზნით და მუშაობის მეცნიერულ ნიადაგზე დასამყარებლად ყოფილი საქარის ამერიკული ვაზის სანერგე გადაკეთდა მევენახეობა-მეღვინეობის საცდელ სადგურად დასავლეთ საქართველოსათვის და ამავე მიზნით აღმოსავლეთ საქართველოსათვის დაარსებულია 1923 წლ. კახეთის მევენახეობა-მეღვინეობის საცდელი სადგური.

გლახური მევენახეობის აღდგენისათვის სასოფლო-სამეურნეო ბანკმა 1925—1927 წლებში გასცა გრძელვადიანი სესხი 473.800 მანეთი და მოკლე ვადიანი 849.000 მანეთი, სულ 1.322.800 მანეთი, რაც არასდროს საქართველოში არ ყოფილა.

ომიანობამდის საქართველოში სასოფლო-სამეურნეო იარაღები უმთავრესად გერმანიიდან შემოდიოდა. ომიანობის ხანიდან ინგენტარის შემოზიდვა შესწყდდა, ხოლო არსებული მთლად უვარგისი გახდა. მანქანა იარაღების, სიმცირე აშეამადაც იმდენად დიდია, რომ მეურნეთა 78%/ს არა აქვს გუთანა, 92%/ს ფარცხი, 98%/ს—სათესი, 72%/ს—სათიბი, 94%/ს—სამკალი, 91%/ს—სალეწი, 90%/ს—ტრიერი და 85%/ს—კულტივატორი.

საბჭოთა ხელისუფლების დამყარებიდან მიღებულ იქმნა ზომები მეურნეთა მანქანა-იარაღების უზრუნველსაყოფათ. 1922 წლიდან ინგენტარის შემოზიდვას ეძლევა სისტემატიური და გეგმიანი ხასიათი. მოსახლეობა ნორმალურ ფასებში

იდენს საჭირო ინვენტარს. 1925 წლიდან იწყება საფლის მეურნეობის ტრაქტორიზაცია. გლეხობისათვის ეწყობა სატრაქტორო კურსება. 1926 წელში ეწყობა ტენზოდანზარების განყოფილება და არსდება მანქა-იარაღების გამომცდელი სადგური.

საქართველოში სასოფლო-სამეურნეო კომუნების და ამხანაგობების დაარსება დაიწყო 1922 წლიდან და დღეს-დღეობით საქართველოში არის სულ 7 კომუნა, 44 საერთო ძალღონით მიწის დამამუშავებელი ამხანაგობა და 23 სასოფლო-სამეურნეო მანქანების ამხანაგობა.

ზემოდ ნაჩვენებია 7 კომუნაში შედის 106 ოჯახი, 351 სული მცხოვრები.

გადავდივართ საბჭოთა მეურნეობათა მოკლე დახასიათებაზე და მათ მიღწევებზე.

საბჭოთა მეურნეობანი წარმოსდგენ, უმთავრესად ყოფილ საუფლისწულო სამონასტრო და თავადების მამულებიდან. აღნიშნულ მამულების მიერ დაკავებულ მიწის ფართობი ამ ეამდ უდრის 15 - ათას ჰექტარს. საბჭოთა მამულები იყოფიან ოთხ უმთავრეს ჯგუფად და მდებარეობენ შესაფერ ტიპიურ რაიონებში, ეს ჯგუფები არიან:

ა) მევენახეობა-მეღვინეობა, ბ) მეხილეობა, გ) მემინდვრობა და დ) მესაქონლეობა.

ჩვენი მიზანია „სოციალისტურ მეურნეობაზე, კოლექტიურ მიწადმოქმედებაზე, საზოგადოებრივ მიწის დამუშავებაზე გადასვლა“... (ვ. ი. ლენინი). აღნიშნულ მიზანს დაძინებით ვატარებთ ტარდება ცხოვრებაში.

მევენახეობის ჯგუფის მამულების მუშაობა საბჭოთა ხელისუფლების ხანაში ხასიათდება შემდეგი ცხრილით:

წლები	გაშენებულია მამულში ახალი ვენახი.	გაშენებულია სანორბები.	მიღებულია საფრანგოდან ლეზუნი 1000 მეტრ.	აშენებულია საბუფები.	გამოშენებულია საბუფებიდან ნამუშები 1000. ცალად	გამოშენებულია ჩვეულებრივი ნამუშები.
1923	4.65	32.79	—	—	100	200
1924	24.0	28.42	—	1	230	70
1925	38.26	88.53	1.200	1	858	540
1926	45.91	22.95	4.044	4	2.823	506
1927	53.0	10.93	4.332	3	4.355	100
სულ	150.75	183.62	9.576	9	8.367	1.416

საბჭოთა მამულების მიერ გლეხებისაგან შეძენილი და გადაამუშავებულია ლენინის შემდეგი რაოდენობა:

1923/24 წელს 18.000 ვ.
 1924/25 „ 78.000 „

1925/26	„	212.000 „
1926/27	„	240.000 „

მესაქონლეობის ჯგუფში მოწყობილია ხეესურულ ჯიშის ძროხების ფერმა, ხოლო მათ გასაუმჯობესებლად საზღვარ გარეთიდან გამოწერილია ჯერზეის საქონელი. ეწყობა თარაქამის და ყაზახის ჯიშის საქონლის ფერმა. ეწყობა შვიცების სამომშენებლო და მოწყობილია მეცხვარეობის საჯიშე 10.000-ი დედა ცხვრით და 400 მამალ მერინოთი.

ერთი მეტად მნიშვნელოვანი დარგი ჩვენი მეურნეობისა არის სავეტერინარო საქმე.

სავეტერინარო ორგანიზაცია, რომელიც 1921 წლიდან მემკვიდრეობით გადმოვიდა საბჭოთა ხელისუფლების ხელში, წარმოადგენდა დარღვეულ აპარატს.

სამოცამდე ექიმი-ვეტერინარი და ამდენივე ვეტ-ფერშალი გაფანტული იყვნენ მაზრებში უგეგმოთ და მიზანშეუწონლათ; საქონლის ჭირი და სხვა ეპიზოტიები უკიდურესად იყო გავრცელებული, ასაცრელი მასალა არ მოიპოვებოდა, ტაბახმელის საშრატე სადგური უმწეო მდგომარეობაში იმყოფებოდა და სულს დაფავდა, გაწამებული ხალხი შეელას თხოულობდა, მაგრამ მას პატრონი არ უნდა—აი მოკლეთ სურათი სავეტერინარო დარგის მდგომარეობისა გასაბჭოების წინა წლებში.

საბჭოთახელისუფლებამ მძლავრად მოჰქიდა ხელი სავეტერინარო საქმის აღდგენას და სულ მოკლე ხანში მეტათ საგრძნობ შედეგებსაც მიადწია.

აღდგენილ და შეკრებილ იქმნა ვეტპერსონალი და 1926/27 წელში მათი რაოდენობა თითქმის გაუთანასწორდა ომის წინა დროის რიცხვს (173 კაცი)-

აღდგენილ იქნა ტაბახმელის საშრატე სადგური, ამუშავდა, სავეტერინარო-ბაქტერიოლოგიური ლაბორატორია, დაარსდა ახალი სავეტერინარო-ბაქტერიოლოგიური სადგური ოსიაურში, გადიდდა ასაცრელ მასალების პროდუქცია და დაიწყო ბრძოლა არა მარტო საქონლის ჭირთან, არამედ სხვა ეპიზოტიებთანაც.

თუ ომის წინა წლებში საქართველოში წლიურად აცრილ საქონლის რაოდენობა საშუალოთ 50—80 ათას სულს უდრიდა, მენშევიკების დროს 15—20 ათას, გასაბჭოების შემდეგ ეს რაოდენობა ავიდა წელიწადში საშუალოთ 140 ათას სულამდე.

გაფართოვდა აგრეთვე საქონლის მკურნალობის საქმე და თუ რევოლუციის წინა დროს საქონლის მკურნალობას შემთხვევითი ხასიათი ქონდა და ცხოველთა რიცხვი, რომელსაც ეძლეოდა დახმარება, არ აღემატებოდა წლიურად 5000 სულს, ამ ჟამად მკურნალობა ეძლევა ყოველწლიურად 50.000 სულზე მეტ საქონელს.

ტაბახმელის საშრატე სადგურმა გასაბჭოების მეექვსე წელს დაამზადა შრატე 83-ჯერ მეტი (136.000 ლიტრი) იმ რაოდენობაზე, რაც დამზადდა გასაბჭოების პირველ წელს (432 ლიტრი), მაგრამ საყურადღებო უფრო ის გარემო-

ება არის, რომ ჩვენმა სადგურმა შრატის პროდუქციით გადააჭარბა ომის წინდროს ზურნაბადის საშრატე სადგურს, რომელიც ამზადებდა შრატს ამიერ-კავკასიისათვის და რომელსაც წელიწადში 38.000 ლიტრზე მეტი შრატი არასდროს არ დაუმზადებია. მეორე უაღრესი ყურადღების ღირსი გარემოება არის ის, რომ ტაბახმელის სადგურმა შესცვალა მეთოდი საქონლის მუნიზაციისა და შემოიღო წესი, რომელიც იძლევა უდიდეს ეკონომიას და მეტად აადვილებს შრატის დამზადების საქმეს. მაგ., თუ წინათ ასი სული საქონლის საიმუნიზაციოთ საჭირო იყო 50—60 სასისხლე საქონელი, ახალი მეთოდით საქმარისია მხოლოდ 2—3 სული საქონელი. ამ უამად ყველა სხვა საშრატე სადგურებზე ჩვენგან მიღებულ ახალი მეთოდით სწარმოებს საქონლის იმუნიზაცია.

1924/25 წლიდან აღდგენილია ოსმალეთის საზღვარზე სავეტერინარო ხაზი, რომელიც გაუქმებული იყო მსოფლიო ომის დროს. დადებულია ამასთანავე სავეტერინარო კონვენცია ოსმალეთის მთავრობასთან მიმდინარე წელში დაყველა ამით უზრუნველყოფილია ჩვენი რესპუბლიკა ეპიზოოტიების შემოტანისაგან მეზობელ რესპუბლიკებიდან.

მოწყობილია სავეტერინარო ზედამხედველობა რკინის და შარა გზებზე, მომთაბარო საქონელზე და სხ. გაფართოებულია ვეტერინარული ზედამხედველობა სასაკლაოებზე, მოწყობილია სავეტერინარო-საგანმანათლებლო მუშაობა და სხვ.

საპკოთა ხელისუფლების დამყარების დროს არა ნაკლებ მწვავე საკითხთა იდგა ტყის მეურნეობა.

საქართველოს ტყის არე უდრის 2.713, ათას ჰექტარს, რომლიდანაც წიწვინი შეადგენს 408,4 ათას ჰექტარს, ფოთლოვანი 942,0 ათას ჰექტარს და დანარჩენი 114,7 ათას გექტარს.

ბლომად მოიპოვება ჩვენს ტყეში ძვირფასი საექსპლოატაციო ჯიშები (ბზა, ძელქვა, წაბლი და სხვა). მომეტებულ ნაწილს ამ ტყეებისას აქვს საკურორტო და ნიადაგის დამცველი ხასიათი.

რევოლუციამდე ტყის არე დაქუცმაცებული იყო სხვა და სხვა დაწესებულებათა და კერძო მფლობელთა შორის. ტყე ეკუთვნოდა სახელმწიფოს (47⁰/₁₀₀), მინისტრებს, კერძო პირებს და სხ. (53⁰/₁₀₀). ამ დროისათვის არ იყო არავითარი მთლიანი გეგმა ტყის მეურნეობის რაციონალურად წარმოებისათვის, არ იყო შესწავლილი ტყეების ბუნება და მთელი ტყის მეურნეობა გამოიხატებოდა ნამდვილყაჩაღურ ექსპლოატაციაში, რომელსაც რაციონალურ მეურნეობასთან არავითარი საერთო არა ჰქონდა. ამის შედეგი იყო ის, რომ განადგურებულ იქნა 400.000 ჰექტარამდე საუკეთესო ტყე, ბევრი ძვირფასი ჯიში ამოვარდნის გზას დაადგა (ელდარის ფიჭვი) და ტყის მტაცებლურმა ექსპლოატაციამ საფრთხეში ჩააგდო თვით სოფლის მეურნეობის სეგმედი.

მართალია, მენშევიკების დროს ტყე სახელმწიფო კუთვნილებათ გამოცხადდა, მაგრამ ტყის ექსპლოატაცია ისევ მტაცებლური დარჩა და საქმე ოდნავათაც წინ არ წაწიულა.

საქართველოს გასაბჭოებისთანავე, სახალხო მეურნეობის აღდგენის პროცესში, ტყის მეურნეობამ, როგორც სახალხო მეურნეობის ერთ ერთმა ფრიად

მნიშვნელოვანმა დარგმა განიცადა მთლიანი გარდატეხა-გარდაქმნა, რომლის ძირითად დამახასიათებელ მომენტად უნდა ჩაითვალოს ყველა ტყის მასივების ნაციონალიზაცია და მათი ერთ მთლიან სახელმწიფო სატყეო ფონდში გადასვლა, რითაც ტყის მეურნეობას მიეცა გარკვეული მიმართულება და დაისახა ერთი მთლიანი სატყეო პოლიტიკა, რომელიც ურყევით ტარდება ცხოვრებაში.

არ ვჩერდებით რა იმ სამუშაოთა აღწერებაზე, რომელთაც მიწათმოქმედების სახალხო კომისარიატი სისტემატიურად ატარებდა ამ ხნის განმავლობაში მთლიან სატყეო გეგმის განსახორციელებლათ, ჩვენ აქ შეჯამებით აღვნიშნავთ მხოლოდ მთავარ ღონისძიებებს ტყის მეურნეობის რაციონალურ მოსაწყობათ.

გასაბჭოებამდის მოწყობილ და შესრულებულ იყო მხოლოდ 10,4% და ნარჩენი 89, 62 სრულიად შეუსწავლელი და მოუწყობელი იყო. დღეს დღეობით უკვე მოწყობილი და შესრულებული არის საქართველოს ტყეების 45%, რაც უეჭველად დიდ მიღწევად უნდა ჩაითვალოს, ხოლო თვით მუშაობის ტემპი პირდაპირ რეკორდითელია. ასეთი მიღწევა შესაძლებელს ხდის ტყის მეურნეობის და მის სარგებლობის მტკიცე რაციონალურ ნიადაგზე დაყენებას და მიზანშეწონილად გამოყენებას.

ტყის გაცემა ხდება წინასწარ გამომუშავებულ გეგმით, რომელიც სახეობით ითვლისწინებს ერთი მხრით ტყის მეურნეობის მდგომარეობას და მეორეს მხრივ მოთხოვნილებათა დაკმაყოფილებას. საჭიროების მიხედვით გაცემულ იქნა სატყეო მასალა: 1923 წ.—125,4, 1924 წ.—140,8, 1925 წ.—137,3 ათასი კუბ. საყენი, რის გამო ტყის შემოსავლმა იმატა და ამ უმაღლესი უდრის ყოველწლიურად მილიონ მანეთზე მეტს.

პარალელურად ტყის ექსპლუატაციისა უკანასკნელ წლების განმავლობაში მიმდინარეობს მეტად მნიშვნელოვანი ტყის კულტურის განახლების სატყეო მელიორატიული ღუშაობანი და საცდელი საქმე, რომელთაც წარსულში არაერთი კურადღება არ ექცეოდა.

ადგილობრივ მცხოვრებთა საჭიროებანიც არ იქნა გვერდზე მიტოვებული და მათ განკარგულებაში გამოიყო 200 ათასი ჰექტარი ადგილობრივ მნიშვნელობის ტყე, რომელიც გადაეცა მათ უფასო და უფადო სარგებლობაში. ასეთია მოკლეთ მიღწევანი სატყეო დარგში.

ამით ვათავებთ მოკლე დახასიათებას იმ გრანდიოზულ აღმშენებლობითი მუშაობისა, რომელიც საბჭოთა ხელისუფლებამ აწარმოვა საქართველოს სოფლის მეურნეობის აღსადგენად; ეს ეტაპი ჩვენი მშენებლობისა დიდი ოქტომბრის ათი წლის თავზე დამთავრებულად უნდა ჩაითვალოს.

საქართველოს სოფლის მეურნეობა არა თუ აღდგენილია ომის წინა დროინდელ დონემდე, არამედ ზოგიერთ მნიშვნელოვან დარგში ეს დონე გადალახულიც არის. ამ უმაღლეს საბჭ. ხელისუფლების წინაშე სდგას კიდევ უფრო დიდი და ძნელი ამოცანა საქართველოს სოფლის მომავალი განვითარების უზრუნველყოფისა. მისი რეკონსტრუქციისა. ის გამარჯვებანი, რომელიც ახასიათებს განვლილ პერიოდს, გვაძლევს ჩვენ უფლებას ვიქონიოთ მტკიცე რწმენა იმისა, რომ საბჭ. ხელისუფ. შესძლებს საესპერანო განახორციელოს დასახული ამოცანები და სწრაფად წასწიოს წინ ჩვენი სოფლის მეურნეობა სოციალიზმისაკენ მიმართული გზით.

ელექტროფიკაციის საქმე საქართველოში ოქტომბრის რევოლუციის ათი წლის თავზე.

ომის წინა პერიოდის რუსეთში მხოლოდ იწყებოდა პირველი და წინასწარი ნაბიჯები ელექტროფიკაციის დარგში: იმ დროს ეს ნაბიჯები არ გასცილებია აკადემიურ შესწავლისა და საერთო გამოკვლევათა სფეროს, რომელთა შედეგად ზოგიერთ შემთხვევაში დარჩა ბევრად თუ ნაკლებ დამუშავებული საინჟინერო-ტექნიკური მასალა და სამრეწველო-ეკონომიური მოსაზრებანი. აღილი ქონდა აგრეთვე სხვადასხვა საკონცესიო წინადადებებს უცხოელ კაპიტალისტთა მხრივ, მაგრამ გარკვეული ხანის უქონლობა იმ დროს მრეწველობის ამ დარგში და, აგრეთვე, მეტად ჩამორჩენილი და უხერხული კანონმდებლობა წყლის ენერჯის გამოყენების შესახებ უარყოფით გავლენას ახდენდა კონცესიონერთა მუშაობაზე, ისე რომ ბოლოს და ბოლოს არც ერთი მათგანი არ შესდგომია ძველი რეჟიმის დროს კონცესიის ძირითად სამუშაოების ასრულებას. გავისხენოთ, მაგალითად, ბრიტანელი ქვეშევრდომის ინჟ. ჩ. სტიუარტის კონცესია თერგსა და გელაქუნზე (გოგჩაზე), ან და ჩადაფის, პალაშკოვსკის და სხვ. წინასწარი გამოკვლევანი დასავლეთ საქართველოს მძლავრ მდინარეებზე (რიონი, ენგურ, ცხენის წყალი).

საქართველოში იმ დროს ყველაზე უფრო რეალურ ნაბიჯს წარმოადგენდა გზათა ყოფ. სამინისტროს გამოკვლევა და პროექტი დაკავშირებული ამ-კავკასიის რკინის გზის სურამის უღელტეხილის ელექტროფიკაციის საკითხთან. 12.000 ტ. ძ. სიმძლავრის ჰიდროელსადგური განზრახული იყო მდ. რიონზე ქ. ქუთაისის ქვემოლ (რკ. გზის რიონის სდგურთან) პროფესორ ბახმეტივის პროექტით; აქედან ენერჯია გადიცემოდა სურამის უღელტეხილზე სამფაზიან მაღალქინების დენით.

ომის, რევოლუციის, სამოქალაქო ბრძოლის და ინტერვენციების პერიოდში სურამის უღელტეხილის ელექტროფიკაციის პროექტი დაიწყებდას მიეცა, და ესლა, როდესაც ეს საკითხი ხელახლა და საბოლოოდ დადგა რეალურ გზაზე, ომის წინა პერიოდის პროექტი უკვე მოქველბულად უნდა ჩაითვალოს. რადგან მას შემდეგ ჰიდროტექნიკის და განსაკუთრებით რკინის გზების ელექტროფიკაციის საერთაშორისო ცოდნამ დიდი ნაბიჯები გადასდგა წინ. — ამჟამად რიონის ჰიდროელსადგურისა და უღელტეხილის ელექტროფიკაციის 1913-14 წ.წ. პროექტი, პროფ. ბახმეტივის დიდი სამეცნიერო ავტორიტეტის მიუხედავად, მხოლოდ დამხმარე და საცნობო მასალად გამოდგება.

ამ პროექტის გარდა საქართველოს ზოგიერთ მდინარის გამოსაყენებლად შედგენილი იყო კიდევ რამდენიმე ესკიზური და სქემატიური პროექტები, რომლებსაც უფრო თეორიულ-აკადემიური ხასიათი ქონდა, ვინემ პრაქტიკული და-ნიშნულება. ასეთები იყო, მაგალითად, ინჟენერების **6. ანდრეევის** და **6. ზვარიკინის** პროექტი ელსადგურისა მდ. არაგვზე წიწამურთან, ინჟ. ს. თ. ზავალი-შინის, **6. ანდრეევის** და **ვ. კოჟევნიკოვის** პროექტი ჰიდროელსადგურისა მდ. ხრამზე არუხლოსთან და რამდენიმე სხვ. — უნდა მოვისხენიოთ აგრეთვე ინჟ. ა. კუჩინსკის საუღელტეხილო რკინის გზის (ქვენამთის ვარიანტი) პროექტში შემავალი ჰიდროელსადგურების სქემატიური პროექტები არაგვსა და თერგზე. — ერთ დროს ყურადღებას იქცევდნენ 1905 წ.-ში ინჟ. მეცის და 1910 წ.-ში პროფ. **არტემიევის** მიერ შედგენილი ესკიზური პროექტები ჰიდროელსადგურებისა მდ. მტკვარზე ტფილისში, მადათოვის კუნძულთან, რომლებიც უნდა აგებულიყო ელანდელი ტრამვაის და დიხელიან საბჭოთა № 1 სადგურის-მაგიერად. მაგრამ იმ დროის „ქალაქის მამებმა“ ალღო ვერ აუღეს ჩვენი ქვეყნის ბუნებრივ რესურსებს და საქმე მეტად არარაციონალურად გადაწყდა ცალ-ცალკე მდებარე მცირე სიმძლავრის თბოსადგურების აშენებით.

ამრიგად ჰიდროელსადგურების ომის წინა პერიოდის პროექტებიდან და მოსაზრებებიდან ვერც ერთი ვერ ეღირსა განხორციელებას რევოლიუციამდე.

საქართველოს ომის წინა პერიოდში ჩამორჩენას ელექტროფიკაციის დარგში შემდეგი ციფრები ცხადყოფს:

ყველა ელსადგურების (მათ შორის საქარხნო ელსადგურებიც) საერთო დადგმული სიმძლავრე უდრიდა **12.000 ცხ. ძ.** ანუ **დაახლოებით 9.000 კილოვატს**; აქედან უმეტეს ნაწილს **თბოსადგურები** შეადგენდნენ:

ტფილისში — რამოდენიმე ათეული ელსადგური 6.500 ცხ. ძ. საერთო სიმძლავრისა, ბათომში — 950 ცხ. ძ., ქუთაისში — 650 ცხ. ძ., ფოთში — 550 ცხ. ძ., კიათურაში — 500 ცხ. ძ. და ტყიბულში — 180 ცხ. ძ.

ჰიდროელსადგურები არსებობდნენ: სოხუმში — 600 ცხ. ძ., გაგრაში — 400 ცხ. ძ., ბორჯომში — 450 ცხ. ძ., გორში — 100 ცხ. ძ., ახალ ათონში — 90 ცხ. ძ.; ახალქალაქში — 75 ცხ. ძ.

მაშასადამე, საქართველოს ომის წინა პერიოდის მთელი „ენერგეტიული ზაზა“ არ აღემატებოდა **12.000 ცხ. ძ.**; აქედან ჰიდრავლიურ სადგურებისა — **1.715 ცხენის. ძ.**

თუ მივიღებთ მხედველობაში, რომ ჩვენი ქვეყნის ჰიდრავლიურ ძალების პრაქტიკულად გამოსაყენები მარაგი აღირიცხება მინიმალურად (მუდმივი ენერგია) 2.000.000 ცხ. ძალამდე, ხოლო ე. წ. „ექვსი თვის“ სიმძლავრე აღემატება 4.000.000 ცხ. ძალას, დავინახავთ, რომ ჰიდრავლიურ ენერჯის გამოყენების პროცენტი საქართველოში ძველი რეჟიმის ბოლო წლებში არ გაცილებია — **0.05 %**-ს.

მდგომარეობა არ გამოსწორებულა არც 1917-1921 წლებში. თებერვლის გადატრიალება, ა. -კ.-სისი რუსეთიდან ჩამოშორება და დამოუკიდებელ რესპუბლიკებად დანაწილება, მაშინდელი საქართველოს მმართველ ორგანოების მერყევი და გაურკვეველი საგარეო და სამრეწველო ეკონომიური პოლიტიკა —

ყოველივე ეს ვერ იძლეოდა ელექტროფიკაციის განვითარებისათვის შესაფერის პირობებს.

1918-1921 წ.წ. განმავლობაში ვერ აღენიშნავთ ამ დარგში რეალურ ნაბიჯებს, ვინაიდან სახელმწიფოს არ ქონდა საკუთარი ნივთიერი საშუალება საქმის წინ წასაწევად, კერძო ინიციატივა კი (განსაკუთრებით უცხოელი) მეტად ფრთხილად ეკიდებოდა ასეთ საკითხებს საქართველოში. — იმ დროს გაცემული კონცესიები ჰიდრავლიურ ძალების გამოყენებაზე, მაგალითად ალბანის კონცესიამდ. რიონზე (ა. ხომტარია), ტყიბულის კონცესია ე. წ. „წყალდასავალთან“ (ფრანგ ინჟინერ გიზის), ბზიბის რაიონის სატყეო კონცესია, არ გასცილებიან წინასწარ გამოკვლევების სტადიას. აშკარა იყო, რომ კონცესიონერები განგებ აგრძელებდნენ წინასწარ სამუშაოების დროს და უცდიდნენ „მდგომარეობის გამორკვევას“, რომ არ ჩაედვათ საექვო საქმეში მნიშვნელოვანი თანხები.

ძირითადი გარდატეხა ელექტროფიკაციის საქმეში იწყება მხოლოდ საქართველოს გასაბჭოების, 1921-1922 წლებიდან.

საბჭოთა რუსეთში ოქტომბრის რევოლუციის შემდეგ პირველივე წლებიდანვე ელექტროფიკაციის იდეა ღრმად იჭრება მთელ სახელმწიფოებრივ მუშაობაში. — ვ. ი. ლენინის ცნობილ ლოზუნგის მიხედვით ეს იდეა მალე იწყებს სინამდვილედ ქცევას საბჭოთა სახელმწიფოს სხვადასხვა კუთხეებში მძლავრ ცენტრალურ სადგურების დაარსების სახით; იწყება სამუშაო ვოლხოვის ჰიდრავლიურ სადგურის ასაგებად ლენინგრადიდან 120 კილ. მანძილზე; შეუდგებიან ტორფის (წინასწარ) ბუღობების გამოყენებას მოსკოვის და ლენინგრადის რაიონში (თბოელსადგურები მატურა, კაშირა, წითელი ოქტომბერი), ხელს კიდებენ მდარე ხარისხების ქვანახშირების ადგილობრივი დიდ ელექტროცენტრალების ორთქლის ქვაბებში დაწვას გაუმჯობესებული საცეცხურების შემწეობით („ფქვილ-ნახშირი“, — „пылевидный уголь“, — „le charbon pulvérisé“) სამხრეთ რაიონში და სხვა. — სადგება სახელმწიფო ელექტროფიკაციის საერთო გეგმა და არსდება ელექტროფიკაციის სპეციალური ფონდი; რომელიც წლიდან წლამდე იზრდება *).

ყოველივე ამას არ შეეძლო არ მოეხდინა გავლენა საქართველოს ჰიდრავლიურ ძალების გამოყენების საქმეზე მას შემდეგ, რაც საქართველო შეუერთდა ს. ს. რ. კავშირს. ახალ სამრეწველო აღმშენებლობის დაწყებისთანავე ჩვენში ყველა სამრეწველო-ეკონომიურ დარგში მომუშავე ხელმძღვანელ პირთათვის და განსაკუთრებით საინჟინერო-ტექნიკურ ძალებისათვის აშკარა იყო შემდეგი მთავარი დებულებანი:

პირველი — ენერგეტიული ბაზის წინასწარ შექმნის გარეშე სამრეწველო აღმშენებლობის წარმოების შეუძლებლობა.

მეორე — ნავთზე მომუშავე თბოსადგურების აშენების დაუშვებლობა, ვინაიდან ენერჯის სიძვირე ხელოვნურად შეზღუდვდა მრეწველობის განვითარებას.

* მაგ. 1927-28 წლისათვის ხარჯი (წლიური) ელექტროფიკაციის ფონდიდან უდრის 140 მლნ. მანეთს და 15%-ით აღემატება წარსულ წლის ხარჯს.

შესაშე — ჰიდრაულიურ ძალების ფართო გამოყენების. აუცილებლობა, **მძლავრ ენერგეტიულ ბაზის თანდათან შესაქმნელად**, რაც თავისთავად გააღვივებს მრეწველობის მრავალ დარგების აღმოცენებას ჩვენში.

პრაქტიკული მუშაობა ელექტროფიკაციის დარგში ჩვენში ერთბაშად სამი შთაბრძნობით მიმართულებით დაიწყო და სწარმოებს 1922 წელიდან: ა) **სარაიონო მნიშვნელობის დიდ ელსადგურების აშენება მრეწველობის, ტრანსპორტის, მუნიციპალურ და სოფლის მეურნეობის საჭიროებათა დასაკმაყოფილებლად**. ბ) **სამაზრო მნიშვნელობის საშუალო სიმძლავრის ელსადგურების აგება** და გ) **მცირე სიმძლავრის ადგილობრივ მნიშვნელობის ელსადგურების გამართვა დაბა-ქალაქებში და სოფლად**.

პირველი ჯგუფის — სარაიონო მნიშვნელობის ელსადგურის აღმშენებლობა — დაიწყო ფაქტიურად 1923 წ. გაზაფხულზე ზემო-ავჭალის ჰიდროელსადგურის — ზაჭეს-ის სამუშაოების გახსნით, რაც ტფილისის აღმასკომის ინიციატივით მოხდა. 1922 წლის შემოდგომაზე ტფილისის აღმასკომი საბოლოოდ არკვევდა ცენტრალურ ელსადგურის აგების საკითხს, რადგან არსებული დაქსაქსული და საბოლოოდ გაცვეთილი ქალაქის ელექტრიული მეურნეობა გადაჭრით მოითხოვდა განახლებას.

ჯერ განზრახული იყო 10.000 ცხ. ძ. სიმძლავრის ნავთით მომუშავე თბოსადგურის აშენება, მაგრამ საკითხის საბოლოო შესწავლის შემდეგ უპირატესობა მიეცა ჰიდრაულიურ სადგურს მდ. მტკვარზე მცხეთის და სოფ. ზემო-ავჭალის შუა ინჟ. ო. მელიქი-ფაშაევის მიერ წამოყენებულ წინასწარ პროექტის მიხედვით, რომელიც ამ ადგილას 10.000 ცხ. ძალის სიმძლავრის დანადგარის გამართვას გულისხმობდა. პარალელურად აღმასკომის მიერ მიღებული იყო ზომები ამ საკითხის გერმანულ სპეციალისტების დასკვნისათვის გადასაცემად არსებულ წინასწარ პროექტის საზღვარ გარეთ გაგზავნით. ცნობილ გერმანულ სპეციალისტებმა (მათ შორის პროფ. რეიჰელი, პროფ. ვაგენბახი, პროფ. რეიჰარდი და სხვები), საესებით მიზანშეწონილად სცენეს მდ. მტკვრის ზემო ნახსენებ უბნის არჩევა. ხოლო შეიტანეს თვით პროექტში მნიშვნელოვანი შესწორება სადგურის სიმძლავრის 40.000 ცხ. ძალამდე აწევით. — საკითხი საბოლოოდ ტენიკურად შესწავლილი იქნა აღმასკომის მიერ მოწვეულ სპეციალისტთა კომისიაში, რომელმაც არსებულ პროექტების შედარების და აწონ-დაწონის შემდეგ შეიმუშავა ზაჭეს-ის ძირითადი ჰიდრაულიური და ჰიდროტენიკური სქემა, რაც ამჟამად ცხოვრებაშია გატარებული. ეს სქემა დიდ ნაწილში ეყრდნობოდა გერმანულ სპეციალისტების ესკიზურ პროექტებს, სათანადო შესწორებებით ადგილობრივ პირობების მიხედვით *); სადგურის მუდმივი სიმძლავრე გამოდიოდა 18.000 ცხ. ძალა, ხოლო „ექვსი თვის“ — 36.000 ცხ. ძ.

პროექტის საბოლოო, დეტალურ დამუშავების პროცესში 1924-25 წ.-ში ზაჭეს-ის სამუშაოთა სამმართველოში, ზუსტ ჰიდრომეტრიულ და ჰიდროლოგიურ

*) ეს, ასეთვე, იხტორიული კომისია მუშაობდა შემდეგი შემადგენლობით: ინჟინერები — ნ. ანდრეევი, დამანტოვიჩი. ლ. დიასამიძე, პროფ. ა. დიდებულიძე, ა. ვასილიევი, ნ. ზორიკინი, ვ. კოპეენიკოვი, ლ. კონიუშევსკი. კოსტინი, ო. მელიქი-ფაშაევი, ს. ფირალიშვილი და ბ. ჰიქინაძე. კომისიის მუშაობას მეთაურობდა აშხ. ნ. რ. კიკნაძე.

აღრიცხვათა მიხედვით გამოირკვა, რომ ელსადგურის მუდმივი სიმძლავრე იქნება 20.000 ცხ. ძალა (15.000 კილო.); ხოლო პერიოდული, რომელსაც ადგილი ექნება (6-9) თვის განმავლობაში წლიურად, გამოვიდა 54.000 ცხ. ძ. (40.000 კილოვ.).

აი, ასეთ დიდ ამოცანის გადაჭრას შეუღდა ტფილისის აღმასკომი და საქართველოს მმართველი ორგანოები 1923 წლის გაზაფხულზე. — გაბედული ინიციატივა, მძიმე ნივთიერი მსხვერპლი ქალაქის ბიუჯეტიდან და საქ. სახ. კომ. საბჭოს თანხებიდან, ცენტრის, თანაგრძნობიანი და ენერგიული ფინანსიური დახმარება, პოლიტიკურ, საზოგადოებრივ ორგანოების და მუშათა მასების განუწყვეტლივი ინტერესი და თანაგრძნობა ამ დიდ სამუშაოსადმი — ყოველივე ეს საშუალებას იძლეოდა, რომ აღმშენებლობა დაუბრკოლებლად დაბოლოებულიყო სადგურის სახეიმო გახსნით ა. წ. 26 ივნისს.

ზაჭეს-ის აშენება, პირველ რიგში ტურბოგენერატორების 20.000 ცხ. ძ. დადგმით, დაჯდა 16 მილიონი მანეთი; ამ ჯამში შედის პიდროტენჯიკურ ნაშენთა სრული ღირებულება ელსადგურის მთელი სიმძლავრისათვის, ისე რომ სადგურის 54.000 ცხ. ძალამდე გასაფართოებლად საჭირო იქნება მხოლოდ საგენერატორო შენობის დაბანის გაგრძელება, დამატებით ტურბოგენერატორების და საწნეო მილების დადგმა სათანადო ელექტრო-მექანიურ მოწყობილობით; ზემოაღნიშნულ ღირებულებაში შედის აგრეთვე ორთა ელგადაცემის ხაზი ტფილისამდე, ქალაქის 4 ქვესადგური 12.000 კილოვ. საერთო სიმძლავრის, 30 კილომეტრის სიგრძის მიწის ქვეშა კაბელის ქალაქის ქსელი და 50 სატრანსფორმატორო კონსტრუქციის სხვადასხვა რაიონებში. ზაჭეს-ის შემდეგში სრულ სიმძლავრემდე, 54.000 ცხ. ძალამდე (ანუ 40.000 კილოვ.) გაფართოვება დაჯდება დამატებით არა უმეტეს 4 მილ. მანეთისა, ე. ი. სულ 20 მილიონი მანეთი, რაც დადგმულ თითო კილოვატზე შეადგენს 500 მანეთს.

ჩვენი წერილის საგანს არ შეადგენს ზაჭესი-ის ტენჯიკურ ან ეკონომიურ. მხარეს აღწერა — ეს ამჟამად ბევრად თუ ნაკლებად ცნობილია *); შევიჩრდებით მხოლოდ სადგურის დატვირთვის და მრეწველობაზე მისი გავლენის საკითხებზე.

ზაჭეს-ის დატვირთვის საქმე ამჟამად პირველ საწყისს სტადიაში იმყოფება, ვინაიდან მის ქსელთან ჯერ-ჯერობით მხოლოდ განათების აბონენტებია შეერთებული. ფაბრიკა-ქარხნების, რკინის გზის კვანძის, წყალსადენის და ტრამვაის შეერთება მხოლოდ მიმდინარე წლის ბოლოში იქნება დამთავრებული სათანადო მოწყობილობის დამზადების დაგვიანების გამო. აღნიშნულ მომხმარებელთა პიდროელსადგურის ენერგიაზე გადასვლა ამჟამად არსებულ მაქსიმალურ დატვირთვას, 2.500-2.800 კილოვატს, ასწევს 6.500 კილოვატამდე და პირველ საექსპლოატაციო წლის ბოლოში ელდენის წლიური მიწოდება, სადგურის მაღალ ჰინვის სალტებზე (შინებზე) აღრიცხული, იქნება 29 მილ. კილოვ. საათი.

თუ რამდენად დიდ ნაბიჯს წარმოადგენს ზაჭესის, თუნდაც ეს პირველი საექსპლოატაციო წელიწადი იქედან სჩანს, რომ 1913 წელში საქართველოს ტე-

* იხ. წიგნი, „ზაჭესი“, უფრო „საქართველოს ეკონომისტის“ გამოცემა ვ. ი. ავაქიანის რედაქტორობით. ტფილისი. 1927 წ.

რიტორიაზე არსებულ ყველა ელსადგურების (თბო და ჰიდროელსადგურების) სრული წლიური ენერჯის მიწოდება არ გასცილებია 20 მილ. კილოვატ საათს.

მაგრამ პირველი საქსპლოატაციო წელიწადი მხოლოდ პირველი ნაბიჯია, ის არ ახასიათებს ელსადგურის ნამდვილ შესაძლებლობას. სამი წლის განმავლობაში 1930-31 წ.-მდე ზაჭეს-ის დატვირთვის მაქსიმუმი აიწევა სრულ მის. პირველ რიგის სიმძლავრემდე სურამის უღელტეხილის და ზოგიერთ ახალ წარმოების შემოერთების გამო და წლიური მიწოდება ენერჯისა მიაღწევს 40 მილ. კილოვ. საათს; ეს წლიური მიწოდება ენერჯისა 1935 წლისათვის უკვე 82.500.000 კილოვატსაათამდე აიწევა, მხოლოდ არსებულ. შენებაში მყოფ ან ასაშენებლად საბოლოოდ დამტკიცებულ ახალ წარმოებების დატვირთვათა გათვალისწინებით.

ახალ სამრეწველო დარგების და წარმოებების აღმოცენებაზე ზაჭეს-ს ექნება მძლავრი გავლენა, რომელმაც უკვე იჩინა თავი ელსადგურის ამუშავებამდისაც კი.

ტფილისის მათემატიკის კაბინა, დაწყებული 1926 წელში, რომელიც 1.500 ცხ. d. სამოძრაო ენერჯის მოითხოვს. კასპის ტემენტის კარხანა, დაწყებული 1:27 წლის ზაფხულში 2.000 ცხ. d. სიმძლავრის საჭიროებით, ტფილისის აღმასკომის ადგილობრივ მრეწველობის საწარმოთა აშენების დაწყება, ამ რამდენიმე წლის წინად დამთავრებული სასოფლო ელექტროფიკაციის ქსელი მცხეთა-ავჭალა-გლდანი, საქ. წყალთა მეურნეობის სამმართველოს მიერ წლიურ დაწყებული. ფრანგი და საყურადღებო საქმე — დილმის ველის მოწვევისა 600 კილოვ. სავრთო სიმძლავრის ელექტრო-ტუმბოების შემწეობით — ყოველივე ეს პირველი შედეგებია საქართველოს პირველი სარაიონო ჰიდროელსადგურის დაარსებისა.

ცნობილია ის უშუალო გავლენა, რომელიც მოახდინა ზაჭეს-ის აშენებამ ა.კ. რკინის გზის ელექტროფიკაციის საქმის დაჩქარებაზე. ცნობილია აგრეთვე ისიც, რომ ზაჭეს-ის არსებობამ და სურამის უღელტეხილის ელექტროფიკაციის სამუშაოების დაწყებამ გადააწყვეტი. როლი ითამაშეს საქართველოს ახალ სარაიონო ცენტრალის, რიონზეს-ის დაწყების საკითხში. ამრიგად, უწყვეტ ლოკურ ჯაჭვად იზღუბა ჩვენ წინაშე ქვეყნის სამრეწველო განვითარება, რომლის პროცესში თვითეული საწარმო ობიექტი ნაძალადევი, ნაკარნახევი მოვლენა კი არ არის, არამედ წინად გადადგმულ ნაბიჯიდან გამოდინარე სრული ეკონომიური აუცილებლობა.

მეორე საყურადღებო ნაბიჯი სარაიონო ჰიდროელსადგურების აშენების საქმეში ოფიციალურად გადაიდგა მიმდინარე წლის 28 ივნისს (ზაჭესის გახსნის მესამე დღეს) ქუთაისში რიონის ჰიდროელსადგურის სამუშაოების საჭეიშო დაწყებით.

ჯერ კიდევ 1924-25 წ. წ. საქ. სახ. კომისართა საბჭოს დადგენილებით დაარსებული ე. წ. ფერო-მარგანცის კომისია ცნობილ გერმანულ მეცნიერ ჰიდროტექნიკოსის პროფ. ა. ლიუდინის ხელმძღვანელობით შეუდგა რიონის და ცხენის წყლის მდინარეების მთლიან ჰიდროლოგიურ და ენერგეტიულ შესწავლას და დაამუშავა საყურადღებო ტექნიკო-ეკონომიური მასალი: შედგენილი იქნა. ნახსენებ მდინარეების ენერგეტიული რუკა „გამოსაყენებლად საფეხურებად“ და. ნაწილებით და ამ „საფეხურებზე“ ჰიდროელსადგურების წინასწარ და ესკიზურ

პროექტების შედგენით. ქიათურის მრეწველობისათვის, და ფერო-მარგანეცის ქარხნისათვის ენერჯის მისაწოდებლად პროფ. ა. ლიუდინი და ფერო მარგანეცის კომისია შეჩერდნენ პირველ რიგში მდ. რიონის „ქუთაისის საფეხურის“ გამოყენებაზე, რაც 1925 წელში დადასტურდა საქართველოს და ა.-კ.-ის უმაღლეს ორგანოების მხრივ და დამტკიცდა ცენტრის ინსტანციებში. საქმის პრაქტიკული განხორციელება შეჩერდა ქიათურის შავი ქვის მალაროების საკონსტრუქციო ამერიკელებზე გადაცემის გამო და ჰიდროელსადგურის აშენება გადაიდვა.

პროფ. ა. ლიუდინის პროექტი გულისხმობდა მდ. რიონზე ქ. ქუთაისის ზემოდ, სოფ. ჭომასთან საგუბრის აშენებას წყლის დონის 20 მეტრით ასაწევად, რის შემდეგ ის გაიყვანებოდა საწნეო გვირაბით მდ. წყალ-წითელის ხეობაში და იქ, ყოფ. სამხედრო-იმერეთის გზატკეცილის ხიდთან დაეშვებოდა საწნეო მილსადენით საგენერატორო შენობისაკენ; ნამუშევარი წყალი მდ. წყალ-წითელის კალაპოტით გაივლიდა დაახლოებით 9 კილომეტრს სანამ მდ. ყვირილას შეერთდებოდა ა.-კ. რკინის გზის სადგურ რიონის ქვემოთ.

სრული გამოსაყენები ვარდნა გამოდიოდა 42 მეტრი, მუდმივი სიმძლავრე სადგურისა — 20.000 ცხ. ძ., პერიოდული 6-9 თვის განმავლობაში 40.000 ცხ. ძ. და ენერჯის წლიური სრული მიწოდება 160 მილ. კილოვ.-ს.

სამუშაოების ღირებულება ამ პროექტით საბოლოოდ 1927 წ.-ში დამტკიცებული ხარჯთაღრიცხვის თანახმად უდრის 13 მილ. მანეთს.

1926 წ. ბოლო თვეებში საჭირო ხდებდა რიონის ჰიდროელსადგურის აშენების საკითხის ხელახლად წამოყენება, ვინაიდან ამ დროისთვის საბოლოოდ ირკვევა ზაჰეს-ის უახლოეს წლების დატვირთვის რაოდენობა, მთავრდება სურამის უღელტეხილის ელექტროფიკაციის პროექტის შედგენა და ირკვევა ზაჰესის დამატებად დასავლეთ საქართველოში სარაიონო ჰიდროელსადგურის აშენების აუცილებლობა 1930-31 წლისათვის უღელტეხილზე ენერჯის ერთბაშად აღმოსავლეთ-დასავლეთიდან მისაწოდებლად.

შემოაღნიშნულის გამო საქ. სახ. მეურნ. უმაღლესი საბჭო შეუდგა რიონის ჰიდროელსადგურის საკითხის დაწვრილებით და ხელახალ შესწავლას ფერო-მარგანეცის კომისიის მასალების მიხედვით და გარდა ამისა სპეციალურად და ზედმიწევნით დაამუშავეს ახალ პირობათა მიხედვით საყურადღებო ნაწილი ამ საკითხისა — დატვირთვების რაოდენობა და ენერჯის საჭიროება 1930-31 და 1934-35 წლებისათვის ზაჰეს-რიონზე-ის სისტემის ერთობლივ, პარალელურ მუშაობის დროს.

სპეციალურ კომისიის *) ზედმიწევნით ფრთხილად გატარებულ აღრიცხვის მიხედვით გამოირკვა, რომ ზაჰეს-რიონზე-ის სისტემის საერთო დატვირთვა იქნება: 1930-31 წელში 78.150.000 კილოვ. საათი, ხოლო 1934-35 წელში — 190.415.000 კილოვ. საათი.

*) კომისიაში, რომელსაც ჩვენნი ხელმძღვანელობით მუშაობდა, შედიოდნენ ინჟინერები: ა. ვასილევე, ი. ვაწაძე, ა. მუსხელიშვილი, ი. ხალათაიანი, გ. შახბუდაგოვი და ს. ყირაშვილი.

ამ დატვირთვიდან დასავლეთ რაიონზე (ქუთაისის და ჭიათურის რაიონების მრეწველობა და ქალაქები, სურამის უღელტეხილის ელექტროფიკაცია) მოდის:

1930-31 წ.-ში 40.000.000 კვ. საათი.

1934-35 წ.-ში 85.000.000 „ „

დატვირთვა ინგარიშება, რასაკვირველია, მხოლოდ რეალურ ობიექტების საქიროებათა მიხედვით, ე. ი. იგულისხმება მხოლოდ არსებული, მშენებარი ან ასაშენებლად საბოლოოდ დამტკიცებული წარმოებანი.

ჟურნალიწერილის ფარგლების მიხედვით არ შეეუდებოთ რიონჰეს-ის სამრეწველო-ეკონომიურ დასაბუთებას და განმარტებას *).

რიონჰეს-ის აშენების საკითხი საბოლოოდ იქნა განხილული ცენტრში მიმდინარე წლის თებერვალ-აპრილში ყველა უმაღლეს ტეხნიკურ და საეგემო ინსტანციებში და 6 მაისს შრომის და თავდაცვის საბჭოს დადგენილებით დამტკიცდა ქ. ქუთაისიდან მდ. რიონზე 20.000 კილ. (30.000 ცხ. ძ.) პირველი რიგის სიმძლავრის ჰიდროელსადგურის აგება საქ. ელექტროფიკაციის ფონდიდან 1927-31 წ. განმავლობაში 9.700.000 მანეთის გადადებით. დანარჩენი თანხა, 3.300.000 მანეთი უნდა გადაიდგას ამავე დროის განმავლობაში ადგილობრივ წყაროებიდან იმ პირობით, რომ ამ ჯამში შედის ზაჰეს-ის აშენების შემდეგ დარჩენილი მოწყობილობა და მასალა 500.000 მან. საერთო ღირებულებით.

საკავშირო უმაღლეს ორგანოების ამ დადგენილებას საფუძვლად დაედო ფერო-მარგანეცის კომისიის (პროფ. ა. ლიუდინის) პროექტი, რომლისათვის მხოლოდ ხარჯთაღრიცხვა იყო ხელახლად შედგენილი, ვინაიდან 1925 წელში ფ.-მ. კომისიის ხარჯთაღრიცხვა აშკარად არა საკმარისი იყო. ამავე დროს, საკავშირო ცენტრალურ ელექტროტეხნიკურ საბჭოში ჩვენ მიერ შეტანილი განცხადების თანხმად, რომელსაც ავტორიტეტულად მხარი დაუჭირეს პროფესორებმა ბ. ე. ვედენეევმა (პროექტის მომხსენებელი), მ. კ. პოლივანოვმა, ს. ა. კუკელ-კრაევსკიმ, ვ. ა. ვასილევმა და ა. ა. ვარონოვმა, უფლება მოგვეცა საბოლოო, დეტალურ პროექტის წარდგენის დროს მხედველობაში მიგველო ინჟინერ ო. ნ. მელიქ-ფაშაევის მიერ 1926 წელში წარმოდგენილი ენერგეტიულ და ეკონომიურ თვალსაზრისით ფრიად საყურადღებო ვარიანტი ძირითად პროექტისა.

ეს ვარიანტი ამჟამად ცნობილია და ამიტომ არ შეეჩრდებით მის აღწერაზე; აღენიშნავთ მხოლოდ, რომ ვარდნა გადიდებულია ამ ვარიანტით 63 მეტრამდე, მუდმივი სიმძლავრე 30.000 ცხ. ძალამდე და პერიოდული (7-9) თვის 60.000 ცხ. ძალამდე, ხოლო წლიური მიწოდება ენერჯისა აღწევს 220.000.000 კვ. ს.

როგორც ცნობილ სპეციალისტების საქსპერტო კომისიამ *) გამოარკვია ა. წ. შაისში, სამუშაო რაიონის დათვლიერების და ტეხნიკურ მასალების შეს-

*) იხ. ამ საგნის შესახებ ჩვენი ხელმძღვანელობით გამოცემული მასალები „Материалы к проекту гидроэлектростанции на р. Рион у г. Кутаиса“, გამ. ს. ს. შ. უ. ს. ტფ. 1927 წ.

*) კომისია მუშაობდა საკავშირო მთავარ ელექტროტეხნიკურ სამმართველოს (Глав-електро) წარმომადგენელის პროფ. ს. ა. კუკელ-კრაევსკის მეთაურობით და მასში შედიოდნენ პროფესორები: ვ. ა. ვასილევია, ვ. გ. გლუშკოვი, მ. ე. კნორე და ა. გ. რაიბინინი. კომისიის მუშაობაში იღებდნენ უახლოეს მონაწილეობას სახ. ელ.-ტრანსტის წარმომადგენელი ინჟ. ს. თ. ზავალიშინი და ინჟ.-გეოლოგი ლ. კ. კონიუშევსკი.

წავლის შემდეგ, — ინჟ. ო. ნ. მელიქ-ფაშაევის ვარიანტი ტექნიკურ აღსრულებით-სათვის უფრო ადვილია (ძირითად პროექტთან შედარებით), მისი სიმძლავრე გვერად მეტია, ხოლო სამუშაოთა ღირებულება არ იქნება მეტი, ვინემ პროფ. ა. ლიუდინის პროექტით.

ზემოაღნიშნულის მიხედვით ეს ვარიანტი მიღებულია რიონჰეს-ის სამუშაოთა სამმართველოს მიერ საბოლოო ტექნიკურ პროექტის დასამუშავებლად. აღნიშნული პროექტი უკვე წარედგინა საკავშირო ცენტრალურ ელექტროტექნიკურ საბჭოს „ცეს“-ს განსახილველად და დასამტკიცებლად, და დამტკიცებისთანავე გაიხსნება ელსადგურის ძირითადი სამუშაოები. საბოლოო ნახაზების დამტკიცებამდე კი ა. წ. ოქტომბერ-ნოემბერში გრძელდება მოსამზადებელი სამუშაოები: გზების გაყენა, დროებითი ელსადგურის და სახელოსნოების აშენება, მექანიკურ მოწყობლობათა დადგმა-აწყობა, სამუშაო ადგილების გასწორება, ტყის მოჭრა მომავალ არხის და აუზის ზოლის ფარგლებში და სხვ.

1930-31 წ.-ში სამუშაოები სავსებით უნდა დამთავრდეს და მოხდეს ელსადგურის ამუშავება, ვინაიდან ამ დროისთვის დასრულდება სურამის უღელტეხილის ელექტროფიკაციის სამუშაოებიც და საჭირო იქნება დენის მიწოდება მატარებლების სამოძრაოდ. ამავე დროისათვის დასჭირდება ენერჯის მიწოდება ისეთ მსხვილ მომხმარებელს როგორცაა ენგურის ქალაქის ქარხანა, რომლის სრულ მოთხოვნილებას მარტო აბაშის ჰიდროელსადგური ვერ დააკმაყოფილებს.

ამ ორ პირველ დიდ, სარაიონო ცენტრალურ — ზაჰეს-რიონჰეს-ის დამთავრების შემდეგ საქართველოში, ამჟამად არსებულ ან შენების პროცესში შყოფ მცირე ელსადგურების გარდა, იარსებებს ტერიტორიალურად მეტად ხელსაყრელად მდებარე ძირითადი საელექტროფიკაციო და სამრეწველო ბაზა, რომლის პირველ რიგის დადგმული საერთო სიმძლავრე იქნება 35.000 კილოვატი (50.000 ცხ. ძ.) და წლიური ენერჯის მიწოდების უნარი 170.000.000 კვ. საათი, როგორც აღვნიშნეთ ზემოდ, პირველ რიგში დადგმულ მუდმივ სიმძლავრის გარდა შეიძლება ორივე ამ ცენტრალის გაფართოვება პერიოდულ სიმძლავრის გამოსაყენებლად (6-9) თვის განმავლობაში; ეს გაფართოვება ზომიერ ხარჯებს მოითხოვს, ვინაიდან პირველ რიგის აშენების დროს უკვე გატარებულია შემდგომ გაფართოვებისათვის საჭირო ყველა ჰიდროტექნიკურად სამუშაონი.

გაფართოვების შემდეგ სურათი შემდეგი იქნება: ორივე ცენტრალის საერთო სიმძლავრე — 82.000 კილოვ. (114.000 ცხ. ძ.) და სრული წლიური ენერჯის მიწოდების უნარი 370.000.000 კვ. საათი.

აქედან ვხედავთ, რომ ორივე ელსადგურის პერიოდული, ე. წ. სახეზონო ენერჯია შეადგენს წლიურად 200.000.000 კვ. საათს. მართალია, მტკვარი-არაგვის და რიონის ჰიდროლოგიურ რეჟიმთა განსხვავება ამ ენერჯის ერთ ნაწილს მუდმივ ენერჯის ხასიათს მისცემს, მაგრამ მთელი პერიოდულ ენერჯის გამუდმივება შეიძლება მხოლოდ დამატებით, ხანგრძლივ რეგულიაციის ჰიდროელსადგურის მოწყობით, რაც საქართველოს ელექტროფიკაციის შემდგომ ნაბიჯს წარმოადგენს მრეწველობის ახალ ობიექტების მოთხოვნილებათა ზრდის მიხედვით.

ორიოდე ცივრით განვმარტოთ ამ მომავალ ნაბიჯის ეკონომიური მნიშვნელობა. თუ გავითვალისწინებთ ზემომხსენებულ განმარტებებს, ორივე ჰიდროელსადგურის **ჯაჭვს-რიონჭეს**-ის სრულ სიმძლავრემდი გავართოვების დამატებითი ღირებულება შეიძლება მივიღოთ დაახლოვებით 7.000.000 ჰანეთი, რაც დამატებით 200.000.000 კვ. საათს იძლევა წლიურად.

ამ გავართოვებისაგან მომხდარი მომატება ჰიდროელსადგურების წლიურ საექსპლოატაციო ხარჯებისა შეგვიძლია აღვრიცხოთ დაახლოვებით მთელი დამატებით დახარჯულ ჯამის 10%-დან (ამაში შედის კაპიტალის ანაზღაურება, % კაპიტალზე და სხვა). მაშინ, პერიოდულ ენერჯის საშუალო თვიღირებულება ელსადგურთა საღტებზე იქნება:

$$\frac{700.000 \times 100}{200.000.000} = 0,35 \text{ კაპ. კილოვატსათში.}$$

აქედან ცხადია ეკონომიური მნიშვნელობა შემდეგში წლიურ რეგულიაციის შემოღებით ამ მეტად იავ პერიოდულ ენერჯის გამუღმევიებას.

სანამ პირველ ჯგუფის ჰიდროელსადგურების განმარტებას დავმთავრებდეთ საჭიროა მოკლეთ შევეხოთ ახლო წლების პერსპექტივებს **სარაიონო ჰიდროელსადგურების** აშენების საქმეში. — შემდეგი ნაბიჯი ამ საქმეში უეჭველად მძღავრ, ხანგრძლივ რეგულიაციის მაღალდაწვეიან ჰიდროელსადგურის აშენება იქნება. ამასთანავე სასურველია ეს ჰიდროელსადგური ისე მდებარეობდეს, რომ ადვილად იქნეს ჩართული **ჯაჭვს-რიონჭეს**-ის და მათთან სხვა დაკავშირებული ელსადგურის საერთო ქსელში.

არსებულ წინასწარ მასალების მიხედვით, ამ საქმისათვის ორი მთავარი ვარიანტი არსებობს: ა) **რიცეულის** ჰიდროელსადგური (რაჭის მაზრაში) ან და ბ) **თოფარვანის** ჰიდროელსადგური (ახალქალაქის მაზრაში). — დანარჩენი ცნობილი წინასწარი პროექტები მაღალდაწვეიან და ხანგრძლივ რეგულიაციის ელსადგურებისა (მაგალითად **ტყბულის**, **შაორის**) არ იძლევიან საკმარის სიმძლავრეს და ვერ დაკავყოფილებენ რესპუბლიკის მთელ ელექტრიულ ქსელის რეგულიაციის ამოცანას.

რასაკვირველია, შეიძლებოდა დაყრდნობა მრავალ სხვა მდინარეზე და ადგილზე (ენგური, ცხენის წყალი და სხვა), მაგრამ არსებულ მასალების გავითვალისწინებით და ჩვენი ჰიდროვლიურ ძალების მეტად სუსტი შესწავლის პირობებში ზემოდანხსენები ორი ვარიანტი უფრო სათანადო და შესაფერისად მოსჩანს დასახულ ამოცანის გადასაჭრელად.

პირველი — **რიცეული** — შესწავლილია და წინასწარ დამუშავებული 1924-25 წ.წ. პროგ. ა. **ლიუდინის** ხელმძღვანელობით **ფერო-მარგ.** ყოფ. კომისიის მოქმედების დროს. ჰიდროსადგურისათვის გავითვალისწინებული მდ. რიცეულის უბანი (მდ. რიონის მარჯვენა შესართავი ზემო ნაწილში) შეიცავს 432 მეტრის საერთო ვარდნას და მის ზემოდ მდებარე ჰიდროგრაფიული აუზი 135 კვ. კილომეტრს უდრის. საშუალო წლიურ წყლის ხარჯვის და მარაგად გამოსაყენებ (350-390) მეტრის ვარდნის მიხედვით დანადგარის მუღმევი სიმძლავრე უდრის 14.250 კვ. (20.000 ცხ. ძ.), დაღმეული სრული სიმძლავრე — 22.300

კვ. (32.600 კვ. დ.) და სრული უზრუნველყოფილი წლიური მიწოდება ენერჯისა — 125.000.000 კვ. საათს.

პროექტი გულისხმობს გრავიტაციულ ტიპის 81 მეტრის სიმაღლის საგუმბორის აგებას, რომლის ქიმის სრული სიგრძე 209 მეტრი გამოდის; ამრიგად შექმნილი წყალსაცავის ტეობა 19.000.000 კუბ. მეტრი იქნება. წყალი გაიყვანება 2 მეტრის დიანეტრიან და 5 კილომეტრის სიგრძის საწნეო გვირაბით და შემდეგ საწნეო მილებით დაეშვება ჰიდროსადგურის შენობისაკენ.

ფერო-მარგ. კომისიის წინასწარ ხარჯთაღრიცხვით ამ ჰიდრო-სადგურის სამუშაოების ღირებულება უდრის 12.930.000 მან., რაც უეჭველად მეტად შემცირებულ ციფრად უნდა ჩაითვალოს საგუმბორის და საწნეო გვირაბის მეტად დიდ ზომების გამო. ჩვენ მიერ ამ სადგურის წინასწარ პროექტის მიხედვით გატარებულ ალრიცხვა სამუშაოთა ღირებულებისა გვაძლევს გაცილებით უფრო დიდ ჯამს (25-30) მილ მან., ვინაიდან მარტო საგუმბორის და გვირაბის და მათთან დაკავშირებულ მოწყობილობათა ღირებულება შეადგენს დაახლოვებით 18.000.000 მანეთს, მაშინ, როდესაც პროფ. ა. ლიუდინს მხოლოდ 7.500.000 მანეთად აქვს ნაანგარიშევი. თუ მივიღებთ უფრო მცირე ციფრს და ვიგულისხმებთ, რომ სამუშაოების ასრულების დროს მათი ნამდვილი რაოდენობა პროექტისაზე მეტი არ გამოდგება, კილოვ. საათის საშუალო თვითღირებულება ელსადგურის სალტებზე გამოვა:

$$\frac{25.000.000 \times 100}{10 \times 125.000.000} = 2,0 \text{ კაპ. კვ. საათში.}$$

ეს ფასი წლიური რეგულიაციის სადგურებისათვის მცირედ ვერ ჩაითვლება, მაგრამ თუ გავითვალისწინებთ ზემოდ ნათქვამს ამ ელსადგურის სარეგულიაციო მნიშვნელობის შესახებ (ზაჰეს-რიონჰეს-ის სისტემის პერიოდულ ენერჯის გამუდმივებას), რიცეულის ჰიდროელსადგურის აშენება, როგორც საქართველოს ელექტროფიკაციის შემდეგი ნაბიჯი, სავსებით მიზანშეწონილად უნდა ჩაითვალოს.

მეორე ჰიდროელსადგური — თოფარავანის — წამოყენებულია ჩვენ მიერ 1921-22 წლიდან, როდესაც ბ. მ. მიქელაძესთან ერთად გავატარეთ პირველი დაახლოვებითი გამოკვლევა მისი რაიონისა და სქემატიურ პროექტისა რამოდენიმე ვარიანტად. ამ საკითხის შემდგომმა შესწავლამ*) დაგვარწმუნა, რომ თოფარავანის მთიურ ტბათა და მდ. ახალქალაქ-ჩაის (იგივე თოფარავანი) რაიონი წარმოადგენს მეტად საყურადღებო ჰიდროლოგიურ და ენერგეტიულ ამოცანას. თუ ჩვენი წინასწარი გამოკვლევის ციფრები ბევრად თუ ნაკლებად დადასტურდება დაწვრილებით გამოკვლევის დროს (რომელიც ამაჟამად ს. მ. უ. ს. დავალებით სან. ელექტრო-ტრესტი აწარმოებს) თოფარავანის ჰიდროსადგური დაიქერს მეტად საპატიო ადგილს არა თუ საქართველოში და ა. კ.-ის, არამედ საკავშირეო ელექტროფიკაციის საქმეში.

*) იხ. ამის შესახებ ჩვენი წერილები 1925-27 წ.წ. „ტენიკა და მეცნიერება“-ში და „Экономич. Вестник. Закавказье“.

არ შევუდგებით აქ სადგურის ვარიანტების აღწერას, რომლებსაც მსურველნი გაეცნობიან ზემოდანახსენებ ჩვენ წერილებიდან, აღვნიშნავთ მხოლოდ, რომ ჩვენის ანგარიშით შესაძლო წლიური სარგებულია ციო მარაგი წყლისა აღემატება 200.000.000 კუბ. მეტრს, გამოსაყენები ვარსა 525 მეტრია, მუდმივი სიმძლავრე უდრის 80-100.000 ცხ. ძალას, დადგმული სიმძლავრე 160.000 ცხ. ძ., ხოლო ენერჯის წლიური მიწოდების უნარიანობა 500.000.000 კილოვ. საათს. ელსადგურის სრულ ღირებულებას ჩვენ წინასწარი ხარჯთაღრიცხვით ვანგარიშობთ 25.000.000 მანეთად (40 მეტრის სიმაღლის საგუბრის ვარიანტით).

პროფესორებმა ა. ა. გორჯემა და ი. ვ. ეგიაზაროვმა, რომელნიც ამ შემოდგომაზე გაეცნენ თოფარავანის ჰიდროელსადგურის რაიონს, სავარაუდო აღრიცხვით დაასახელეს სადგურის ღირებულება (35-40) მილ. მან. კიდევაც რომ მივიღოთ ეს ჩვენი აზრით გადაჭარბებული ციფრი, სადგურის ეკონომიურად დამახასიათებელი ცნობები მეტად საყურადღებო გამოდიან:

თითო დადგმულ კილოვატის ღირებულება:

მუდმივ სიმძლავრის — 550 — 600 მან.

სრული სიმძლავრის — 350 — 400 მან.

ენერჯის თვითღირებულება ელსადგურის სალტებზე:

$$\frac{40.000.000 \times 100}{10 \times 500.000} = 0,8 \text{ კაპ. კვ. საათზე.}$$

თავი შევიკავოთ უფრო დაწვრილებით დახასიათებისაგან, ვინაიდან ამჟამად წარმოებული დაწვრილებითი გამოკვლევები და წინასწარ პროექტის შედგენა, რომლებიც კიდევ 1927-28 წელში გაგრძელდებიან საკავშირო საკავშირო კომისიის დადგენილების თანახმად, მოგვცემენ უტყუარ დებულებებს თოფარავანის ჰიდროელსადგურის საკითხის თავის დროზე გადასაჭრელად. აშკარაა ესლავე მხოლოდ ის, რომ თუ ჰიდრომეტრიული დაკვირვებანი ბევრად თუ ნაკლებ დადასტურებენ ჩვენგან ნავარაუდევ ხარჯვას მდ. თოფარავანისას, ეს ჰიდროელსადგური მეტად საყურადღებო და სერიოზულ ამოცანად იქცევა საქართველოს და ა. კ.-ის ელექტროფიკაციის გეგმაში.

ასეთიან უახლოესი პერსპექტივები საქართველოში სარაიონო ცენტრების აშენების საქმეში. რომლებიც გვიჩვენებენ, რომ საქართველოს გასაბჭოების შემდეგ გადაგმულ პირველი ორ ნაბიჯით (ზაჰეს-რიონჰეს) გახსნილია ფართო გზა ჩვენი ქვეყნის სრულ ელექტროფიკაციისათვის.

მეორე ჯგუფის — სამაზრო მნიშვნელობის და საშუალო სიმძლავრის ელსადგურების აღმშენებლობაში და შესწავლაშიაც საყურადღებო ნაბიჯებია გადადგმული ბოლო წლებში. 1924 წელში დაწყებულია აშენება ორ ასეთ ელსადგურისა: ერთის აკარისტანში — მდ. აკარის-წყალზე სოფ. ნახუნცეთთან, ხოლო მეორესი — სენაკის მაზრაში მდ. აბაშაზე ე. წ. მარტვილის წყალვარდნილებზე.

პირველი — აკჰესი — აგებული იქნება 7.500 ცხ. ძ. სიმძლავრით (მუდმივი სიმძლავრე — 5.000 ცხ. ძ.), შემდგომ 12.000 ცხ. ძალამდე გაფართოვების შესაძლებლობით. ელსადგურის სამუშაო რაიონი მდებარეობს ბათომიდან 35 კილომანძილზე ბათომ-ახალციხის გზატკეცილით. ამ სამუშაოების ხელმძღვანელების

ინჟინერების: მაშვეცის, აბდულინის და კალაშნიკოვის მიერ. პროფ. ვ. ა. ვასილივის ხელმძღვანელობით შედგენილ პროექტით სადგური იმუშავებს 34 მეტრის დაწნევით, რომელიც შეიქმნება მდინარის კალაპოტში მოწყობილ ქვანაყარის ტიპის მაღალი სადგურის და მოკლე საწნეო გვირაბის შემწევობით. მდ. აჭარის წყლის მეტად ცვალებადი და არა რეგულიარული რეჟიმი (წყლის ხარჯვა იცვლება უზარმაზარ საზღვრებში 14-2.500 კუბ. მ. წამში) იწვევს წყლის გადასადგმებ ნაშენთა დიდ ღირებულებას; უკანასკნელი შესდგებიან ერთ ნაპირზე უბრალო წყალსაშვისაგან, ხოლო მეორეზე რთულ მონაზულობის და დიდ განივ კვეთის მუხლისებრ გვირაბიდან. გარდა ამისა, სადგურის ასაგებად საჭირო შეიქმნა მნიშვნელოვანი გამტარებლობის სადერივაციო გვირაბის აშენება, სადგურის ქვაბინის ამოსაშრობად.

ზემოაღნიშნულის გამო სამუშაოთა სრული ღირებულება აღწევს 5.000.000 მანეთს, ანუ შეადგენს პირველ რიგის დადგმულ თითო კილოვატზე 800 მანეთს *). ელსადგურის სრული დატვირთვის შემდეგ, როდესაც ენერჯის მიწოდება 15-20.000.000 კვ. საათს მიიღწევს თითო კოლოვ. საათის ღირებულება ელსადგურის სალტებზე იქნება დაახლოებით (3,0-3,5) კაპ. პირველ ხანებში კი ენერჯია უთუოდ დაახლოებით (5-6) კაპ. ეღირება კვ. საათში. ელსადგურის დატვირთვა უსრუტველყოფილია ბათომში მსხვილ მომხმარებლების არსებობით: ნავთსადგური, ნავთის გამოსახდელი და ბათომის სხვა ქარხნები, კომუნალური მეურნეობა. რკინის გზის სადგური, ახლომდებარე საავარაკო ადგილები და სხვა. მიუხედავად ვაკრეცლებული აზრისა ამ ელსადგურის სიძვირის შესახებ: ვფიქრობთ, რომ ასეთი შეხედულება აჭკვე-ზე სწორი არ არის და თუ სამუშაოები ბოლოს და ბოლოს 5 მილ. მანეთზე მეტი არ დაჯდა, ელსადგურის სრული ღირებულება და ენერჯის ფასი სავსებით ნორმალურად უნდა ჩაითვალოს საშუალო დაწნევის ჰიდროელსადგურებისათვის.

ყოველ შემთხვევაში ენერჯის ფასი არსებულთან შედარებით დიდ უპირატესობას იძლევა და თბოსადგურის ენერჯის ღირებულება მას მეტოქეობას ვერ გაუწევს.

ამჟამად სამუშაოების 50%-ზე მეტია დამთავრებული და დამტკიცებულ გეგმის თანახმად 1928-29 წ.-ში სადგური გაშვებული უნდა იქნეს.

მეორე საშუალო სიმძლავრის ჰიდროსადგური — აბჰეს-ი აგრეთვე 1924 წელშია დაწყებული. სადგური გამოიყენებს ე. წ. მარტილის წყალვარდილიებს მდ. აბაშაზე, რომელთა გამოსაყენები ვარდნა, მიღებული, 1/3 კილომეტრის მანძილზე 46 მეტრს აღწევს. ორი წინასწარ სქემათიურ ვარიანტიდან: მაღალ საგუბრიანი (ინჟ. პ. გ. მამრადის) და დაბალ საგუბრიანი (ინჟ. ნ. კ. ზვორიკინის) — ასასრულებლად მიღებული იქნა უკანასკნელი, ვინაიდან ამ რაიონის ქვა-კირის კლდეები გეოლოგიურად ძლიერ სავსეო არიან მაღალ, საგუბრის ასაგებად (ე. წ. კარსტის მოვლენები — წყალდასაყვები, ფუტუროები, გამოქვაბულები და სხვა); საბოლოო ინსტრუმენტალური გამოკვლევა (ინჟ. გ. პ. ვინიჩი-სიანოენსკი) და:

*) სრულ სიმძლავრეზე არ ვანჭარიშობთ. ვინაიდან 12.000 კვ. ძალამდე მის ასაწევად საჭიროა სადგურის სიმაღლეს შესაფერისი მომატება, რისი ღირებულება ხელთ არა გვაქვს.

პროექტის შედგენა (ინჟინერები: ა. ვასილიევი, ვ. კოუვენკოვი, ა. ჩიკოვანი, პ. კოსოვსკი) გატარებულია ჩვენი ხელმძღვანელობით 1924 წელში.

ელსადგურის მუდმივი სიმძლავრე უდრის 2.600 ცხ. ძ, ხოლო სრული დადგმული სიმძლავრე იქნება მომავალში 3.250 ცხ. ძ. აქედან პირველ რიგში დადგმულია 870 ცხ. ძ. აგრევატი და 1928 წ. 1 ივლისისათვის დადგმული იქნება კიდევ ერთი ასეთივე. ელსადგურის ყველა ჰიდროტექნიკური ნაშენი სრული სიმძლავრისათვის არის აშენებული, აგრეთვე სადგურის შენობაც.

ამჟამად ყველა სამუშაოები და მანქანების აწყობა დამთავრებულია და მთარდება ელექტროგადაცემის ხაზის მონტაჟი აბჰეს-სენაკი-ფოთი (65 კილომ. მანძილზე), ისე რომ მოკლე დროში გაშვებული იქნება საქართველოს ეს მეორე მნიშვნელოვანი ჰიდროელსადგურიც.

სადგურის სამუშაოების სრული ღირებულება 65 კილომეტრის სიგრძის მაღალ ჭინვის (22.000 ვ.) ელგადაცემის ხაზის; სოფ. ბანძის, ქ. სენაკის, და ქ. ფოთში ორ ქვესადგურის (სულ 4 ქვესადგური) შიდ ჩათვლით გამოდის 1.200.000 მანეთი.

სრულ სიმძლავრემდე გაფართოების შემდეგ (სამი აგრევატი — 3.250 ცხ. ძ.) ჰიდროელსადგურის ღირებულება 22.000 ვოლ. ჭინვის სალტებამდე გამოვა 1.000.000 მანეთი, ანუ დადგმულ თითო კილოვატზე 420 მანეთი (300 მან. თითო ცხ. ძალაზე). არ შეიძლება არ აღინიშნოს, რომ ჰიდროელსადგურის აშენება დაახლოებით დაჯდება 200-250000 მ. ნაკლები, რომ უსახსრობის გამო სამუშაოთა ასრულება არ გაგრძელდებულებოდა 3½ წლის განმავლობაში სამუშაოების რამოდენიმეჯერ შეჩერებით და განახლებით და გარდა ამისა სისტემატიური ხასიათი რომ არ ქონოდა მოკლევადიან კრედიტით სარგებლობას.

ჰიდროელსადგურის აშენება დაწყებული იყო სენაკის მაზრის აღმასკომის (განსაკუთრებით მის თემფელდომარის ამხ. ხ. მამულას) ინიციატივით, რომელსაც ბოლო ხანებში შემოუერთდა ენერჯის პირველ წლებში მთავარი მომხმარებელი — ფოთის აღმასრულებელი კომიტეტი.

სამუშაოების უფროსად საბოლოო გამოკვლევის და მუშაობის წარმოების პირველ პერიოდში იყო ინჟ. გ. პ. ვონიჩ-სიანოუენსკი, ხოლო შემდეგ გზათა ტექნიკოსი მ. ურუშაძე, რომლის ხელშია გატარებული ძირითადი სამუშაოები ჰიდროელსადგურისა. ელექტრომოწყობილობის პროექტი და დადგმა დავეალა სახ. ელექტროტრესტს ლენინგრადის სამანქანო ტრესტთან ერთად. ელგადაცემის ხაზების გაყენას აწარმოებს საზოგადოება „ელექტროსელსტროი“, საწინეო მილსადენი დამზადებულია ნიკოლაევის გემთაშაშენებელ ქარხნის მიერ.

მომხმარებლად პირველ რიგში იქნებიან ქ. ფოთი ნავთსადგურით, სოფელი ბანძა და ქ. ახალ-სენაკი. ამასთანავე იწყება ელგადაცემის გაყენა აბჰეს-იდან ხონზე და ქუთაისზე, სადაც ენერჯია მიეწოდება ქარხნებს (მათ შორის აბრეშუმის, ბარიტის) და აგრეთვე რიონწყის აღმშენებლობას მცირე თბოსადგურის დამატებად. გადაწყვეტილია აგრეთვე უახლოეს დროში ელგანათების ხაზის გაყენა ენგურამდე (შამგონი-ზუგდიდი) ქალაქის ქარხნისათვის და სამტრედიამდე რკინის გზის კვანძისათვის და საცივარისათვის. ამრიგად რიონწყის გაშვებამდე აბჰეს-ს დააწყება მნიშვნელოვანი დატვირთვა ფოთი-ენგური-ქუთაისი-

სამტრედის ფართო რაიონის, რომლის ელგადაცემათა ქსელის მთელი სიგრძე უკვე მომავალ 11 $\frac{1}{2}$ -2 წელიწადში გაიზრდება 180-200 კილომეტრამდე.

აქ უნდა აღვნიშნოთ ის, რომ რაიონის თვისებათა გათვალისწინებით: (წვირილი მომხმარებლების დიდი პროცენტი) საესეებით სწორად არჩეული ქიწვე-ელგადაცემათა (22.000 ვ.) საშუალებას იძლევა შედარებით მცირე ხარჯით გადისახოს (ტრანსფორმაცია) ელდენი სოფელში გასანაწილებლად; ამიტომ სასოფლო დატვირთვისათვის ზრდა აქ საესეებით მოსალოდნელია.

ელსადგურის მაქსიმალური წლიური მიწოდება ენერჯისა შესაძლებელია 20.000.0000 კვ. საათამდე აიწიოს, ხოლო პირველ ხანებში უთუოდ ის არ იქნება 6-8 მილ. კვ. საათზე მეტი წლიურად.

ამისდა მიხედვით ენერჯის თვითღირებულება ჰიდროელსადგურის სალტებზე აღრიცხული ექსპლოატაციის პირველ წლებში იქნება 1,2-1,5 კაპ. კილოვ. საათზე. მოხმარების ადგილებში ელგადაცემათა სირგძის და ენერჯის ხარჯვის რაოდენობის მიხედვით ეს ფასი სათანადოდ მეტი იქნება.

განსაკუთრებით უნდა აღვნიშნოთ აბჰეს-ის სპეციალური როლი საქართველოს ელექტროფიკაციის საქმეში, რომელიც გამოაშკარავდება რიონჰეს-ის გაშვების შემდეგ. აბჰეს-ის ელგადაცემათა ქსელი თავის ქუთაისის შტოთი შეერთებული იქნება რიონჰეს-თან, უკანასკნელი კი 115.000 ვოლტიან ელგადაცემით — ზაჰეს-თან; ამასთანავე ისე როგორც ზაჰეს-ზე დადგმული იქნება ერთბაშად 115.000 და 37.000 ვოლტიანი ტრანსფორმატორები. ისევე რიონჰეს-ზე ერთბაშად იარსებებს 115.000 და 22.000 ვოლტის ტრანსფორმატორები. ამგვარად ტფილისის რაიონიდან დაწყებული ვიდრე ფოთამდე და ენგურამდე მომხმარებლები გაერთიანებული იქნებიან ელგადაცემათა საერთო ქსელით და ამავე ქსელით გაერთიანდება თვით ელსადგურებიც.

აშკარაა. რომ ასეთი მდგომარეობა მეტად ხელსაყრელ და მიზანშეწონილ პირობებს ქმნის ენერჯის საჭიროების დაფარვის და ელსადგურების ექსპლოატაციისათვის.

რა როგ შორს არის ეს დღევანდელი და ხვალსდელი დღის სურათი იმ მდგომარეობიდან, რომელშიაც ჩვენი ქვეყანა სულ ექვსი-შვიდი წლის წინა დღის იყოფებოდა!..

საშუალო სიმძლავრის ჰიდროელსადგურების დარგში საქმე არ შეჩერებულა მხოლოდ ზემოაღნიშნულ ორ მაგალითზე. წინასწარ გამოკვლევები და პროექტები არსებობენ საქართველოს სხვა კუთხეებისათვისაც; მათ შორის უმთავრესს კურადლებას იპყრობს საქართველოს წყალთა მეურნეობის სამმართველოს წინასწარი პროექტი ალაზნის ჰიდროელსადგურისა (ვუწოდოთ მას ალჰეს), რომლის აშენება განზრახულია ალაზნის საირიგაციო არხის ვარდნილზე (перепад) სოფ. ბაკურციხესთან. ირიგაციის და ელექტროფიკაციის ერთობლივი გადაჭრა, რასაც ხელსაყრელი პირობების გამო აქვს ადგილი ამ შემთხვევაში, მეტად საყურადღებო ეკონომიურ მნიშვნელობას ანიჭებენ ამ სადგურს. აქ შეიძლება დაიდგას ჰიდროელსადგური (7-8.000 ცხ. ძ.), რომლის აშენება მაღალ ქიწვის სალტებამდე ჰიდროტენიკურ სამუშაოთა სიმცირის გამო (უკანასკნელი არიან ადგილი ირიგაციის მიწისათვის) დაჯდება არა უმეტეს 1.200.000-1.500.000 მარ-

ნერგის, ე. ი. 200-250 მანეთი თითო დადგმულ კილოვატზე (150-180 მანეთი თითო (ჯინის ძალაზე). ელსადგურის გამოყენების კოეფიციენტი მარტო 0,25-იც რომ მივიღოთ მომხმარებელთა (სოფლის და შინა მრეწველური მეურნეობა და მცირე ქალაქები) — და ვიგულისხმობთ ენერჯის წლიური მიწოდება არა უმეტეს 10-12.000.000 კვ. საათისა, ენერჯის თვითღირებულება ელსადგურის სალტებზე გამოვა არა უმეტეს 1-1½ კაპიკისა კილოვ. საათზე. შემდგომი მომატება დატვირთვისა კიდევ უფრო ხელსაყრელ პირობებში ჩააყენებს ამ ელსადგურის ექსპლუატაციას.

უქვევლია, რომ ალჰეს-ი უახლოს წლებში გახდება განხორციელების ობიექტად და კახეთის შედარებით მდიდარ და მჭიდროდ დასახლებულ რაიონში შეიქნება ადგილობრივ მრეწველობისათვის, სოფლის მეურნეობის და მევენახეობის ინტენსიფიკაციისათვის საჭირო იაფი ენერგეტიული წყარო.

1924 წ.-ში ყოფ. „ეტერ“-ის მიერ შემუშავებული წინასწარი პროექტი მდ. სტორის უტილიზაციისა (1.500-2.000 ცხ. დ.) ელსადგურის დადგმით, ექვს გარეშეა, ვერ გაუწყეს მეთქეობას ალჰეს-ის პროექტს და უნდა ვიფიქროთ, რომ კახეთის ელექტროფიკაცია სწორედ ამ ნაბიჯით დაიწყება.

ასეთივე საშუალო სიმძლავრის (1.500 ცხ. დ.) ჰიდრელსადგურის პროექტი შემუშავებულია უახლოეს დროში განსახორციელებლად მდ. გუმისთაზე ქ. სოხუმთან აფხაზეთში; სადგურის მთავარი დანიშნულებაა მიაწოდოს ენერჯია ქ. სოხუმს და მის მიდამოს.

საქ. ს. მ. უ. ს. განკარგულებით სწარმოებს წინასწარი გამოკვლევა 10-12000 ცხ. დ. ჰიდრელსადგურისა აფხაზეთშივე მდ. გალიზგაზე ტყვარჩელის მალაროების რაიონში. ამ მნიშვნელოვან წარმოებასთან დაკავშირებით, ვფიქრობთ, ეს სადგურ-ი ახლო მომავალში იქნება განხორციელებული.

არ შეეუღლებით აქ სხვა ასეთი ტიპის ჰიდრელსადგურების მოსაზრებათა და პროექტების აღწერას და დასასრულ მოვიყვანთ მცირე სიმძლავრის ახალი ჰიდროელსადგურების ნუსხას, რომელიც ახასიათებს ამ უკანასკნელი კატეგორიის დანადგართა ზრდას საქართველოში 1921-22 წ.წ შემდეგ. (იხ. ცხრ. გვ. 47).

მოვიხსენიოთ რამოდენიმე ასეთი ელსადგური, რომელთა აგება შედის 5 წლიან გეგმაში:

ოზურგეთის — 250-500 ცხ. დ., მესტიის — 100-300 ცხ. დ., ცაგერის — 600-1000 ცხ. დ. ლავოღების — 100 ცხ. დ.

ვათავეთ რა ამით საქართველოს ელექტროფიკაციის მდგომარეობის მიმოხილვას, დარწმუნებული ვართ, რომ სრულებით აშკარა უნდა იქნეს ჩვენ საზოგადოებრივ წრეებისათვის და ხალხის მთელი მასისათვის წინსვლის ის მნიშვნელოვანი ნაბიჯები და ეკონომიურ ცხოვრების ის ძირითადი გარდატეხა, რომელიც მოხდა 1921-22 წლებიდან. — უაღრესად ჩამორჩენილ სასოფლო მეურნეობისა და პრიმიტიულ მრეწველობის ჩვენი ქვეყანა გაბედულად იწყებს გამოსკლას ეკონომიურ აღორძინების და ინდუსტრიალიზაციის გზაზე. — ელექტროფიკაციის დარგში უკვე ასრულებული ნაბიჯები და დასახული პერსპექტივები იძლევიან ამის სრულ საშუალებას.

მცირე სიმძლავრის ადგილობრივ მნიშვნელობის ჰიდროელსადგურთა ნუსხა, რომლებიც 1921 წ. შემდეგ არიან აგებული.

ელსადგურის სახელწოდება.	სიმძლავრე ცხ. აბლა	დენის სისტემა	შ ე ნ ი შ ე ნ ა :
აბასთუმანის	60	მუდ.— 220	შენების პროცესშია
ახალციხის	150	ცვ.— 3.000	
შოვის	220	მუდ.— 220	
ონის	240	მუდ.— 220	
ხონის	80	მუდ.— 220	
ცხინვალის	70	მუდ.— 220	ძველი სადგურია გადაკეთებული 300 ცხ. ძ. ძველი სადგურია. ფრჩხილებში ნაჩვენებია სიმძლავრე, რომელიც ექნება ელსადგურს დაწყებულ ძირითად გადაკეთების შემდეგ
ახალქალაქის	100	მუდ.— 220	
ბორჯომის	300(1500)	ცვ.— 2.200	

ღრმად დარწმუნებული ვართ, რომ საბჭოთა ხელისუფლება ისევე ენერგიულად და გონივრულად გამოიყენებს წინსვლის ამ გზას, როგორც გაბედულობით, პროგნოზით და ენერგიით გადადგა საქართველოს გასაბჭოების პირველ წლებში პირველი ნაბიჯები ელექტროფიკაციის საქმის საძირკვლის ჩასაყრელად.



საქართველოს ბიუჯეტი 1918-1927 წ-დგ.

საქართველოს წინაშე რესპუბლიკანური და ადგილობრივი ბიუჯეტების კითხვები პირველად წამოიჭრა 1918 წ., მაგრამ დემოკრატიულ რესპუბლიკის ხა. ნაში ჩვენ ქვეყანას თითქმის არავითარი შემოსავალი არ ჰქონდა და მისი ფინანსიური შესაძლებლობის საფუძვლები იყო ომის დროს დაგროვილი დიდძალი მრავალნაირი ქონება და ბონების ემისია.

სხვადასხვა პოლიტიკური და ეკონომიური პირობები იმ ხანაში ხელს უშლიდა საქართველოში ეკონომიურ და ფინანსიურ პირობების გაუმჯობესებას. საქართველო ეკონომიურად უკან მიდიოდა, მისი ბიუჯეტი თანდათან მცირდებოდა.

დემოკრატიულ რესპუბლიკის საქართველოს ბიუჯეტის განმარტებითი ბარათში ¹⁾ (1920—1921 წლისათვის) ჩვენ ვკითხულობთ: „გაწეული ხარჯები იყო:“

1918—1919	663.507.169 მან.
1919—1920	3.252.813.849 „
და 1920—1921 ნავარაუდები	8.552.414.771 „

თუ შევადარებთ 1919—1920 წლის ბიუჯეტს 1920—1921 წ. ვარაუდს, დავინახავთ, რომ 1920—21 წ. ვარაუდი 2,6 ჯერ აღემატება 1919—1920 წლის გაწეულ ხარჯებს. 1919—1920 წ. ხარჯები შედარებით 1918—1919 წ. იზრდება 4,9-ჯერ.

ფინანსთა სამინისტროს ამ ციფრებიდან გამოჰყავს დასკვნა, ვითომ „ხარჯების ზრდაში არის ერთიანი თანასწორობა“.

1918—1919 წლის ნამდვილი ხარჯები იყო 663,5 მილიონი მანეთი ბონებით. 1919—1920 წლ. კი 3.252,8 მილიონი მანეთი ბონებით. არითმეტიკულად 1919—20 წელში წინა საბიუჯეტო წელთან შედარებით ხარჯები გაიზარდა, 4,9-ჯერ; მაგრამ ეკონომიურად და ფინანსიურად ხარჯები არამც თუ გაიზარდა პირიქით, შემცირდა კიდევ. ამის დასამტკიცებლად საკმარისია ჯერ დაუპირდაპირით ბონები ინგლისის გირვანქა სტერლინგებს, როგორც მტკიცე ვალიუტას და შემდეგ მივმართოთ არითმეტიკას. 1918-19 საბიუჯეტო წელს ინგლისის გირვანქა სტერლინგის საშუალო ფასი ბონებით იყო დაახლოებით 80 მანეთი, ხოლო 1919—1920 წელს იმავე სტერლინგის საშუალო ფასი უდრიდა უკვე 640 მანეთს ბონებით, ე. ი. ბონების ღირებულება შემცირდა რვაჯერ. (640:80=8). ამ ფაქტიდან აშკარაა, რომ 1919-20 წელს, 1918-19 წლის ბიუჯეტთან შედა-

¹⁾ საბიუჯეტო წელიწადი იწყებოდა ივნისს და თავდებოდა 31 ივნისს.

რებით ხარჯები შემცირებულა. 1918-19 წლ. ბიუჯეტი იყო 663,5 მილიონი მანეთი, რომელიც უდრიდა 8,3 მილიონ გირვანქა სტერლინგს, ხოლო 1919—20 წლის ბიუჯეტი, რომელიც გამოიხატებოდა 3.252,8 მილიონ მანეთით, უდრიდა მხოლოდ ხუთ მილიონ გირვანქა სტერლინგს, ე. ი. 1919—1920 წ. ბიუჯეტი 40⁰/₁₀₀-ით ნაკლები იყო 1918—1919 წლის ბიუჯეტთან შედარებით.

(სამინისტროს ვარაუდი 1920—21 წლის ბიუჯეტის შესახებ სეროიზულ საფუძველზე არაა დამყარებული.) 1920—21 წლის ბიუჯეტის გამოანგარიშების დროს მხედველობაში არაა მიღებული ბონების რაოდენობის ზრდა და მათი კურსის პროგრესული დაცემა 1918—19 და 1919—20 საბიუჯეტო წლების განმავლობაში. არითმეტიკულად ბონების რაოდენობა ნაჩვენებ ხანაში გაიზარდა 4,9-ჯერ, ხოლო იმავე ხანაში ბონების ღირებულება დაეცა 8,6-ჯერ; აქედან აშკარა ხდება, რომ რეალურად ხარჯები შემცირდება 40⁰/₁₀₀-ით.

სამ საბიუჯეტო წლის შესახებ (1918—1921) წლამდე არის მასალა, რომელიც გვიჩვენებს რომ ხარჯების ზრდას ჩვენ ბიუჯეტში ადგილი არ ჰქონია, მათი შემცირება კი აშკარაა.

არა ნაკლებ თეორეტიულ ინტერესს წარმოადგენს ბონების კურსის დაცვის ტენდენციის გამორკვევა. ეს კითხვა ჯერ კიდევ მკვლევარის მოლოდინშია, მაგრამ ამ კითხვის ფაქტიური მხარის გამოკვლევა შედარებით უფრო ადვილია. ჩვენ აქ მოგვყავს ცხრილი, რომელიც გვიჩვენებს თუ როგორ იცვლებოდა ოთხი წლის განმავლობაში დამოკიდებულება გირვანქა სტერლინგსა და ბონებს შორის.

	საშუალო ღირებულება გირვანქა სტერლინგისა ბონებში.	რამდენჯერ შემცირდა ბონების ღირებულება გირვანქა სტერლინგთან აბსოლუტად.
1918—1919	80	8
1919—1920	640	8
1920 (მეორე ნახევ.)	5120	8
1920—1921	40960	64
1921 (მეორე ნახევ.)	327680	8

ეს ცხრილი გვითვალისწინებს, რა წესით და როგორი სისწრაფით ეცემოდა ბონის ღირებულება. ერთგვარი წესი ნათლად გამოიხატება ბონების კურსის დაცემაში. დაახლოვებით ერთი გირვანქა სტერლინგი ომამდე ღირდა 10 მან. (9 მან. 47 კაპ.) ომის დაწყების შემდეგ ეს თანასწორობა შეირყა და 1918-1919 წლებში ერთი გირვანქა სტერლინგი ღირდა უკვე 80 მან.

როგორც ზევით იყო აღნიშნული ბონების კურსი თანდათან ეცემოდა, მაშინდელ ხელისუფლებას ბონების რაოდენობის ნომინალური ზრდა მიაჩნდა ბიუჯეტის რეალურ ზრდათ, რომ ეს ასეა, ამას ამტკიცებს 1920/21 წ. ბიუჯეტის

განმარტებითი ბარათი, სადაც ვკითხულობთ: „ბიუჯეტის ზრდას აქვს მრავალი მიზეზი, „უმთავრესი და უდიდესი მიზეზი სახელმწიფოს აღმშენებლობითი მუშაობა“.

სინამდვილეში საქართველოს დემოკრატიულ რესპუბლიკაში „ბიუჯეტის ზრდას“ არასოდეს ალაგი არ ქონია. ბიუჯეტი თანდათან მცირდებოდა და ამიტომ არც „სახელმწიფოს აღმშენებლობითი მუშაობა“ ვითარდებოდა ეკონომიურ-კულტურულ სფეროებში და მოსამსახურეებისა და მუშების მდგომარეობა თანდათან უარესი ხდებოდა.

„სახელმწიფოს აღმშენებლობითი მუშაობა,“ მოითხოვდა ბიუჯეტის გადიდებას და არა მის შემცირებას. ჩვენში კი ადგილი ქონდა ბიუჯეტის რეალურად შემცირებას.

ამ შემცირებას გავითვალისწინებს შემდეგი ცხრილი:

	ვარაუდი (მილიონი)	ნამდვილი (მილიონი)	რამდენ გირვ. სტერლ. უდრის
1918—1919	—	663,5	8.293
1919—1920	797,4	3252,8	5.083
1920—1921	8552,4		1.670 214 ¹⁾

ქალაქის ფულის გამრავლება სახიფათოა, და იწვევს კურსის დაცემას, თუ სახელმწიფოს სათანადო ოქროს ფული და საქონელი არ მოეპოვება და თუ მას შესაფერი შემოსავალი არა აქვს; მაგრამ ბონების ემისიის საჭირო რაოდენობით დროზე არ გამოშვებაც აფერხებდა სახელმწიფოს მუშაობას. 1919—1920 და 1920—1921 წ. წ. რესპუბლიკის ბიუჯეტები არ იყვნენ ცხოვრებასთან შეთანხმებული. სახელმწიფოში რეალური და იუცილებელი მოთხოვნილებები თანდათან იზრდებოდნენ და, მაშასადამე, თუ 1918-19 წელიწადში საქართველოს სკირდებოდა 8,3 მილიონი გირვანქა სტერლინგი, ამდენივე მანც უნდა ყოფილიყო 1919—20 და 1920—21 წ. ბიუჯეტიც; 8,3 მილიონი გირვანქა სტერლინგი არსებულკურსების მიხედვით იქნებოდა:

	გირვანქა სტერლინგი (მილ.)	გირვ. სტერლ. რამდ. მან. ბონ. უდრიდა. (მილიონ.)	მინისტრების ვარაუდით ბონებ. (მილიონებით)
1918—1919	8,3	663,5	=
1919—1920	8,3	5312,0	747,4
1920—1921	8,3	42516,0 ²⁾	8552,4
		340.300,0	

¹⁾ 1921 წლის მარტიდან ბონის კურსის დაწვევის ტემპი შეიცვალა, მისი კურსის დაწვევა ხდებდა საშინელი სისწრაფით.

²⁾ იხ. შენიშვნა წინა ცხრილის. ხელისუფლებამ დიდძალი ქონება ჩამოართვა მოქალაქეებს და დიდძალი ქალაქის და ოქროს ფული ჩამოიტანა რუსეთიდან; ამიტომ მთავრობას არ

ეს ცხრილი გვიჩვენებს, რამდენი მილიარდი უნდა ყოფილიყო შეტანილი ბიუჯეტში ბონის კურსის ცვლილებების მიხედვით 1919—1920 და 1920—21 საბიუჯეტო წლებში, თუ დაუშვებთ—რაც შეუძლებელია,—რომ სახემწიფოს აღმშენებლობა წლიდან-წლამდე არ იწვევდა ხარჯების ზრდას. ამ დაუშვებელ შემთხვევაშიაც კი მეორე და მესამე საბიუჯეტო წლების ნაგარაუდები ხარჯები არ უნდა ყოფილიყვნენ ნაკლები 1918—19 წლის ხარჯზე, ე. ი. 8,3 მილიონი გირვ. სტერლინგისა, ანუ იმდენი მანეთისა—ბონებით, რამდენსაც უდრიდა კურსის მიხედვით ამა თუ ამ წელს 8,3 მილ. გირ. სტერლინგი⁶⁾. ამ საფუძველით სამინისტროს უნდა ევარაუდნა ხარჯები (დაახლოებით):

1919—20 წ.	5,3 მილიარდი მანეთი ბონებით:
1920—21 წ.	42,5 " " "
სამინისტრომ კი ივარაუდა:	
1919—20 წ.	797,4 მილიონი " "
1920—21 წ.	8552,4 " " "

საქართველოს დემოკრატიულ რესპუბლიკის ბიუჯეტების ანალიზი გვიჩვენებს დემ. რესპ. ფინანსიურ არეგ-დარეგვას, მის სრულიად მოუწყობლობას, რაც უმთავრესად შედეგი იყო ეკონომიური პირობებისა.

ჩვენ უნდა გამოვიკვლიოთ საქართველოს იმ ხანის ბიუჯეტის დეფიციტის რაოდენობა. ამისათვის საჭიროა გამოვიანგარიშოთ ჯამი დახარჯული ბონების და მას გამოვაკლოთ სახელმწიფოს ფაქტიური შემოსავალი ბონების სახით.

	შემოსავალი:	გასავალი:	დეფიციტი:
1918—19 წ.	174,2 მილ. მ.	663,5 მ. მ.	489,3 მილ. მან.
1919—20 წ.	771,0 " "	3252,8 " "	2481,9 " "
1920—21 წ. ⁷⁾	8552,4 " "	—	—

ასეთი იყო დემოკრატიული რესპუბლიკისი ფინანსიური მდგომარეობა 1918-21 წლამდე:

1923. წ. ბიუჯეტი.
(იანვარი—ენკენისთვე)

როგორც ზემოდ უკვე ავლენიშნეთ არსებულ მეტად მძიმე ეკონომიურ და პოლიტიკურ პირობებში საქართველოს დემოკრატიული რესპუბლიკის ბიუჯეტს საფუძვლად ჰქონდა თითქმის მხოლოდ ბონების ემისია და ამიტომ არ შეიძლე-

დასჭირდა იმდენი ბონების გასაცემა, რამდენიც საქართველოში მან ფაქტიურად დახარჯა. ფული. მაგრამ 1921 წ. სექტემბრამდის მან დაახლოებით. გამოსცა 80 მილიარდამდე მანეთი ბონები, ვგარედწოდებული სანიტარული გადასახადით აიღო 40 მილიარდამდე; ამას უნდა მიემატოს გარდა რუსეთიდან ჩამოტანილი ფულისა, ის ფული და სხვადასხვა ქონება, რომელიც ჩამოერთვა კერძო პირებს და ფირმებს: ფართლულობა, ქარხნებში. დამხადებული ყოველგვარი მასალა, ოქრო-ვერცხლი, ძვირფასი ქვები და სხვა.

⁶⁾ ბიუჯეტის შედგენის დროს, რასაკვირველია, მხედველობაში უნდა ყოფილიყო მიღებულ ი აგრეთვე, თუ როგორ იზრდებოდა უმთავრესი მოსახმარისი საგნების ფასები და როგორი იყო ამ ფასების ცვლილების და ბონების კურსის ცვლილების ურთიერთ შორის დამოკიდებულება.

⁷⁾ ამ საბიუჯეტო წლის ფაქტიური შემოსავლის შესახებ ცნობები არა გვაქვს. ეს არიბრძოლის ხანა, როდესაც რესპუბლიკის ეკონომიურ-ფინანსიური ცხოვრება ანარქიულ მდგომარეობაში იმყოფებოდა.

ბა ითქვას, რომ ამ ხანაში არსებობდა. რესპუბლიკანური ბიუჯეტი, რომელიც გულისხმობს შემოსავალ-გასავლის შორის წონასწორობას.

ბონების ემისია ხომ შემოსავლის წყარო არაა; ის არის თავისებური თამასუქები, რომელსაც სახელმწიფო აძლევს იმათ, ვისი საქონლით ან სამსახურით ის სარგებლობს.

ასეთი მდგომარეობა გრძელდებოდა საქართველოში 1924 წლამდე, როდესაც თებერვალში მოხდა ფულის რეფორმა და იქნა შემოდებული მტკიცე ვალიუტა ჩერვონცის სახით;

1921-დან 1923 წლამდე საქართველოს არც ადგილობრივი და არც რესპუბლიკანური ბიუჯეტი არ ჰქონდა. რესპუბლიკანურ შემოსავალ-გასავლის შესახებ ჩვენ გვაქვს ცნობა ოდნავ ბიუჯეტის სახით მხოლოდ 1923 წ. იანვრიდან და აქედან იწყება საქართველოს ბიუჯეტის ისტორიული ხანა, რომლის პირველ პერიოდი შეიცავს 1923 წლის იანვარ-ენკენისთვის: ამ პერიოდში საქართველოს შემოსავალ-გასავალი გამოიხატებოდა შემდეგ ციფრებში (ვადატანილია ოქროს მანეთებში):

	შემოსავალი ათას მან.	გასავალი ათას მან.	დეფიციტი ათას მან.
საქართველო (სამხრეთ ოსეთით)	1.144	4.252	3.108
აფხაზეთი	63	287	224
აჭარისტანი	121	293	172
სულ	1.328	4.832	3.604

შემოსავალ-გასავალი 3,5-ჯერ სჭარბობდა, შემოსავალი ჰფარავდა გასავლის მხოლოდ 28%; დაახლოვებით 72% სახელმწიფო ხარჯებისა იფარებოდა ემისიის საშუალებით.

ამ პერიოდში საქართველო საშინელ ფინანსიურ კრიზისს განიცდიდა, მაგრამ წინა-წლებთან შედარებით მისი ფინანსიური მდგომარეობა გაუმჯობესებულია, მას უკვე აქვს შემოსავალი, რომელიც ჰფარავს მისი ხარჯების დაახლოვებით ერთ მესამედს. მაგრამ აქ ნაჩვენები შემოსავალი მხოლოდ მცირე ნაწილია სახელმწიფო შემოსავლისა, რომელიც ამ დროს გროვდებოდა საქართველოს ტერიტორიაზე. ცხრა თვის განმავლობაში ადგილობრივი შემოსავალი გასავლის გამოიტოვებდა რესპუბლიკაში გროვდებოდა 4,5 მილიონზე მეტი.

ამ ფინანსიურ მიღწევაზე დიდი მნიშვნელობა აქვს ფინანსიური მეურნეობის აპარატის შესაფერად მოწყობას.

ამ პერიოდში ეს აპარატი უკვე ჩამოყალიბდა.

1923—24 წ. ბიუჯეტი.

ამ საბიუჯეტო წელს ჩვენ არ გვქონდა წლიური ბიუჯეტი: ეკონომიური და ფინანსიური პირობები ჯერ კიდევ ასეთი ბიუჯეტის შედგენის შესაძლებლობას არ ვგაძლევდა; ბიუჯეტები დგებოდა კვარტალური პირველი ნახევარი წლის განმავლობაში და მხოლოდ მეორე ნახევარი წლის ბიუჯეტი შედგა მთლიანი, მაგრამ ესეც საქართველოს ბიუჯეტს არ შეიცავს.

1923-24 საბიუჯეტო წელიწადი დაიწყო იმ ხანაში, როდესაც ბონების კურსი დიდის სისწრაფით ეცემოდა: ბიუჯეტი იყო ჩერვონულ მანეთებში შედგენილი, მაგრამ ფაქტიურად ტრიალებდა ბონები, რომლის კურსი არამც თუ დღითი-დღე, საათობით მცირდებოდა და ასეთ პირობებში რესპუბლიკის რეალური ფულადი შემოსავალიც თავის სყიდვით უნარს ასეთივე სისწრაფით ჰკარგავდა, რასაც გვიმტკიცებს შემდეგი ორი ციფრი: ტფილისის ბირჟებზე ჩერვონცი 1923 წელს 31 დეკემბერს ღირდა ბონებში 52,7 მილიონი მან. და აპრილში კი (15 აპრ. 1924 წ.) შეწყდა ბონების ემისია და მოხდა მისი კურსის სტაბილიზაცია) 125 მილიარდი მან.

ფულის კურსის სტაბილიზაციამ ჩერვონცზე თანდათან გადასვლით ქვეყნის სახალხო და სახელმწიფო საფინანსო მეურნეობებს მისცა მტკიცე საფუძველი. 1923-24 წლის მეორე ნახევარში მტკიცე ვალიუტაზე დაყრდნობილ სახალხო მეურნეობას უკვე ალორძინების ნიშნები ეტყობა, მისი პროდუქცია იზრდება. შესაძლებელი ხდება საკრედიტო ოპერაციების ნორმალურად წარმოება და თანდათან საკრედიტო დაწესებულებათა ქსელი ფართოვდება და ყველა ამასთან დაკავშირებით სწრაფი ტემპით ვითარდება ვაჭრობა.

ეს ხანა არის საზღვარი, სადაც ეკონომიური ქაოსისა და ანარქიის ადგილს იკავებს კანონზომილი გეგმიანი სახალხო და სახელმწიფო მეურნეობა.

ეს ასეა, მაგრამ 1923-24 წ. ბიუჯეტი ძლიერ მცირეა და უაღრესად დეფიციტური; რესპუბლიკანური ბიუჯეტის შესრულება გვიჩვენებს, რომ ბიუჯეტით საქართველოს შემოსავალი უდრიდა 2.172 ათ. მანეთს, რომელიც ნაწილდებოდა შემდეგ ნაირად: საქართველოს (სამხრეთ-ოსეთით)—1.817 ათ. მანეთი. (83,7%), აჭარის—181 ათ. მან. (8,3%) და აფხაზეთის—174 ათ. მან. 8%) .

მთავარ წყაროებიდან რესპუბლიკანური ბიუჯეტი იღებდა:

პირდაპირი ხარკებიდან	1.737 ათ. მან.
საფასურებიდან	107 „
სახელმწიფო ქონებიდან	262 „

1923-24 წლის ხარჯები, როგორც ეს ბიუჯეტის შესრულებიდან სჩანს, უდრიდა 8.170 ათ. მანეთს, რომელიც ნაწილდებოდა შემდეგ ნაირად: საქართველო—6.949 ათ. მან., (85,1%), სამხრეთ-ოსეთი—185 ათ. მან. 2,3%), აჭარა—562 ათ. მან. (6,9%) და აფხაზეთი—474 ათ. მან. (5,7%).

საქართველოს ხარჯები შედგებოდა შემდეგი ჯგუფებისაგან:

1. ადმინისტრატიული	2.145 ათ. მან.
2. სამ. აღმ. (მიწ. მოქ. სახ. კომ.)	431 „
3. სოც.-კულტ.	5.594 „

საქართველოს საერთო შემოსავალი (მისი ბიუჯეტით) უდრიდა 2.172 ათ. მან., გასავალი—8.170 ათ. მან. და დეფიციტი—5.998 ათ. მანეთი (73,4%₆). ეს დეფიციტი იფარებოდა დოტაციით.

საქართველოს შემოსავალი არ ამოიწურება მხოლოდ იმ შემოსავლით, რომელიც აღნიშნულია და შედის საქართველოს რესპუბლიკანურ ბიუჯეტში. საქართველოს აქვს სხვა შემოსავლებიც, რომელიც ნაწილდება ფედერაციისა და საკავშირო ბიუჯეტთა შორის.

ხარკები	8.326 ათ. მან.
საფასურები	1.125 „
სახელმწიფო რეგალიები, ქონე- ნება, ვაჭრობა-მრეწველო- ბა და ბანკებიდან ხარჯე- ბის ანაზღაურება და სხვა	1325 „
არაჩვეულებრივი	161 „

სულ 10.941 ათ. მან.

1923-24 წლის საქართველოს ტერიტორიალური შემოსავლიდან დარგვალე-ბით 11 მილ. მან. შეადგენდა ა/კავკასიის ფედერატიული ბიუჯეტის შემოსა-ვალს.

საქართველოს ტერიტორიალურ შემოსავლიდან უფრო დიდი ნაწილი შე-დიოდა საკავშირო ბიუჯეტში. ნ. ქოიავა *) ამ შემოსავლის შესახებ ამბობს შემდეგს: „საქართველოს რკინის გზების შემოსავალი (საკასო) შეადგენ-და—1923-24 წ. 19.703.742 მან, 63 კაპ. ამ თანხებიდან აქარის შემოსავალი შეადგენდა 4.584.899 მ. 29 კაპ. საქართველოს ფოსტის შემოსავალი იმავე წელს შეადგენდა 487.862 მ. 57 კ., ტელეგრაფისა—566 136 მ. 89 კ., რადიოსი 7.436 მ. 44 კ., ტელეფონის—258.019 მ. 63 კ., სხვა 29.204 მ. 12 კ. საერთოდ კი—1.348.659 მ. 65 კ.—უკანასკნელი თანხა შეიძლება ჩაითვალოს თვით საქართველოს შემოსავლად, ხსენებული რეგალიების შემოსავალი. ერთად შეად-გენდა 21.052.402 მ. 28 კ. ამრიგად საქართველოს ტერიტორიაზე მიღებულ სა-ხელმწიფოს შემოსავალმა 1923-24 წ. შეადგინა 2.179.949 მ. 72 კ.+10.941.525 მან. 20 კაპ.+21.052.402 მან. 28 კაპ. ან 34.165.877 მან. 20 კაპ.“

ეს 34.166 ათ. მან. 1923-24 წელს ნაწილდებოდა სამ ბიუჯეტს შორის:

1. საქართველოს რესპუბლიკანურ ბიუჯეტში შედიოდა 8.170 ათ. მანეთი.
2. „ფედერატიული გასავალი შედგებოდა გაერთიანებულ დაწესებულება-თა ხარჯებიდან; ა/კავკასიის ბიუჯეტში სხვადასხვა კომისარიატის ხარჯებთან ერთად შეტანილია ხარჯები სხვადასხვა ფონდებიდან. ეს ფონდები არის: სა-ხარჯთ-აღრიცხვო, სარევიზიო, სადოტაციო, სპეციალური და განსაკუთრებული. ფედერატიული ხარჯები 1923-24 წელთან ერთად (სამაზრო ხაზინების და ცენ-

*) ტფილისის უნივერსიტეტის მოამბე, 1924 წ. წიგნი მე-VI-ე. ამ წიგნში მოთავსებულია ნ. ქოიავას წერილი, რომელშიც იხილავთ საქ-სახ. ფინანსებს 1923-24 წ. აქ ჩვენ ვსარგებ-ლობთ მის მიერ მოყვანილ ცნობებით.

ტრალურ სალაროს (ცნობებით) შეადგენდა 7.968 ათ. მანეთს. ეს თანხა უშუალოდ საქართველოზე იხარჯებოდა“ (ნ. ქოიავა, იქვე).

3. სპეციალურად საკავშირო ხარჯთ-ალრიცხვით გატარებული იყო 1923-24 წელს 93.493 მან. საქართველოს წილი რკინის გზების ხარჯებში, სათანადო დაწესებულების გამოანგარიშებით, 1923-24 წ. შეადგენდა 5.200 ათ. მან. ამავე წელში ფოსტა-ტელეგრაფის მთელი ხარჯები უდრიდა 1,306 ათ. მან. (იქვე).

საქართველოს ყოველგვარი სახელმწიფო ხარჯები, რესპუბლიკანური, ფედერატიული და საკავშირო ბიუჯეტებით უდრიდა: 22.737 ათ. მან. ამ ხარჯებს უპირისპირდება სრულიად საქართველოს ტერიტორიალურ სახელმწიფო შემოსავალი, რომელიც 1923-24 წ- უდრიდა 34.166 ათ. მან. ეს შემოსავალი ზევით მოხსენებულ საქართველოს ხარჯებს სამივე ბიუჯეტით (რესპუბლიკანური, ფედერატიული და საკავშირო) სჭარბობს—11.429 ათ. მანეთით (35.166 ათ. მან.—22.737 ათ. მან.).

ამ ცნობებიდან ნათლად სჩანს, რომ საქართველო 1923-24 წ. ფინანსიურად უკვე მომავრდა, მისი ტერიტორიალური შემოსავალი უკვე ფრიად თვალსაჩინოა. მისი შემოსავალი 1923-24 წ. დაახლოვებით 2-ჯერ მეტია, ვიდრე 1920-21 წ. იყო.

1924-25 წლის ბიუჯეტი.

რევოლიუციის შემდეგ 1924-25 წ. არის პირველი შემთხვევა, როდესაც ბიუჯეტის შედგენა და შესრულება სწარმოებს მტკიცე ვალიუტის ტრიალის პირობებში და სრულიად საქართველოს რესპუბლიკანური ბიუჯეტი ამ ხანაში საგრძნობლად გაიზარდა. სახელმწიფო საშემოსავლო წყაროებიდან აღვილობრივ ბიუჯეტში შემავალ თანხების გამოკლებით, საქართველოს ფაქტიური შემოსავალი მისი ბიუჯეტით იყო.

1923-24 წ.—2.172 ათ. მან.

1924-25 წ.—3.754 „

ეს შემოსავალი შედგებოდა შემდეგი მთავარი წყაროებიდან:

პირდაპირი ხარჯები	2.691 ათ. მან.
საფასურები	217 „
სახელმწიფო ქონება	831 „

საშემოსავლო წყაროთა შორის პირველი ადგილი ხარკებს ეკუთვნის, რომელიც წინა წელთან შედარებით 900 ათ. მან. მეტია. საფასურები გაიზარდა 100%⁰/₀ და სახელმწიფო ქონებიდან შემოსავალი—317%⁰/₀.

1924-25 წლის შემოსავალი საქართველოში ნაწილდებოდა შემდეგნაირად:

საქართველო (სამხრეთ ოსეთით)	3130 ათ. მან.	83,4% ⁰ / ₀
აფხაზეთი	288 „	7,7% ⁰ / ₀
აჭარისტანი	336 „	8,9% ⁰ / ₀

სასუბვენციო ფონდის (1 358 ათ. მან.) და კომუნალური კრედიტების (28,9 ათ. მან.) გამოკლებით საქართველოს ხარჯები შედგებოდა:

საქართველოში	8.444 ათ. მან.	82,7% ⁰ / ₀
სამხრ. ოსეთში	307 „	3,0% ⁰ / ₀
აფხაზეთში	727 „	7,1% ⁰ / ₀
აჭარისტანში	733 „	7,2% ⁰ / ₀

საქართველოს ხარჯები სასუბვენციო ფონდის და კომუნალური კრედიტის ჩათვლით 1924-25 წ. უდრიდა 10,97 მილ. მანეთს, ხოლო ამ ორი ხარჯის გამოკლებით—9,584 ათ. მანეთს. ეს თანხა ნაწილდება სამ ჯგუფის ხარჯთა შორის.

საადმინისტრაციო	1.541 ათ. მან.
სამეურ.-საადმინ.	1.041 "
სოც.-კულტურული	7.002 "

აქ ჩვენ საგულისხმო მოვლენას ვამჩნევთ: შედარებით 1923-24 წელთან, 1924-27 წ. საადმინისტრაციო ხარჯები 2.145 ათ. მანეთიდან შემცირდა 1.541 ათ. მანეთამდე და ამავე დროს გაიზარდა ხარჯები სამეურნეო-საადმინისტრაციო 431 ათ. მანეთიდან—1.041 მანეთამდე და სოციალურ-კულტურული—5.594 ათ. მანეთიდან 7 მილ. მანეთამდე.

საქართველოს მთელი შემოსავალი, რომელიც შედის მის რესპუბლიკანურ ბიუჯეტში, უდრის 3.754 ათ. მანეთს, გასავალი ამავე ბიუჯეტით—10-970 მან. და დეფიციტი 7.216 ათ. მანეთს. ეს დეფიციტი იფარება ფედერატიულ და საკავშირო ბიუჯეტიდან.

აქაც უნდა აღინიშნოს შემდეგი: 1923-24 წელს დეფიციტი სკარბობდა შემოსავალს 270% და 1924-25 წ. 190%.

დეფიციტი შედარებით ძლიერ შემცირდა.

საქართველოს შემოსავალი უფრო დიდია, ვიდრე ეს არის აღნიშნული მის ბიუჯეტში: საქართველოს ეს ზედმეტი შემოსავალი, მოჰქმედ საბიუჯეტო უფლებათა თანახმად, ნაწილდება ა/კავკასიის ფედერატიულ და საკავშირო ბიუჯეტებს შორის.

საქართველოს ტერიტორიაზე 1924-25 წ. იყო შემდეგი შემოსავალი, რომელიც გატარდა საქართველოს, ა/კავკასიის და საკავშირო ბიუჯეტში: (მილიონ მან.).

ხარკები	16,5
საფასურები და საღერბო გადასახადი.	2,0
სახელმწიფო რეგალები, კონება, ვაჭრობა-მრეწველობა, ბანკებიდან შემოსავალი, ხარჯების ანაზღაურება და სხ.	5,4
არაჩვეულებრივი	3,8

სულ 27,7 მილ. მან.

ფედერატიულ და საკავშირო შემოსავლად გადარიცხული თანხები საქართველოს ტერიტორიალური შემოსავლიდან 1924-25 წელს უდრიდა 20 მილ. მანეთს: ამ თანხას უნდა მიუმატოთ საქართველოს რესპუბლიკანურ ბიუჯეტში შეტანილი შემოსავალი—3,7 მილ. მან. და ჩვენ მივიღებთ მთლიან ტერიტორიალურ ნეტო სახელმწიფო შემოსავალს—24 მილ. მანეთს.

აქ საკავშირო შემოსავალში არ შედის შემოსავალი: ფოსტის, ტელეგრაფის, ტელეფონის და სხვა., რომელიც ნ. ქოიავას 1923-24 წელს, როგორც ზევით მოიხსენიეთ, გამოანგარიშებული აქვს დაახლოვებით ექვსი მილიონი მანეთის რაოდენობით. თუ მივიღებთ მხედველობაში, რომ 1924-25 წ. რესპუბლიკანური ბიუჯეტი დაახლოვებით 40% სჭარბობდა 1923-24 წლის ბიუჯეტს, აქ ხსენებული ექვსი მილიონი შემოსავალი 1924-25 წელში უნდა ვივარაუდოთ 40% მეტი. ამნაირად მივიღებთ 8,4 მილ. მანეთს. ეს თანხა უნდა მიუმატოთ 24 მილ. მან. და მივიღებთ 1924-25 წლისათვის მთლიან ტერიტორიალურ შემოსავალს— დაახლოვებით 32 მილიონ მანეთს, ორი მილიონით ნაკლებს შადარებით 1923-24 წელთან.

საქართველოს ტერიტორიალური შემოსავალი იხარჯებოდა სამი ბიუჯეტით:

1. საქართველოს რესპუბლიკანური ბიუჯეტით 9.613 ათ. მან.
2. ა/კავკასიის ფედერატიული ბიუჯეტით 3.716 „
3. საკავშირო ბიუჯეტით 5.766 „

ამ სამი ბიუჯეტით საქართველოში დაიხარჯა სულ 19 მილიონი მან., ე.ი. საქართველოს ტერიტორიალური შემოსავალი (24 მილ. მ.) მისივე ტერიტორიალურ გასავლად სჭარბობდა 5 მილ. მანეთით.

1924-25 წლ. ბიუჯეტი მოწმობს, რომ საქართველოს სამეურნეო და სოციალ-კულტურული მოთხოვნილებები უფრო ფართოდ კმაყოფილდება და მათზე გაწეული ხარჯებიც საგრძნობლად გაიზარდა.

19 25—26 წლის ბიუჯეტი.

შედარებით 1924—25 წლის ბიუჯეტთან 1925—26 წლის ბიუჯეტი შემოსავლის წყაროებით უფრო მდიდარი იყო. მას გადაეცა საქართველოს ტერიტორიალურ შემოსავლიდან მთელი რიგი ახალი წყაროებისა; მისი წილი ზოგიერთ საშემოსავლო წყაროებში გადიდდა; ზოგიერთი წყარო კი მას მთლიანად გადაეცა. რასაკვირველია, რესპუბლიკანური ბიუჯეტში შევიდა ზოგიერთი ახალი ხარჯებიც, რომელნიც ადრე შედიოდა ა/კ. ფედერატიულ ბიუჯეტში.

საბიუჯეტო კანონმდებლობაში სრულიად გარკვეული ხაზია აღებული, რომელიც გამოიხატება შემდეგში: რესპუბლიკანურ ბიუჯეტში თანდათან გადადის სხვადასხვა რესპუბლიკანური ხარჯები, ტერიტორიალური შემოსავლები და რესპუბლიკის ბიუჯეტი თანდათან საქართველოს ცხოვრების და მთავრობის სახელმწიფოებრივ მოღვაწეობის უფრო სწორი გამოხატველი ხდება.

ამ სწორი გზით საბიუჯეტო კანონმდებლობა ვითარდება და რესპუბლიკას ერთი-ორი წლის განმავლობაში ექნება ნამდვილი რესპუბლიკანური ბიუჯეტი. მიმდინარე 1922 წ. 25 მაისს საკავშირო და მოკავშირე რესპუბლიკათა საბიუჯეტო უფლებათა დებულება ფართო და დამაკმაყოფილებელ პერსპექტივებს აძლევს რესპუბლიკებს.

სახელმწიფო საშემოსავლო წყაროებიდან, ადგილობრივ ბიუჯეტში შემავალ თანხების გამოკლებით, საქართველოს ფაქტიური შემოსავალი მისი ბიუჯეტით იყო.

1923—24	2.172 ათ. მან.
1924—25	3.754 „ „
1925—26	6.865 „ „

ინტენსიური, მძლავრი ზრდა საქართველოს რესპუბლიკანური ბიუჯეტისა აქ ნათელია.

1925—26 წ. ბიუჯეტის შემოსავალი შემდეგ მთავარ წყაროებიდან შედგებოდა (ათას მან.).

	1924—25 წ.	1925—26 წ.
პირდაპირი ხარკები	2.691	4.884
საფასურები	217	401
სახელმწიფო ქონება	831	1.108

პირველი ადგილი საშემოსავლო წყაროთა შორის 1925—26 წ. ხარკებს უკავია; ამ წყაროდან წინანდელთან შედარებით შემოსავალი თითქმის ორჯელ მეტია. ასეთივე ტემპით გაიზარდა საფასურებიც და მხოლოდ სახელმწიფო ქონებიდან შემოსავალი ჯერ ნელი ტემპით იზრდება.

1925—26 წ. საქართველოს ბიუჯეტით შემოსული თანხა უდრის 9,7 მილ. მან.)* ეს თანხა საქართველოში შემდეგნაირად ნაწილდებოდა:

საქართველო	8,4 მილ. მან.	86,1 ⁰ / ₁₀₀
აფხაზეთი	0,6 „ „	6,5 ⁰ / ₁₀₀
აჭარისტანი	0,6 „ „	6,3 ⁰ / ₁₀₀
სამხ. ოსეთში	0,1 „ „	1,1 ⁰ / ₁₀₀

1925—26 წ. მთელი შემოსავალი (9,7 მილ. მან.) ხარჯების, სამ მთავარ ჯგუფს შორის ნაწილდება ასე:

ადმინისტრატიული	2.542 ათ. მან.
სამწეო-ადმინისტრ.	1.425 „ „
სოციალ. კულტურული	6.585 „ „

აქ ჩვენ ვხედავთ, რომ შედარებით 1925—25 წ. თვალსაჩინოთ გაზრდილა ადმინისტრატიული და სამეურნეო—ადმინისტრატ. ხარჯები და შემცირებულა სოციალ-კულტურული ხარჯები (ფაქტიურათ საქართველოს ბიუჯეტით დაიხარჯა 800 ათასი მან. მეტი, ვიდრე ზევით არის ნაჩვენები შემოსავალი).

შემოსავალ-გასავლის შედარება რესპუბლიკანურ ბიუჯეტში გვიჩვენებს შემდეგს: შემოსავალი იყო 6.865 ათ. მან., გასავალი 10 552 ათ. მან. და დეფიციტი—3,687 ათ. მან. მაშინ, როდესაც დეფიციტი 1924—25 წ. უდრიდა—7,2 მილ. მანეთს.

*) ამ თანხაში შედის ადგილობრივი ბიუჯეტის სასარგებლო ანარიცხებიც.

ეს ფაქტი, საქართველოს ფინანსიური მდგომარეობისა, საგულისხმო გაუმჯობესების მაჩვენებელია. თუ 1924—25 წ. დეფიციტი შემოსავალს 100% ალმატება, 1925—26 წ. დეფიციტი შეადგენს შემოსავლის მხოლოდ 50%-ზე ცოტა მეტს.

როგორც წინა წლებში, ისე 1925—26 წელსაც, საქართველოს ტერიტორიალური შემოსავალი ბევრად მეტია იმ შემოსავალზე, რომელიც შედის მის რესპუბლიკანურ ბიუჯეტში. ეს თანხა, რომელიც რესპუბლიკანურ ბიუჯეტში არ შესულა, ნაწილდება ამ.კავკასიის ფედერატიულ და საკავშირო ბიუჯეტებს შორის.

ამ თანხას იძლევა შემდეგი წყაროები:

ხარკები	20,3
საფასური და საღებო გადასახადი	2,5
სახელმწიფო რეგალიები, ქონება, ვაჭრობა-მრეწველობა, ბანკებიდან შემოსავალი, ხარჯების ანაზღაურება და სხვა	3,5
არაჩვეულებრივი	0,2
	26,3

ამ 26,3 მილ. მანეთიდან საქართველოს ბიუჯეტში, თანამად საბიუჯეტო უფლებისა, შედიოდა 6,8 მილ. მანეთი, დანარჩენი 19,5 მილ. მან. შედიოდა ა/კავკასიის ფედერატიულ და საკავშირო ბიუჯეტში და შემდეგ დოტაციის და სუბვენციის სახით საჭირო თანხა უბრუნდება საქართველოს ბიუჯეტს.

აღნიშნულ 26,3 მილ. მანეთში, რასაკვირველია არ შედის შემოსავალი ზოგიერთ ტერიტორიალურ წყაროებიდან (რკინის გზა, ფოსტა და სხვ.)

1925—26 წ. საქართველოს ტერიტორიალური შემოსავალი (26,3) სამი ბიუჯეტს შორის ნაწილდება ამნაირად:

1. საქართველოს რესპუბლიკ. ბიუჯეტით	6,9
2. ა/კავკასიის ბიუჯეტით	2,8
3. საკავშირო ბიუჯეტით	16,6

26,3

საქართველოს რესპუბლიკანური ხარჯები 1925—26 წ. უდრიდა 22 მილ. მანეთს. ეს ხარჯები საკუთარი შემოსავლიდან რესპუბლიკანური ბიუჯეტით მხოლოდ 6,9 მილ. რაოდენობით იფარებოდა, დანარჩენი 15 მილ. მანეთს საქართველოს ტერიტორიალური შემოსავალი ფარავდა ა/კავკასიის და საკავშირო ბიუჯეტის მეშვეობით.

საქართველოს რესპუბლიკანურ ხარჯებს 1925—26 წელს შემოსავალი სკაზობოდა ოთხი მილიონი მანეთით.

ეკონომიურად და ფინანსიურად შედარებით გაჯანსაღებული საქართველო მტკიცედ ფარავს თავის რესპუბლიკანურ ბიუჯეტით გათვალისწინებულ ხარჯებს და ეს გარემოება გარანტიაა იმისა, რომ საქართველოს ეკონომიურად გაუმჯობესობა მომავალში უფრო სტრადვი ტემპით იწარმოებს.

1926—27. წლის ბიუჯეტი.

1926—27 წ. ბიუჯეტის შესრულების შესახებ ჯერ საჭირო ცნობები არ არის, ამიტომ ჩვენ მოვიყვანთ მხოლოდ ბიუჯეტის ცნობებს.

შემოსავალი ბიუჯეტით ნაწარავუდევია 11,5 მილ. მან., გასავალი 22 მილ. მან. და დეფიციტი—10,5 მილ. მან.. საქართველოს ტერიტორიალური შემოსავალი, გზების, ნავთსადგურების და ფოსტა-ტელეგრაფის შემოსავლის გამოკლებით, მილიონ მანეთში იყო:

პირდაპირი ხარკი	8,3
არაპირდაპირი ხარკი	13,6
ბაჟები და გამოსაღებები	2,5
შემოსავალი სახელმწ. ქონებ.	4,6
სახელმწ. მრეწველ. ვაჭრობა და ბანკები	0,9
სესხის დაბრუნება და ხარჯის ანაზღაურება	0,2
სხვადასხვა შემოსავალი	0,2
საკრედიტო ოპერაციები	2,0

32,2

ამ 32 მილ. მანეთიდან საქართველოს ბიუჯეტში შედიოდა, როგორც-საკუთარი შემოსავალი 11,5 მილ. მან. დანარჩენ თანხას (10,5 მილ. მანეთს) კი საქართველო იღებდა ფედერატიულ და საკავშირო ბიუჯეტებიდან, სადაც შედიოდა საქართველოს ტერიტორიალურ შემოსავლიდან 20,7 მილიონი მანეთი.

საქართველოს რესპუბლიკის მთავარი ხარჯები შედარებით წინა წლებთან შემდეგ სურათს გააძლევს (ათას მან.).

	1924 წ.	1924—25 წ.	1925—26 წ.	1926—27 წ.
სდმინისტრატ.	2.175.	1.541	2.541	2.630
სამეურნეო აღმ.	431	1.041	1.425	1.735
სოც.-კულტურ.	5.594	7.002	6.585	7.442

1926—27 წ., როგორც აქედან ვხედავთ, სამეურნეო და სოც.-კულტურული ხარჯები იზრდება, ხოლო ადმინისტრატიული ხარჯები კი ბიუჯეტში თანდათან უფრო მცირე როლს თამაშობს.

ათი წლის განმავლობაში საქართველოში ბიუჯეტმა განიცადა დიდი პერტურბაციები და ბიუჯეტი ამ სიტყვის ნამდვილი მნიშვნელობით 1924—25 წლამდე არ არსებობდა. 1918—22 წლებში რესპუბლიკას წინასწარ გამოანგარიშებული შემოსავალ-გასავალი არ ქონდა. 1923—24 წლიდან უკვე იწყება რესპუბლიკანური ბიუჯეტის ისტორიული ხანა. ის თანდათან უფრო მტკიცდება და უკეთ გამოხატავს სახელმწიფოს რეალურ მდგომარეობას. მაგრამ ჯერ ეკლიანი გზა არაა გავლილი. ჯერ კიდევ ბიუჯეტის მატერიალური და უფლებრივი ბაზა არაა საკმარისად მტკიცე და ფართო, მაგრამ ბიუჯეტის ეს ორი მხარე მთავრობის დღის წესრიგში დგას და არის უკვე დამუშავებული ახალი დებულებები, რომელიც რესპუბლიკის საბიუჯეტო უფლებას და საშემოსავლო წყაროებს შესამჩნევად

აფართოებს. უფლებრივი საკითხი ფრიად რთული და ძნელია. მისი საბოლოოდ ჩამოყალიბება კალმის ერთი მოსმით შეუძლებელია. მაგრამ ის სერიოზული მუშაობა და ზრუნვა, რომელიც ამ კითხვის ირგვლივ წარმოებს, ჩვენ სრულ იმედს გვაძლევს, რომ კავშირში ყველა რესპუბლიკებს და მათ შორის საქართველოსაც ახლო მომავალში ექნება ისეთი ბიუჯეტი, რომელიც საესებით გამოხატავს მის ფინანსიურ შესაძლებლობასა და რეალურ ფინანსიურ მოთხოვნილებას.



საბანკო კრედიტი ჩვენში.

საბანკო კრედიტი ჩვენში განვითარებას იწყებს 1924 წლიდან, როცა ფულის რეფორმის საშუალებით საძირკველი ჩაეყარა მტკიცე ვალიუტას. მანამდე, შეიძლება დანამდვილებით ითქვას, რომ არ იყო მოწყობილი არა თუ საბანკო კრედიტი, არამედ მოუწყობელი და მოუწყვსირებელი იყო სახელმწიფოს ფინანსური მეურნეობა.

ფულის რეფორმამდე შეიძლება ითქვას, რომ არ გექონია არც ბიუჯეტი. არც კრედიტი და არც საგადასახადო სისტემა, ამ სიტყვების ნამდვილი მნიშვნელობით. ისე კი ფორმალურად ყველაფერი ეს იყო ფულის რეფორმამდეც. მაგ. ჩვენში არსებობდა ეგრედწოდებული საქართველოს სახალხო ბანკი, რომელმაც 1922 წ. აგვისტოში ემისიის წესით მოკლევადიანი ვალდებულებანიც კი გამოუშვა. ამ ვალდებულებებმა ბოლოს არსებითად ფულის ხასიათი მიიღო. აქვე უნდა აღინიშნოს: რომ ეს ვალდებულებანი უზრუნველყოფილი იყო ბანკში შენახული ოქროთი და უცხოეთის ვალიუტით.

არსებობდა აგრეთვე საბჭოთა რუსეთის სახელმწიფო ბანკის კანტორა, რომელიც შემდეგ გადაკეთდა საბჭოთა კავშირის სახელმწიფო ბანკის კანტორად.

ჩვენ აქ არ შეუდგებით კრედიტის დახასიათებას 1924 წლ., რადგანაც, მაშინ მთელი ფინანსური მეურნეობა გამოიხატებოდა ფულის ბეჭდვაში (საკავშირო მასშტაბით ფულის სისტემის გაერთიანებამდე) და დაბეჭდილი ბონების განაწილებაში.

1924 წლიდან კი იწყება საკრედიტო სისტემის ჩამოყალიბება და ჩვენში თანდათანობით არსდება სხვადასხვა საკრედიტო დაწესებულება. ამჟამად საქართველოში მოქმედობს: ს. ს. რ. კ. სახელმწიფო ბანკის ტფილისის კანტორა (განყოფილებები ქუთაისში, ბათუმში, სოხუმში), სააგენტოები: ფოსთა და ჭიათურაში, საქართველოს სასოფლო-სამეურნეო ბანკი (ფილიალები ქუთაისსა და სიღნაღში), საკავშირო სამრეწველო ბანკის სრ. საქ. კანტორა, სრ. რუს. კოოპ. ბანკის ტფ. განყოფილება, აფხაზეთის სასოფლო-სამეურნეო ბანკი, აჭარისტანის სასოფლო-სამეურნეო ბანკი, ტფ. კომუნალური ბანკი (ფილიალები: ქუთაისში, ბათუმში, ახალსენაკში, სოხუმში, გორში, ცხინვალში, სიღნაღში, ახალქალაქში, ახალციხეში), საგარეო ვაჭრობის ბანკის ტფილისის განყოფილება. საქართველო-სავე ტერიტორიაზე მოქმედობს ა.-კ. სასოფლო-სამეურნეო ბანკი; რომელიც თავის კრედიტებს საქართველოში ატარებს საქართველოს სასოფლო-სამეურნეო ბანკის საშუალებით (გამონაკლისსაც აქვს ადგილი). გარდა ამისა ჩვენში არსებობენ საურთიერთო ნდობის საზოგადოებანი.

საერთოდ უნდა აღინიშნოს, რომ 1924-25, 1925-26 და 1926-27 წ. ჩვენი სახალხო მეურნეობის გაშლის ხანა იყო. მტკიცე ვალიუტის არსებობამ ხელს შეუწყო სახალხო მეურნეობის სხვადასხვა დარგის აღდგენა-განვითარებას. მეურნეობის ზრდა-განვითარება კი უკრედიტოდ ყოველად წარმოუდგენელია; იმავე დროს ჩვენში კრედიტის მოთხოვნილება მეტად დიდი იყო და ახლაც არის, ხოლო საკრედიტო საშუალებანი კი მცირე. მაგ. ამჟამად საქართველოს სასოფლო-სამეურნეო კრედიტი აკმაყოფილებს მოთხოვნილების დაახლოებით 20%-ს, უმთავრესად გრძელვადიან საწარმოო კრედიტების ნაკლებობას განვიციდით. მოკლევადიანი კომერციული კრედიტები თითქმის საკმაოდაა.

როცა საკრედიტო საშუალებანი განსაზღვრულია, ხოლო კრედიტის მოთხოვნილება დიდი, თავისთავად იბადება კითხვა კრედიტის დაგეგმვის შესახებ. სახელმწიფომ კრედიტის დაგეგმვის საშუალებით კრედიტები მეურნეობის იმ დარგში უნდა წარმართოს, რომლის განვითარება და წინ წაწევა საქიროა სახელმწიფოს თვალსაზრისით.

კრედიტების დაგეგმვას იწვევს აგრეთვე ის გარემოება, რომ მთელი ჩვენი სამეურნეო საქმიანობა გეგმიანობის ნიშნის ქვეშ მიმდინარეობს.

გარდა ამისა ის პროცენტი, რომელსაც იღებს საკრედიტო დაწესებულებანი აქტიურ ოპერაციებზე მეტად მცირეა ფულის კერძო ბაზარზე არსებულ პროცენტთან შედარებით. ამ პროცენტების გაღებით ესა თუ ის დარგი მეურნეობისა ვერ იშოვის საკმაო კრედიტს. კაპიტალისტურ ქვეყნებში ფულის ბაზარს აწესრიგებს განაღდების პროცენტს (учетный процент). ჩვენში კი არსებითად ფულის ორი ბაზარია. როგორც ამას სამართლიანად აღნიშნავს თავის წერილში ამხ. დ. ლოვეცკი *), ერთია სახელმწიფო ფულის ბაზარი, მეორე კი კერძო ფულის ბაზარი. კერძო თავის მხრივ იყოფა ორ ნაწილად: კერძო მოუწესრიგებელი ბაზარი და კერძო ბაზარი საურთიერთო ნდობის საზოგადოებათა საშუალებით მოწესრიგებული.

ფულის ბაზრის ასეთი მდგომარეობა და თვით ის პრინციპები, რომლის მიხედვით სწარმოებს ჩვენი სახალხო მეურნეობის განვითარება, მოითხოვს კრედიტის დაგეგმვას. საქართველოში 1925 წლიდან დაწყებული სწარმოებს კვარტალური საკრედიტო გეგმების შედგენა. კვარტალურ გეგმების პროექტებს ადვენენ საკრედიტო დაწესებულებანი, ხოლო ამ გეგმებს ინილავს და საერთო სამეურნეო გეგმებს უთანხმებს (რასაკვირველია, შესაძლებლობის ფარგლებში) და ერთიან რესპუბლიკანურ გეგმას ადვენს საგეგმო კომისია, ამტიკებს ეკონომიური საბჭო.

გარდა ამისა საქართველოს საგეგმო კომისია ყოველთვიურად აწარმოებს კონიუნქტურის მიმოხილვას კრედიტის დარგშიაც და მრავალი მასალაა დაგროვილი კრედიტის მდგომარეობის დასახასიათებლად. ამ წერილის შედგენის დროს ვეყრდნობოდით, როგორც საგეგმო კომისიის, ისე სახელმწიფო ბანკის ტფილისის კანტორის მასალებს.

*) იხ. Д. Ловецкий. Проблема госуд. кредита СССР.

საკრედიტო ოპერაციების ზრდას ახასიათებს: საკრედიტო დაწესებულებათა ბალანსის ზრდა, მიმდინარე ანგარიშებისა და ანაბარების ზრდა და განაღდებას ოპერაციების დინამიკა. ყველა ამ კითხვების გასაშუქებლად აქვე მოვიყვანო ციფრებს.

მაგ. 1925 წ. ოქტომბრის 1-სათვის საქართველოში მომქმედ საკრედიტო დაწესებულებათა შეერთებული ბალანსის ჯამი უდრიდა 64,325.000 მან., 1926 წ. ოქტომბრის 1-სათვის — 91.183.000 მან. 1927 წლის სექტემბრის 1-სათვის კი — 106.370.000 მან.

ცალკე საკრედიტო დაწესებულებათა მიხედვით ბალანსის ზრდა შემდეგი ცხრილი გვიჩვენებს:

ბ ა ნ კ ე ბ ი:	1925 წ. 1 ოქტომბ.	1926 წ. 1 ოქტომბ.	1927 წ. 1 სექტემბ.
1. სახელმწიფო ბანკის ტფ. კანტორა .	23.103	27.657	41.332
2. საქ. სას.-სამ. ბანკი	6.893	10.765	11.738
3. სამრეწველო ბანკის საქ. კანტ.	5.024	5.106	5.435
4. საგარეო ვაჭრობის ბანკის ტფილ. განყოფილება.	3.115	3.223	6.832
5. ა/კ. სასოფლო-სამეურნეო ბანკი	9.059	13.763	20.126
6. სრულიად რუსეთის კოოპერატიულ ბანკის ტფილისის გან-ბა	2.566	2.150	2.679
7. ტფილისის კომუნალური ბანკი	7.595*)	10.730*)	16.373**)
8. აფხაზეთის სას.-სამ. ბანკი	1.598	2.014	2.577
9. აჭარისტანის სას.-სამ. ბანკი	481	577	1.443
10. ელექტრო-ბანკის ა/კ. კანტორა	2.964	12.031	გაუქმებულია
11. ტფ. ორი საურთ. ნდობის საზოგად.	374	550**)	512
ს უ ლ	64.325	91.183	106.370

სულ ორი წლის განმავლობაში საქართველოს ტერიტორიაზე მომქმედი ბანკების ბალანსი გაზრდილა 65,6% -ით, ხოლო ეს ზრდა უმთავრესად მომხდარა 1925-26 წელში. უკანასკნელ წელში შედარებით ძალიან მცირე ზრდა გვაქვს. ეს უკანასკნელი გარემოება სხვა ეკონომიურ მიზეზთა გარდა აიხსნება შედარებით

*) არ შედის ფილიალების ბალანსი.

***) არ შედის ტფილისის პირველი საურთიერთო ნდობის საზოგადოების ბალანსი.

ლიდბალანსიანი ბანკის — ელექტრობანკის ა.-კავ. კანტორის გაუქმებით. ბალანსის სიდიდის მხრივ პირველი ადგილი უჭირავს სახელმწიფო ბანკის ტფ. კანტორას, შემდეგ მიდის ა.-კ. სას. სამ. ბანკი, მესამე ადგილზეა ტფ. კომუნალური ბანკი. თუ მივიღებთ მხედველობაში იმ გარემოებას, რომ ა.-კ. სას. სამ. ბანკი თავის კრედიტებს ატარებს რესპუბლიკანური სას. სამ. ბანკების საშუალებით და მის 20 მილ. ბალანსში. შედის სომხეთისა და აზერბეიჯანის სას. სამ. ბანკებისათვის მიცემული სესხები, იმ დასკვნამდე მივალთ, რომ სახელმწიფო ბანკის შემდეგ პირველი ადგილი უღაოდ კომუნალურ ბანკს უჭირავს.

ყურადღებას იქცევს სრ. რუს. კოოპ. ბანკის ტფ. განყოფილების ბალანსის სტაბილიზაცია და სხვა ბანკებთან შედარებით უმნიშვნელო ხვედრითი წონა. თითქმის არ გაზრდილა ამ ორი წლის განმავლობაში აგრეთვე სამრეწველო ბანკის საქ. კანტორის ბალანსი. ამ ორი ბანკის ბალანსზე გავლენას არ ახდენს ბიუჯეტის წესით მეურნეობის სათანადო დარგისათვის გაღებული თანხები, რადგანაც მრეწველობისათვის ბიუჯეტიდან მიცემული თანხები გადის სახელმწიფო ბანკის საშუალებით და აღიდებს მის ბალანსს, ხოლო კოოპერაციას იმდენად პატარა თანხები ეძლევა ბიუჯეტით, რომ ის გავლენას არ ახდენს კოოპერბანკის ბალანსზე. ცენტრიდან კი, როგორც სჩანს, ეს ბანკები ვერ იღებენ ვალიდებული რაოდენობის თანხებს.

უნდა აღინიშნოს, რომ უკანასკნელ წელში მეტად მცირე ზრდას იძლევა აგრეთვე საქართველოს სასოფლო-სამეურნეო ბანკი.

ფრიად უმნიშვნელოა კერძო ბანკების-საურთიერთო ნდობის საზოგადოებათა ბალანსის მონაწილეობა საერთო ჯამში. არც ზრდის მხრივ უჩანს მათ ბალანსს სანუგეშო პირობა.

როგორც ირკვევა ჩვენში კერძო საბანკო კრედიტს ასულდგმულებდა სახელმწიფოს დახმარება. სანამ სახელმწიფო და სხვა სააქციო ბანკები ამა თუ იმ სახით კრედიტს აძლევდნ საურთიერთო ნდობის საზოგადოებებს, მანამ ეს საზოგადოებები სიცოცხლის უნარს იჩენდნ. მათი ზრდაც საგრძნობი იყო, იზრდებოდა აგრეთვე საურთიერთო ნდობის საზოგადოებათა რიცხვი: 1926 წ. ოქტომბრის 1-სათვის საქართველოში არსებობდა 11 საურთიერთო ნდობის საზოგადოება (ტფილისში 2, თითო: სენაკში, სამტრედიისში, ქუთაისში, ონში, ზუგდიდში, ბათუმში, ფოთში, სოხუმსა და ზესტაფონში).

1927 წ. სექტემბრის 1-სათვის კი 4 საურთიერთო საზოგადოება (სახელდობრ: ფოთის, ონის, სენაკის და ზესტაფონის) დაიხურა. დანარჩენი ამხანაგოებში დაფავენ სულს (ტფილისის 1 საურთიერთო საზ. გარდა).

ამრიგად ვხედავთ, რომ სახელმწიფო საკრედიტო დაწესებულებანი ზრდას განიცდიან, ხოლო კერძო კაპიტალის ორგანიზაცია უკან მიდის.

საკრედიტო დაწესებულებათა პასიურ ოპერაციებში საინტერესოა ის. თუ რამდენად ანერხებდნ ისინი თავისუფალი თანხების მობილიზაციას მიმდინარე ანგარიშებისა და ანაბრების სახით, ამას შემდეგი ცხრილი გვიჩვენებს (ათ. მან.).

ბ ა ნ კ ე ბ ი :	1925 წ. 1 ოქტომბ.	1926 წ. 1 ოქტომბ.	1927 წ. 1 სექტემბ.
1. სახელმწიფო ბანკის ტფ. კანტ.	5.445	6.022	7.521
2. სასოფ.-სამ. ბანკები	972	1.095	1.541*)
3. სამრეწველო ბანკის საქ. კანტ.	1.562	1.508	1.806
4. საგ. ვაჭრობის ბანკის ტფილ. გან.	840	585	75
5. სრულიად რუსეთის კოოპერატიული ბანკის ტფილისის გან.ბა.	795	501	783
6. ტფილისის კომუნალური ბანკი	3.169	3.928	3.241
7. ელექტრო-ბანკი	727	153	გაუქმებულია
8. ტფილისის საურთიერათო ნდობის საზოგად.	53	349	67
ს უ ლ	13.563	14.091	15.882

მიმდინარე ანგარიშებისა და ანაბარების ზრდის მხრივ ერთგვარ სტაბილიზაციას აქვს აღვლილი. დიდ ზრდას გვაძლევს მხოლოდ 1924-25 წ. მაგ. 1927 წ. ოქტომბრის 1-სათვის მიმდინარე ანგარიშები და ანაბარები უდრიათ — 5.400 ათ. მან., 1925 წ. ოქტომბრის 1-ს. კი — 13.563 ათ. მან. ზრდა 100%-ს აღემატება. აქედან ცხადია, რომ ბანკების ბალანსი უკანასკნელი ორი წლის განმავლობაში გაზრდილა არა მიმდინარე ანგარიშების ხარჯზე, არამედ პასივის სხვა მუხლების ანგარიშებზე, უმთავრესად ბიუჯეტის წესით გაღებული თანხებით და აგრეთვე ემისიით მიღებული საშუალებებით. მთელი მიმდინარე ანგარიშების თითქმის ნახევარი სახელმწიფო ბანკზე მოდის, რაც იმით აიხსნება, რომ სახელმწიფო ბანკში ინახავს თავის თანხებს ფინსასკომი და სოცდაზღვევა.

საინტერესოა იმის აღნიშვნა, თუ რა წარმოშობისაა, ე. ი. ვინ ინახავს მიმდინარე ანგარიშებზე თავის თანხებს.

კონიუნქტურული ცნობებით 1927 წ. სექტემბრის 1-სათვის მიმდინარე ანგარიშებზე ქონდათ: სახელმწიფო დაწესებულებებს — 11.018 ათ. მან., კოოპერაციას — 543 ათ. მან., საკრედიტო დაწესებულებებს — 1.523, კერძო პირებს — 772 ათ. მან. დანარჩენი გაუნაწილებელია. აქედან ცხადია, თუ რა უმნიშვნელოა კერძო პირთა ანაბარების ხვედრითი წონა. ეს გასაგებია. კერძო პირი ეკონომიურად სრულიად არაა დაინტერესებული, რომ თავისი თავისუფალი თანხები საკრედიტო დაწესებულებებში შეინახოს. მაშინ, როდესაც ბანკები მას

*) აქედან ა/კ. სას.-სამ. ბანკზე მოდის 964 ათ. მან., საქართველოზე — 410 ათ. მან., აუზაზღვრულზე — 66 ათ. მან. და აკარისტანზე — 103 ათ. მან.

მისცემენ წლიურად 6-7%-ს, ის ფულის კერძო სპეკულიატურ ბაზარზე იღებს თვეში 5-15%-დე.

სახელმწიფო თავის მხრივ უპირატესად დაინტერესებულია, რომ სახელმწიფო და კერძო ფულის ბაზარზე არსებული განაღდების პროცენტის განსხვავება შემცირდეს და ფულის ამ ორი ბაზრის პროცენტები ერთმანეთს დაუახლოვდეს. ამ დაახლოვებას, სხვათა შორის, მეტად დიდი მნიშვნელობა აქვს სახელმწიფოს საკრედიტო ოპერაციების ჩატარებისათვის; ამ მხრივ კიდევაც იღებს სახელმწიფო ეკონომიურ ღონისძიებებს. მაგრამ ჯერ-ჯერობით ამ ღონისძიებათა ეფექტი არა არის საგრძნობი.

ახლა განვიხილოთ სესხისა და განაღდების ოპერაციების მოძრაობა.

ბ ა ნ კ ე ბ ი :	1925 წ. 1 ოქტომბ.	1926 წ. 1 ოქტომბ.	1927 წ. 1 სექტემბ.
1. სახელმწიფო ბანკის ტფ. კანტ.	16.746	24.092	36.961
2. სას.-სამ. ბანკები	13.074	20.281	24.018*)
3. სამრეწველო ბანკის საქ. კანტ.	3.731	4.139	4.892
4. საგარეო ვაჭრობის ბანკის ტფილისის განყოფილება	2.748	2.818	6.456
5. სრულიად რუსეთის კოოპერატიული ბანკის ტფილისის განყოფილება	1.799	1.560	1.853
6. ტფილისის კომუნალური ბანკი	6.179	8.696	11.997
7. ელექტრო-ბანკის ა/კ. კანტორა	2.402	11.760	გაუქმებულია
8. საურთიერთო ნდობის საზოგადოება	178	820	122
ს უ ლ	46.857	74.175	86.299

სესხისა და განაღდების ნაშთი, ანუ მეურნეობის სხვადასხვა დარგის დავალიანება ბანკების წინაშე ორი წლის განმავლობაში, თითქმის ორჯერ გაზარდილა. ზემოთ დავინახეთ, რომ უკანასკნელი ორი წლის განმავლობაში მიმდინარე ანგარიშები და ანაბარები სულ მცირე ზრდას იძლევა, ეს ზრდა ორი მილიონის ფარგლებშია. სესხისა და განაღდების ზრდა კი 40 მილ. მანეთით გამოიხატება, ცხადია სახალხო მეურნეობის დავალიანების ასეთი ზრდა მომხდარა არა მიმდინარე ანგარიშების ხარჯზე, არამედ უმთავრესად ბიუჯეტის წესით სახალხო მეურნეობისათვის გაღებული თანხების ანგარიშზე.

*) არ შედის აკარისტანის სას.-სამ. ბანკის ცნობები. ამ 24.018 ათ. მან. საქართველოს ბანკზე მოქდის—7.218 ათ. მან. აფხაზეთზე—1.918 ათ. მან.

ეს ბუნებრივად არის. საბჭოთა სამეურნეო და ფინანსური სისტემა ისეა მოწყობილი, რომ მთელი შემოსავალი ბიუჯეტში იყრის თავს და ბიუჯეტით ამ შემოსავალს ანაწილებს სამეურნეო და სოციალ-კულტურული აღმშენებლობის დარგში.

სესხისა და განადღების ჩვენ მიერ ზემოთ მოყვანილი ნაშთი შეიცავს იმ დავალიანებას, რომელიც აქვთ საქართველოს ტერიტორიაზე მომქმედ საწარმოებს საკრედიტო დაწესებულებათა წინაშე. მაგრამ, როგორც ვიცით, საქართველოს ტერიტორიაზე მოქმედებენ, როგორც საქართველოს, ისე ფედერატიული და საკავშირო საწარმონი. არა საქართველოს საწარმონი შეიძლება ითქვას, რომ იღებენ მხოლოდ საეკპრო კრედიტს. მათ მიერ მოტანილი საქონელი იხმარება შიგ საქართველოშივე ზოგიერთ გამონაკლისს გარდა. მიუხედავად ამისა მანც საინტერესოა კრედიტების განაწილება საქართველოს და არა საქართველოს საწარმოთა შორის:

საწარმონი.	1925 წ. ოქტომბ.		1926 წ. ოქტომბ.		1927 წ. სექტემბ.	
	აბს. რიცხ.	% ჯამის მიმართ.	აბს. რიცხ.	% ჯამის მიმართ.	აბს. რიცხ.	% ჯამის მიმართ.
საქართველ. საწარმონი .	30.980	66,1	47.650	66,1	49.552	57
ფედერატიული, ა/კ. რესპ. და ა/კავკას. გარეშე რესპუბლიკების საწარ. . .	15.877	33,9	26.525	35,8	36.747	43
ს უ ლ . . .	46.857	100	74.175	100	86.299	100

ამ 86.299 ათ. მან. შედის ა.-კ სასოფლო-სამეურნეო ბანკის კრედიტი 14.698 ათ. მან., რომლის ნაწილი აგრეთვე გატარებულია საქართველოს სასოფლო-სამეურნეო ბანკის კრედიტებში და ეს ორნაირი ანგარიში აღიღებს, როგორც კრედიტების საერთო ჯამს, ისე ა.-კავკასიის საწარმოთა წილს. საერთოდ კი, როგორც ამ ცხრილიდან ირკვევა, საქართველოს საწარმოთა % 57-სა და 66,1-ს შუა ირყევა.

თუ საკრედიტო დაწესებულებათა მიერ ერთმანეთისათვის მიცემულ კრედიტებს გამოვაკლებთ დავალიანების საერთო ჯამს მივიღებთ შემდეგ ციფრებს: 1927 წ. სექტემბრის 1-სათვის საქართველოს საწარმოების დავალიანება უდრიდა 40.855 ათას მან., არა საქართველოს საწარმოების კი 27.239 ათ. მან., ანუ პაროცენტებში 63,4% და 36,6-%.

ახლა განვიხილოთ, თუ როგორ ნაწილდებოდა ეს დავალიანება სახალხო მეურნეობის ცალკე დარგებს შორის. ამას შემდეგი ცხრილი გვიჩვენებს: (ვიღებთ მხოლოდ საქართველოს საწარმოთა დავალიანებას).

(ვიღებთ მხოლოდ საქართველოს საწარმოთა დავალიანებას).
ათას მანეთებში.

მეურნეობის დარგები	1925 წ. 1 ოქტომბ.	1926 წ. 1 ოქტომბ.	1927 წ. 1 ოქტომბ.
მრეწველობა	5.392	8.717	14.504
სოფლის მეურნეობა	9.969	10.174	9.082
ვაჭრობა	6.175	6.575	5.529
კომუნალური მეურნეობა	5.665	16.587	9.939
საკრედიტო დაწესებულებანი	2.833	4.836	9.014
ტრანსპორტი	5	8	—
დანარჩენი გაუნაწილებელი	921	753	1.484
სულ	30.980	47.650	49.552

ეს ცხრილი ერთი შეხედვით გვიჩვენებს, რომ 1926-27 წლის განმავლობაში ადგილი ქონია კრედიტების უმნიშვნელო ზრდას, სულ რაღაც 2 მილ. რაოდენობით. მაგრამ თუ მივიღებთ მხედველობაში იმ გარემოებას, რომ სწორედ 1926-27 წ. გაუქმდა ელექტრობანკის ა.-კ. კანტორა, რომლის ფაქტიური კრედიტები 1926 წ. 1 ოქტომბრისათვის 11.769 ათ. მან. უდრიდა მაშინ დავინახავთ, რომ უკანასკნელ საბიუჯეტო წელშიაც კრედიტების საგრძნობ ზრდასთან გვაქვს საქმე.

განსაკუთრებით ვაზრდილა მრეწველობის კრედიტები. სოფლის მეურნეობის კრედიტები შემცირებას იძლევა დაახლოებით ერთი მილიონი მანეთით, რაც იმით აიხსნება, რომ 1927 წ. 1 სექტ. ცნობებში არ შედის აქარისტანის სასოფლო-სამეურნეო ბანკის კრედიტები დაახლოებით 1.200 ათ. მანეთამდე. რომ ეს თანხა მიუძღრთ სოფლის მეურნეობის კრედიტებს; მივიღებთ, რომ შემცირებას ადგილი არ ქონია, პირიქით მომხდარა კრედიტების სტაბილიზაცია. სოფლს მეურნეობის კრედიტების სტაბილიზაცია გამოწვეულია სასოფლო-სამეურნეო კოოპერაციის ცენტრის-წარმოკავშირის ლიკვიდაციით. სოფლის კავშირი კი მეტად ცუდად სარგებლობს კრედიტებით და მისი დავალიანება წარმოკავშირისათვის ვაცილებით ნაკლებია.

კომუნალურ მეურნეობის კრედიტების შემცირება აიხსნება იმ გარემოებით, რომ 1927 წ. სექტ. 1-ს ცნობაში არ შედის ელექტრობანკის კრედიტები. წინა წლის ცნობაში კი ის შედიოდა. ამ რიგად ფაქტიურად კომუნალური მეურნეობის კრედიტების შემცირებას ადგილი არ ქონია.

რომ წარმოდგენა ვიქონიოთ იმის შესახებ, თუ საით იყო მიმართული საკრედიტო პოლიტიკა კრედიტების განაწილებაში, საჭიროა აქვე მოვიყვანოთ

ცნობები მეურნეობის ცალკე დარგის კრედიტების ხვედრითი წონის შესახებ. აი ეს ცნობები:

(დავალიანების ნაშთიდან სწორი ანგარიშისათვის გამოვრიცხეთ საკრედიტო დაწესებულებათა მიერ ერთმანეთისათვის მიცემული კრედიტები).

მეურნეობის დარგი.	%/‰ ჯ ა მ ი ს მ ი მ ა რ თ.		
	1925 წ. 1 ოქტ.	1926 წ. 1 ოქტ.	1927 წ. 1 ოქტ.
მრეწველობა	19,2	20,3	35,8
სასოფლო მეურნეობა	35,5	23,8	22,4
ვაჭრობა	21,9	15,4	13,6
კომუნალური მეურნეობა	20,1	38,7	24,5
დანარჩენი გაუნაწილებელი	3,3	1,8	3,7
სულ	100	200	100

ეს ცხრილი ნათლად გვიჩვენებს, თუ რამდენად პოულობთ თავის გამოსახელობას საკრედიტო პოლიტიკაში ქვეყნის ინდუსტრიალიზაციის ღონისძიებები. მრეწველობის ხვედრითი წონა ყველაზე უფრო სწრაფი ტემპით იზრდება იმავე დროს 1927 წ. სექტემბრის 1-სათვის მრეწველობამ პირველი ადგილი დაიკავა, მეორე კომუნალური მეურნეობას ეკუთვნის, მესამე კი სოფლის მეურნეობას.

ეს მოვლენა ფრიალ სასიხარულოა, მაგრამ აქვე უნდა აღინიშნოს, რომ ჩვენში სოფლის მეურნეობის კრედიტების ხვედრითი წონა არ შეესაბამება სოფლის მეურნეობის მნიშვნელობას ჩვენი ეკონომიკისათვის. როგორც ზევით აღვნიშნეთ, კრედიტებით ყველაზე უფრო დაუკმაყოფილებელი რჩება სოფლის მეურნეობა. ამჟამად მისი მოთხოვნილების მხოლოდ 20%-მდე კმაყოფილებდა. ჩვენის აზრით, საჭიროა სოფლის მეურნეობისათვის გრძელვადიანი საწარმოო კრედიტების გამოწახვა.

ასეთია ზოგადათ კრედიტის მდგომარეობა საქართველოში უკანასკნელ წლების განმავლობაში.

საქართველოს კოოპერაცია ოქტომბრის 10 წლის თავზე.

„მშრომელი კლასის კოოპერაციაში ჩაბმით ჩვენ
ორივე ფეხებით ვიდგომებოდით სოციალისტურ
ნიდაგზე“.

ლენინი.

ოქტომბრის დიდმა რევოლუციამ დაამსხვრია ძველი ბუტყუაზიულ-ფერო-დალური სამყარო და მის ნანგრევებზე საფუძველი ჩაუყარა ახალ საწარმოო და სოციალურ ურთიერთობას.

10 წლის წინად როცა რუსეთის მუშათა კლასმა ხელთ იგდო ძალუფლება და შეუდგა სახალხო მეურნეობის აღმშენებლობას ახალ სოციალურ საფუძველზე, მის წინაშე დაისახა სამი მთავარი ამოცანა. რომელიც მოითხოვდა განსაკუთრებულ ყურადღებას და ურომლისოდაც შეუძლებელი იყო ოქტომბრის მონაპოვართა შენარჩუნება. ეს არის ქალაქის მრეწველობის, სოფლის მეურნეობის და ტრანსპორტის აღდგენის საკითხები, რომელიც განსაკუთრებით წამოიჭრა მუშათა კლასის სამოქალაქო ომში გამარჯვების შემდეგ. ესლა ყველასთვის ნათელია, თუ როგორი დაკვირვითი წესით და პროლეტარული ერთსულოვნობით დაიწყო სამოქალაქო ომით განადგურებული სახალხო მეურნეობის აღდგენა.

ვის უნდა ეკისრა სოფლის ნაწარმოების დამზადება და ქალაქის მომხარებლისა და მრეწველობისთვის მისი მოწოდება, ერთის მხრივ და ვინ გაანაწილებდა ქალაქის ნაწარმოებს სოფლის და ქალაქის მოსახლეობის შორის მეორეს მხრივ? ასეთი იყო სამეურნეო ამოცანა, რომლის შესრულება იმ თავითვე დაეკისრა კოოპერაციას.

როგორც მშენებლობის სხვა სფეროებში, კოოპერაციაშიაც მოგვცა სახელმძღვანელო ხაზი ოქტომბრის რევოლუციის დიდმა ბელადმა ლენინმა. როგორ კვისახავს იგი კოოპერაციის როლს სოციალისტურ სახელმწიფოში? წერილებში „კოოპერაციის შესახებ“ ის სწერდა: „მოსახლეობის კოოპერაციაში ჯაბმის პირობებში თვითონვე მიაღწევს მიზანს ის სოციალიზმი, რომელიც წინად იწვევდა კანონიერ დაცივნას და უიმის... ყველა ამხანაგები არ აძლევენ ანგარიშს თავის თავს იმაში, ესლა რა გიგანტიურ და განუსაზღვრელ მნიშვნელობას იღებს ჩვენთვის კოოპერაციაში მოსახლეობის ჯაბმა“.

ამ ამონაწერიდან ნათლად სჩანს, 'თუ რა დიდ მნიშვნელობას აძლევდა ლენინი კოოპერაციას სოციალისტურ სახელმწიფოს არსებობის პირობებში. კოოპერაცია მან მიიჩნია ერთ-ერთ ხიდათ სოციალისტურ სახელმწიფოში გადასასვლელად. დღეს ყველასათვის ნათელია, თუ რა დიდ ყურადღებას აქცევს კოოპერაციას ჩვენი მუშურ-გლეხური ხელისუფლება და კომუნისტური პარტია.

რა მიღწევები გვაქვს ამ მხრივ საქართველოში? როგორ მდგომარეობაში იყო კოოპერაცია გასაბჭოების დროს, რა გააკეთა მან და როგორ მდგომარეობაშია იგი ესლა?

საქართველოს გასაბჭოებისას 1921 წელში ჩვენში არსებობდა კოოპერატიული ორგანიზაციების 2 სახე: სამომხმარებლო და სასოფლო-სამეურნეო. პირველი, შედარებით სას.-სამ. კოოპერაციასთან, იყო უფრო ძლიერი, სასოფლო-სამეურნეო კოოპერაცია კი რიცხობრივადაც მცირე იყო და ეკონომიურადაც სუსტი.

გარდა ამ ორი სახისა, რომელიც ჩვენში გასაბჭოებისას არსებობდა, 1927 წელს გვაქვს კიდევ სამი ახალი სახე კოოპერატიული ორგანიზაციებისა: შინამრეწველობის, საბინაო და სას.-სამეურნეო საკრედიტო კოოპერატივები. სას.-სამ. საკრედიტო კოოპერაცია ამ უკანასკნელ წლამდე არსებობდა ცალკე, მხოლოდ ესლა გაერთიანებულია სასოფლო-სამეურნეო კოოპერაციასთან და შეადგენს სასოფლო-სამეურნეო საკრედიტო კოოპერაციის ერთიან ქსელს.

სამომხმარებლო კოოპერაცია საქართველოში.

სამომხმარებლო კოოპერაცია საქართველოში იყო ყველაზე უფრო პოპულარული და უნივერსალური ხასიათის მატარებელი. თუ მის ზრდა-განვითარებას დავაკვირდებით, ვნახავთ, რომ 1917 წლის რევოლუციამდე ჩვენში არსებობდა მცირე რიცხვი კოოპერატიული ორგანიზაციებისა. მაგ. ქუთაისის მაზრაში 1908 წელში, არსებობდა 12, ტფილისის მაზრაში კი 6. როგორი შემადგენლობის და ვის მიერ იყო ესენი დაარსებული? ცნობილია რომ მეფის მთავრობა კოოპერაციას ცუდი თვალით უცქეროდა, ის ხელადა მასში არასაიმედო ორგანიზაციას, რომელიც ლამობს თავის ირგვლივ მცხოვრებთა შემოკრებას და სევამს გადასაჭრელად ეკონომიურ საკითხებს. ამასთანავე კოოპერატივების დაარსება ხელსაყრელი არ იყო ახლად ფეხადგმულ სავაჭრო კლასისათვის, რომელსაც მფარველობას უწყევდა მეფის მთავრობა. ამით აიხსნება ის გარემოება, რომ კოოპერატივების დაარსებას წინააღმდეგობას უწყევდა მონარქია. ცხადია, რომ გლეხებისა და მუშების მიერ დაარსებულ ორგანიზაციას მაშინდელ დროში არავინ არ დაუშვებდა. ამისთვის იმ თითო-ორი კოოპერატივებს, რომლებიც მაშინ წარმოიშვა, აარსებდენ სამღველოება და თავად აზნაურობა. ადვილი გასაგებია თუ როგორი ხასიათის მატარებელი იქნებოდა და ვის სასარგებლოდ დაარსდებოდა ხუცებისა და თავად-აზნაურების მიერ დაარსებული კოოპერატივები.

ასეთი ხასიათის მატარებელი იყო კოოპერაცია 1917 წ. რევოლუციაამდე: 1916 წ. ე. ი. რევოლუციის ერთი წლით ადრე, საქართველოში არ.

სებობდა 176 ამხანაგობა 34.656 მან. საპაიო კაპიტალით. ამთ შორის ბათონის ოლქში იყო 3, ტფილისის გუბერნიაში 83 და ქუთაისში 90, მაშინ როდესაც ჩვენ მოსაზღვრე ქვეყნებში იყო—სომხეთში სულ 13 და აზერბაიჯანში 5.

1917 წლის რევოლუციის შემდეგ კოოპერატივების ქსელი მოედო საქართველოს ყველა კუთხეებს, სამომხმარებლო კოოპერატივების ზრდა-განვითარებას 1920-23 წელში დაგინახავთ შემდეგ ცხრილიდან¹.

სამომხმარებლო საზოგადოებები.

წელი	საკაფშირო		არა საკაფშირო		ს უ ლ	
	რაოდენობა	წევრთა რიცხვი	რაოდენობა	წევრთა რიცხვი	რაოდენობა	წევრთა რიცხვი
1920	758	332.837	120	35.209	878	368.046
1921	766	328.325	69	31.833	835	360.158
1922	597	253.359	7	2.884	604	356.243
1923	606	301.215	13	3.397	619	304.612

ზვეით მოყვანილ ცხრილიდან აღვილი გასაგებია შემდეგი გარემოება. დაწყებული 1920 წლიდან 1923 წლამდე, სანამ კოოპერაციის არ დაეპატრონა საბჭოთა ხელისუფლებმა, ჩვენ ვხედავთ, რომ ის რაოდენობითაც მცირდება და წევრთა რიცხვის მიხედვითაც. მაგრამ მოყვანილი ციფრებიც რომ ავიღოთ, თავის შინაარსით ის არ გამოხატავს ნამდვილ მდგომარეობას. ეს კოოპერატივები არსებობდნენ ქალაქებში. მათი დიდი რიცხვი გაუქმებული იყო, ხოლო არ ჰქონდათ შესრულებული საამისო ფორმალური მხარეები, ამისთვის ისინი რჩებიან სიაში. ეს გამოიწვია იმ გარემოებამ, რომ მენშევიკური ხელისუფლებმა კოოპერაციის არავითარ დახმარებას არ უწყევდა, რადგან თვითონ საშინელ სიღატაკეს განიცდიდა. კოოპერატივები ერთი მფორეზე იხურებოდნენ. ამასვე დავინახავთ ჩვენ თუ გავეცნობით წევრთა რიცხვს და საპაიო, კაპიტალის მდგომარეობას. (იხ. ცხრ. 74 გვ.).

აქედან ცხადია სჩანს, თუ როგორი ჩქარი ტემპით ეცემოდა როგორც წევრთა რიცხვი, ისე საპაიო კაპიტალი. თუ თითო წევრის მიხედვით 1919 წელს საპაიო კაპიტალი უმნიშვნელო იყო და უდრიდა 0.92 მან. 1920 წელში დაეცა 0,15 მან. და 1921 წელს, ე. ი. გასაბჭოების წელს, კი უდრიდა 0,07 მ. აი ასეთ მდგომარეობაში იყო სამომხმარებლო კოოპერაცია, როდესაც მას დაეპატრონა საბჭოთა მუშურ-გლეხური ხელისუფლებამ. სამომხმარებლო კოოპერაციის ერთდღეუნიანი სისტემიდან მრავალდღეუნიანზე გადასვლის შემდეგ ჩვენ გვაქვს შემდეგი მდგომარეობა.

¹) უშრნალი „კოოპერაცია ამიერ-კავკასიაში“ გვ. 10

წლები	აღებული ვრ- თეულის რიცხვი	წვერთა რიცხვი	საპაიო კაპიტალი	
			აბსოლუტური	თითო წვერზე
1919	72	45.039	41.288 მ.	0.95
1920	217	145.349	22.177	0.15
1921	163	89.405	5.880	0.07
1922	49	21.543	234	0.01
1923	36	15.336	372	0.02

1924 წლ. იანვ. მთლიანი სამომხ. საზ.ბა „ეპო“ იყო რიცხვით 121 და 506 დუქ-
 „ „ ოქტომ. „ „ „ „ „ „ 133--700 „
 1925 „ „ „ „ „ „ „ „ 141--871 „
 1926 „ „ „ „ „ „ „ „ 148--1005 „

1927 1 ივლისსათვის: მთლ. სამომხ. საზოგად. „ეპო“ იყო 149—1192 დუ-
 ქანი.

აქედან სჩანს, რომ მთლიანი სამომხმარებლო საზოგადოების რიცხვი, და-
 წყებული 1924 წლიდან 1927 წლის ივლისამდე, გაიზარდა 28 ერთეულით. დუ-
 ქნების ანუ განყოფილებების რიცხვი კი გაიზარდა 682-ით. საშუალოთ თითო
 კოოპერატივზე მოდის 8 განყოფილება. აქ უნდა აღინიშნოს, რომ ამზანაგობათა
 ზრდა-განვითარება მიმდინარეობს ნორმალური ტემპით და შეთანხმებულია სა-
 მოქმედო რაიონის, როგორც ეკონომიურ, ისე გეოგრაფიულ და სხვა პირობებ-
 თან.

კოოპერატივებში გაერთიანებულ წვერთა რაოდენობას და მისი საპაიო
 თანხების მდგომარეობას დავინახავთ შემდეგ ცხრილიდან.

ა) წვერთა მიმდინარეობა

1924 წლ. 1-ლ იანვარს იყო	62.200 წვერი	საშუალოთ თითო კოოპერატივზე მოდიოდა	514 წვერი
„ „ 1 ოქტ.	106.096	„ „ „ „	800 „
1925 წლ. „ „	145.630	„ „ „ „	1032 „
1926 „ „	208.201	„ „ „ „	1407 „
1927 წ. 1 ივლისი	253.881	„ „ „ „	1704 „

ამ ცნობებიდან ცხადათ სჩანს, რომ 4 წლის განმავლობაში ყველა კოოპე-
 რატივების წვერთა რიცხვი გაიზარდა 62.200-დან 253.881-მდე. აქედან თუ
 1927 წელს თითო კოოპერატივის მიხედვით საშუალოდ წვერთა რიცხვი უდრი-
 და 514 ს, 1927 წელს კი თანდათანობით ზრდა მივიდა 1704-მდე, ე. ი. 1927
 წლის 1-ლ ივნისს თითო კოოპერატივზე მოდიოდა საშუალოდ 1704 წვერი.

ბ) საპაიო თანხების მიმდინარეობა. საქართველოს სამომხმარებლო კოოპერაციის ბალანსის სამომხმარებლო სისტემაზე გადაკეთების დღიდან, ე. ი. 1924 წლიდან საპაიო თანხების მდგომარეობას დაეინახავთ შემდეგ ცხრილიდან:

საპაიო თანხების რაოდენობა	რამდენი მოდის თითო კოოპ.ზე საშუალოთ	რამდენი მოდის თითო წევრზე საშუალოთ
1924 წ. I/I—იყო 95.582 მ.	790 მან.	1 მ. — 50 კ.
„ I/X „ 189.908 „	1432 „	1 — 80 „
1925 „ 329.315 „	3045 „	2 — 26 „
1926 „ 569.840 „	3850 „	2 — 73 „
1927 წ. I/VII „ 880.922 „	5912 „	3 — 47 „

საპაიო თანხების გაცნობამ დაგვანახავა შემდეგი: თუ მისი რაოდენობა 1924 წლის 1 იანვრისთვის უდრიდა 95.582 მანეთს, თითო კოოპერატივზე საშუალოთ მოდიოდა 790 მანეთი და თითო წევრზე კი 1 მან. 50 კაპ. შემდეგ წლებში ჩვენ ეხედავთ მის ჩქარ ზრდას. 1927 წლის 1 ივლისისათვის კი საპაიო კაპიტალი, შეტანილი პირველ საფეხურის კოოპერატივებში „ეპოებში“ უდრიდა 860.922 მანეთს, ანუ თითო კოოპერატივზე საშუალოდ მოდის 5,912 მანეთი და კოოპერატიულად შეკავშირებულ თითო წევრზე კი საშუალოდ 3 მ. 47 კ. აქედან ის ის დასკვნა უნდა გამოვიტანოთ, რომ მოსახლეობის ლტოლვა სამომხმარებლო კოოპერაციისკენ დიდი, რასაც მისი საპაიო კაპიტალების ზრდა ნათლად გვიჩვენებს.

ერთობ საინტერესო სურათი იქნება, თუ მოსახლეობის მონაწილეობას კოოპერატიულ მოძრაობაში პროცენტებში გამოვსახავთ.

1924 წ. 1 იანვარს იყო	13%
1924 წ. 1 ოქტომბ. „	22.2%
1925 წ. „	30.5%
1926 წ. „	43.7%
1927 წ. 1 ივლის იყო	53.2%

აქედან ცხადია, რომ საქართველოს მთელი მოსახლეობის ნახევარზე მეტი გაერთიანებულია კოოპერატივებში, 1924 წელს კი გაერთიანებული იყო მხოლოდ 13%. ეს იმის მაჩვენებელია, რომ მოსახლეობამ ცხადად დაინახა კოოპერაციის დიდი უპირატესობა კერძო ვაჭრობასთან შედარებით და შეკავშირდა მის ირგვლივ.

საქონლის ბრუნვა ძირითად კოოპერატივებში.

საბჭოთა კავშირის მრეწველობის აღდგენამ და მოსახლეობის ეკონომიურად მოღონიერებამ გაზარდა სამომხმარებლო საგნების მეტი რაოდენობით მიწოდება მომხმარებლისადმი, რასაც თან დაერთო სამომხმარებ-

ლო კოოპერაციის ქსელის გაფართოება. სამომხმარებლო კოოპერაციის საშუალებით გაყიდული საქონლის რაოდენობა შემდეგია:

1924 წელს 1/1-დან 1-10-მდე—	21.509.000	მანეთის ლირებული
1924/25 წ.	28.898.000	„
1925/26 „	45.631.000	„
1926 წ. 1/X-დან 1927 წ.		
1/VII-მდე	36.760.000	„

აქედან აშკარაა თუ როგორ იზრდება სამომხმარებლო კოოპერაციის ქსელის საშუალებით გასაღებული საქონლის რაოდენობა—ყოველწლიურად.

ძირითადი ქსელის ფინანსიურ მდგომარეობას შეიძლება ვავეცნოთ შემდეგ მუხლებში: 1. საბალანსო ჯამის რაოდენობა, 2. საკუთარი თანხების რაოდენობა, 3. გარეშე თანხების რაოდენობა და 4. ბრუნვის გარეშე მყოფ თანხების რაოდენობა.

შემდეგი ცხრილიდან დაინახავთ საქართველოს სამომხმარებლო კოოპერაციის ძირითად ქსელის ფინანსიურ მდგომარეობას.

	1/X 1924 წ.	1/X. 1925 წ.	1/X 1926 წ.	1/VII 1927 წ.
1. საბალანსო ჯამი	3.973.810	6.044.545	7.640.683	9.694.004
2. საკუთარი თანხა	1.074.770	1.707.030	3.356.329	4.066.065
3. გარეშე თანხა	2.890.040	4.337.515	4.284.354	5.627.939
4. ბრუნვის გარ. თან.	852.290	1.250.488	1.123.999	1.434.794

აქედან ჩანს, რომ ყველა თანხები ყოველწლიურად საგრძნობლად იზრდება, მაგალითად: საბალანსო ჯამი 3.973.810 მ. 1924 წლიდან გაიზარდა 9.694.004 მანეთამდე 1927 წლის 1 ივლისისათვის. საკუთარი თანხები ამავე დროში 1.074.770 მანეთიდან გაიზარდა 4.066.065 მანეთამდე. გარეშე თანხები 2.890.040 მანეთი გაიზარდა 5.627.939 მანეთამდე და ბრუნვის გარეშე არსებული თანხები 852.290 მანეთიდან—1.434.794 მანეთამდე.

აქვე აღსანიშნავია, თუ რაღარა რაოდენობის საკუთარი თანხები იღებდნენ მონაწილეობას სამეურნეო ოპერაციებში. თუ 1924 წ. საკუთარი თანხა სავაჭრო ბრუნვაში შეადგენდა 222.480 მანეთს 1925 წელში ის უდრიდა 456.542 მანეთს, 1926 წელში 2.232.530 მანეთს და 1927 წლის 1-ლ ივლისისათვის კი შეადგენდა 2.631.271 მანეთს.

საკურადლებმა აღენიშნოთ ქალთა მონაწილეობა სამომხმარებლო კოოპერაციაში. თუ 1927 წელს 106.094 წევრთა შორის ქალები შეადგენდნენ 2.121,

1925 წელს ქალების რიცხვი უდრიდა 9.588-ს, 1926 წ. ითვლებოდა 13.607 წვერი და 1927 წლის 1 აპრილ. კი—18.250 წვერი ანუ საშუალოდ 8⁰/₀.

ყველა ზევით ნათქვამი ენებოდა საქართველოს სამომხმარებლო კოოპერაციის ძირითად ქსელს, ე. ი. სამომხმარებლო საზოგადოებებს თავის განყოფილებებით. ესლა უნდა შევეხოთ თვის ცენტრის—ცეკავშირის საქმიანობას. თუ თვალს გადავაგვლებთ ცეკავშირის ბრუნვებს, გაყიდული საქონლის ღირებულების მიხედვით, დაწყებული 1916 წლიდან მივიღებთ შემდეგ სურათს:

1916 წელს გაიყიდა	641.359 მანეთის ღირებული საქონელი	
1917	1.562.405	„
1918	937.736	„
1919	2.346.769	„
1920	1.033.558	„
1921	317.963	„
1922	269.141	„
1923	6.519.874	„
1924 (9 თვე)	6.026.060	„
1924/25	5.703.470	„
1925/26	6.690.294	„
1926 წ. 1/X-დან		
1927 წ. 1/1 მდე		
11 თვეში	16.281.444	„

ზემოდ მოყვანილ ცნობებიდან ნათლად სჩანს, რომ სამომხმარებლო კოოპერაციის ცენტრის—ცეკავშირის საქონლის ბრუნვა დაწყებული ჯერ კიდევ 1916 წლიდან ვიდრე 1923 წლამდე, ე. ი. სამომხმარებლო კოოპერაციის საბჭოთა ხელისუფლების მიერ აღდგენა-განვითარებამდე, საქონლის ბრუნვა იყო იმდენად უმნიშვნელო ცენტრალური კავშირისთვის, რომ საშუალოთ თითო წლის განმავლობაში არ უდრიდა 1 მილ. მანეთსაც კი. სულ 7 წლის განმავლობაში საქონლის ბრუნვა უდრიდა დაახლოებით 6.500.000 მან. მას შემდეგ რაც მოხდა სამომხმარებლო კოოპერაციის გასაბჭოება, ჩვენ ვხედავთ, რომ 1923 წლიდან საქონლის ბრუნვა გაიზარდა წლის განმავლობაში 6.519.874 მანეთამდე და ასე იზრდება; 1926/27 წლის 11 თვის განმავლობაში კი ბრუნვამ მიაღწია 16.281.444 მანეთს. თუ პირველ 7 წლის განმავლობაში ცეკავშირის საქონლის ბრუნვა უდრიდა დაახლოებით 6.500.000 მანეთს, შემდეგ 5 წლის განმავლობაში ის გაიზარდა დაახლოებით 51.000.000 მანეთამდე. ასეთი ტემპით ზრდა, ცეკავშირის ბრუნვისა იმის მაჩვენებელია, რომ საქართველოს სამომხმარებლო კოოპერაცია დაუკავშირდა მოსახლეობის ფართე მასას, აწვდის მას სამომხმარებლო სავნებს ხელსაყრელ ფასებში და ნდობას იმსახურებს მომხმარებელთა შორის. მხოლოდ საბჭოთა პირობებში შეეძლო კოოპერაციის ასეთი განვითარება. არ ახსოვს ისტორიას სხვა ისეთი ხელისუფლება, რომელსაც ასეთი დახმარება აღმოეჩინოს კოოპერაციისათვის, როგორც აღმოეჩინა საბჭოთა მუშურ-გლეხურმა ხელისუფლებამ. ამით აიხსნება ჩვენი კოოპერაციის ყოველ მხრივ გაჯანსაღება.

სასოფლო-სამეურნეო კოოპერაცია საქართველოში.

ჩვენში როგორც სასოფლო მეურნეობის ქვეყანაში, კარგი ნიადაგი აქვს განსაივითარებლად სასოფლო-სამეურნეო საგლეხო კოოპერაციას. მისი აღორძინების ისტორია, თუ ცალკე ერთეულებს მივიღებთ მხედველობაში. იწყება ჯერ კიდევ 1876 წლიდან, როდესაც ქუთაისის მაზრის სოფ. გოჩაჯიხიაში პირველად ადგილობრივ საზოგადო მოღვაწეთა მიერ მოეწყო სასოფლო-სამეურნეო საგლეხო შემნახველ-გამსესხებელი ამხანაგობა. ვიმეორებთ, ეს იყო პირველი ცდა სოფლის გლეხური კოოპერატიული ორგანიზაციის მოწყობისა. შემდეგ წლებში დაარსდნენ ეგრეთწოდებული „ეპოები“ (საგარეჯოში, მაჩხანაში და სხ.) ასეთი საკრედიტო ხასიათის სახე იმისთვის მიიღო სოფლის კოოპერაციამ. რომ მევახშეები არ გამხდარიყვნენ ბატონ-პატრონი სოფლის შეუძლო გლეხებისა, ამიტომ მოეწყო სესხის გამკემი და ანაბრების მიძღვნი ქასოფლო კოოპერატივები. შემდეგ ხანებში კი ვითარდება წმინდა სახის სასოფლო-სამეურნეო ამხანაგობებო როგორცაა, მაგ., კახეთის მევენახე-მელვინეთა ამხანაგობა „კახეთი“, გომის მებალეთა საზოგადოება, ე. წ. „გომის სინდიკატი“, სოფ. კუხის მებაზაშუმეთა ამხანაგობა „კოლხიდა“ და სხვა.

თუ აღნიშნულ კოოპ. წევრთა სოციალურ შემადგენლობას ვავეცნობით, დავინახავთ, რომ მათი დიდი უმრავლესობა შესდგებოდა თავადაზნაურობისა და შეძლებულ გლეხებისგან. გარდა ამბ-მა „კოლხიდა“-სი, სადაც შეუძლო გლეხები იყვენ შეკავშირებულნი. რადგან ასეთ შემადგენლობას არ ძალუძდა საზოგადოებრივი ორგანიზაციის შესაფერი ხელმძღვანელობა და მისვე ხელს უშლიდა მაშინდელი პოლიტიკური პირობები, თითქმის ყველა ეს ორგანიზაციები გაქრენ და 1905 წ. თითქმის არც ერთი პირველსაფეხურის კოოპერატივი არ არსებობდა. 1905 წლიდან კი მდგომარეობა იცვლება და ჩვენ ვხედავთ, რომ ჩქარი ტემპით ვითარდება შემნახველ-გამსესხებელი ამხანაგობები, მაგ. 1905 წელს მათი რიცხვი უდრიდა 22, 1911 წელს—44, 1915—186 და 1917 წელს კი—368 ამხანაგობას. ასეთი ჩქარი ტემპით განვითარდნ ჩვენში შემნახველ-გამსესხებელი ამხანაგობები. იმპერიალისტურ ომის მიერ გამოწვეულმა საერთო კრიზისმა და ფულის კურსის დაცემამ საცნებით გაანადგურა აღნიშნული ამხანაგობები.

ხელმეორე აღდგენა-განვითარება სასოფლო სამეურნეო კოოპერაციისა იწყება რევოლუციის შემდეგ. შემდეგი ცხრილიდან დაკინახავთ ჩვენ სას.-სამ. კოოპერატივების ზრდა-განვითარებას.

	1/1—1921 წ.	1/1—1922 წ.	1/1—1923 წ.
სას.-სამ. კოოპერატ. რაოდ.	6	7	7
მათი წევრების რაოდენობა	3369	2449	3730
საქონლის ბრუნვების მოძრაობა	25 460 მ.	61.635 მ.	390.089 მ.
ბალანსის მდგომარეობა	21.398 მ.	13.019 მ.	7.622 მ.

აი ასეთ მდგომარეობაში იყო საქართველოს სასოფლო-სამეურნეო კოოპერაცია 1924 წლამდე, ე. ი. მანამ, სანამ საბჭოთა ხელისუფლებამ ხელში არ არ აიღო მისი მართველობა. ეს აღდგენა-გაჯანსაღების პერიოდი იწყება საქართველოს სასოფლო-სამეურნეო კოოპერაციის ცენტრის „წარმოკავშირის“ გამო-

ცოცხლებით და მთავრობის რეალური დახმარებით. უდავოა, რომ საქართველოში სასოფლო-სამეურნეო კოოპერაციის განვითარებისათვის ნიადაგი საქმაოდ მომზადებული იყო, მხოლოდ უხელმძღვანელობით და დაუხმარებლად, ყოფილი მენშევიკური მთავრობის მხრივ, ვშენებლობა არ სწარმოებდა.

გასაბჭოების შემდეგ კი ჩვენ ვხედავთ შემდეგ სურათს:

	1/1—1923 წ.	1/1—1924 წ.	1/1 2-24	1/3—25. წ.
სას.-სამ. კოოპ. რიცხვი	7	25	97	137
შეკავშირებული გლეხთა მეურნეობა	2900	10898	19413	26553
საერთო გლეხთა მეურნეობა	0,9 ^o / _o	3,7 ^o / _o	7,9 ^o / _o	9,09 ^o / _o

ასეთი გიგანტიური ნაბიჯით გაიზარდა კოოპერატივების და მათში გაერთიანებულ წევრთა რიცხვი მას შემდეგ, რაც მუშურ-გლეხურ ხელისუფლებამ ჯანსაღ მუშაობას მიჰყო ხელი სასოფლო-სამეურნეო კოოპერაციის ზრდა-განვითარების საქმეში. ასე რომ 1925 წლის დასაწყისში საქართველოს სასოფლო-სამეურნეო კოოპერაცია აერთიანებდა 137 კოოპერატიულ ერთეულს მასში შეკავშირებული 26.553 გლეხის მეურნეობით. თუ ამ რიცხვს ჩვენ საერთოდ საქართველოს გლეხურ მეურნეობას შევადარებთ, მივიღებთ კოოპერატიულად შეკავშირებულ 9.09^o/_o-ს.

თავისი ხასიათის მიხედვით 1925 წელს საქართველოში იყო შემდეგი სახის სას.-სამ. კოოპერატივები.

1. მელინე-მევენახეთა	12
2. მებილეთა	22
3. შერეული ფუნქციებით	28
4. მეცხვარეთა	5
5. მერძევეთა	30
6. მეფუთკრეთა	6
7. მეთამბაქეთა	4
8. მებამბეთა	2
9. სამელიორაციო	4
10. სხვადასხვა	24

ზევით მოყვანილ ცნობებიდან დავინახეთ, თუ მეურნეობის რამდენი სახე ყოფილა შეკავშირებული სასოფლო-სამეურნეო კოოპერაციაში 1925 წლის დასაწყისში.

სასოფლო-სამეურნეო კოოპერაციის ცენტრის ერთობ საინტერესო ფინანსიურ მდგომარეობას ჩვენ დავინახავთ შემდეგ ცნობებიდან:

ბალანსის მოძრაობის ცხრილი.

	1923 წ.	1924 წ.
1 იანვარი	5.414—78	844.556—85
1 აპრილი	20.000—	1.259.383—37
1 ივნისი	122.654—61	2.153.657—44
1 ოქტომბერი	369.640—10	2.043.242—76
1 დეკემბერი	530.910—85	

ამნიარად 2 წლის განმავლობაში 1923 წლიდან 1924 წლამდე სასოფლო-სამეურნეო კოოპერაციის ცენტრალური კავშირის ბალანსი 5.114 მანეთიდან 2.043.242 მანეთამდე გაიზარდა. თუ პირველ საფეხურის ქსელის ბალანსის საერთო ჯამს ავიღებთ, ის უდრის 7.789.000 მანეთს.

ცენტრის საკუთარი თანხები:

	1 იანვ. 1924 წ.	1 ოქტომბ. 24 წ.	1 იანვ. 1925 წ.
საპაიო	4.968 მ.	74.479 მ.	74.840 მ.
ძირითადი	—	18.844	18.840 —
სათადარიგო	462	4.647—	5.158—

ნათქვამიდან ცხადად სჩანს, თუ როგორი ნაბიჯით წავიდა სასოფლო-სამეურნეო კოოპერაციის ზრდა-განვითარება, როგორც კრიცხვობრივად, აგრეთვე ფინანსიურ-ეკონომიურათაც მას შემდეგ, რაც ამ ორგანიზაციას სათანადო ყურადღება მიაცქია ჩვენმა ხელისუფლებამ: სულ 2—3 წლის განმავლობაში საქართველოს თითქმის ყველა კუთხეში აღორძინდა გლეხური კოოპერატივები. კოოპერაციის საშუალებით შემოღებულ იქნა სრულიად გადავარდნილი სახე რამდენიმე ძვირფასი მეურნეობისა, როგორცაა მეთამბაქეობა კახეთში, გურიასა და სამეგრელოში, მებაბეობა ბორჩალოში და სამეგრელო-იმერეთში; გაიზარდა რიცხვი შეეწახე-მელვინეთა ამხანაგობებისა, მეხილეთა ამხანაგობებისა და სხ. საერთოდ კოოპერატიულად შეკავშირებულ გლეხების საშუალებით ამოძრავდა სოფლის ცხოვრება და დეტყო მას ეკონომიური გაჯანსაღება.

მიუხედავად პირველ საფეხურის კოოპერატივთა ყოველდღიური გაჯანსაღება-განმტკიცებისა, 1925 წელს ერთობ შესუსტდა ცენტრის მუშაობა, რამაც საგრძნობლად შეუშალა ხელი პერიფერიასაც. ცენტრის კრიზისი გამოწვეული იყო იმ გარემოებით, რომ გლეხობაზე დარიგებული მოკლევადიანი დიდძალი თანხები თავის დროზე ეერ იქნა დაბრუნებული; ამას დაერთო კიდევ სხვა ხელშემშლელი პირობები, რამაც გამოიწვია სასოფლო-სამეურნეო კოოპერაციის ცენტრის „წარმოკვეთის“ ლიკვიდაცია; ამის შემდეგ საქართველოს სასოფლო-სამეურნეო კოოპერატივების რწმუნებულთა ყრილობის დადგენილებით 1925 წ. დაარსდა ახალი ცენტრი „სოფლის კავშირი“-ს სახელწოდებით. ახალმა გაჯანსაღებულმა ცენტრმა გადაათვალიერა თავისი ქსელის რიცხვი, გაცხრილა ის და გააცხოველა სამეურნეო-საფინანსო და საორგანიზაციო მუშაობა.

დღიდან ახალ ხელმძღვანელ ორგანოს არჩევისა და მთელ რიგ რეორგანიზაციის მოხდენისა, სასოფლო-სამეურნეო კოოპერაცია საქართველოში წარმოადგენს შემდეგ სურათს:

მთავარ მომენტს სასოფლო-სამეურნეო კოოპერაციაში უკანასკნელ წლების განმავლობაში წარმოადგენს საკრედიტო სისტემის შექმნა და შემდეგ მისი სასოფლო-სამეურნეო კოოპერაციასთან გაერთიანება. 1925 წლის 1 ოქტომბრისთვის ჩვენში უკვე არსებობდა 120 საკრედიტო ამხანაგობა 33066 წევრით, 1926 წ. 1 ოქტ. 102 ახს. 42.930 წევრით. სხვა სახის სასოფლო-სამეურნეო კოოპერაციასთან ერთად ვხედავთ შემდეგ მდგომარეობას: 1925 წლის 1 ოქტომბრისთვის საქართველოში არსებობდა 275 სას. სამეურნეო და საკრედიტო ამხანაგობა 71.103 წევრით და 1926 წ. 1 ოქტომ-

ბრისათვის, ე. ი. ერთი წლის შემდეგ კი იყო 225 ამხანაგობა 82190 წევრით. აქ ვხედავთ, რომ ამხანაგობათა რიცხვმა დაიკლო 50 ით, მხოლოდ წევრთა რიცხვი კი გაიზარდა ყველა ამხანაგობებში 11.087 წევრით. ამხანაგობების რიცხვის შემცირება გამოიწვია ორი სისტემის—სას. სამ. და საკრედიტოს—გაერთიანებამ და ორივე ქსელის გაცხრილვამ. რაც შეეხება წევრთა რიცხვს 82.190 ესეც ვერ ჩაითვლება სავსებით სწორად, რადგან ზოგიერთ რაიონში ერთი და იგივე გლეხი ითვლებოდა როგორც სასოფლო-სამეურნეო, ისე საკრედიტო ამხანაგობის წევრად. ეს ეხება 1926 წელს, ეხლა კი ასეთი მდგომარეობა გამოკეთებულია სასოფლო-სამეურნეო და საკრედიტო კოოპერაციის საბოლოო გაერთიანების შემდეგ.

საკრედიტო და სასოფლო სამეურნეო კოოპერაციის გაერთიანებამ გააჯანსაღა ქვედა ქსელი გაერთიანებულ სასოფლო-სამეურნეო საკრედიტო სისტემისა და შექმნა სრული სახე ნამდვილი გლეხური კოოპერატივისა, რომელიც ერთის მხრით აწვდის გლეხს სესხს საკუთარ მეურნეობის მოსაწყობათ და ამასთანავე უსაღებს მას თავის ნაწარმოებს ხელსაყრელ და სასარგებლო პირობებში.

სასოფლო-სამეურნეო კოოპერაციის წევრთა მეურნეობის მდგომარეობას დავინახავთ შემდეგი ცხრილიდან.

ნათესების მიხედვით.

	1	2	3	4	5	6	7
წევრთა რაოდენობა	არა აქვს ნათესი	$\frac{1}{3}$ — $\frac{2}{4}$ დ.	1 დეს.	1—2 დეს.	2—4 დეს.	4—6 დეს.	6—8 დეს.
19969	1441	325	6168	6728	3866	1168	273

ვენახების მიხედვით.

წევრთა რაოდენობა	სულ არ აქვს	$\frac{1}{4}$ დ.	$\frac{1}{4}$ — $\frac{1}{2}$ დ.	$\frac{1}{2}$ —1 დ.	1—2 დ.	2 დეს. მეტი
16256	5889	4661	3576	1651	421	58

მუშა საქონლის მიხედვით.

წევრთა რაოდენობა	არა აქვს	1	2	3	4	4-ზე მეტი
19106	6137	4696	5493	1391	1009	375

მეწველი საქონლის მიხედვით.

წვერთა რაოდენობა	არა აქვს	1	2	3	4	4-ზე მეტი
19071	8081	7509	2230	817	210	224

ბაღების მიხედვით.

წვერთა რაოდენობა	არა აქვს	1/4—1/2 დღს.	1/2—1 დღს.	1—2 დღს.	2-ზე მეტი
10465	7778	1897	206	415	169

თუ მოყვანილ ცხრილს გავსინჯავთ, დავინახავთ, რომ დიდი უმრავლესობა წვევრებისა ღარიბებია, შემდეგ მოდის საშუალო გლეხები, შეძლებულები კი ერთობ უმნიშვნელოა და შეადგენენ ძალზე მცირე პროცენტს ღარიბსა და საშუალო გლეხებთან შედარებით.

თუ სხვადასხვა სახის ამხანაგობების საქმიანობას შევადარებთ, მივიღებთ შემდეგ ცხრილს:

	სა-სამ. საერ. ამხ-ბა	სა-სამ. ამხანაგობა	მეტყვარეთა ამხანაგობა	მელეჩეთა ამხანაგობა	მერქვეთი არტელი
1. საშუალოდ თითო ამხ-ბა აერთიანებს წვევრებს	648	386	2168	452	132
2. საშუალო ბალანსის ჯამი თითო ამხანაგობაზე	79.089	46.965	332320	327473	17.772
3. საპაიო თანხა თითო ამხ-ბაზე	5.428	330	14.309	3.315	1.218
ა) თვითმულ წვევრზე	8,4	0,8	6,6	7,3	9
4) საკუთარი თანხა თითო ამხ-ზე მოდის	4.435	17.203	41.908	110377	8.821
ა) თითო წვევრზე მოდის	6,8	44,5	19	244	67
5. საქონ. ბრუნვა თითო ამხ-ზე მოდის	50.439	66.611	78.452	513164	84.007
ა) თითო წვევრზე მოდის	77,8	172,5	362	1135	636

ეს ცხრილი გვიჩვენებს, რომ საპაიო და საკუთარი თანხების დაგროვების და სოფლის მეურნეობის ნაწარმოების მიწოდება გასაღების მხრივ პირველი ადგილი უჭირავს მერქვეთა არტელს. კოოპერატიულად შეკავშირების და ბალან-

ასის ჯამის სიდიდის მხრივ—მეცხვარეთა და მელვინეთა ამხანაგობებს. საქონლის გასალბების ხვედრითი წონის მიხედვით კი—პირველი ადგილი მეცხვარეთა ამხანაგობებს ეკუთვნის, შემდეგ მელვინებს, სას.-სამ. ამხანაგობებს და უკანასკნელი ადგილი სას.-სამ. საკრედიტო ამხანაგობებს.

სოფლის მეურნეობის ცალკე დარგების მიხედვით დღემდე კოოპერატიულიაი შეკავშირებული გლეხური მეურნეობები შემდეგ სურათს წარმოადგენენ.

მეთამბაქეობა	90% _ს
ბამბა	100% _ს
აბრეშუმის პარკი	30% _ს
ხილი	20% _ს
ღვინო	35% _ს
რძე და რძის ნაწარმოები	20% _ს
მატყლი	100% _ს

გარდა აღნიშნულ ქსელისა, დღეს სასოფლო-სამეურნეო კოოპერაციის სისტემაში შედის აჭარისტანის წარმოკავშირი, ოსეთის სას.-სამ. კოოპერაციის კავშირი და მელვინე-მევენახეთა საქართველოს ცენტრალური კავშირი—“საქართველოს ღვინო“.

სას.-სამ. კოოპერაციის „სოფლის კავშირი“-ს მოღვაწეობა.

გარდა სასოფლო-სამეურნეო საკრედიტო კოოპერაციის ხელმძღვანელობისა, „სოფლის კავშირი“, როგორც ცენტრი საქართველოს გლეხური კოოპერაციისა, ეწევა შემდეგ დამოუკიდებელ საქმიანობას:

1. აგრიკულტურულ სფეროში აქვს კახეთში, სხელდობრ მუკუზანსა და გურჯაანში სათბურები და სანერგეები, წელს მან დაარიგა გლეხობაში, 245.986 ნამყენი ვაზი და 200675 მეტრი მწარე დასამყენი ღერწი.

ასეთივე მუშაობა სწარმოებდა მეხილეობის საქმეშიც. „სოფლის კავშირს“ აქვს ხილის სანერგეც სოფ. ციხის ძირში, საიდანაც მიმდინარე წელს მიაწოდა მან გლეხებს ზეხილის ნერგები:

I-ლი ხარისხის	10.224 ღერი
II-რე „	2.216 „
III-ე „	3.725 „
სულ	16.165 ღერი

აგრიკულტურული მუშაობა სწარმოებს აგრეთვე მეთამბაქეობის დარგშიც, სადაც ეხლა მუშაობს 3 ინსტრუქტორი-სპეციალისტი. აღნიშნული სპეციალისტები ასწავლიან 60-მდე გლეხს. საწყობებში თამბაქოს მოვლას დაკრფას, დახარისხებას და შენახვას სტანდარტის მიხედვით.

2 მომარაგება. 1927 წ. 1 იანვრიდან 1 სექტემბრამდე სოფლის კავშირმა შეიძინა: (იხ. ცხრ. 84 გვ.)

აქედან სჩანს, რომ სულ 8 თვის განმავლობაში სოფლის კავშირს შეუძენია გლეხობისათვის 1:091.324 მან. ღირებული იარაღ-მანქანები და სხვა საქონელი.

№.წ. რიგზე	საქონლის დასახელება	ჯამი ნაყიდ ფასებში
1	სას.-სამ. იარაღ-მანქანები (ტრაქტორები და სხვა) .	600.000
2	მერძეობის ინვენტარი (სეპარატორი და სხვა) . . .	674—85
3	მანქანებთან საბრძოლველი მასალა	447.000—
4	პურფულობა	42.649—38
	სულ	1.091.324—28

ამავე 8 თვის განმავლობაში მიაწოდა საწარმოო ხასიათის საქონელი:

№.წ. რიგზე	ორგანიზაციის დასახელება	ჯამი გასაცემ ფასებში	%-ში
1	სასოფლო-სამ. კოოპერატიული ორგანიზაციებს	1.111.918	99,8
2	სახელმწიფო ორგანიზაციებს და ტრეს.	6.667	0,6
3	სანომმარბლო კოოპერაციას	439	0,1
	სულ	1.118.994	100

მაშასადამე, 8 თვის განმავლობაში სოფლის კავშირს გადაუცია კოოპერატივებისათვის 1.118.994 მანეთით ღირებულებული სხვადასხვა სახის იარაღ-მანქანები და საქონელი; მათი დიდი ნაწილი გრძელვადიანი სესხადაა გაცემული.

სოფლის ნაწარმოების გასაღება. უკანასკნელ საოპერაციო წლის განმავლობაში „სოფლის კავშირმა“ დაამზადა და გაასალა გლეხის მეურნეობის შემდგომ ნაწარმოები (იხ. ცხრ. 85 გვ.):

ვის მიჰყიდა აღნიშნული ნაწარმოები?

3.271.572 მან. სახელმწიფო დაწესებულებებს.

98.500 მან. კი კოოპერატიულ ორგანიზაციებს.

ეს იმის მაჩვენებელია, რომ სასოფლო-სამეურნეო კოოპერაციის ცენტრი დაკავშირებულია სახელმწიფო და კოოპერატიულ ორგანიზაციებთან, მაშასადამე, სდგას მტკიცე ნიადაგზე.

№ რიგზე	რა დამზადა	რაოდენობა	ღირებულება
1	აბრეშუმის პარკი	34.526 ფ.	820.000 მ.
2	მატყლი	76.609	1.157.476
3	ხილი	17.080	49.697
4	თამბაქო	41.064	561.674
5	არაყი	1.282.476	420.217
6	თხილი	33.709	16.907
7	დაფნის ფოთოლი	1.195	3.180
8	ნაწლავები	—	30.000
	სულ		3.862.000

ნაწარმოების გასაღების (ოპერაციებმა სოფლის კავშირს მისცა სულ 47.000 მინეთი, რაც უდრის ბრუნვის 1,8⁰/₀ დანარიცხი პროცენტი „სოფლის კავშირის“ სასარგებლოდ არ აღემატებოდა 2¹/₂ პროცენტს აპარატის შესანახათ, რაც იღვე-
ლურად უნდა ჩაითვალოს.

დაბოლოს უნდა აღინიშნოს შემდეგი:

სასოფლო-სამეურნეო საკრედიტო კოოპერაცია საქართველოში იმყოფება გაუზრჩვენის, გაჯანსაღების და ჩამოყალიბების პერიოდში. თავისი არსებობის მოკლე ხნის განმავლობაში მან შესძლო შეეკავშირებია რამოდენიმე ათი ათასი მშრომელი ღარიბი გლეხის მეურნეობა და აღმოჩინა მათთვის დახმარება, როგორც სესხების მიწოდების, აგრეთვე ნაწარმოების დამზადებისა და გასაღების საქმეში. მომავალ მისი მუშაობა მიმართული უნდა იქნეს მშრომელი ღარიბი და საშუალო გლეხობის მეურნეობის ასაყვავებლათ, სპეციალური კულტურების გასაშენებლათ, სოფლად იარაღ-მანქანების მისაწოდებლათ და საერთოდ ისეთი მდგომარეობის შესაქმნელად, რომელიც საშუალებას მისცემს მშრომელ გლეხობას არ ჩავარდეს კულაკებისა და სოფლის ჩარჩების ხელში.

**კოლექტიური მეურ-
ნეობანი საქართვე-
ლოში.**

კოლექტიურ მეურნეობის განვითარებას ჩვენში არა აქვს დიდი ხნის ისტორია, არც არავითარი ხელშეწყობა ნელობა ყოფილა რომელიმე ორგანიზაციის მიერ მათ მიმართ. მიუხედავად ასეთი მდგომარეობისა, კოლექტიური მეურნეობანი სტიქიურად აღმოცენდნენ და განვითარდნენ. ჩვენში არსებობს 3 სახე კოლექტივებისა: კომუნები, არტელები და მიწის საზოგადო შრომით დამუშავებელი ამხანაგობები.

ქვევით მოყვანილ ცხრილიდან დავინახავთ ჩვენ მათ მდგომარეობას:

მეურნეობის სახე	კოლექტიურ ღრგანებში რიც.	წევრთა რიცხვი (კომლობრივი)	სოც. შემადგ.		პარტ. შემადგ. (მოსახტ. მიხ.)		
			ლარიზი	საშუალო შტატივის	კომ. პარტ. წევრი	კომ. კავ.	უპარტიო
კომუნები	7	102	85	17	33	53	127
არტელები	19	157	113	44	23	10	124
ამხანაგობები	59	1195	866	329	147	72	976
სულ	85	1454	1064	390	203	135	1227
%/0, %/0-ში			73%/0	27%/0	21,6%/0		78,4%/0

კოლექტივების მეურნეობა

მეურნეობათა სახესა და მის რაოდენობას შედგევი ცხრილი გვიჩვენებს: (იხ. ცხ. 87 გვ.).

მიღებულ ცნობებიდან ირკვევა, რომ საქართველოში არსებულ ყველა სახის კოლექტიურ მეურნეობებს ერთად აქვთ: 1799¹⁴/₁₀ დ. მიწა, რომელიც ასე ნაწილდება: ვენახი—45¹/₂ დეს., ხორბალი—415 დეს., ბამბა—39 დეს., თამბაქო—34 დეს., ბალ-ბოსტანი—87⁷/₂₀ დეს., სათიბი—310³/₄ დეს., ლუფა—8¹/₄ დეს., ჩიი—22⁷/₈ დეს., სხნავი—643⁷/₁₂ დეს., ტყე—31⁵/₈ დეს., სიმინდი—30 დეს., ნაძუნი ვაზი—968.000 ძირი, ნაძუნი მანდარინა—34.200 ძირი, ფუტკარი—454 ძირი, ხახვი—3 დეს., კარტოფილი—1¹/₂ დეს., ჯაგნარი—48 დეს. და მზესუმზირა—80 დეს.

ცხადია, რომ მანქანა-იარაღების ეს რაოდენობა 85 კოლექტიური ერთეულისათვის ერთობ მცირეა: ამისთვის საჭიროა, რათა მომავალ მუშაობაში ერთ-ერთ მთავარ ამოცანას მეურნეობისათვის საჭირო მანქანა იარაღების შექმნა შეადგენდეს (იხ. ცხრ. 87 გვ.).

კოლექტივების მიერ აღებული სესხი. ახლად დაარსებულ კოლექტიურ მეურნეობათა ასაღორძინებლად საჭირო იყო საკმაოდ დიდი თანხები და რადგან თვითონ მეურნეობებს ეს სახსარი არ გააჩნდათ, ამიტომ მათ აიღეს სესხი, რომლის რაოდენობაც ასე ნაწილდება:

1. კომუნების მიერ აღებული სესხი, 112,097 მ. 70 კ.
2. არტელების " 20.997 მ.
3. ამხანაგობათა " 33.147 მ.

სულ . . . 166.241 მ. 70 კ.

სასოფლო-სამეურნეო კოლექტივების განვითარება ჩვენში დამოკიდებულია სათანადო ხელშეწყობას და სესხებზე. ახლო მომავალში მოიწვევენ საქართველოს კოლექტიურ მეურნეობათა წარმომადგენლების

კოლექტივების ობიექტი საქონელი

კოლექტიური მეურნეობის სახე	ცხენი	ხარი	ძროხა	ცხვარი	კამეზი	მოშვერი	ხბო	ლორი	დამეშვი
კომუნა	30	65	79	173	17	33	62	69	—
არტელი	39	2	6	—	2	2	1	—	2
ამხანაგობა	2	—	—	—	—	—	—	—	—
სულ	71	67	85	173	19	35	63	69	2

კრილობას, სადაც არჩეული იქნება ხელმძღვანელი ორგანოები. კოლექტივების საქმიანობას უხელმძღვანელებს სექცია, რომელიც იარსებებს სოფლის კავშირთან.

მომავალი მუშაობა კოლექტივებში იწარმოებს მათ ჩამოსაყალიბებლად და გასაჯანსაღებლად, მშრომელი გლეხობის მეურნეობის მოსაწყობად, სოფლის მეურნეობაში კულტურის შესატანად.

III საბინაო კოოპერაცია საქართველოში.

1 საბინაო-საიჯარო ამხანაგობები.

საბინაო-საიჯარო კოოპერაციის საქართველოში არა აქვს დიდი ხნის ისტორია. ამ დარგში მხოლოდ 1926 წლის დასაწყისიდან იწყება სერიოზული საორგანიზაციო-საინსტრუქციო მუშაობა. უკანასკნელ ხანებში დამთავრდა პირველი გამოკვლევა ყველა ამხანაგობებისა, გამოირკვა შემდეგი:

ყველაზე მეტი რაოდენობა ამხანაგობებისა მოთავსებულია ტფილისში, რიცხვით 214; რაც შეეხება მაზრებს, იქ არსებობს 30 ამხანაგობა. ტფილისში არსებულ 214 ამხანაგობაში გაერთიანებულია 3280 წევრი 14.000 მოსახლით.

წევრების სოციალური მდგომარეობა ამხანაგობებში ასეთია: 3280 წევრიდან მუშებია 35,2%, მოსამსახურენი 56,0%, შინამრეწველნი 2,8%, თავისუფალი პროფესიის პირნი 2, 5%, მასწავლებელნი 2,5%, და ინვალიდები 1%.

მთავარი შემოსავალი წყარო ამხანაგობებისა არის ბინის ქირა. ეს აშკარა შეიქნება თუ ჩვენ განვიხილავთ 70 გამოკვლეულ ამხანაგობის მასალას. აღნიშნული ამხანაგობების თვიური შემოსავალი უდრის სულ 8.116 მანეთს, რომელშიაც ბინის ქირა შეადგენს 94,9%-ს, დარაბებიდან გადმონარტიხი უდრის 1,9%-ს სავაჭრო-სამრეწველო სადგომის საიჯარო გადასახადი კი — 1,4% და სხვა დანარჩენი 1,8%. აქედან ცხადია, რომ მთავარ და თითქმის ერთადერთ შემოსავალს შეადგენს ბინის ქირა.

ისმება კითხვა, ვინ არის მობინარე და რამდენი შემოუღის ამხანაგობას ქირის სახით. იმავე გამოკვლევას თუ მივმართავთ, მივიღებთ, რომ 5116 მცხოვრებლებიდან საცხოვრებელი მოედნის 1 კვადრატულ მეტრზე იხდის 5 კაპ. მცხოვრებთა 11,5%⁰, 5-10 კაპ. 10,6%⁰, 10 დან 15-კაპ. 20,5%⁰; 15 დან 25 —29,4%⁰, 25 დან 50 კაპ.—33,3%⁰; 50 დან 75 კაპ.—0,9%⁰ და 75 კაპ.—0,8%⁰.

მობინარეების დიდ რაოდენობას წარმოადგენენ მუშა-მოსამსახურენი თვიური ხელფასით 70-150 მანეთამდე; ესენი შეადგენენ გადამზღვლების 85,9%⁰.

გამოკვლევებიდან ისიც აშკარა გახდა, რომ შემოსავლის დიდი ნაწილი სახლების შეკეთებას კი არ ხმარდება, არამედ სხვა ხარჯებს. ამ გარემოებას უნდა მიეყქეს ჯეროვანი ყურადღება.

2. საბინაო-სააღმშენებლო ამხანაგობები.

საქართველოს საბინაო კოპერაცია შესდგება საბინაო-საიჯარო და საბინაო-სააღმშენებლო ორგანიზაციებისაგან. პირველის შესახებ ჩვენ ვილაპარაკებთ ზეით ეხლა შევხებით საბინაო-სააღმშენებლო ამხანაგობებს. 1927 წლის პირველ ოქტომბრისათვის საქართველოში სულ ითვლება 32 ამხანაგობა. ამათ შორის ტფილისშია 18 და დანარჩენი, რესპუბლიკის სხვა კუთხეებში.

ტფილისში არსებულ 18 ამხანაგობაში გაერთიანებულია 787 წევრი. ამათში მუშებია 352 და მოსამსახურენი 433. მათი საკუთარი თანხა: საწევრო 3.533 მან., საპაიო—110.242 მან., დოტაცია 88.462 მან., სხვა შემოსავალი 2.272 მან. სულ 204.509 მან. მათ მიერ აღებული გრძელვადიანი სესხი: ადგილობრივ ფონდიდან 708.225 მან., ცენტრალურ კომუნალურ ბანკიდან 203.000 მან. ტფილისის ამხანაგობების მიერ აღებული გრძელვადიანი სესხი სულ უდრის 911.225 მანეთს.

პროვინციაში არსებული 14 ამხანაგობა გაერთიანებს 300 წევრს. მათში მუშებია 168 და მოსამსახურენი 132. საკუთარი საშუალებები: საწევრო 1.312 მან., საპაიო 32.139 მან., დოტაცია 7.613 მან. სხვა შემოსავალი 2.903 მან. სულ საკუთარი საშუალება უდრის 43.967 მანეთს. გრძელვადიანი სესხი: ადგილობრივ ფონდიდან 120.459 მან. და რესპუბლიკანურ ფონდიდან 28.517 მანეთი. სულ მათი სესხი უდრის 148 976 მანეთს.

საქართველოს ყველა საბინაო სააღმშენებლო ამხანაგობებში გაერთიანებულია 1087 წევრი. ამათში მუშებია 520 და მოსამსახურენი 567. ყველა ამხანაგობების საწევრო თანხა უდრის 4.845 მანეთს, საპაიო 142 381 მან., დოტაცია 96.075 მან. სხვა შემოსავალი 5.175 მან. სულ ყველა ამხანაგობების საკუთარი საშუალებანი უდრის 248.476 მან. გრძელვადიანი სესხები: ადგილობრივ ფონდიდან 328.684 მან. რესპუბლიკანურ ფონდიდან 28.517 მან., ცენტრალურ კომუნალურ ბანკიდან 203.000 მან. სულ გრძელვადიანი სესხი უდრის 1.060.201 მან. საკუთარ თანხებთან ერთად კი—1.308.677 მან.

რაც შეეხება საბინაო მშენებლობას, 1926 წელს ტფილისში ააგეს 20 სახლი, 19 ერთსართულიანი და 1 ორსართულიანი 35 ბინით 82 ოთახით. 1926 წელს ააგებულ იქნა ერთი ექვს ოთახიანი სახლი წალვერში. 1927 წელს ააგებულია ტფილისში 8 სახლი, ამათში ორსართულიანი 7 და ერთსართულიანი 1. ბინების რიცხვი 34, ოთახების-88. წალვერში კი ორი 8 ოთახიანი სახლი. შენდება ეხლა ტფილისში 17 სახლი. ამათში ერთსართულიანი —3, ორსართულიანი 8, სამსართუ-

ლიანი ნ. ბინების რიცხვი 101, ოთახების რიცხვი 303. წალვერში და ბაკურიანში აიგო ორი 8 ოთახიანი სახლი.

ასეთი აღმშენებლობა მიმდინარეობს კოოპერაციის საშუალებით. როგორც მოყვანილ ცნობებიდან სჩანს, მშენებლობა ყოველწლიურად იზრდება. კოოპერაციის ამ დარგს, ისე, როგორც სხვა დარგს, დიდ ყურადღებას აქცევს ჩვენი მუშურ-გლეხური ხელისუფლება. ყველასათვის აშკარაა, რომ საბინაო მშენებლობა მოითხოვს გრძელვადიან სესხს, რომელიც ყოველწლიურად იზრდება.

IV. სარეწაო კოოპერაცია საქართველოში.

სარეწაო კოოპერაციის ისტორია ჩვენში იწყება 1925 წლიდან, როდესაც მოეწყო საორგანიზაციო ბიურო სარეწაო კოოპერაციისა. 1927 წლის იანვარში საორგანიზაციო ბიურომ მოიწვია რწმუნებულთა ყრილობა და დააარსა კავშირი შინამრეწველობის კოოპერაციისა საქართველოში.

საქართველოს შინამრეწველნი და ხელოსნები აქამდე ორგანიზაციულად შეკავშირებული არ იყვნენ. კავშირმა ამ მხრივ სათანადო ნაბიჯი გადასდგა. ეხლა ჩვენ გვაქვს კოოპერატიულად შეკავშირებული 59 საწარმოო კოოპერატიული არტელი. ამათში: საფეიქრო-სატრიკოტაჟო წარმოებას ეწევა 10, კერამიკულ წარმოებას და აგურხანას 3, ხის დამუშავებას 8, ტანსაცმელის კერვას 4, მეტყავეობას 5, პურის ცხობას 5, მესაპნეობას 2, საკრედიტო ხასიათის 6 და სხვადასხვა 16. ყველა არტელები აერთიანებს 2395 წევრს, რომელთა საკუთარი თანხა უდრის 265.144 მანეთს და ნასესხი 252.372 მანეთს.

კავშირის ბალანსი უდრის 455 309 მანეთს. შევიდა რა წევრად საკავშირო სარეწაო კოოპერაციაში, მან მიიღო 50 000 მანეთის სესხი სხვადასხვა ფაბრიკატების სახით. საქართველოს მთავრობამ მისცა 25.000 მანეთი და საკავშირო მთავრობამ კოოპერატიული ფონდიდან 88.000 მანეთი.

სხვა ცნობების მოყვანა სარეწაო კოოპერაციაზე საქართველოში ვერ მოხერხდა, რადგან მისი პირველი საფეხურის ორგანიზება ჯერ შეუსწავლელია (საინსტრუქციო აპარატი ეხლა შეუდგა მათ დეტალურ გამოკვლევას). ნიადაგი და მნიშვნელობა სარეწაო კოოპერაციის საქართველოში დიდი აქვს. კავშირის მომავალი მუშაობა მიმართულ უნდა იქნეს დაფანტულ შინამრეწველთა კოოპერატიულად შეკავშირებისაკენ.

საქართველოს სახალხო მეურნეობის განვითარების მთავარი მაჩვენებლები.

საქართველოს, ისე, როგორც სხვა საბჭოთა რესპუბლიკების სახალხო მეურნეობა მსოფლიო ომისა და შემდეგი წლების სამოქალაქო ომის შედეგად ზეგავლენით მნიშვნელოვნად დაეცა. ის დადებითი პროცესები, რომლებიც ახასიათებდა სახალხო მეურნეობას ომამდის—ომის შემდეგ სრულიად საწინააღმდეგო მიმართულებით შეიცვალა. კერძოდ — საქართველოს სახალხო მეურნეობას ამ დროისათვის ახასიათებს: ნათესების არის შემცირება და პროდუქციის დაცემა, ტექნიკურ და სპეციალურ კულტურების ფართობის და მოსავლის მნიშვნელოვანი შეკუმშვა, — პურის კრიზისთან დაკავშირებით — მოქმედების ცენტრის პუერულის თესვაზე გადატანის გამო; მესაქონლეობის და მისგან მიღებულ პროდუქციის, ჩვენი სოფლის ზედმეტი ნაწარმოების გასაღების ბაზრების დაკარგვა და მათი ფასების დაცემა; ცოცხალ და მკვდარ ინვენტარის გაცვეთა — შემცირება მუშაობის უნარის მქონე მოსახლეობის დაკლებასთან ერთად ისეც მცირე რაოდენობის მქონე საწარმოო წამოწყებათა მოქმედების შეკუმშვა და მათი ნაწილობრივი შეჩერება; ტრანსპორტის და სახალხო კავშირის მოქმედების ნორმალურ კალაპოტს აცდენა და მასთან ერთად შინაურ და საგარეო ბაზრებთან ურთიერთობის შეწყვეტა—შესუსტება; ფულის კურსის შესყიდვითი უნარიანობის დაცემა და მით ბაზარზე შექმნილი ვაკუანდია. აი ის მთავარი შტრიხები, რომელიც ახასიათებს ჩვენს მეურნეობას აღებული პერიოდისათვის.

მაგრამ ნორმალურ პირობების შექმნის შემდეგ — განახლდა მეურნეობაში ძველად შეჩერებული და შეკუმშული შემოქმედებითი მუშაობა და სადღეისოთ ხომ თითქმის საყოველთაოდ მიღწეულ და გადალახულია ის დონე, ის ზღვარი, რომელიც გჭკნდა ომამდის; ამას ვხედავთ ყველგან, მეურნეობის ყველა დარგებში, სადაც კი თვალი მიგვიწვიდება და რაც კი რიცხვით; წინა და ზომით აღირიცხება, ეხება იგი წარმოებას თუ აღებ-მიცემობას, განაწილებას თუ მიხმარებას.

1. სოფლის მეურნეობა.

დავიწყოთ სოფლის მეურნეობის პროდუქციით: ¹⁾ რომელიც აღებული არის 1913 წ. ფასებში (მილ. მანეთობით):

¹⁾ ამ წერილში მოყვანილი ციფრითი მასალა დამყარებულია საქ. სახ. საგვ. კომისიის მიერ დაგროვილ ცნობებზე. კერძოდ ამ ცხრილში 1924—25 და 26 წ. ცნობები შესწორებულია დამატებითი შეკრებილი მასალის მიხედვით. 1926—27 სამეურნეო ან 1927 წლის ცნობები საყოველთაოდ წინასწარია. ამით უნდა იქნას ახსნილი ის ცვლილებები, რომელიც არის ამ წერილის ციფრითი მასალასა და „საქართველოს ეკონომისტის“ 1926 წ. № 1—2 გამოქვეყნებულ ჩემ წერილებში.

წლები:	მცენარეული	მცხოვრებ- ლეობა	მთლად
1913	73,7	35,1	108,8
1923	54,4	31,8	86,2
1924	68,0	32,6	100,6
1925	70,7	36,3	107,0
1926	77,2	38,5	115,7
1927	70,4	39,4	109,7

მშვიდობიანი დროის 128,8 მილ. მანეთად ღირებულ პროდუქციის ნაცვლად, 1925 წლისათვის გვექონდა 115,7 მილ. მანეთი და 1927 წლისათვის კი — 109,7 მილ. მანეთს ვეგარაუდობთ, ე. ი. 1913 წლის დონე აქ გადალახულია, და თუ არა ის სტიქიური მოვლენანი, რომელთაც ჰქონდა ადგილი ჩვენში წრეთუს, მოსავლის რაოდენობა — ღირებულება უფრო მეტი გვექნებოდა.

პურეულის ნათესების ფართობი და მოსავალი შეუდევრი ციფრებით ხასიათდება:

წლები:	ნათესების ფართობი ათას დესე- ტინებში	მოსავალი მილ. ფუთ.
1913	810,8	46,7
1919—20	616,3	35,3
1923	608,5	43,3
1924	640,7	37,5
1925	662,2	44,1
1926	669,0	45,7
1927	671,0	44,6

როგორც ნათესების ფართობით, ისე მოსავლის რაოდენობის მიხედვით, 1919 — 20 წ. წ. საგრძნობი გადაჭარბებით არის გადალახული ამ უკანასკნელ წლების განმავლობაში, იმ დროს, როდესაც 1913 წელს მოსავალი უთანაბრდება, ხოლო ნათესების ფართობი თითქოს საგრძნობ ჩამორჩება (1913 წ. ფართობი გადაჭარბებულად უნდა ჩაითვალოს — ლ. კ.).

შევეხოთ ეხლა ისეთ ძვირფას ტენიკურ კულტურებს, როგორიც არის თამბაქო და ბამბა.

თ ა მ ბ ა ქ ო			ბ ა მ ბ ა	
წ ლ ე ბ ი:	დესეტინა	ათას ფუთ.	დესეტინა	ათას ფუთ.
1913	9.652	617,7	7.954	245,2
1918—20	2.300	132,3	—	—
1923	5.100	350,0	300	10,2
1924	8.309	490,2	5.531	231,7
1925	8.444	488,9	6.962	329,3
1926	12.764	735,3	8.187	215,7
1927	12.785	686,3	4.588	172,8

მართალია, 1927 წლისათვის წინა წელთან შედარებით მოსავლის მოსალოდნელი შემცირება გვაქვს ნავარაუდები, მაგრამ ამის მიუხედავად ისეც საკმაოდ მაღალი ციფრები გვაქვს ამ უკანასკნელი წლებისათვის; თამბაქოს ფართობი წრევანდლისათვის ხუთჯერ მეტად აღემატება 1918—20 წელს, ხოლო სამი ათასი დესეტინით მეტია 1913 წელთან შედარებით. 1926 წელს, გამუდმებული ზრდის შემდეგ, ბამბის ფართობიც სჭარბობდა 13 წელს და მხოლოდ წრეულს გვაქვს მისი ფართობის დაკლება ზეით აღნიშნულ სტიქიურ და ნაწილობრივ კონიუნქტურული პირობების გამო.

ვენახების და ხილის ბაღების ფართობი შარშანდელი წლის დონეზე რჩება, ე. ი. ვენახები არის 34,3 ათ. დეს. რაოდენობით და გაბმით გაშენებული ხილის ბაღების ფართობი ახალი ცნობებით — 15 ათ. აღემატება. მშვიდობიანი დროის მიმართ ვენახების ფართობი ნაკლებია; — ფილოქსერის მიერ განადგურებული ფართობის აღდგენას ჯერ კიდევ 10—15 წელიწადი დასჭირდება; იმ დროს, როდესაც ხილის ბაღების არე ორჯერ მეტად სჭარბობს 1913 წლის დონეს. რაც შეეხება ჩაის პლანტაციებს კი აქ ხომ განსაკუთრებული მდგომარეობა გვაქვს, — მათი ფართობი განუწყვეტლივ იზრდება ამ უკანასკნელ წლის განმავლობაში და სადღესით ათას ხუთას დესეტინას აღწევს წინააღმდეგ მშვიდობიანი დროის 800 დესეტინის.

თუ თვალს გადავავლებთ. მესაქონლეობას აქ საკმაოდ მიღწევები უნდა აღინიშნოს. საქონლის საერთო რიცხვი გამუდმებით მატულობს და უკვე გასცილდა მშვიდობიანი დროის დონეს; მსხვილფეხა რქიანი საქონელი, ლორი, ცხვარი და იხა საგრძნობ აღემატება 1913 წლის რაოდენობას და მხოლოდ ცხენის და ვირჩის რიცხვი ჩამორჩება მას.

თუ არა საძოვრების სიმცირე, უნდა ვიფიქროთ, რომ საქონლის ზრდა და მათი აბსოლიუტური სიდიდე უფრო დიდ რიცხვში გამოიხატებოდა.

საქონლის რაოდენობა—ათას სულაბით.

წლები:	ცხენი	მსხ. რკ. საქონელი	ვირი, ჯორი აქლემი	ცხვარი და თხა	ლორი	სულ	
1913*)	110,6	1.161,8	29,2	1.705,9	280,6	3280,1	*) ნეიტრალური ზონის გამო- კლებით. **) აღწერის ფაშებით. ***) 1924 წ. მასალა მიღებულია ფესქორებულ ცნობებით.
1917**)	88,1	1.185,8	14,2	1.611,3	356,2	3256,3	
1923**)	74,9	1.145,0	15,0	1.015,4	393,5	2643,8	
1924***)	81,4	1.273,7	21,8	1.784,4	410,0	3571,3	
1925	82,9	1.320,2	22,2	1.874,9	447,5	3747,7	
1926	93,6	1.400,2	22,3	1.989,2	537,0	4042,3	
1927	94,9	1.441,9	22,5	2.091,2	536,4	4236,9	

მნიშვნელოვანი ზრდა და მიღწევები ახასიათებს აგრეთვე ჩვენს მეაბრე-
შუმეობას, როგორც გამოცოცხლებული თესლის რაოდენობით, ისე აკრეფილ კიბის
პარკის მიხედვით.

წლები:	გაცოცხლდა ათასი კო- ლოფი	აიკრიფა პარკი ათასი ფუთი
1910—13	119	136
1914—17	66	79
1918—20	33	37
1921	55	85
1922	36	50
1923	58—63	100
1924	104	139
1925	87	143
1926	105	160
1927	108	145

მეაბრეშუმეობის პროდუქციის მხრივ გავცილდით მშვიდობიან დროს, ორ-
ჯელ გადავაჭარბეთ ომიანობის წლებს, სამნახევარჯელ მეტათ — მენშევიკურ
პერიოდს, და თუ არა უამინდობა — 1927 წ. მოსავალი სარეკორდო ციფრში
უნდა გამოხატულიყო.

ამნიარად, სოფლის მეურნეობის ყველა მთავარ დარგებში წარმოების საყოველთაო ზრდა-განვითარება და ახალ-ახალი მიღწევები გვაქვს უკანასკნელი წლებისათვის.

ისმის კითხვა — მერე რა მამოძრავებელი ძალები უწყობდა ხელს სოფლის მეურნეობის აღნიშნულ განმტკიცებას და მიღწევებს; აქ ზეგარის დასახელება შეიძლება, მაგრამ უმთავრესი იყო: ჩატარებული აგრარული რეფორმა, მოსახლეობაში აგროკოდნის გავრცელება, წარმოებული სამელიორაციო სამუშაო, სოფლის მეურნეობის მანქანა-იარაღებით და საჭირო წამლეულით მობარაგების გაძლიერება, სას.-სამ. სესხი და ის კაპიტალური დაბანდებანი, რომელიც არის გაწეული ამ უკანასკნელი წლების განმავლობაში, მაგ. 1924 — 25 წ. გაწეული კაპიტალური დაბანდება 1,2 მილ. მან. უდრის 25 — 26 წ. 2,7 მილ. მან. და 26 — 27 წელს — კი უკვე 4,3 მილ. მან. სოფლის მეურნეობისათვის საბანკო ხაზით გაცემული სესხის ნაშთი 1925 წ. 1 ოქტომბერს 7,2 მილ. მან. უდრის, 1926 წ. 1 ოქტომბერს — 5,9 მილ. მან. და 1927 წ. 1 ოქტომბრისათვის კი 8,8 მილ. მან.

11. სოფლის მეურნეობის ნაწარმოების დამზადება.

სოფლის მეურნეობის ცალ-ცალკე მთავარ დარგთა და მთელი მისი პროდუქციის საერთო ღირებულების განხილვა გვიჩვენებს, რომ მას მნიშვნელოვანი მიღწევები ახასიათებს თავის აღდგენა-განვითარების მხრივ. პროდუქციის ღირებულების იმ გამუდმებულ მატებასთან ერთად, რომელიც ჩვენ ზევით აღვნიშნეთ, გამუდმებულ მატებას იძლევა აგრეთვე მისი სასაქონლო ნაწილი და განსაზოგადოებრივი სექტორის მიერ (სახელმწიფოებრივი და საზოგადოებრივი ორგანიზაციები) ამ სასაქონლო ნაწილის მასიდან მნიშვნელოვანი წილის შესყიდვა-დამზადება, რაც ჩვენი სასოფლო მეურნეობის განვითარების განსაკუთრებულ ხელსაყრელ პირობის მიჩვენებლად უნდა ჩათვალოს.

სოფლის მეურნეობის საერთო პროდუქციის ღირებულება (თანამედროვე შეფასებით), მისი სასაქონლო ნაწილის განვითარება და ამ სასაქონლო მასიდან სახელმწიფოებრივ-საზოგადოებრივ ორგანიზაციების მიერ შესყიდულ საქონლის ღირებულება შემდეგია:

წლები:	მილ. ჩერ. მანეთებში საერთო პროდუქცია	სასაქონლო ნაწილი	დამზადება სახელკოვ. *)
1924	229,0	54,4	18,3
1925	253,9	59,4	26,0
1926	282,7	63,2	—
1927	278,8	62,9	—

*) აღებულია სამეურნეო წლები: 24-25 და 25-26 წ. წ.; 26-27 წ. ცნობებიარ არის.

ტენდენციები — ნათელია. სასოფლო-სამეურნეო ნაწარმის ზრდასთან ერთად გამუდმებით მატულობს ის საქონლის ნაწილი ანუ ბაზარზე გასატანი რაოდენობა (გარდა გლეხების შინაური ყიდვა-გაყიდვისა), რომელიც გლეხს ზედმეტად მოჰყავს და რომლითაც უნდა დააკმაყოფილოს თავისი მრავალფეროვანი მოთხოვნილებანი, იქნება ეს ჩაცმა-დახურვა თუ სხვა. რაც შეეხება მართო მსხვილ-კოპერატიულ სახელმწიფოებრივ ორგანიზაციათა მიერ დამზადებულ სოფლის ნაწარმოების საერთო ღირებულებას, იგი საკმაოდ მაღალი ციფრით იხატება, მას ახასიათებს ინტენსიური ზრდა და მასთან ერთად პროდუქციის სასაქონლო ნაწილის მნიშვნელოვან % შეადგენს. თუ მხედველობაში ვიჭონებთ აგრეთვე დაბალი კოპერაციის იმ დამზადებას, რომელიც აღრიცხვაში არ შედის — საერთო მიღწევები უფრო ნათელი იქნება სოფლის ნაწარმის რეალიზაციის დარგში.

ყურადღებას იქცევს აქ აგრეთვე თვით სოფლის მეურნეობის შინაური მოხმარების ციფრის სტაბილიზაცია უკანასკნელი წლებისათვის, — რომელიც თუ 24 წელს 175 მილ. მან. უდრიდა, 25 წ. 205 მილ. მანეთამდის აღის, 26 წელს 214 მილ. მან. შეადგენს და 27 წლისათვის კი 217 მილ. მან. აღწევს, ე. ი. იგი ერთ დონეზე ჩერდება. რაც იმის მაჩვენებელია, რომ შემდეგი წლების პროდუქციის მოსალოდნელი ზრდა მის სასაქონლო ნაწილის გადიდებისაკენ უნდა განვითარდეს უმთავრესად და მით გაძლიერდეს სოფლის მოსახლეობის შესყიდვით-გადამხდლობითი უნარიანობაც.

მერე რა უწყობდა ხელს სოფლის ნაწარმის სასაქონლო ნაწილის ზრდას და მის რეალიზაციას? ზოგიერთი ამის მიზეზები ზევით დავასახელოთ, — ხელაშეჩერდებით სხვა მთავარ მიზეზებზე, ეს იყო: ტენიკური კულტურების და მესაქონლეობის ინტენსიური ზრდა; სოფლის ნაწარმოების რეალიზაციის პირობათა გაუმჯობესება — სოფლის ნაწარმოების ფასების აწევის და „მაკრატლის წვერები“-ს პრობლემის მნიშვნელოვნათ გადაჭრის სახით; საზღვარგარეთთან და უმთავრესად-კი საბჭოთა რესპუბლიკებთან ომიანობის და რევოლიუციის შედეგათა ზეგავლენით შეწყვეტილი ეკონომიური და კერძოთ — სავაჭრო ურთიერთობის აღდგენა, და მით ჩვენი ნაწარმის გასაღების ბაზრის გაფართოება; შინაური ბაზრის გაუმჯობესება და მოსახლეობის შესყიდვითი უნარიანობის ზრდა, სავაჭრო ქსელის და ვაჭრობის წარმოების პირობათა საერთო გაჯანსაღების პირობებში; ჩვენი და მოკავშირე რესპუბლიკათა მრეწველობის აღდგენა და მრეწველობის ახალ-ახალი მიღწევები, რაც აფართოებს და ამტკიცებს ჩვენი სასოფლო-სამეურნეო ნელელელის ბაზას (ბამბა, თამბაქო, აბრეშუმის პარკი, მატყლი, ტყავი და სხვა); სოფლის ნაწარმოების დამამზადებელ სახელმწიფოებრივ და კოოპერატიულ ორგანიზაციათა ფინანსიურ-ორგანიზაციული გაძლიერება და მით ხელის შეწყობა სოფლის ნაწარმის დამზადებისათვის; საკრედიტო დაწესებულებათა მოქმედების გაღრმავება და ხელის შეწყობა დამზადების წარმოებისათვის; კერძო თაოსნობის გამოყენება ზოგიერთ ისეთი საგნების დამზადებაში, რომლის შექმნა სრულიად ან საესეებით არ შეეძლო ჩვენ საზოგადოებრივ-სახელმწიფოებრივ ორგანიზაციათ.

თუ თვალს გადავვლებთ ზოგიერთ ცალ-ცალკე საგნების დამზადებას განზოგადებული სექტორის მხრივ, — აქ შემდეგს ვხედავთ.

ფოთლოვანი თამბაქის დამზადება მთლად განსაზოგადოებულ სექტორის ხელში იმყოფება. დამზადებული ფოთლოვანი თამბაქოს რაოდენობა უდრის: 1923 წ. 85 ათ. ფუთს, 1924 წელს 240 ათ. ფუთს, 1924 — 25 წ. 442,9 ათ. 1925 — 26 წელს 555,4 ათ. და 26 — 27 წლის გასული თერთმეტი თვის განმავლობაში (ამ ნაწილში ყველგან ოქტომბერ-აგვისტო გვაქვს აღებული) 673,1 ათ. ფ. ე. ი. მისი შესყიდვა გამუდმებით მატულობს, პროდუქციის იმ გამუდმებულ ზრდასთან ერთად, რაც ზევით აღვნიშნეთ. დამზადებული თამბაქოს ნაწილი ადგილობრივ მუშავდება. ხოლო უდიდესი ნაწილი საბჭოთა რესპუბლიკებში და საზღვარგარეთ იზიდება.

ბამბის დამზადებას თითქმის მთლად სახელმწიფო ორგანიზაციები აწარმოებენ; მისი შესყიდვა ხდება მტკიცე ფასებში და მწარმოებელთ ნაწარმის ღირებულებაში სურვილისამებრ — ნაწილობრივ ფართალი და ხორბალი ეძლევათ დაკლებულ ფასებში. ბამბის დამზადება ასეთ სურათს გვაძლევს: 1923 წ. შესყიდულია 8,5 ათ. ფუთი გაუწმენდელი ბამბა. 1924 წელს 85,5 ათ. ფუთი. 24-25 წ. 123,6 ათ. ფ., 25 — 26 წ. 152,2 ათ. ფ. და 26 — 27 წელს-კი 132 ათ. ფ. აქაც დამზადების გამუდმებული ზრდა გვაქვს, გარდა უკანასკნელის, რომლის შემცირებაც მთლად 1926 წლის მოსავლის შემცირებასთან არის დაკავშირებული. ნედლი ბამბის გადამუშავება სწარმოებს ადგილობრივ ქარხნებში; მიღებული ბეწვი უმეტესად საბჭოთა რესპუბლიკებში იზრდება, ხოლო ბამბის კურკა (თესლი) ჩვენს სახნის ქარხნებში მუშავდება.

ღვინის და სპირტის დამზადებაში თუმცა კერძო ინიციატივა საკმაოდ დიდ როლს თამაშობს, მაგრამ არა ნაკლები ციფრებით იხატება აგრეთვე სახელმწიფოებრივ და კოოპერატიულ ორგანიზაციათა როლი — მის შესყიდვაში. მათ მიერ შესყიდული სპირტული სასმელის რაოდენობა შემდეგ ციფრებშია მოცემული:

წლები:	ღვინო—ათ. ვედ.	სპირტი—ათ. გრად.
1924—25	146,5	221,4
1925—26	161,3	290,7
1926—27	274,1	320,6

სპირტისა და არაყის დამზადება ამ სამი წლის განმავლობაში ოთხჯერ მეტად იზრდება. ზრდას იძლევა აგრეთვე ღვინის შესყიდვა, რომლის 27 წ. დაბალი ციფრი უნდა აიხსნას — ერთი მხრივ იმით, რომ აქ არ შედის დაბალი კოოპერაციის დამზადება, რომელიც წინა წლებისათვის აღებული გვაქვს და მეორეც — მის ბაზარზე არსებული დეპრესიით, რომელიც ამ უკანასკნელ თვეებში მაღალი კონიუნქტურით შეიცვალა.

ხილელის დამზადებაც მაღალი ციფრებით იხატება:

წლები:	ვაშლი—ათ. ფ.	თხილი და კაკალი ათ. ფ.	ნარინჯი ათ. ც.
1924—25	264,1	56,8	11.689,3
1925—26	134,4	64,0	281,8
1926—27	119,6	42,6	7.309,0

წრელს ხილის მოსავალს საკმაოდ ხელსაყრელი ბაზარი აქვს და თუ არა მოსავლის დაცემა 26 — 27 წ. დამზადება მაღალ ციფრებში უნდა გამოხატულიყო. დამზადებული ხილელის გასაღების მთავარ ბაზარს კვლავ საბჭოთა რუსეთი წარმოადგენს. კერძო თაოსნობის მონაწილეობა აქაც ძლიერია, რომელიც უმეტეს წილათ თვით საქართველოს ფარგლებში აწარმოებს დამზადებულ ხილის გასაღებას:

ჩაის შესყიდვა, იმ განსაკუთრებული ყურადღების გამო, რომელიც მას აქვს მიეცეული ჩვენს საქმიანობაში — გამუდმებით იზრდება. ზრდას გვაძლევს აგრეთვე დაფნის ფოთოლის შესყიდვა — რომელიც თითქმის მთლად იყო განაღდებული წარსულ წლებში. შესაფერისი ციფრები ასეთია:

წლები:	ნედლი ჩაი — ათ. გირ.	დაფნის ფოთ. — ათ. ფუთი
1924—25	229,8	ცნ. არ არის
1925—26	109,1	23,5
1926—27	2054,7	38,5

დამზადების საერთო განვითარებას არც მეცხოველეობის პროდუქციის შესყიდვა ჩამორჩება, იმ საერთო განვითარებასთან დაკავშირებით, რომელიც ზევით აღვნიშნეთ მეცხოველეობისათვის.

მეცხოველეობის მთავარ პროდუქტების შესყიდვის სურათი ასეთია:

წლები:	მატყლი—ათ. ფ.	აბრ. პარკი—ათ. ფ.	მსხვ. ტყავი ათ. ცალი	წვრ. რყ. ათ. ცალი	ბეწვეული ათ. ცალი
1924—25	75,3	109,7	52,6	17,2	21,7
1925—26	87,3	139,0	60,3	41,3	25,6
1926—27	89,2	111,5	49,1	47,4	35,8

დასახელებული პროდუქტების გასაღების პირობები საერთოდ დამაკმაყოფილებელია; კერძო თაოსნობის მონაწილეობა უმეტესად შინახელოსნურ წარმოების საჭიროებისათვის — საგრძნობ ციფრებში იხატება. დამზადებული ნაწარმის უდიდესი ნაწილი ადგილობრივ და საბჭოთა რესპუბლიკების საწარმო მოთხოვნილებათა დაკმაყოფილებას ხმარდება და ნაწილობრივ კი საზღვარგარეთ იზიდება.

ერთი სიტყვით, რომელი საგნის შესყიდვა — რელიზაციის განხილვასაც კი მოვკიდებთ ხელს, ყველგან საკმაო მიღწევებს ვამჩნევთ, — რაც მთავარი თავდება იყენი სოფლის მეურნეობის ნორმალური განვითარებისა.

III. მ რ ე წ ვ ე ლ ო ბ ა .

მრეწველობის განვითარება ჩვენში ამ უკანასკნელ წლების განმავლობაში ორი ხაზით მიმდინარეობდა; დაინტერესებულ უწყებათა ყურადღება მიქცეული იყო — ერთის მხრივ — არსებულ წარმოება-დაწესებულებათა მოქმედების გაფართოებისაკენ, მათი მუშაობის დატვირთვისაკენ და არ მომკმედ წამოწყებათა ამუშავებისაკენ მანქანა-იარაღების შეცვლისა და შეკეთების საფუძველზე; ხოლო მეორე მხრივ — ახალ წარმოებათა შექმნისაკენ, რომელიც გადაამუშავებდა ადგილობრივ ნედლეულს და შინაურ თუ საგარეო ბაზარს დამუშავებულ პროდუქტს მიაწვდიდა, უფრო მაღალ ფასიანს, ვიდრე ნედლეულია. ამ ორი გეზით წარმოებულმა მუშაობამ, საკმაოდ დამაკმაყოფილებელი შედეგები მოგვცა; შეიძლება ითქვას, რომ სადღეისოთ, არსებულ წარმოებათა შემოქმედებითი უნარიანობა უკვე აღდგენილია — ამოწურულია და მთელი მუშაობა უახლოეს პერიოდში უნდა ახალ წარმოებათა დანერგვისაკენ იქნას მიქცეული არსებულ წამოწყებათა განმტკიცების პირობებში.

მსხვილ მრეწველობაში ჩაბმული მუშა-ხელი. საერთო პროდუქცია და მუშის თვიური გამომუშავება ასე ვითარდება ამ უკანასკნელ წლებში:

წ ლ ე ბ ი	მუშა ხელი	პროდუქცია მილ. მან.		გამომუშავება მან.	
		1913 წ. ფ.	თანამედ. ფ.	1913 წ.	თ.5. ფას.
1924—25	11,382	91.1	37.9	157.1	278,6
1925—26	11,157	28.7	54.4	168,9	320,3
1926—27	11,873	28.3	54.2	163,9	314.0

სამივე აქ მოყვანილი მაჩვენებელი გამუდმებული ზრდით ხასიათდება და შედარებით 24 — 25 წელთან უკანასკნელი სამეურნეო წლისათვის (რომელიც სავარაუდო ციფრებით არის მოყვანილი — როგორც ყველგან) საკმაოდ მაღალია ღონე გვაქვს. თუ მხედველობაში ვიქონიებთ, რომ 26 — 27 წ. ციფრები შავიქვის მრეწველობისათვის დაბალი კონიუნქტურის პირობებშია ნავარაუდევია,

რომელიც შემდეგ თვეში მაღალი კონიუნქტურით იცვლება, უნდა ვიფიქროს, რომ ნავარეულები ღონე საერთოდ უფრო აიწევს.

წარმოების ცალკე დარგებიდან პროდუქციის რაოდენობის მიხედვით მთავარი ადგილი შემდეგ დარგებს ეკუთვნის ამ უკანასკნელი წლების განმავლობაში:

	მილიონ ჩერ. მანეთებში		
	24—25 წ.	25—26 წ.	26—27 წ.
გემო-კვების მრეწველობა	12,4	16,9	15,8
სამთო-მადნო	6,5	7,9	5,8
ფიზიკურ ძალთა წარმოება-ვადაცემა	5,4	5,8	6,4
ზის დამუშავება	2,5	4,9	5,8
ლითონის	1,9	3,0	3,1
მინერალ. ამოღება-დამუშავება	1,0	2,4	2,8
აბრეშუმის დამუშავ.	0,1	0,4	2,8
პოლიგრაფიული მრეწველობა	2,3	2,5	2,5

აქედან ნათლად სჩანს თვითეული დარგის მდგომარეობა და განვითარება. ნატურალურ ერთეულებში პროდუქციის ასეთი მოძრაობა გვაქვს იმ დარგებში, რომლისათვისაც მოგვეპოვება წ. წლების ცნობები.

წლები	შავი ქვა ათ. ტონი	ქვა ნახშირი ათ. ტონი	პაპიროსი. მილ. ცალ.
1913	970,9	71,6	1503,5
1918	25,9	22,7	ცნ. არ არის
1919	54,8	36,0	„
1920	120,7	79,1	„
1921	92,0	75,5	„
1922	53,2	28,7	„
1923—24	364,7	62,9	616,3
1924—25	425,3	71,4	1074,9
1925—26	769,5	85,2	1643,0
1926—27	510,0	98,3	1720,0

გარდა შავი-ქვის, აღებული მთავარი დარგების პროდუქცია გამუდმებით მატულობს; 1913 წლის დონე გადალახულია ქვა-ნახშირისათვის და პაპროსისათვის და საკმაოდ ვართ გაცილებულნი აგრეთვე 1918 — 20 წ. წ., თუ არა შავი-ქვის ბაზარზე 26 — 27 წ. პირველ ნახევარში შემჩნეულია გასაღების გართულება, რომელიც მეორე ნახევარში უკვე გამოსწორდა, წრეულს უნდა 1913 წლისათვის მიგვედწია.

არა ნაკლებ ზრდას იძლევა აგრეთვე სხვა ნაწარმის დამზადება.

წლები	აგური მილ.ცალი	ხის მასალა ათ. კუბ. მეტ.	შალი ათ. მეტ.	აბრეშ. ქს. ათ. მეტ.	ტყ. მსხვ. ათ. ცალი	ტყავი წვ. ათ. ცალი
1923—24	2,5	20,5	16,7	10,5	30,4	13,0
1924—25	8,8	51,9	24,7	10,7	49,0	33,4
1925—26	17,7	82,6	40,1	14,6	84,6	41,9
1926—27	30,2	96,2	99,2	18,0	74,8	45,5

თუ როგორ ნაწილდება ჩვენი მსხვილი მრეწველობის პროდუქცია ცალკე სექტორებს შორის და თვითეული მათგანის წონა რა მხრივ ვითარდება, ამას ნათლად ეხედავთ შემდეგიდან:

წლები	სახელმწიფო	კოოპერაცია	კერძო	კონცესია	სულ
ა) ათას ჩერვონულ მანეთებში					
1924—25	29,3	3,3	5,8	—	37,9
1925—26	43,7	3,7	1,7	5,3	54,4
1926—27	46,4	3,5	1,3	2,9	54,1
ბ) %/ო-ში საერთო ჯამის მიმართ.					
1924—25	77,3	8,6	14,1	—	100,0
1925—26	80,3	6,7	3,2	9,8	100,0
1926—27	85,6	6,5	2,5	5,4	100,0

სახელმწიფო სექტორის წარმოებათა პროდუქციის მონაწილეობა გადამუდმებით მატულობს და გადამწყვეტი პროცენტით იზრდება მთელ მსხვილ მრეწველობაში — 77%-დან 86%-დის იზრდება; მეორე ადგილი უჭირავს კერძო საკონცესიო წამოწყებათ, რომელთა როლი 14,1%-დან 7,9%-დის ეცემა, ე. ი.

ერთი ორად კლებულობს სამი წლის მანძილზე. რაც შეეხება კოოპერატიულ სექტორს, მის მიერ აღებული გეზის მიხედვით, საწარმოო წამოწყებათაგან განტვირთვის სახით, მისი მონაწილეობა გამუდმებით მცირდება და 8,6%-დან 6,5%-დის დადის დაპირდაპირებული წლების განმავლობაში.

სახელმწიფო სექტორის მნიშვნელობის ასეთი გამუდმებულნი ზრდის ერთ-ერთ მთავარ მიზეზათ იმ კაპიტალურ დაბანდებათა თანხების გამუდმებული მატება უნდა მივიჩნიოთ. რომელიც შემდეგ ციფრებში იხატება; სახელმწიფო სექტორის ძველ და ახალ ცენზიან წარმოებებში გაწეული კაპიტალური ხარჯები (ს. მ. უ. ს. ხაზზე) ასეთია: 1924-25 წ. 1.293,4 ათ. მან., 1925-26 წელს 3.769,3 ათ. მან. და 1926-27 წელს კი 8.239,0 ათ. მან., ე. ი. უკანასკნელი სამი წლის განმავლობაში ცენზიან მრეწველობაში დაბანდებულ იქნა 13.301,7 ათ. მან.

აქვე მოვიყვანთ ზოგიერთ სავარაუდო ციფრებს ჩვენი წვრილი მრეწველობის მდგომარეობა-განვითარების შესახებ ჩაბმულ მუშა-ხელის და პროდუქციის სახით:

წლები	მუშაობის წერ. მრეწველობაში	პროდუქცია მილ. მან.
1924-25	40.102	30,8
1925-26	44.242	34,9
1926-27	45.011	36,1

აქაც გამუდმებული ზრდა გვაქვს, როგორც ჩაბმულ მუშა-ხელის, ისე მათ მიერ დამუშავებული პროდუქციის ღირებულებისა.

მსხვილი (ანუ ცენზიანი) და წვრილი მრეწველობის გაერთიანებული ციფრები ასეთია ამ ორი მაჩვენებლით:

წლები	მუშა ხელი	პროდუქცია
1924-25	51.434	68.689,6 ათ. მან.
1925-26	58.399	89.352,8
1926-27	59.384	90.221,8

ამნაირად, სამი წლის განმავლობაში მრეწველობაში ჩაბმული მუშა-ხელი 8 ათასი სულით იზრდება, ხოლო პროდუქციის ღირებულება 21,5 მილ. მანეთით მატულობს, ე. ი. 31,3%-ით იზრდება.

აღებული ციფრები ცალკე სექტორების მიხედვით ასე ნაწილდება						
ს ე ქ ტ ო რ ი	მ უ შ ა - ხ ე ლ რ			პროდუქცია მილ. მან.		
	24-25	25-26	26-27	24-25	25-26	26-27
სახელმწიფო	9.233	10.905	12.110	29,4	41,3	49,7
მ. შორის ს. მ. უ. ს.	5.345	5.600	6.221	14,8	21,5	23,7
კოოპერაცია	1.344	1.622	1.797	4,1	4,9	5,2
კერძო	40.857	44.104	45.240	35,2	34,9	32,4
კონცესია	—	3.368	2.237	—	5,3	2,9
ს უ ლ	51.434	58.399	59.384	68,7	89,4	90,2

როგორც მუშა-ხელის, ისე პროდუქციის მიხედვით სახელმწიფო სექტორის მნიშვნელობა და წონა უფრო ინტენსიურადაა იზრდება და მატულობს, ვიდრე კერძო ან საკონცესიო სექტორი.

საგარეო ვაჭრობა.

შინა წარმოების გაძლიერებას, სოფლის და ქალაქის შესყიდვითი უნარია-ნობის ზრდას, საქონლის გამტარებელ აპარატის გაჯანსაღებას და საგარეო ბაზრებთან ურთიერთობის დამყარების პირობების გაუმჯობესებას საკმაოდ მნიშვნელოვანი გავლენა უნდა მოეხდინათ ჩვენს აღებ-მიცემობაზე და, როგორც ამას დავეინახავთ ქვევით, ეს ასეც მოხდა.

ჩვენი აღებ-მიცემობის გამოსარკვევად საბჭოთა რესპუბლიკებთან და საზღვარ-გარეთთან აღებული გვაქვს ორმოცამდე მთავარი საქსპორტო და საიმპორტო სავანი. ცნობები ემყარება ერთის მხრივ სატრანსპორტო სტატისტიკას და მეორე მხრივ საბაჟო სტატისტიკას.

უკანასკნელი წლების აღებ-მიცემობის საერთო სურათი ასეთი არის, 1919-20 წელთან შედარებით:

	მი ლ ი ო ნ ფ უ თ ე ბ შ ი			
	1919-20	1921-25	1925-26	1926-27
ექსპორტი საქ-დან	8,5	29,0	38,3	47,2
იმპორტი საქ-ში	3,5	14,8	22,5	25,6
საერთო ბრუნვა	12,0	43,8	60,8	72,8

როგორც ექსპორტი, ისე იმპორტი თავისი რაოდენობით გამუდმებულ ზრდას გვიჩვენებს და უკანასკნელი წლისათვის სარეკორდო ციფრები გვაქვს; მიუხედავად იმისა, რომ 1919-20 წ. აღებ-მიცემობა აღებული არის მთელი მოცულობით — ყველა საგნებისათვის და ყველა საზღვრებისათვის და უკანასკნელი წლები-კი მხოლოდ 40--დე მთავარ საგანს შეიცავს და ისიც რკინის გზებით და ნავთსადგურებით წარმოებულ შემოტანა-გატანას, უკანასკნელ წლების ბრუნვა მნიშვნელოვნად სჭარბობს 1919-20 წელს. ეს-კი იმ მიღწევათა მაჩვენებელია, რომელიც ახასიათებს ჩვენს მეურნეობას ამ პერიოდის შემდეგ.

ლირებულებით. თანამედროვე ფასებში, ორმოცამდე უმთავრესი საგნის ციფრები ასეთი არის:

	მილ. ჩვრ. მანეთებში		
	24—25	25—26	26—27
ექსპორტი საქ.-დან	96,2	56,2	61,6
იმპორტი საქ.-ში	64,7	85,4	95,7
საერთო ბრუნვა	100,9	141,6	157,3
განსხვავება	28,5	50,2	34,1

აქაც იგივე სურათი-ზრდა გამუდმებული. როგორც შემოტანის, ისე გატანის; უარყოფითი ბალანსი ჩვენ მეურნეობის თავისებურებაში არის ჩაქსოვილი და იგი მხოლოდ უკანასკნელი წლების დამახასიათებელი არ არის. როგორც სას. სამ. ქვეყანა, ჩვენს ექსპორტში მცირე ლირებულებიანი საქონელი სჭარბობს — ნედლეული უმეტესად. იმ დროს, როდესაც იმპორტის უდიდესი ნაწილი მაღალ ლირებულებიან საქარხნო-საფაბრიკო ნაწარმოებზე მოდის. გარდა ამისა, — ბალანსის უარყოფითობას ხელს უწყობს აგრეთვე ფასების ის დამორბევა, რომელიც ახასიათებს დღევანდელ სოფლის და ქალაქის ნაწარმოების ლირებულებას, — უკანასკნელის შედარებით მაღალი დონე პირველის მიმართ. რომელიც არც აქამდის იყო ჩვენთვის ხელსაყრელი.

მთავარი საქსპორტო საგნების გატანა შემდეგ სურათს იძლევა წარსულ წლებთან დაპირდაპირებით.

ჩვენი შავი-ქვის ექსპორტი ჯერ კიდევ ოშამდის — მთელი მსოფლიო მოთხოვნის მისამართზე მეთქვამდა, ჰეარაედა, ომიანობის დროს იგი თითქმის მთლად შესწყდა, ხოლო განახლებულ იქნა მენშევიკების დროს და მას აქეთ მის ექსპორტს გამუდმებული ზრდა და საკმაოდ მაღალი ციფრები ახასიათებს. მაგ. გატანილი იყო 1909-13 წელს 46,8 მილ. ფ., ომიანობის დროს 15-16 წ. 1.2 მილ. ფ., მენშევიკების დროს 6,5 მილ. ფ., 1924-25 წ. 23.7 მილ. ფ., 1925-26 წ. 31 მილ. ფ. და 1926-27 წელს 37.3 მილ. ფ. ე. ი. უკანასკნელ დროს უკვე მშვიდობიანი დროის გატანის სამი მესამედი გვაქვს.

ფოლოვანი თამბაქო, ღვინო და ხილი — შემდეგი რაოდენობით იზიდებოდა — ათას ფუტებში:

წლები	თამბაქო	ღვინო	მეღლი ხილი	კაკალი-თხილი
1909—13	355,5	1.278,0	—	115,1
1919—20	348,3	164,9	794,3	19,6
1923—24	215,2	411,5	579,5	271,0
1924—25	217,2	612,8	905,7	142,5
1925—26	258,5	857,0	876,7	384,5
1926—27	278,8	450,0	950,0	300,0

გარდა ღვინისა, რომელიც 1926-27 წლისათვის შემცირებას იძლევა ბაზარზე არსებული დებრესის ზეგავლენით, ყველა დასახელებული საგნების ექსპორტი გამუდმებული ზრდით ხასიათდება. 1919-20 წლის გატანას — ღვინის, ხილის და თხილის ექსპორტი საგრძნობ ალემატება.

მატყლის ექსპორტი უდრიდა: 1909-13 წ. 142,6 ათ. ფ. (რკ. გზ.), 1919-20 წ. 26,5 ათ. ფ., 1923-24 წ. 39,7 ათ. ფ., 1924-25 წ. 57,7 ათ. ფ., 1925-26 წ. 118,2 ათ. ფ. და 1926-27 წ. 60 ათ. ფ., ე. ი. აქაც გამუდმებული მატება გვაქვს; თუ არა ქუთაისის მაუდის ქარხნის მოთხოვნილება, რომელიც ამ ბოლო წლებს ამუშავდა, მატყლის ექსპორტი უფრო მეტი რაოდენობით გვექნებოდა მოცემული.

აბრეშუმის პარკი გაიზარდა 1923-24 წ. 22,3 ათ. ფ. (ხმელი პარკია ალემული), 1924-25 წ. 27,4 ათ. ფ., 1925-26 წ. 36,1 ათ. ფ., და 1926-27 წ. 20 ათ. ფ. აქაც გამუდმებული ზრდაა უკანასკნელი წლისათვის მოცემული შემცირებით, რაც კვლავ მისი შინაური გადამუშავების გაძლიერებით უნდა იხსნას, რომელსაც ამ მასშტაბით უწინ ადგილი არ ჰქონდა.

შეშა, რომელიც ომამდის 2,9 მილ. ფ. რაოდენობით გადიოდა საქართველიდან (უმთავრესათ სომხეთში), 1919-20 წ. თითქმის მთლად არ გაზიდულა და ამ უკანასკნელ წელს კი კვლავ განახლდა მისი ექსპორტი და თითქმის მიღწეულიც არის მშვიდობიანი დროის დონეც; 1924-25 წ. გატანილია 1,1 მილ. ფ.; 1925-26 წ. 2,1 მილ. ფ. და 1926-27 წ. 2,7 მილ. ფ.

ამწიარად, ამ უკანასკნელი წლების განმავლობაში ყველა მთავარი საქსპორტო საგნების გატანა საკმაოდ მაღალი ციფრებით ხასიათდება და თითქმის გამუდმებული ზრდა გვაქვს წლიდან წლამდის.

გადავდივართ ახლა უმთავრეს საიმპორტო საგნების საქართველოში შემოტანის განხილვაზე.

ვინაიდან საქართველო **პურის** დეფიციტის კვეყანა არის, ამიტომ მის საიმპორტო ეპრობაში, როგორც ძველად, ისე ესლა **პურეულის შემოტანას** საქ.

ფართლის და შაქრის შემოტანა გამუდმებით მატულობს და თუმცა 1909-13 წ. დონე მიღწეული არ არის, მაგრამ შემდეგი დროისთვის მისი სარეკორდო ციფზორბლის ფქვილი რომ ავიღოთ იგი იყო შემოტანილი: 1909-13 წ. 5,9 მილ. ფ., 1919-20 წ. 0,4 მილ. ფ., 1923 წელს — 1,9 მილ. ფ., 1923-24 წ. 2,9 მილ. ფ., 1924-25 წ. 5,3 მილ. ფ., 1925-26 წ. 6,6 მილ. ფ., და 1926-27 წ. 5 მილ. ფ., ე. ი. აქაც გამუდმებული მატება გვაქვს.

	შემოტანილია—ათას ფუთ.	
	ფართალი	შაქარი
1909—13 წ.	750,0	—
1919—20 წ.	131,9	116,8
1923—24 წ.	162,2	385,2
1924—25 წ.	253,1	1024,8
1925—26 წ.	310,9	1422,8
1926—27 წ.	380,0	1490,0

ფართლის და შაქრის შემოტანა გამუდმებით მატულობს და თუმცა 1909-13 წ. დონე მიღწეული არ არის, მაგრამ შემდეგი დროისთვის მისი სარეკორდო ციფრი გვაქვს.

მარილი შემოდოდა ომამდის 1,3 მილ. ფ., 1919-20 წ. 555,8 ათ. ფ., 1923-24 წ. 1,7 მილ. ფ., 1924-25 წ. 1 მილ. ფ., 1925-26 წ. 1,4 მილ. ფ. და 1926-27 წ. 1,5 მილ. ფ.

საალმშენებლო მასალის მხრივ ყოველთვის გარეშე ბაზარზე ვიყავით დამოკიდებული. — რა მდგომარეობა გვაქვს ამ მხრივ? (ცხრ. იხ. 107 გვ.)

ხეტყე, ცემენტი და რკინეული, ეს მთავარი ელემენტები საალმშენებლო მუშაობისა — აღმშენებლობის გაძლიერებასთან ერთად — საკმაოდ დიდის რაოდენობით შემოდის საქართველოში, გამუდმებით იზრდება მათი იმპორტი და უკანასკნელ 1926-27 წლისათვის სარეკორდო ციფრები გვაქვს.

ავილოთ ნავთეული — თანამედროვე მეურნეობის მთავარი მაცოცხლებელი ელემენტი, რომლის იმპორტი ჩვენში გამუდმებულ ზრდას იძლევა და კიდევ სარეკორდო ციფრს. იგი შემოდოდა საქართველოში დაახლოებით 3,5 მილ. ფ. რაოდენობით ომამდის, 1919-20 წ. შემოტანილია 634,3 ათ. ფ., 1923-24 წ. 2 მილ. ფუთი, 1924-25 წ. 3,4 მილ. ფ., 1925-26 წ. 5,2 მილ. ფ. და 1926-27 წ. კი 6,3 მილ. ფუთზე მეტი.

ერთი სიტყვით, რომელ სიამპორტო საგანსაც-კი ხელს მოვკიდებთ; მისი შემოტანა საკმაო ზრდას გვაძლევს, ბევრს შემთხვევაში სარეკორდო ციფრებს უკანასკნელი დროისთვის და მშვილობიანი დროის დონე თუ არ გადალახულა, მას საგრძნობლად უახლოვდება.

	შემოტანილია — ათას ფუთ.			
	ტყე რგვალი	ტყე დახეობილი	ცემენტი	რკინეული
1909—13 წ. (რ. გ.ზ.)	—	356,4	—	741,2
1919—20 წ.	—	1,0	13,0	31,0
1922 წ.	—	—	175,5	33,3
1923 წ.	—	—	325,9	82,7
24—25 წ.	146,2	196,1	389,3	404,0
25—26 წ.	585,8	655,5	2418,4	783,2
26—27 წ.	1263,0	1471	2500,0	1211,0

შინაური ვაჭრობა.

შინაური წარმოების ზრდა-განვითარება და საგარეო აღებ-მიცემობის გან-მტკიცება — ეს ისეთი ელემენტებია, რომელთაც აუცილებლივ დადებითი გავ-ლენა უნდა ჰქონოდათ შინაურ აღებ-მიცემობაზე და საქონლის იმ საერთო მა-საზე, რომელიც ტრიალებდა ჩვენს ტერიტორიაზე.

საეარაუღო ციფრები, რომელიც იძლევა წარმოდგენას ჩვენს ბაზარზე მბრუნავს საქონლის მასაზე — შემდეგია:

წლები	სასაქონლო მასა-მილ. მანეთებში				სულ
	სოფ. მეურნ. პროდუქტთა	მრეწველობის პროდუქტით	მთლად აქტივით	განსხვავება საგარეო ვაჭ.	
1924—25	54,4	63,3	122,4	28,5	151,1
1925—26	59,4	87,1	146,5	29,2	175,7
1926—27	69,9	91,6	161,5	34,1	195,6

შინა ვაჭრობის სასაქონლო ნაწილის და ექსპორტ-იმპორტის განსხვავება, ე. ი. საქართველოს ბაზარზე გამოტანილი საქონლის მთელი რაოდენობა, რომელ-მაც შინა მოთხოვნილება უნდა დააკმაყოფილოს — გამუდმებით მატულობს, 1924—25 წელს 150 მილ. უდრის, 1925—26 წ. 175 მილ. და 1926—27 წელს კი 195 მილ. მან.

გამუდმებით იზრდება და მაღალი ციფრებით ხასიათდება აგრეთვე ჩვენს სოფლის შემსყიდველობითი თანხა და მუშა-მოკამსახურის სამუშაო ზედფასის ფონდიც, რომლებიც შემდეგ საეარაუღო ციფრებში გვაქვს გამოანგარიშებულად:

ს ე კ ტ ო რ ი	1924—25 წ.	25—26 წ.	26—27 წ.
ა) მილ. მანეთებში			
სახელმწიფო	95,1	131,4	139,6
კოოპერატიული	68,0	91,7	122,6
კ ე რ ძ ო	58,4	73,8	65,5
მთლად.	221,5	296,9	327,6
ბ) %/0-ში ჯამის მიმართ.			
სახელმწიფო	42,9	44,3	42,6
კოოპერატიული	30,7	30,9	37,4
კ ე რ ძ ო	26,4	24,8	20,0
მთლად.	100,0	100,0	100,0

ერთად საკრედიტო ქსელის და საკრედიტო ოპერაციების აღდგენა-გაძლიერებაშიც. საკრედიტო ქსელის გაშლა უკვე დამთავრებულია სადღეისოთ, ხოლო მისი მეშვეობით გატარებული თანხები-სახალხო მეურნეობის მიღწევათა ერთ-ერთი მთავარი ღერძია.

თუ რა ციფრებით და რა ინტენსივობით ვითარდებოდა საბანკო ქსელის საქმიანობა ამ უკანასკნელ წელში — ამას ნათლად ვხედავთ შემდეგიდან (აღებულია მთავარი საკრედიტო დაწესებულებანი).

თ ა რ ი ღ ი	მილიონ მანეთებში		
	ბალანსი	სესხი	ანაზარი
1 ოქტომბერი 1924 წ.	22,7	13,9	5,4
1 ოქტომბერი 1925 წ.	64,3	47,0	13,3
1 ოქტომბერი 1926 წ.	86,5	73,1	13,5
1 ოქტომბერი 1927 წ.	103,9	84,4	14,1

უკანასკნელი სამი წლის განმავლობაში მომქმედ მთავარ საკრედიტო დაწესებულებათა გავრთიანებულ ბალანსების ჯამი თითქმის ხუთჯერ იზრდება,

ექსპერტად მატულობს სესხის და აღრიცხვის ნაშთი, ხოლო სამჯერ გადიდებული ანაბართა ჯამი. ამნაირად, მიღწევები და განვითარება საქრედიტო-საქმის უდავო კეშმარტებათ უნდა ჩაითვალოს. თუ არა ელექტრობანკის ტვილიზის კანტორის გაუქმება მიმდინარე 1927 წელს მაჩვენებელთა ზრდა უფრო მეტი გვექნებოდა (1926 წ. 1 ოქტ. მისი ბალანსი 12 მილ მან. შეადგენდა, სესხი — 11,8, ანაბარი — 0,1).

ცალკე რესპუბლიკების კლიენტთა ჯგუფებს შორის ასე ნაწილდება ზევით მოყვანილი დავალიანების საერთო ნაშთი ამ უკანასკნელი თარიღის განმავლობაში:

კლიენტურა	ათას მანეთებში		
	25 წ. 1 ოქტ.	26 წ. 1 ოქტ.	27 წ. 1 სექტ.
ს. ს. რ. კავშირის	4.308	4.476	8.094
ა. კ. ფედერაციის	7.165	11.796	10.740
სომხეთ-აზერბეიჯანის .	4.589	9.198	17.430
საქართველოსი	30.980	47.655	48.192
შთაღ.	47.042	73.095	84.446

ყველა რესპუბლიკის კლიენტურის დავალიანებას გამუდმებული ზრდა ახასიათებს; ამავე დროს საქართველოს კლიენტურის დავალიანება ნახევარზე მეტს შეადგენს მთელი დავალიანების ნაშთისა. ამნაირად, საქრედიტო ხაზით დაბანდებული თანხების ჯამი ამ უკანასკნელი წლებისათვის 50 მილ. მანეთს უახლოვდება.

მერე სად, რომელ დარგებში არის ეს თანხა დაბანდებული და საქართველოს სახალხო მეურნეობის თვითეულ დარგს რა ადგილი ეკუთვნის ამ მოხმარებულ თანხებში? მდგომარეობა ასეთია — ათას მანეთებში. (იხ. 112 გვ. ზევ. ცხრ.).

ორი წლის განმავლობაში ყველა დარგებისათვის გაცემული სესხი მატულობს; უკანასკნელი წლისათვის არის აღნიშნული სესხის შემცირება ვაჭრობისათვის — დაკავშირებით აღებ-მიცემობისათვის სესხის საერთო შემცირებასთან მთელი კავშირის მასშტაბით, და ელექტროფიკაციისათვის თითქმის-ელექტრობანკის ცნობების უქონლობის გამო — მის გაუქმებასთან დაკავშირებით; ფაქტიურად-კი აქაც სესხის ზრდა უნდა ვიგულისხმოთ.

ამ უკანასკნელი დროისთვის სესხის ჯამის მიხედვით პირველ რიგში სდგას მრეწველობა, მეორეში — საბინაო აღმშენებლობა და კომუნ. მეურნეობა და სხ.

საქართველოს კლიენტთა ჯგუფებს შორის — სესხის ნაშთის განაწილება ასეთ სურათს იძლევა — ათას მანეთებში:

მეურნეობის დარგები	1925 წ. 1 ოქტ.	1926 წ. 1 ოქტ.	1927 წ. 1 ოქტ.
სოფლის მეურნეობა	7.199	5.882	8.758
პრეწველობა	5.892	8.717	13.940
ვაჭრობა	6.175	6.575	4.470
კომუნ. მეურ. და საგ. აღმშ.	5.665	16.587	10.459
საკრედიტო დაწესებულებანი	5.623	9.128	9.014
გაუნაწილებელი თანხა	926	766	1.451
ს უ ლ	30.980	47.655	48.192

	1925 წ. 1 ოქტ.	26 წ. 1 ოქტ.	27 წ. 1 სექტ.
სახელმწიფო ორგანო	7.589	13.982	21.028
კოოპერაცია	11.421	11.106	7.471
კერძო კლიენტურა	3.472	1.194	127
კომუნალური მეურნ.	5.665	16.587	9.858
საკრედ. დაწ.	2.833	4.836	9.708
ს უ ლ	30.980	47.655	48.192

უკანასკნელი დროისთვის სესხის შემცირება კოოპერაციისათვის საერთოდ ევაჭრობისათვის სესხის დაკლებით უნდა აიხსნას; კერძო კლიენტურისათვის სესხის შეკვეცა ხომ საერთო ხასიათს ატარებს და კომუნ. მეურნეობის სესხის დაკლება-კი მოჩვენებითია ელექტრობანკის დახურვასთან დაკავშირებით. როგორც აქედანვე ვხედავთ სახელმწიფო ორგანოთა და საკრედიტო დაწესებულებათა სესხის ზრდა შეუჩერებელი სწარმოებს. სახელმწიფო ორგანოთათვის ვაცემული კრედიტი 21 მილ. მანეთს აღემატება.

ამაირად, ყველა ის უმთავრესი მაჩვენებლები, რომელიც განვიხილეთ ჩვენ წარმოების თუ განაწილების დარგიდან, გამუდმებული ზრდით ხასიათდებიან. რაც ჩვენი მეურნეობის წინმსვლელობის და განტკიცების ფუძეა.

მუშათა საკითხი და ოქტომბრის რევოლუცია

ოქტომბრის რევოლუციამ უპირველეს ყოვლისა რადიკალურად შესცვალა შრომის პირობები. პროლეტარულ დიქტატურისათვის თავდაცვის შემდეგ მთავარი ამოცანა გახდა სახალხო მეურნეობის აღდგენა და განვითარება. ამ სამეურნეო საკითხებში ერთ მნიშვნელოვან მომენტად საბჭოთა ხელისუფლებისათვის ითვლებოდა მუშათა საკითხი.

შრომის პრობლემისადმი დიდი ყურადღების საუკეთესო მაჩვენებელია შრომის დარგში განვითარების ტემპი. შეიძლება აბსოლუტურად, მაგ., ხელფასი საბჭოთა რესპუბლიკებში არ იდგეს იმ დონეზე, როგორც ამერიკაში და სხვა ქვეყნებშია, მაგრამ ხელფასის ზრდის ტენდენცია საბჭოთა რესპუბლიკებში შეუდარებელია სხვა სახელმწიფოებთან. სხვა ქვეყნებში ხელფასის ზრდა მეტად ნელი ტემპით მიმდინარეობს. 21 წლიდან არც ერთ წელში ხელფასის ზრდა საბჭოთა რესპუბლიკებში არ ყოფილა 12—20 პროცენტზე მცირე. თუ ავიღებთ უკანასკნელ 1926/27 სამეურნეო წელს, როდესაც სხვადასხვა მიზეზების გამო ხელფასის ზრდა ამ სხვა წლებთან შედარებით ნაკლები ტემპით მიმდინარეობდა, ამ წელშიაც კი ეს ზრდა უდრის 11—12% ს.

საბჭოთა რესპუბლიკებში მუშათა კლასის მატერიალური მდგომარეობის გაუმჯობესება გაცილებით უფრო ჩქარი ტემპით მიმდინარეობს, ვიდრე დანარჩენი მოსახლეობისა. თუ შევადარებთ მოსახლეობის შემოსავალს და დაქირავებულ პირთა შემოსავლის ზრდას, მივიღებთ, რომ მოსახლეობის შემოსავალი გაზრდილა 60% -ით, დაქირავებულ პირთა შემოსავალი კი 115% -ით. ამრიგად მუშათა კლასის შემოსავლის ზრდა ორჯერ უფრო ჩქარია ვიდრე მოსახლეობისა. სახალხო მეურნეობის შემოსავლიანობის ზრდასთან შედარებით დაქირავებულ პირთა შემოსავალი შეადგენდა მთელი სახალხო შემოსავლის 23,2% -ს, 1926/27 წელში კი 29,8% -ს.

1921 წლიდან გვაქვს ხელფასის განუწყვეტელი ზრდა. იზრდება არა მარტო ნომინალური, არამედ მასთან ერთად იზრდება რეალური ხელფასიც. თუ 1921 წელში მუშის რეალური ხელფასი ყველა ნატურალური მიცემების ჩათვლით არ აღემატებოდა 8—10 მანეთს, 1926/27 წლის პირველ ნახევარში ის უკვე უდრის 25 მანეთს (ომის წინა დროინდელ მანეთებში). რეალური ხელფასის ზრდა საქართველოში ამ უკანასკნელ წლებში საგრძნობ ზრდას იძლევა. მუშის, თვითრე ხელფასი რეალურ მანეთებში უდრის:

1924/25 წელში — 20 მ. 44 კ.

1926/27 — 24 მ. 93 კ.

ამრიგად რეალურ ხელფასის ზრდა ზევით მოყვანილ პერიოდში უდრის 22⁰/₁₀₀-ს. ცალკე საწარმოო დარგებში ეს ზრდა უფრო მნიშვნელოვანია. მაგალითად ზევით მოყვანილ პერიოდში რეალური ხელფასი გაზრდილა ქვანახშირის წარმოებაში — 41⁰/₁₀₀, თამბაქოს 32⁰/₁₀₀, ტყავის — 33,4⁰/₁₀₀.

ნომინალური ხელფასის ზრდა საქართველოს ცალკე სამრეწველო დარგებში შემდეგ სურათს იძლევა:

ტყავის მრეწველობაში მუშის დღიური ხელფასი ჩერვონულ მანეთებში 1923/24 წელში უდრიდა 1 მ. 85 კ. გასულ 26/27 წლის პირველ ნახევარში კი 3 მ. 18 კ. ე. ი. გაზრდილა 72,4⁰/₁₀₀-ით.

თამბაქოს წარმოებაში დღიური ხელფასი ჩერვ. მანეთებში 1923/24 წელში შეადგენდა 1 მ. 50 კ. გასული 26/27 წლის პირველ ნახევარში — 2 მ. 95 კ. რაც იძლევა 73⁰/₁₀₀ ზრდას.

ქვანახშირის წარმოებაში მუშის დღიური ხელფასი 1923/24 წელში უდრდა 1 მ. 17 კ. გასული 26/27 წლის პირველ ნახევარში 2 მ. 1 კ., რაც იძლევა 72⁰/₁₀₀ ზრდას.

პოლიგრაფიულ წარმოებაში მუშის, დღიური ხელფასი ჩერვ. მანეთებში 1923/24 წელში უდრიდა 2 მ. 03 კ. გასული 26/27 წლის პირველ ნახევარში — 3 მ. 13 კ., რაც იძლევა ზრდის 54⁰/₁₀₀-ს.

ხის დამუშავების წარმოებაში მუშის თვიური ხელფასი ჩერვ. მანეთებში 1924/25 წელში უდრიდა 45 მ. 53 კ. გასული 26/27 წლის პირველ ნახევარში 58 მან.

ოქტომბრის რევოლუციამ არა მარტო დაუდგა მტკიცე საფუძველი წარმოებაში ჩაბმულ მუშათა მატერიალურ მდგომარეობის გაუმჯობესებას, არამედ მან აღადგინა მეურნეობა და ის განვითარების გზაზე დააყენა. ამან ხელი შეუწყო მუშათა კლასის რიცხოვნობრივ ზრდას. საქართველოში დაქირავებულ პირთა რიცხვი საბჭოთა ხელისუფლების დამყარებამდე მეტად მცირე იყო. გასაბჭოების დღიდან იწყება დაქირავებულ პირთა საგრძნობი ზრდა. დაქირავებულ პირთა რიცხვი საქართველოში უდრიდა:

1920 წელში	78.800
1924 —	90.773
1925 —	128.115
1926 —	148.000
1927 —	157.000

აქ მოყვანილ ცნობებრიდან ნათლად სჩანს, რომ დაქირავებულ პირთა რიცხვის ზრდას აქვს არა შემთხვევითი ხასიათი, არამედ მას ეტყობა თანდათანობითი ზრდა. ზრდის ეს ტემპი საქართველოში მომავალ წლებში არა თუ არ შენელებდა, არამედ პირიქით გაძლიერდება ვინაიდან ამ უკანასკნელ წლებში ჩვენში მოეწყო მრავალი ახალი წარმოებები. დაქირავებულ პირთა ასეთი ჩქარი ზრდა იმის მაჩვენებელია, რომ საქართველო, როგორც მრეწველობის მხრივ ჩამორჩენილი იყო ოქტომბრის რევოლუციამ ინდუსტრიალიზაციის გზაზე დააყენა.

მატერიალურ მდგომარეობის გაუმჯობესებისა და და რიცხვობრივ ზრდასთან ერთად ოქტომბრის რევოლუციამ მუშათა კლასისათვის შექნა უღირსად შრომის დამცველი კანონმდებლობა. საბჭოთა შრომის კანონმდებლობა არ შეიძლება შევადაროთ არც ერთი ქვეყნის შრომის კანონმდებლობას. საბჭოთა რესპუბლიკებში არსებულ ეკონომიურ პირობებში ჩვენი შრომის კანონმდებლობა მაქსიმალური არის. სახელმწიფო მეურნეობას უხდებდა ხელფასის გარდა არაფერი მუშებისათვის მრავალი ხარჯები, როგორცაა სოციალური დახმევა, საბინაო მშენებლობა, სპეციალური ტანსაცმელი, სხვადასხვა მანერ შრომის პირობებისაგან მუშების ჯანმრთელობის დაცვა და სხვა. საშუალოთ ეს ხარჯები შეადგენენ ხელფასის 32—40%,⁶-ს.

საბჭოთა შრომის კანონმდებლობით მუშა ყოველმხრივ უზრუნველყოფილი ავადმყოფობის და სხვა რაიმე უბედურ შემთხვევის დროს. შემოღებულია სავალდებულო სოციალური დახმევა, რომელიც ტარდება წარმოების და არა მუშების დაბეგერის საშუალებით, რასაც ადგილი ჰქონდა მენშევიკების დროს. თუ როგორი ფართო მასშტაბით არის დაყენებული სოციალური უზრუნველყოფის საქმე, ამის მაჩვენებელია დამზღვევი ორგანოების წლიური გასავალი. 1925/26 წელში საქართველოს დამზღვევი ორგანოების გასავალი 8 მილ. მანეთს უდრის. დამზღვევი საქმის გაუმჯობესების მაჩვენებელი არის ის რომ 1923 წელში დამზღვევი ორგანოების გასავალი უდრიდა 1¹/₂ მილიონს, 26 წელში კი 8 მილიონს. დაზღვეულებს ავადმყოფობის დროს გარდა უფასო საექიმო დახმარებისა, საბჭოთა შრომის კანონმდებლობით, ეძლევათ დახმარება მთელი ფაქტიური ხელფასის რაოდენობით. შრომის ინვალიდების პენსიის რაოდენობა 1923 წელში უდრიდა 7 მან., 1925 წლის დამლევს 25 მან., ახლა კი პენსიის მიცემა ხდება ინვალიდის უკანასკნელ ფაქტიურ ხელფასის მიხედვით. ესეც იმის დამამტკიცებელია, თუ რამდენათ უმჯობესდება დაზღვეულთა მდგომარეობა.

აღსანიშნავია უმუშევრების დახმარების საკითხიც. ყოველ წლიურად საბჭოთა ხელისუფლება იღებს განსაზღვრულ თანხებს უმუშევართათვის საზოგადო სამუშაოების და შრომის კოლექტივების მოწყობისათვის. ამას გარდა კიდევ სოციალური დაზღვევის წესით უმუშევრებს ეძლევათ დახმარება. 1925 წელში დახმარების თეორიი ნორმა 7 მან. არ აღემატებოდა, მიმდინარე წელში კი ის 15 მანეთზე მეტი. 1923 წელში უმუშევრებზე გაცემული დახმარება მარტო სოციალური დაზღვევის წესით უდრიდა საქართველოში 63 ათას მანეთს, 1925/26 წელში 461 ათას მანეთს.

ოქტომბრის რევოლუციის შემდეგ საბჭოთა კავშირში პროფესიონალური მოძრაობა გაიზარდა და მისი ამოცანები გაფართოვდა. წინედ პროფესიონალური კავშირების მთავარი დანიშნულება იყო თავის წევრების ინტერესების დაცვა და კლასიურ ბრძოლის წარმოება მუშათა დიქტატურის პირობებში კავშირების ამოცანას შეადგენს თავის წევრების ინტერესების დაცვა, რამდენადაც სამეურნეო ანგარიშზე გადაყვანილ წარმოებებში შეიძლება ადგილი ექნეს ადმინისტრატორების მიერ მუშა-მოსამსახურეთა ინტერესების შელახვას. გარდა თავის წევრების ინტერესების დაცვისა საბჭოთა ხელისუფლების დროს კავშირები გადაიქცენ კოჰუნზუმის სკოლად. მუშების დარაზნვა, მათი კლასიური აღზრდა, საბჭო

თა. სამეურნეო მუშაობაში ჩაბმა, მათი რიგებიდან სამეურნეო მუშაკების მომზადება, სახელმწიფო წარმოების განვითარებისათვის ხელის შეწყობა და პირდაპირი დახმარება, აი მთელი რიგი ამოცანები, რომელიც სდგას საბჭოთა პროფესიონალურ მოძრაობის წინაშე. რამდენიმე წლის გამოცდილებამ დაამტკიცა, რომ კავშირების ზემოხსენებული ამოცანები ცხოვრებაში ტარდება.

თუ რამდენად მძლავრ ორგანიზაციას წარმოადგენს ჩვენი პროფესიონალური კავშირები, სხვათა შორის, ამის მაჩვენებელია კავშირის წევრთა რიცხვი. მენშევიკების დროს საქართველოში კავშირის წევრთა რიცხვი 1920 წელს უდრიდა 50 ათასს, საბჭოთა ხელისუფლების დროს 1923 წ. 80 ათასს და 1927 წელს 165 ათასს (ამ რიცხვში მომუშავე წევრთა გარდა შედის უმუშევრებიც).

ეს მოკლე მიმოხილვა გვიჩვენებს, რომ ოქტომბრის რევოლუციამ შექმნა საუკეთესო პირობები მუშათა მატერიალურ მდგომარეობის გაუმჯობესების სწრაფი ზრდისა და მათი დარაზმებისათვის.

სამელიორაციო მშენებლობა საქართველოში

მელიორაცია ჩვენს პირობებში, ეს არის უმთავრესად მორწყვა და ქაობების ამოშრობა.

მორწყვის საჭიროება აღმოსავლეთ საქართველოსთვის—ყველასათვის ცნობილია. ნალექის სიდიდე აქ შეადგენს წლიურად არა უმეტეს 300-600 მ. მ. ამასთან მაისსა და ივნისში ხშირად იცის გვალვა, რაც ღუბაგს ნათესსა და ხეხილს. დაბლობ ადგილებში გადაჭიმულ ველებზე, საცა კიდევ უფრო ცხელა, მეურნე სრულიად ვერ ბედავს თესვას ან ხეხილის გაშენებას და იყენებს მათ მხოლოდ როგორც საძოვრებს. ასე მიტოვებულია ველების მთელი რიგი—აშურიანის (კასპთან), სამგორის (ტფილისიდან სართიჭალამდე), ზემო ყარაიაზის, ქვემო ალაზნის, ელდარის და სხვ., რომელნიც საერთოდ შეადგენენ ასი ათას ჰექტარამდე მიწას.

მორწყვის საჭიროება დასავლეთ საქართველოსთვის ზოგიერთისთვის, სადავოა. იქ ხომ ძლიერი წვიმები იცის. ნალექების რაოდენობა წლიურად უდრის საშუალოდ 800-2.000 მ. მ.

დაკვირვებითი მიდგომა ააშკარავებს აქაც მორწყვის აუცილებელ საჭიროებას. საქმე ის არის, რომ ნალექები იცის შემოდგომაზე, გაზაფხულზე კი მეტად ხშირია ძლიერი გვალვა, რომელიც აქევეებს ნიადაგს და არ იძლევა დახვნადათესვის შესაძლებლობას, თუ არ მორწყეთ მიწა წინასწარ. ამასთან აქ იცის ჩრდილო-აღმოსავლეთის მეტად მშრალი ქარი, რომელიც ზედმეტად აშრობს ნიადაგს და აყვითლებს მცენარეს.

საქართველოს ამ პირობებს მიაქციეს ყურადღება ჯერ კიდევ ჩვენმა წინაპრებმა, რომელთაც თანდათანობით მოაწყეს არხები, როგორც აღმოსავლეთ (უმთავრესად), ისე დასავლეთ საქართველოში. იმ მუდმივმა ომებმა, რომელშიაც ჩაბმული იყო საქართველო მე-XVI-ე და მე-XVII-ტე საუკუნეებში, შეაჩერეს და ნაწილობრივ კიდევაც მოსპეს ეს ნამუშევარი. რუსეთის მეფის მთავრობას, შიგ რუსეთშიც ვერ მოეწყო სამელიორაციო მშენებლობა და აშკარაა საქართველოში არათერს საგრძნობს არ გააკეთებდა. მთავარი მისი მოქმედება ამ დარგში გა: მოიხატა ყარაიაზის არხის გაკეთებაში, რუსულ ახალშენის მოსაწყობად. აქ გასაგებია მეფის მთავრობის საკოლონიზაციო პოლიტიკა.

გასაბუკების წინ ირწყოდა 121 ათ. ჰექტარი, მაშინ, როცა დაახლოვებითი გამოანგარიშებით, საქართველო საჭიროებს 550 ათ. ჰექტარ. მორწყვას. ამრიგად ისტორიამ უანდერძა საბჭოთა ხელისუფლებას 429 ათ. ჰექტარის მორწყ.

ყვის მოწყობა, რასაც უნდა დაუმატოთ ის, რომ დიდი უმეტესობა არსებულ ძველ სარწყავ არხებისა პრიმიტიული ხასიათისაა და აუცილებელია მათი რადიკალური, ტექნიკური გადაკეთება.

მეორე ამოცანა მელიორაციის დარგში, რომელიც აგრეთვე დაეინებით მოითხოვდა ყურადღებას, ეს იყო ჭაობების ამოშრობა. როგორც ვიცით, შავი ზღვის პირას გადაჭიმულია კოლხიდის ჭაობიანი ველი, ზომით არა ნაკლებ 150.000 ჰექტარისა. მიწის საშინელ სიმცირის პირობებში, რომელიც ბატონობს დასავლეთ საქართველოში და აგრეთვე სასტიკ სენის—მალარიის შესანელებლად, აუცილებელ საქმეობას წარმოადგენდა ამ ჭაობების ამოშრობა. ჭაობების ამოშრობას ფართო მასშტაბით აწარმოებდნენ ყველა ევროპის სახელმწიფო—იტალია, გერმანია და სხვ, მაგრამ რუსეთის მეფის მთავრობას თითოც არ გაუძეოდა ამ საქმის მოსაწყობად საქართველოში. ამრიგად ეს იყო მეორე დიდი ამოცანა, რომელიც დაისვა საბჭოთა სამელიორაციო მშენებლობის წინაშე 1921 წელს.

მაგრამ ამასთან ერთად არ იყო ნათლად გამორკვეული საორგანიზაციო ფორმა სამელიორაციო მშენებლობისათვის, არც ამისათვის საჭირო დიდი თანხები. პირველად ამ საქმისათვის ს. მ. უ. ს-თან მოეწყო ჰიდრომშენი. 1923 წ. მის ნაცვლად მოეწყო ა/კაკასიის მასშტაბით გაერთიანებული ცენტრალური ორგანიზაცია ა. კ. წყალთა სამმართველო. ამასთან პარალელურად ხდებოდა სათანადო ფინანსიური ინვესტიზაცია ამ საქმეში. აი სამელიორაციო მშენებლობისათვის მთავრობის მიერ დახარჯული თანხები (ციფრები მორგვალეზულია).

1922/23 წ.	31.000 მან.
1923/24 წ.	303.000 „
1924/25 წ.	621.000 „
1925/26 წ.	1.440.000 „
1926/27 წ.	3.021 000 „

როგორც ვხედავთ, პირველ წლებში მელიორაციაზე სრულიად უმნიშვნელო თანხა იხარჯებოდა. ეს გასაგებიც არის, რადგან მაშინ იყო გაჭირვების დრო.

მეორე მხრივ, როგორც დაეინახეთ, დიდი საქმეობა იყო სამელიორაციო მუშაობის დაწყებისა. ჰიდრომშენმა დაიწყო ეს საქმე, მაგრამ უსახსრობის გამო, იძულებული იყო დაყრდნობოდა ნატურალურ ბეგარას. ასეთი საფუძველი კი აძლევდა მას საშუალებას შეესრულებინა უმთავრესად მიწის სამუშაოები, ხელოვნური ნაგებობები კი ან უნდა მიეტოვებია, ან პრიმიტიულად გაკეთებინა. ამის შედეგი იყო ის, რომ არხები, გაკეთებული ამ პერიოდში. არ იყო საბოლოოდ დამთავრებული, რწყავდნენ ხოლოდ ნაწილს, მალე ფუჭდებოდა.

უკანასკნელ წლებში თანდათანობით მეტი ყურადღება მიაქცეს მშენებლობას, მის შეგუებას ყველა ტექნიკურ მოთხოვნილებასთან, სრული დამთავრების აუცილებლობას და სხვ. ამასთან ყველა სამუშაოები სრულდებოდა გეგმის მიხედვით.

რა არის გაკეთებული ამ პერიოდში, ე. ი. 1921/27 წლამდე?

მოკლე პასუხი იქნება შემდეგი:

1. მოწყობილია ახალი სარწყავი სისტემა 11.050 ჰექტ.
 2. ამოშრობილია 1.010 „ კაობები
 3. წარმოებს და ნაწილობრივ შესრულ. მუშაობა 126.880 „
- საერთო ღირებულება 12,6 მილ. მან.

ახალი მორწყვა მოწყობილია შემდეგ ადგილებში:

- | | |
|---|-----------|
| 1922-23 წ. მათხოჯი—ქუთაისის მაზ. ირწყვება | 550 ჰექტ. |
| ხოხორის ქალები—შორაპნ. მაზ. | 1100 „ |
| ლამი მისაქციელი—დუშეთის | 1100 „ |
| როზენფელდი—ტფილისის | 550 „ |
| 1923-24 წ. კულაშ-ლანირი --ქუთაისის | 550 „ |
| მაშველი- იქვე | 4400 „ |
| 1924-25 წ. 1 საბჭოთა - ქუთაისის | 2200 „ |
| 1926-27 წ. აჭარის პატარ-პატარა არხები | 220 „ |
| დოესი გრაკალი | 1370 „ |

მოხსენებული 1.010 ჰექტ. კაობი ამოშრობილია ქობულეთში 1926 27 წ. ახალი სამუშაოები წარმოებს *) შემდეგ ადგილებში (დასავლეთიდან აღმოსავლეთისაკენ და ამ მდგომარეობაში არიან:

სამუშაოს დასახელ.	ღირებულება პრიფიტით	არ.ე.	24:25	გაკეთებულია %-ში			დამთავრდება
				25-26	26-27	სულ	
1. ფოთის ქაობების ამოშრობა	3.230.000	28.600 გ.	4,6	9,1	13,0	27,4	1931/32
2. სამურზაყან. არხი	230.000	17.000 გ.	—	—	32,2	32,2	1927/28
3. მაშველი და 1-ლი საბჭ. არხ. დამთავრ.	794.000	13.200 გ. (დამატ.)	5,7	—	1,8	4,5	1929/30
4. დიდმის არხი	305.000	1.480 გ.	—	—	18,8	18,8	1928/29
5. ალაზნის არხი	5.200.000	44.000 გ.	6,3	8,9	23,3	38,5	1929/30
6. ტირიფონის არხი	2.870.000	23.600 გ.	7,2	14,9	19,4	41,5	1929/30

ამრიგად სამელიორაციო მუშაობამ მიიღო საქართველოში უკვე ფართე და მასიური ხასიათი, იგი გაშლილია 120. ათ ჰექტ. მეტ არხზე და საშუალოდ ამ დიადი მუშაობის მესამედზე მეტი უკვე შესრულებულია. შედარება მეფის

* ე ამ სიაში არ შემიტანია წერილი სამუშაოები—დოესი, გრაკალი, დიმი-როკითი, ხოხორის ქალები.

დროის მუშაობასთან ჩვენ ვვეუბნება, რომ ამ რამოდენიმე წელში წარმოებულმა სამელიორაციო მშენებლობამ უკვე მისცა საქართველოს იმდენივე არე საინჟინერო სისტემისა, რაც ათეულ წლებში ძლივს მოახერხა მეფის მთავრობამ, შემდეგ გააჩაღა (და ნაწილობრივ უკვე შეასრულა) მუშაობა ათჯერ მეტი მასშტაბით, ვიდრე ეს წინათ იყო. ეს შედარება გვაძლევს ჩვენ უფლებას დავასკვნათ, რომ სამელიორაციო აღმშენებლობა, როგორც სერიოზული მოვლენა ეკონომიურ ცხოვრებისა, დაიწყო საქართველოში მხოლოდ ვასაბეგების შემდეგ. ეს ცხრილი გვიჩვენებს ჩვენ აგრეთვე, რომ სამელიორაციო მუშაობა თავის ბუნებით თხოულობს მრავალ წლების მუშაობას. ეს აიხსნება ამ მუშაობის სირთულით:

აქ მოსაგონებელია ფ. მახარაძის გაფრთხილება მის საყურადღებო წერილში კოლხეთის ჭაობების დაშრობის შესახებ, რომ აჩქარება რთულ სამელიორაციო მშენებლობაში სახიფათოა. მელიორაცია უშუალოდ გარდაქმნის მხოლოდ მიწის ხარისხს, ის იძლევა შეძლებას სრულად გამოყენებულ იქნეს მიწის წარმოებითი ძალა. სანიტარესია იმის გათვალისწინება, თუ რა უფლებები უნდა მოგვცეს ესა წარმოებულ სამელიორაციო მუშაობამ. რასაკვირველია, ამ კითხვაზე პასუხის გაცემა შეიძლება მხოლოდ საორიენტიროდ, მაგრამ ესეც მეტად მაჩვენებელია.

იმ მიწებში, რომლის მელიორაციაც **ეხლა წარმოებს**—43.000 ჰექტ. სრულიად გამოუყენებელი რჩება. ეს არის უმთავრესად ჭაობები — ფოთის რაიონში და საძოვრები ალაზნის ველზე. მელიორაციის შემდეგ ეს მიწები გადაიქცევა პირველ ხარისხიან მიწებად, მათი ნაწილი მიეცემა ადგილობრივ უმიწაწყო გლეხებს, ნაწილი სხვა მაზრების უმიწაწყოლად და მცირე მიწიანებს, როგორც საკოლონიზაციო ფონდი.

ეხლა ამ მიწების მხოლოდ 5% დაკავებულია ძვირფასი მცენარეულობით. დანარჩენ 95%-ის მესამედი ჭაობებია, მესამედი საძოვრები და ბოლო მესამედზე კი ითვლება ხორბლეული. მელიორაციის საშუალებით ამ მიწების გაუმჯობესების შემდეგ შესაძლებელია მათზე ბალ ვენახების, ბოსტნების გაშენება, ბამბის, კენაფის, შაქრის ჭარხლის დათესვა.. ეს დაიკავებს ამ მიწის 40%, ეს აბსოლიუტურ ციფრებში მოგვცემს ამ კულტურების არეს მომატებას 42.000 ჰექტ. რაოდენობით, კერძოდ 22.000 ჰექტ. მეტი შეგვემატება სამრეწველო ნედლეული, რასაც დიდი მნიშვნელობა აქვს ინდუსტრიალიზაციის ახალ ხანაში.

ამ სოფლის მეურნეობის ასეთ თვალსაჩინო ცვლილებებს, მოსდევს ნაწარმოების ლირებულების გადიდება ამ მიწებზე და გლეხის შემოსავლის ზრდა. ეხლა კი 1 ჰექტ. მოხსენებულ მიწებისა აძლევს გლეხს არა უმეტეს 75 მ. პროდუქციას; მელიორაციის მეოხებით გაუმჯობესებულ მიწის ინტენსიურად გამოყენების შემდეგ იგივე ერთი ჰექტარი მისცემს გლეხს 250-300 მ. პროდუქციას; სულ ეს 126 ათ. ჰ. სახალხო მეურნეობას რამდენიმე ათეულ მილიონათ ლირებულ პროდუქციას შემატებს.

მოხსენებულ მშენებლობასთან ერთად წარმოებს მოსამზადებელი მუშაობა ახალ სამელიორაციო სამუშაოთა დასაწყებად ამ უახლოეს წლებში. ეს არის გამოკლევანი და პროექტების შედგენა. გამოკლევლია, ან წარმოებს გამოკლევა და სდგება პროექტები შემდეგ ახალ სამუშაოებისა: სამგორის ველის მორწყვისათვის—44.000 ჰ., ზემო-ყარაიაზის ველის—7.700 ჰ., შირაქის პლატოსთვის—

30.000 გ. წყლის მიწოდება ბორჩალოს მაზრის სარწყავ სისტემის სარეკონსტრუქციით 50.000 ჰ., კოლხეთის ქაობების დამატებით 7.000 ჰ. ამოსაზრობათ. ყველა ეს სამუშაო, საერთო სიგრძით 137.000 ჰ., შეტანილია 5 წლიან გეგმაში და როცა იგი დამტკიცდება, დაიწყება ეს მნიშვნელოვანი საქმე.

ამათში ყველაზე მნიშვნელოვანი და საჭირო არის სამგორის ველის შორწყვა.

საკმაო გავითვალისწინოთ, რომ სამგორის შორწყვა გვაძლევს დედაქალაქის პირას 30.000 გ. უმიწაწყლო გლეხებისთვის გამოსაყენებელ საკოლონიზაციო ფონდს, აჩაღებს ფართოთ რძის მეურნეობას ქალაქის მახლობლათ, აღიღებს ბამბის არეს 7.000 გ., ჰქმნის ახალ ელსადგურს და ყველას ამას, ვიმეორებთ, არა სადღაც გადაკარგულ უდაბნოში, არამედ უშუალოდ დედაქალაქის გარეუბნიდან დაწყებული კახეთის რკინის გზის გასწვრივ.

მასიურ მოთხოვნებათა დაკმაყოფილების წესი წინათ და ეხლა.

მუნიციპალური მოღვაწეობის საზღვრებს ხალხის ამა თუ იმ ხანაში განმარტავს წიტი კულტურული დონის საფეხური და მატერიალური შესაძლებლობანი; რამდენადაც კულტუროსანია ხალხი, იმდენად უფრო რთული და მნიშვნელოვანაა ადგილობრივ ორგანოთა მოღვაწეობის ასპარეზი.

მუნიციპალიზაციის ამოცანები მეტად დიდია, მიღწევები კი ერთობ მცირე. მაგალითად. 1912 წ. ანგარიშის მიხედვით. საქართველოში წყალსადენი არსებობდა: ბათუმში. ფოთში. სოხუმში, და ტფილისში: ელექტროსადგურები: ბათუმსა და ტფილისში; აბანოები არსად ადგილობრივ ორგანოთა გამგებლობაში არ იყო. მუნიციპალიზაციის ასეთი სუსტი ზრდის მიზეზი იყო იმ დროინდელი უკუღმართი კანონმდებლობა და კერძო კაპიტალი.

მე-19 საუკუნის მეორე ნახევარში ქალაქები სწრაფად იზრდებოდნენ, ეკრობა-მრეწველობა წინ მიიწევდა. ამავე დროს გამოაშკარავდა. რომ მეფის ტახტს საშიშროება მოელოდა და ეს გარემოება უმთავრესათ ქალაქების ზრდას მიეწერებოდა. ამიტომ მართველმა წრეებმა საჭიროდ დაინახეს ქალაქების კულტურული ზრდის ხელოვნურად შეჩერება და ამ მიზნის განსახორციელებლად საუკეთესო ზომათ აღიარეს ერთის მხრივ თვითმართველობის უფლებების შეკვეცა და მეორეს მხრივ ხელოვნური დაბრკოლებების შექმნა ქალაქის ზრდაში. ქალაქების უფლებები საგრძნობლად შეიკვეცა 1892 წლის საქალაქო დებულების გამოცემით: მეორე ზომის გასატარებლად კი საჭირო გახდა მართველ წრეების მიერ თვითმართველობათა აზუჩათ ავღება და ქალაქების მცხოვრებთა მოთხოვნის გათვლა. ამ დროს თუ ერთი სამინისტრო ადგილობრივ ორგანოთა მფარველის როლში გამოდიოდა, მეორე სამინისტრო არავითარ ზომას არ ერიდებოდა, ქალაქების ზრდის შეჩერებაში.

1897 წელს შინაგან საქმეთა სამინისტრომ განსაკუთრებული ცირკულიარით მიმართა ადგილობრივ ორგანოებს, სადაც ის ურჩევდა უკანასკნელთ თავი შეეკავებინათ მომგებიან წამოწყებათა კონცესიით გაცემაში, თვითონ ეწარმოებინათ ეს საქმე და მოგება მოეხმარებინათ ქალაქის კეთილმოწყობისათვის. ამავე დროს ეს სამინისტრო ყოველგვარ დახმარებას ჰპირდებოდა სათანადო კრედიტების გაცემით. მეორე უფრო მძლავრი სამინისტრო — ფინანსთა — ვიტეს ხელმძღვანელობით, სინოდის ხელმძღვანელ პობელონოსცევთან ერთად სასტიკი წი-

ნააღმდეგი იყო მუნიციპალურ წამოწყებათა გაძლიერებისა თვითმართველობის ხელში, რის გამო იგი არავითარ კრედიტებს არ აძლევდა ადგილობრივ ორგანიზაციებს წამოწყებათა ასაგებათ და გასაფართოებლად.

ამგვარად შინაგან საქმეთა სამინისტრო არ უშვებდა კონცესიონერებს საზოგადო სარგებლობის საქმეში, ხოლო ფინანსთა სამინისტრო არ აძლევდა თვითმართველობებს საკუთარ წამოწყებათა ასაგებათ საჭირო კრედიტებს.

ამავე დროს ხელისუფლება ყოველგვარ დახმარებას უწევდა კონცესიონერებს და მათ ინტერესებს ანაცვლებდა ხალხის კეთილდღეობას.

სახელმწიფოზე ბევრად მძლავრ წინააღმდეგობას უწევდა და უწევს დღესაც ბურჟუაზიულ სახელმწიფოებში თვითმართველობას გაერთიანებული კერძო კაპიტალი.

უკვე აღვნიშნეთ, რომ მუნიციპალიზაციის მიზანია მოქალაქის ყოველგვარი მოთხოვნილება დააკმაყოფილოს განსაზოგადოებულ წამოწყებებით. თავის თავად ცხადია, რომ აქ მუნიციპალიზაცია უპირისპირდება კერძო კაპიტალს და, მაშასადამე, მათ შორის უნდა სწარმოებდეს ბრძოლა, რადგან პირველის წარმატება ნიშნავს კერძო კაპიტალის შევიწროებას.

ბურჟუაზიულ სახელმწიფოებში კერძო კაპიტალის სიმძლავრე იმაში გამოიხატება, რომ თითოეული ქალაქის ბატონ-პატრონი და გამგებელი თვით ამ კერძო კაპიტალის მესაკუთრენი არიან. თუ ზოგიერთს შემთხვევაში ქალაქის მესვეურთა ჯგუფში იყვნენ და არიან ბურჟუაზიულ სახელმწიფოებში მუნიციპალიზაციის გულწრფელი მომხრეები, ისინი უმცირესობას შეადგენენ და მათ ხმას მნიშვნელობა ეძლევა მხოლოდ მაშინ, როდესაც ცხოვრების გარდუვალი აუცილებლობით მუნიციპალიზაციის გატარება საჭირო ხდება.

ასეთი პირობები რუსეთის ყოფილ იმპერიაში სრულიად შეიცვალა ოქტომბრის რევოლუციის შემდეგ. გასაბჭოების პირველ დღეებიდანვე კერძო პირს ჩამოერთვა სამრეწველო დაწესებულება და ამ გვარად მთელი წარმოების განსაზოგადოება. სახელმწიფო კუთვნილებად გამოცხადება მოხდა კომუნალურ წამოწყებათა ესეთი განსაზოგადოება საჭირო იყო მრავალგვარი მოსაზრებით.

ყველა საზოგადო სარგებლობის წამოწყებას თან სდევს სოციალური და პოლიტიკური მნიშვნელობა. ადგილობრივ ორგანოთა ხელში ეს წარმოებანი მიზნად ისახევენ ცხოვრების პირობების გაუმჯობესებას სანიტარიის და ჰიგიენის მხრივ მოსახლარ საქონლის გაიფრებას და გაუმჯობესებას. ხშირად ესა თუ ის წამოწყება ადგილობრივ ორგანოს ხელში საზარალოა, მაგრამ ამაზე უარს არ ამბობს; რადგან იგი მოსახლეობის მასიურ მოთხოვნილებას აკმაყოფილებს (მაგ. წყალსადენი) ან სანიტარიის და ჰიგიენის თვალსაზრისით აუცილებელია (კანალიზაცია, ასენიზაცია და სხვა).

ამ მოსაზრებით ყველა ის საზოგადო მნიშვნელობის წამოწყებანი, რომელიც კერძო პირის გამგებლობაში იყო გასაბჭოების შემდეგ გამოცხადებულ იქნა სახელმწიფო ქონებათ და გადავიდა ადგილობრივ ორგანოების სრულ გამგებლობაში.

კომუნალურ წამოწყებათა შორის ყველაზე დიდი ფინანსური მნიშვნელობა ჰქონდა ტრამეის, წყალსადენს და ელექტრო-სადგურებს. აღნიშნულ წა-

მოწყებათაგან. სხვა უწყებათა შეუდაველად, ადგილობრივ ორგანოთ გადაეცათ ტრამვი და წყალსადენი რაც შეეხება ელექტრო-სადგურების ადგილობრივ ორგანოთა განკარგულებაში გადაცემას, ეს საკითხი დიდხანს სადაო იყო, რადგან ელექტრო-სადგურები ემსახურებიან არა მარტო ადგილობრივ მოსახლეობას, არამედ სახელმწიფო მრეწველობასაც; ამიტომ მათი ადგილობრივი მნიშვნელობა სადაო გახდა. ეს დავა ადგილობრივ ორგანოთა სასარგებლოთ გადაწყდა და კომუნალურ განყოფილებათა წარმომადგენლების სრულიად რუსეთის მეოთხე ყრილობამ 1923 წლის მარტში აღნიშნა, რომ რ. ს. ფ. ს. რ.-ის ადგილობრივ ორგანოებს გადაეცათ 1.100 ელექტრო-სადგური. მაშასადამე, ჯერ კიდევ 1923 წელს ადგილობრივ ორგანოთა განკარგულებაში აღმოჩნდა იმდენი ელექტრო-სადგური რამდენზედაც ძველ თვითმართველობებს ოცნებაც არ შეეძლოთ.

სასაკლაოების დიდი უმრავლესობაც გადაეცათ ადგილობრივ ორგანოებს, გარდა რამდენიმე ათეულისა, რომელნიც სასურსათო კომისარიატის განკარგულებაში იქნა დატოვებული; ამ კომისარიატის გაუქმების შემდეგ ესენიც გადავიდნენ ადგილობრივ ორგანოთა გამგებლობაში. სასაკლაოებთან ერთად ადგილობრივ ორგანოებმა მიიღეს აგრეთვე ყველა სხვა დამხმარე წამოწყებაანი. თუ როგორ გამდიდრდნენ ადგილობრივი ორგანოები საერთო მნიშვნელობის წამოწყებებით საქართველოში. დაეინახათ შემდეგი ცნობებიდან.

1912 წელს, ოფიციალურ ანგარიშის მიხედვით *) წყალსადენი თვითმართველობათა განკარგულებაში იყო: ტფილისში, ბათუმში, სოხუმსა და ფოთში. ამ ქალაქების გარდა დღეს წყალსადენი აქვთ: ახალციხეს, ლიუქსემბურგს. ნაწილობრივ გორს, სიღნაღს და ჭიათურას და მრავალ სოფელს. ელექტრო-სადგურები ჰქონდათ ტფილისს (რომელიც აკმაყოფილებდა მოსახლეობის მხოლოდ ერთი ჯგუფის მოთხოვნილებას, აქვე იყო 16 კერძო ელექტრო-სადგური) და ბათუმს: დღეს კი ელექტრო-სადგურები არის ყველა ქალაქებში და ბევრგან სოფლადაც (გარდა სენეთისა და ლეჩხუმის მაზრისა).

არტეროს თვითმართველობას 1912 წ. არ ჰქონია აბანო, ყველა აბანოები კერძო პირების ხელში იყო ან ზოგან სრულიად არ იყო. დღეს აბანოები ყველგან ქალაქშია გარდა რაჭისა და სენეთისა და ყველა ეს აბანოები ადგილობრივ ორგანოთა გამგებლობაშია. ასე განსაზოგადოებრივდა მასიურ მოთხოვნილებათა და-მაკმაყოფილებელი წამოწყებანი საქართველოში გასაბჭოების შემდეგ. რა შედეგები მოყვა ასეთ ფართე მუნიციპალიზაციას საზოგადოთ და კერძოთ საქართველოში.

კომუნალურ წარმოებებმა დიდი როლი აასრულეს ადგილობრივ ორგანოთა ფინანსებში. ფინანსთა სამინისტროს ანგარიშიდან სჩანს, რომ მიმდინარე საუკუნის პირველ ათ წელიწადში ადგილობრივ ბიუჯეტების შემოსავლის სტრუქტურა შეიცვალა შემდეგნაირად:

ამ ცხრილიდან სჩანს, რომ ქალაქების შემოსავლის სამს მთავარ წყაროთაგანში საჯარო უფლებრივ ხასიათის შემოსავალი, ე. ი. გადასახადებო-ხუსტად

*) Доходы и расходы городских населенных в 1912 г. изд. депар. неокладных сборов минист. финансов.

იზრდებოდა, ათი წლის განმავლობაში ეს უკანასკნელნი გაიზარდნენ მხოლოდ ერთი მესამედით, მაშინ როდესაც წამოწყებათა შემოსავალი გაიზარდა 4-ჯერ მეტად.

შემოსავლის წყაროები	1969 წელს	% მონაწი-	1912 წელს	% მონაწი-
	მილიონი მანეთი	ლელების ბიუჯეტში	მილიონი მანეთი	ლელების ბიუჯეტში
საჯარო უფლებრივი ხასიათის შემოსავალი (გადასახადებთ)	80,8	38,8	41,0	22,6
კერძო უფლებრივი ხასიათის შემ.				
ა) ქალაქის ქონებიდან	21,3	23,5	37,5	30,7
ბ) წამოწყებიდან	12,6	13,0	51,6	28,6

ეს მოვლენა ექვს გარეშეა. შემთხვევითი არ იყო და კომუნალურ წამოწყებათა შემოსავლის როლის ზრდა ადგილობრივ ბიუჯეტებში შედეგი იყო ორი გარემოებისა. პირველი იყო ქალაქების ხელმოკლეობა და აქედან გამომდინარე აუცილებლობა შემოსავლის წყაროების გაძლიერების და მეორე — ცხოვრების გარდუეული მოთხოვნილებების. მოსახლეობის ელემენტარულ მოთხოვნილებათა დაკმაყოფილებისა. რომელსაც შედეგათ მოყვა წამოწყებათა შედარებით გაძლიერებული განვითარება.

ქალაქის უფლებები გადასახადებში მეტად შევიწროებული იყო და ამ უფლების მთლიანად გამოყენებაც შეუძლებელი ხდებოდა ქალაქის საბჭოს შემადგენლობის გამო. სადაც ბატონობდა მესაკუთრეთა უმრავლესობა, ე. ი. ის კლასი. რომელსაც ეს გადასახადები უნდა გაეღო. ძველმა მუნიციპალურმა მოღვაწეებმა კარგათ იცოდნენ კომუნალურ წამოწყებათა სოციალური მნიშვნელობა, მაგრამ მათი დიდი უმრავლესობა ამ საქმეს სრულიად შეგნებულად საკუთარი ინტერესებისათვის იყენებდა და ცდილობდა ქალაქის ხარჯებისათვის საჭირო თანხა ამოეწურა მცხოვრებლებზე არა გადასახადის გაწერის სახით, არამედ მუნიციპალურ წამოწყებათა შემოსავლის გადიდებით. რომ მით შესაძლებელი გაეხადა მესაკუთრეთა განთავისუფლება დიდი გადასახადებიდან.

ამგვარი პოლიტიკის შედეგი იყო ქალაქების ბიუჯეტში კომუნალურ წამოწყებათა მნიშვნელობის სწრაფი ზრდა. რომ ძველი თვითმართველობები კომუნალურ წამოწყებებს უყურებდნენ, როგორც შემოსავლის მთავარ წყაროს, ხიანა ფინანსთა სამინისტროს 1912 წლის ანგარიშიდან.

საქართველოს ყველა ქალაქების კომუნალურ წამოწყებათა შემოსავალი 1912 წელს უდრიდა 948.627 მან. ამ წამოწყებებზე იმავე წელიწადში დაიხარჯა სულ 349.205 მან. მაშასადამე. წმინდა მოგება ყოფილა 599.422 მან. ანუ: მთელი შემოსავლის 63,2%, ხოლო გაწეული ხარჯების 171,6%.

აქედან სჩანს, თუ როგორ ეპყრობოდა იმ დროინდელი თვითმართველობა საზოგადო სარგებლობის წამოწყებებს და რამდენად სძარცვავდა იგი მით პირადი ინტერესების დაკმაყოფილების მიზნით.

საბჭოთა ხელისუფლებამ გასაბჭოების პირველ ხანებში დააწესა მუშა-მოსამსახურეთა უსასყიდლოდ უზრუნველყოფა კომუნალურ წამოწყებათა პროდუქციით, მაგრამ ახალ ეკონომიურ პოლიტიკაზე გადასვლის და ადგილობრივ ბიუჯეტების სახელმწიფო ბიუჯეტებიდან გამოყოფის შემდეგ, გამოაშკარავდა, რომ მიმდინარე ხარჯების დასაფარავად და ძირითადი თანხის შესანარჩუნებლად იძულებული იყვნენ შემოეღოთ ფასდადებით გაყიდვა კომუნალურ წამოწყებათა პროდუქციისა. 1921 წლის 25 აგვისტოს სრულიად რუს. ცაკის და სახ. კომისართა საბჭოს დეკრეტით; ამავე წლის 15 სექტ. დაწესებულ იქნა კომუნალურ წამოწყებათა პროდუქციის ფასდადებით მოხმარება. ეს აუცილებელი იყო, სხვათა შორის, იმ მოსაზრებითაც, რომ სახელმწიფო ხაზინას, რომელიც საკმაო დიდს ფინანსიურ გაჭირვებას განიცდიდა, წამოწყებათა მოთხოვნებიდან ვეღარ აკმაყოფილებდა, არავითარი შეკეთება არ სწარმოებდა. მამასადამე, მუშა-მოსამსახურეთა უსასყიდლოდ მომარაგება წამოწყებათა პროდუქციით ნიშნავდა მათი ხელფასის ნაწილის გაღებას ამ საქმისათვის. ამის თვითდან ასაცილებლად იმავე 1921 წლის 25 აგვისტოს დეკრეტით კომუნალურ წამოწყებათა პროდუქციის შეძენაზე კანონებდა შემდეგ წესს: პროდუქციის ღირებულება უნდა გადაეხადა არა ნომინარებულს, არამედ იმ დაწესებულებას ან წამოწყებას, რომელშიც მუშაობდა მოსამსახურე ან მუშა, კანონშივე განსაზღვრული ნორმებით. მაგრამ ეს დეკრეტი უსიცოცხლო აღმოჩნდა და მალე შეიცვალა 1922 წლის 20 მარტის დეკრეტით, რომლის ძალით კომუნალურ წამოწყებათა პროდუქციით სარგებლობისათვის შესაფერი ფასი ხდებოდა ყველა მომხმარებელს ნაღდ ფულად, რისთვისაც მუშა-მოსამსახურე უნდა მომატებოდათ ჯამაგირები. მაგრამ არც ამ გზით წავიდა ცხოვრება; ფინანსიური ხელმოკლეობის გამო, ჯამაგირები მუშა-მოსამსახურეთ საკმარისად ვერ გაუდიდდათ და ამიტომ ადგილობრივი ორგანოები დაადგენ სხვა გზას — შეღავათიან ტარიფების სისტემას მუშა-მოსამსახურეთათვის.

ამგვარად კომუნალურ წამოწყებათ გაუჩნდა საკუთარი შემოსავალი, რომელიც საჭირო იყო საექსპლოატაციო ხარჯებისა და ძირითადი თანხის აღდგენა-შენარჩუნებისათვის.

საბჭოთა ხელისუფლება მეტად სათუთად მოეპყრა საზოგადო სარგებლობის წამოწყებებს და მტკიცედ მოითხოვა ამათი შემოსავალი მოხმარებოდა ამავე საქმის გაფართოებას. ამიტომ 1923 წლის 17 ივლისის დეკრეტით შემოღებულ იქნა სამეურნეო ანგარიში, რაიც ნიშნავს შემოსავლის დატოვებას წამოწყების განკარგულებაში. მამასადამე, ურთიერთობა საერთო სარგებლობის წამოწყებათა და ადგილობრივ ბიუჯეტებს შორის, წინანდელთან შედარებით, არსებითად შეიცვალა.

სამწუხაროთ, ხელთ არა გვაქვს ცნობები სამეურნეო ანგარიშზე გადაყვანილ წამოწყებათა შესახებ; ზევით მოყვანილ აზრის დასამტკიცებლად საკმაოდ მიგვაჩნია ცნობები იმ წამოწყებათა შესახებ, რომელნიც გადაყვანილი არი არიან სამეურნეო ანგარიშზე.

მაგალითად, 1925-26 წ. საქართველოს ქალაქების სამეტურნეო ანგარიშზე ვადაუყვანელ კომუნალურ წამოწყებათა მთელი შემოსავლი შეადგენდა 1.756.358 მანეთს. აქედან თვით წამოწყებებს მოხმარდათ 1.640.817 მან. და მაშასადამე წამოწყებების უცხო საჭიროებას მოხმარდა სულ 115.541 მან. ანუ 6,5% მთელი შემოსავლისა და 7% ხარჯების და არ 171,6%, როგორც ეს იყო 1912 წ.

უფრო სხვა სურათს ვხედავთ 1926-27 წლის ბიუჯეტებში. აქ მთელი შემოსავლი კომუნალურ წამოწყებებისა შეადგენს 8.551.520 მან. *) ხმარდება კი ამავე წამოწყებებს 8.602.741. მ. ე. ი. მთელი შემოსავალი და სხვა წყაროებიდან 51.221 მან.

ეს გარემოება უზრუნველყოფს კომუნალური საწარმოების სრულ აღდგენას და გაფართოებას ახლო მომავალში. ამას თვალსაჩინოდ დავინახავთ თუ წამოწყებებზე გაწეული ხარჯების ხასიათს გავითვალისწინებთ.

1926-27 წლის ბიუჯეტით, კომუნალურ წამოწყებათა ხარჯები შემდეგ საჭიროებათ მომხმარდათ: კაპიტალურ შეკეთებას ანუ ძირითადი თანხის აღდგენას 62.934 მან., ახალი მანქანების და ინვენტარის შეძენას 2.793.282 მან. ახალ აღმშენებლობას და პრესტულ წამოწყებათა გაფართოებას 2.999.510 მან. და 2.747.015 მან. საექსპლოატაციო ხარჯებს. მაშასადამე, თვით წამოწყებათა აღდგენა-გაფართოებას მოხმარდა 5.855.726 მან. ანუ მთელი ხარჯების 68,1%. ამრიგად, საბჭოთა ხელისუფლება, უფრო სწრაფი ნაბიჯით მიიწევეს კომუნალურ სარგებლობის წამოწყებათა აღორძინება-გაძლიერებისაკენ, ვინემ ძველი ხელისუფლება, რომელსაც შესაძლებლობა ჰქონდა სესხის მიღებისა სახელმწიფოს შიგნით და გარეთ. მუნიციპალურ საზოგადო სარგებლობის წამოწყებათა შემოსავალს ადგილობრივი ორგანო უბრუნებს ისევე მოსახლეობას გაუმჯობესებულ წყალსადენის, ელექტროსადგურების, გადამწიდავ საშუალებათა, აბანოს და სხვ. სახით. გაყავს ახალი ქსელი წყალსადენისა და ელექტრო-განათებისა იმ რაიონებში, რომლებიც წინათ ამას მოკლებულნი იყვნენ და საზოგადოთ უფრო ფართოდ აკმაყოფილებს მოსახლეობის მოთხოვნილებებს, ვინემ ეს იყო გასაბჭოებამდე.

*) ასეთი ზრდა კომუნალურ შემოსავლისა 1926-27 წ. აიხსნება იმით, რომ ტფილისში კომუნალური წამოწყებები შეტანილი იყვნენ ბიუჯეტში.

კინო ინდუსტრიალიზაციის პერსპექტივები ჩვენში.

კაპიტალისტურ მეურნეობაში, უკანასკნელ ათეულ წლებში კინო ინდუსტრიალიზაციამ ბუმბერაზული ხასიათი მიიღო. ამერიკის, გერმანიის, ნაწილობრივ საფრანგეთის და იტალიის სახალხო მეურნეობაში კინო ინდუსტრიამ მრეწველობის მწვერვალთა შორის საპატიო ადგილი დაიკირა.

ამერიკა და გერმანეთი წარმოადგენენ კინო ინდუსტრიის პირველ ქვეყნებს. უკანასკნელი ცნობებით, ამერიკის სახალხო მეურნეობაში კინო ინდუსტრიას უკირავს მესამე ადგილი, გერმანეთის სახალხო მეურნეობაში მეტალურგიის შემდეგ კინო ინდუსტრია სდგას.

ამ ქვეყნების კინომრეწველობის მასშტაბი მეტად დიდია. როგორც ტეხნიკური, ისე ფინანსური რესურსები კოლოსალურ ბუმბერაზობას წარმოადგენენ. ამერიკასა და გერმანეთში გვაქვს არა მარტო კინო წარმოებანი, კინო ქარხნები, არამედ კინო ქალაქებიც, მთელი მხარეები. ამ უკანასკნელთა მოწყობილობა, ქუჩებით, ნაშენობით, ბაღებით და მით უფრო ქარხნებით შეგუებულია კინო ფილმების გამომუშავების თავისებურობასთან.

გიგანტიურ ატელიეებში ერთსა და იმავე დროს იღებება რამდენიმე დიდი სურათი. ამ სურათებში მონაწილეთა რიცხვი ათასობით ითვლება, ნაგებობათა რაოდენობა ასობით, ცხოველთა და მხეცთა სკენებიც მრავლად.

როგორი პერსპექტივები გვაქვს საქართველოში კინო ინდუსტრიისთვის?

კინო ინდუსტრიის პერსპექტივები მჭიდროდ უკავშირდება კინო ხელოვნების პერსპექტივებს. კინო ინდუსტრია კინო ხელოვნების მატერიალურ-ტექნიკური მხარეა. თუ კინო ხელოვნების ფაქტორები არ არის მოცემული ქვეყანაში, იქ შეუძლებელია კინო ინდუსტრიის განვითარებაც. ინგლისი ამის საუკეთესო მაგალითია. ინგლისის მზე მკრთალად ანათებს კინოხელოვნებისთვის. ნისლოვან კუნძულის ატმოსფერული ბუნება ხელს უშლის კინო გადაღებების წარმოებას ნატურაში. ამიტომ ინგლისის კინო ბაზარი ამერიკის პროდუქციით იკვებება, მას ემატება გერმანული პროდუქცია და სულ მცირე პროცენტით საკუთარი წარმოების ფილმები.

მაშასადამე, კინო ხელოვნების ფაქტორები განსაზღვრავენ კინო ინდუსტრიის განვითარებას. ამიტომ კინო წარმოადგენს მეტად თავისებურ დარგს. ის ერთსადაიმავე დროს ხელოვნებაც არის და წარმოებაც. ხელოვნების სხვა დარგებიც უკავშირდება წარმოებას, მაგრამ კინო უშუალოდ წარმოებას წარმოადგენს.

კიდევ მეტი. კინო ხელოვნება უშუალოდ უკავშირდება ეპოქის ტენზიკას თავის შემოქმედებაში. ხელოვნების არც ერთი დარგი ასეთ კავშირში არ არის ტენზიკასთან. ამიტომ კინო ხელოვნება და კინო ინდუსტრია ერთი მოვლენის ორი მხარეა, ერთმანეთისაგან დაუშორებელი, ერმანეთისაგან განუყრელი. ამიტომ შეუძლებელია კინო ინდუსტრიის პერსპექტივების გამოყოფა კინო ხელოვნების პერსპექტივებიდან.

რა პირობებია საჭირო კინო-ხელოვნებისათვის? როგორ ნედლ მასალას მოითხოვს კინო ხელოვნება და კინო ინდუსტრია?

კინოს ნედლი მასალაა:

1. მზის სხივების სიუხვე და ელექტრო ჩქერი.
2. ბუნების მრავალფეროვნება.
3. ყოფის მრავალფეროვნება და ექზოტიურობა.
4. არტისტიული მასალის სიჭარბე.

მზის სხივების სიუხვე და ელექტრო ჩქერი. ამერიკის კინო ინდუსტრიას მზის სხივების სიუხვით პირველი ადგილი უჭირავს მთელ მსოფლიოში. ლოს-ანჯელოსში, სადაც არის მოთავსებული ამერიკის კინო-მრეწველობის ცენტრი, წელიწადში მხოლოდ ერთი თვე ცდება უამილობის, წვიმების გამო. ამ კუთხის მზის სხივების სიუხვე წარმოადგენს ამერიკის კინოს ბუნებრივ სინათლეს, ამიტომაც ამერიკის კინოში გამეფებულია ნატურალური რეალიზმი.

გადაღებანი დეკორაციებში, ქარხნებში ამერიკული ფილმების მეტად მცირე ნაწილს შეადგენს. სცენათა უდიდესი უმრავლესობა გადატანილია ბუნებაში. მხოლოდ ის სცენები, რომლებიც თავის შინაარსით ველარ გაიტანება ბუნებაში, სწარმოებს დეკორაციებში, ხელოვნური განათების პირობებში.

მართალია, კინო ლიტერატურაში სამართლიანი აზრი გვხვდება, რომ ბუნებრივ სინათლეს სჯობს ხელოვნური. ხელოვნური სინათლე უფრო ემორჩილება სამხატვრო მიზნებს, ვიდრე ბუნებრივი. მსახიობიც ატელიეში უფრო მეტად დაეცულია გარეგანი ზეგავლენისგან და უზრუნველ ყოფილი არტისტიული გარდაქმნისთვის, ვიდრე ბუნებაში გადაღების დროს. ამის მიუხედავად, ბუნებრივ სინათლეს აქვს თავის სიმშვენიერე და თავისებურება. იგი უკავშირდება გარკვეულ გეოგრაფიულ გარემოს, ბუნების ლირიულ თუ ტრაგიულ მოცემულობას, რომელთა შინება ატელიეებში უდიდეს ხარჯებს მოითხოვს, ზოგჯერ არსებითად შეუძლებელიც ხდება.

მზის სხივების სიუხვით საქართველო იმვითავე ქვეყანას წარმოადგენს. საბჭოთა კავშირის მთელ ტერიტორიაზე მზის სხივების ასეთი სიუხვე არსად არ არის. ეს გარემოება წარმოადგენს უპირატესეს ნედლ მასალას კინო ხელოვნების და კინო ინდუსტრიის განვითარებისთვის. საშუალოდ, წლის სამი მეოთხედი გადაღებისთვის გამოსადეგი ამიღია საქართველოს სხვადასხვა კუთხეში. მაშასადამე, გადაღებანი ბუნებაში შესაძლებელია თითქმის შეუწყვეტლად. ეს დიდ მომკირნეობას მისცემს ჩვენს კინო ინდუსტრიას. მის არ დასჭირდება კაპიტალური ხარჯები ატელიეს გადაღებებში, დეკორაციების შენებაში. სცენართა შინაარსის შეფუთვით ბუნების გადაღებებთან, კინო წარმოება მინიმალურად შეამცირებს სა-

წარმოო ხარჯებს. გაზაფხულის, ზაფხულის და შემოდგომის გადაღებანი, ატარა ატელიეს პირობებშიაც, ზამთრის პერიოდში შეივსება ატელიეს გადაღებებითაც.

ამ რიგათ კინო ინდუსტრიის პირველი და მთავარი ნედლი მასალა ჩვენში მოიპოვება დიდი სიუხვით. ეს ნედლი მასალა არც ამოღებას მოითხოვს, არც გადატანის ხარჯებს, არც გადამუშავებას. იგი მოცემულია თავისთავად.

ბუნებრივ სინათლეს გარდა ჩვენ უკვე გვაქვს ხელოვნური სინათლის დიდი რეზერვუარი ზაჰესის სახით. ესეც კინო ინდუსტრიის ერთ-ერთი ძირითადი პირობაა.

ბუნების მრავალფეროვნება.

ფილმის შენებას სჭირდება ბუნების სხვადასხვა სახე, წლის სხვადასხვა დროს პეიზაჟები, სხვადასხვა ქვეყნის ბუნების კოლორიტი. ბუნების სხვადასხვა ზონა. ამ მხრით საქართველოს მთელ მსოფლოში უპირველესი ადგილი უჭირავს. ჩვენი მთების მწვერვალებზე მუდმივად თოვლი ძევს. ჩვენს დაბლობებში მუდმივად მცენარეულობანი ყვავის. ზღვის სანაპიროებზე მუდმივი ზაფხულია.

ბათუმის ბოტანიკურ ბაღში მსოფლიოს ყოველი კუთხის ბუნების კოლორიტი დატული. აქ კინოსთვის მზად არის აფრიკული, ჩინური, იაპონური, ესპანური, ავსტრალიური ბუნება. საერთოდ შავი ზღვის სანაპიროები საშუალებას იძლევა ბუნების კოლორიტის დაუსრულებელი შერჩევითვის.

ამას გარდა, ჩვენ გვაქვს მთებიც და ველებიც, ნაოსნობისთვის გამოსადეგი მდინარეებიც და ზღვაც, ზოგად ევროპიული ხასიათის საკურორტო ადგილებიც (ბორჯომი) და უდაბური ტყეებიც. ზერებიც და ბაღებიც (კახეთი და იმერეთი) და გაუთლი ტბებიც და ჭაობებიც (პალაისტომის ტბა და ფოთის ჭაობები). ყოველივე ეს კინო ინდუსტრისთვის დიდი განძია.

ჩვენი ბუნების მრავალფეროვნება საშუალებას იძლევა გადავიღოთ ჩვენში ყოველი ქვეყნის, ევროპიულის და არა ევროპიულის ხალხის ცხოვრება. ამ ცხოვრების ბუნებრივი არეს შენება ჩვენ არ დაგვკირდება ატელიებში ჩვენს ბუნებაში საუკეთესოთ არის მოცემული სხვადასხვა ქვეყნის ბუნების სახენი. ეს გარემოებაც, მზის სხივების სიუხვის დამატებით, წარმოადგენს უდიდეს განძს, დაუსრულებელ მასალას კინო ხელოვნების და ინდუსტრიის განვითარებისთვის.

ყოფის მრავალფეროვნება და ექსოტიურობა.

კინო ეძებს ყოფის ექსოტიურობას. ამერიკა და გერმანეთი ექსპედიციებით, ან უფრო მეტად, ატელიებში აგებით, სცდილობს სხვადასხვა ხალხთა ყოფის აღებას ფილმის ფონათ. აფრიკის, აზიის, ავსტრალიის მივარდნილი კუთხეები აღარ დარჩა გადაუღებელი. კინოს თვალი მეტად შორს იცქირება დი მსოფლიოს ყოველ კუთხეში ეძებს ეტნოგრაფიულ მასალას, ყოფის სიუხეტებს.

საქართველო და ამიერ-კავკასია ყოფის მხრივ დიდ სიჭრელეს წარმოადგენს. ქალაქები—ტფილისი, ბაქო, ერევანი ევროპიული სამრეწველო ყოფის არეს იძლევა. ამ ქალაქების პროლეტარულა მასები სოციალისტური ყოფის ჩანასახებზე იღებენ ახალ ცხოვრების შედეგებს, ამგე დროს ჩამორჩენილი კუთხეები—

სვანეთი, აჭარისტანი, მთიულეთი, იძლევიან საგვარეულო და ფეოდალური ყოფის ნაშთებს, გარკვეული კუთხური კოლორიტითა და ექზოტიკით.

ამიერ-კავკასიის ყოფის სიჭრელე დიდია. ამასთანავე ამ ყოფის შინაგანი მრავალფეროვნებაც უსაზღვროა. ამიერ-კავკასია ისტორიულად იღებდა, ხალხთა მოძრაობიდან, სხვადასხვა ყოფის ნაღვეს, ყოფათა შერევას, ამიტომ ამიერ-კავკასიის ხალხთა ყოფაში ბევრია ნარევი, ეკლექტიური. კინტოც ხომ ამიერ-კავკასიის ყველა ერთა ნაღვეია. მასში შეერთებულია ქართულ-სომხურ თათრული ყოფის ელემენტები.

ამ რიგათ ამიერ-კავკასიის ეტნოგრაფია, ვიწრო გაგებით, და სოციალური ყოფა, როგორც გარკვეული კულტურული კოლორიტი, ფართო აზრით, დიდ მასალას აძლევს კინო ხელოვნების განვითარებას ჩვენში. ცხადია ეს იმას არ უდრის, რომ ჩვენში კინო ყოფის ნაჭუჭში უნდა მოექცეს. სრულიად არა. ყოფის გარეშე კინოს აქვს საერთო სიუჟეტები, მასალა, მაგრამ ყოფის ჯანსაღი ასახვაც კინოსათვის გამოსადეგია. ყოფის ექზოტიკა, როცა ყოფა სწორად და ღრმად არის გაგებული და მხატვრულად ასახული დიდ წარმატებას, კომერციულ თვისებას აძლევს სურათს.

არტისტიკული მასალა. კინო ინდუსტრიის განვითარების ერთი ძირითადი ფაქტორი არტისტიკული მასალაა. ამერიკისა და გერმანიის კინო ინდუსტრიის ბუზბალტერია კარგათ იცნობს, თუ რა ფასი აქვს კინო წარმოებისთვის კინო „ვარსკლავს“. ჩვენ იღვთ ვერ დავსახავთ იმ ბურჟუაზიულ ტრადიციებს, რაც უერთდება „კინო ვარსკლავს“ სახელს, მაგრამ ვერ უარყყოფთ კინო მსახიობის როლს კინო ინდუსტრისთვის.

ჩაპლინის, ფერბენკსის, პიკუორდის, გიშის, ბარტელმესის, იანინგის, ტილიტის და სხ. დიდ მსახიობთა მონაწილეობით შექმნილი ფილმები მსოფლიოს შარაგზებით მიემართება. ნაციონალური ბაზრის არც შორდება. დიდი მოგების წყაროთ ხდება.

აქ საჭირო არ არის კინო მსახიობის როლისა და ბუნების შესახებ ლაპარაკი. აღვნიშნათ მხოლოდ, რომ საქართველო და ამიერკავკასია საერთოდ იძლევა მეტად მრავალფეროვან პლასტიურ მასალას. კინო მსახიობის საკითხი, როგორც უნდა გადაწყდეს, კინოს მაინც დაჭირდება ეგ. წოდებული ტიპაჟი. ე. ი. სახასიათო სახენი. სად, რომელ კუთხეში იპოვით იმდენ ნაციონალურ, კუთხურ რაობრივ ნაღვესა და სხვადასხვაობას, როგორსაც ამიერ-კავკასიაში? ცხადია, ვერსად.

ამერიკის კინომ დიდად მოიგო ამერიკის მოსახლეობის ემიგრანტულ შემადგენლობით, ამ შემადგენლობაში ადვილად მოინახა ყოველგვარი ტიპი.

ამიერ-კავკასიაშიც დიდი ნაციონალური სიჭრელეა. ქართველები; სომხები, თურქები, სპარსელები, რუსები, ებრაელები, ბერძნები, მალაქნები, აისორები, ბოშები და სხ. იძლევიან კინო ხელოვნებისთვის ტიპაჟის შერჩევის დიდ თავისუფლებას.

მაშასადამე, ჩვენ გვაქვს კინომრეწველობისთვის ყოველგვარი, როგორც ბუნებრივი, ისე სოციალური პირობა.

ბაზარი.

როგორ მდგომარეობაშია კინო ბაზარი? სად გავაჩვენებ ჩვენი პროდუქციას?

კინოსადმი ლტოლვა უდიდესი სისწრაფით იზრდება. კინომ გაასწრო ყველა სანახაობას მასების მიზიდვაში. მაგრამ ერთი ქვეყნის კინო ბაზარი მაინც მცირეა კინო წარმოებისთვის. კინოს აქვს ტექნიკური შესაძლებლობა ერთი პოზიტივიდან გადაიღოს განუსაზღვრელად მრავალი პოზიტივი, გაამრავლოს ერთი სურათი მრავალ ეკრანზე და ა. შ. ფილმის მხატვრული თვისება, პლასტიური ენით მეტყველება, ათავისუფლებს მას ეროვნულ ფარგლებში შეზღუდვისაგან.

საქართველოს კინო ბაზარი მეტად დიდია. უპრეველსად ის არის მთელი კავშირის ტერიტორია. მთავარ ბაზრად ეს სავსებით საკმაოა. ამას გარდა, დღესაც საქართველოს ფილმები გადის აზიის და ნაწილობრივ ევროპის კინო ბაზარზე. ცხადია, დღეს ჩვენ კულტარული კინო მეურნეობა გვაქვს, ამიტომ გარეშე ბაზრისთვის ჩვენი ფილმის ხარისხი არ შეიძლება დიდ საკომერციო საფუძველს იძლეოდეს. შესაფერ მრეწველობის პირობებში ჩვენი კინოს პროდუქციას შეუძლია თავისუფლად გასვლა აზიის ბაზარზე და საუკეთესო ნიმუშების მიწოდებაც ევროპის ბაზრისთვისაც.

მაშასადამე, კინო ინდუსტრიის ბაზრის საკითხი ამთავითვე გადაწყვეტილია. ბაზარი ცალიერია და ფართო. საჭიროა მხოლოდ მისი დაკმაყოფილება... დაკმაყოფილება კი წარმოების საქმეა.

წარმოება.

კინო ინდუსტრიაზე მსჯელობის დროს არ უნდა დავვიწყოთ ერთი გარემოება—კინოს არავითარ შემთხვევაში არ უდგება კულტარული წარმოება.

საერთოდ კულტარული წარმოება ანგარიშში იღებს ადგილობრივ მოხმარებას. კინო სწორედ არ შეიძლება ადგილობრივ მოხმარებაზე იქნეს გადაყვანილი. მაშინ ის ვერ აინახლავდა თავის საწარმოო ხარჯებსაც. კინო უნდა შეეჯიბროს გარეშე ბაზრებზე უცხოეთის კინო ფილმებს. კიდევ მეტი, კინო ადგილობრივ ბაზრებზეც უნდა შეეჯიბროს უცხოეთის ფილმებს.

უცხოეთი კი გიგანტიური მასშტაბის ტექნიკური და ფინანსიური რესურსებით სდგამს ფილმს. ამ ფილმის მხატვრული ღირებულება რამდენჯერმე მეტია, ვიდრე ჩვენი კულტარული წარმოების ფილმების.

მართო განათება რომ ავიღოთ, აშკარად ვახდებთ განსხვავება ჩვენი და უცხოეთის ფილმების შორის. გერმანიის კინოს განკარგულებაშია დაახლოებით 30.000 ამპერი სინათლე, მუდმივი და ცვალებადი ჩქერის სახის. საქართველოს კინო მრეწველობა 800 ამპერზე მუშაობს. საბჭოთა კავშირის საუკეთესო ქარხნებში მხოლოდ 2.000 ამპერამდე აღწევს ელექტრო სინათლე.

საშუალო ევროპულ-ამერიკული ფილმის დადგმაზე იხარჯება 400.000 მანეთი. საქართველოს კინომრეწველობის საშუალო სურათის დადგმაზე იხარჯება 30—40.000 მანეთი.

ამას თუ დაუმატებთ უცხოეთის კინოს პერსონალის მაღალ კვალიფიკაციას ტექნიკურ შესაძლებლობათა მაღალ ხარისხს, აშკარა ვახდებთ, რომ კულტარული კინოს არავითარ შემთხვევაში არ შეუძლია მეტოქეობა გაუფიოს კინო ინდუსტრიის პროდუქციას. ამ შეჯიბრების გარეშე კი ვერ იარსებებს კინო წარმოება.

ჩვენს კინო აუდიტორიას უჩვენებთ ერთი მხრით მსოფლიო წარჩინებულ სურათებს რომლებზედაც მილიონებია დახარჯული, რომლებიც გამოჩენილ რეჟისორთა დადგმაა და მსოფლიოდ ცნობილ მსახიობთა შემოქმედებით არის გამართული, მეორე მხრით ვაწოდებთ ჩვენს უბადრუკ კუსტალულ წარმოების ფილმებს. აშკარაა კინო აუდიტორია გვერდს უხვევს ჩვენს სურათებს და ხალისით მიდის ევროპულ-ამერიკულ სურათებზე.

უცხოეთიდან ჩვენში ნაკლებად შემოდის საშუალო სურათები, უმთავრესად შემოდის „ბოვეიკები“ არ შეიძლება არ შემოვიტანოთ პირველ ხარისხოვანი ფილმები. ეს იქნებოდა ხელოვნურად ჩამორჩენა კინო ხელოვნების დარგში. მაგრამ ამ სურათებთან ჩვენი ფილმების ჩვენება ხელს უწყობს ჩვენი სურათების დამარცხებას.

აუდიტორია მართალია, როცა არ კითხულობს რა დაიხარჯა „ბაღდადელ ქურდზე“ და „ორ მონადირეზე“, ან რა განსხვავებაა ჩვენსა და ამერიკის, ან გერმანიის მსახიობებს შორის. მას სურს ესთეტიური საზრდო და არა ეკონომიურ-მხატვრული მსჯელობა უცხოეთისა და ჩვენს კინო შესაძლებლობაზე. ვიმეორებთ: აუდიტორია მართალია.

ამიტომ საკითხი უნდა დადგეს პირდაპირ—ან გაბედულად, გადაჭრით და სასწრაფოდ უნდა შევქნათ კინო ინდუსტრია, ან თავი უნდა დავანებოთ კინო კუსტარობას წინააღმდეგ შემთხვევაში მივიღებთ მხოლოდ ზარალს.

ჩვენ უკვე აღვნიშნეთ, რომ კინოინდუსტრიისთვის კინო ინდუსტრიაზე მოგვეპოვება ყოველგვარი პირობა. გვაქვს დიდი ბაზარიც.

რა არის საჭირო? საჭიროა:

- 1) სპეციალისტები.
- 2) ტექნიკური იარაღები.
- 3) კაპიტალი.

სპეციალისტები.

უპირველესად აუცილებელია რეჟისორები. წარმოებას უნდა ჰყავდეს რამდენიმე კვალიფიციური რეჟისორი, რომელზედაც შესაძლო იქნება საწარმოო გეგმის სიმძიმის გადატანა. ამას გარეშე შესაძლებელია ცდები, ექსპერიმენტები, არა კვალიფიციური ძალების გამოცდაც და სხ. ყველა რეჟისორების მოწვევა შეუძლებელია. ორი რეჟისორის მოწვევით შესაძლებელია ადგილობრივად ძალების გაწვრვნა, მათი ერთდროული მივლინებით გადამზადება.

დასაწყისისათვის 5--7 რეჟისორი ძირითადი კადრის სახით სავსებით საკმარისია.

რეჟისორები არ კმარა კინო წარმოებისთვის, საჭიროა კინო მხატვრები, დეკორატორები, ხუროთმოძღვრები, ლაბორანტები, მონტაჟისტები, გრიმერები, გამნათებლები და სხ. ვიწრო სპეციალისტი. საჭიროა ამ კადრის მომზადებაც.

თითო კაცი მაინც უნდა იქნეს თითო დარგში საკმის რიგიანად მცოდნე. გარდა სამხატვრო დარგისა აუცილებელია სპეციალისტი კინო აღმინისტრატორები და ეკონომისტები. მათ უნდა ესმოდეთ, როგორც კინოს მხატვრულ

ლი, ისე ფინანსიური მხარე. უამისოთ შეუძლებელია კინო ინდუსტრიის ხელმძღვანელობა. ამ დარგშიაც ორი სპეციალისტია აუცილებელი თავდაპირველად 1) კინო წარმოების ხელმძღვანელი, 2) კინო ექსპლოატაციის ხელმძღვანელი. ეს ორი დარგია კინო წარმოების განმსაზღვრელი. თუ ამ დარგთა ხელმძღვანელებს არა აქვთ საქმის ცოდნა, შეუძლებელი იქნება წარმოების განვითარება.

ტექნიკური აპარატები. კინო ხელოვნება უმჭიდროეს კავშირშია ტექნიკას-თან. კინო ხელოვნებაში საჭიროა არა მარტო მხატვრული ფანტაზია, არამედ ფიზიკისა და ქიმიის პროცესების ზედმიწევნით სწორი მომარჯვება.

თვით გადამღები აპარატიც თანამედროვე ტექნიკის უკანასკნელი სიტყვაა. კინო ლაბორატორიაც მეცნიერულ-ტექნიკურ დაყენებას მოითხოვს.

საერთოდ კინოში ვერც ერთი გენიალური რეჟისორი, ასეთივე მსახიობებით, ვერაფერს გააწყობს, თუ მას შესაფერი ტექნიკური აპარატები, დამხმარე მუშაკებით, არ მიეშველა, თუ მისი მხატვრულ ამოცანა ტექნიკურად უნაკლოდ არ იქნა შესრულებული.

ამიტომ კინო ინდუსტრიის მატერიალურ საფუძველთა შორის უპირველესად ტექნიკურ აპარატის გამოყენებაა საჭირო. ჩვენ ამ მხრივაც არ ვართ სათანადო სიმაღლეზე მდგომი. აუცილებელია ამ დარგს გენერალური ყურადღება მიექცეს. საჭირო აპარატები შეძენილ იქნეს. კინო ინდუსტრიის მატერიალურ-ტექნიკური საფუძველი გაჯანსაღდეს.

კაპიტალი. კინო ინდუსტრიაში კაპიტალი ორი მხრით არის განხილვის საგანი. კაპიტალის მოცულობა, სიდიდე და კაპიტალის დანიშნულება, მიზანი.

ამ უკანასკნელის საკითხი ჩვენში სწყდება საესებით სხვაგვარად ვიდრე კაპიტალისტურ ქვეყნებში. კინო ჩვენში უმთავრესად და უპირველესად მხატვრული და საგანმანათლებლო დაწესებულებაა, ვიდრე კომერციული. ამჟამად, ქვეყანა, რომელიც ტიპიურ კომერციულ მრეწველობასაც სოციალისტური ეკონომიკის საფუძველზე აწყობს და მინიმალურ მოგების ფარგლებში აყალიბებს, ეს ქვეყანა, მით უფრო კინო მრეწველობის დარგში, მოგების მიზნით ვერ გამოვა და არც გამოვა.

ამ მომენტს ორგანიზაციული მნიშვნელობა აქვს კინო ხელოვნებისა და კინო ინდუსტრიის განვითარებისთვის. მოგების მომენტის მოხსნა აუქმებს კინო ხალტურისაგან გადახზას მესხანურ-შაბლონური ფილმების შენებას, აუდიტორიის გემოვნების ბრმა მორჩილებას. ამასთანავე ეს მომენტი ამცირებს კინო კაპიტალის ჩვეულებრივი მოგების სიმაღლეს.

გამოშვება იშვიათი მხატვრული, მეცნიერული, საგანმანათლებლო ფილმის იმდენ მოგებას ვერ აძლევს წარმოებას, როგორსაც სანტიმენტალურ-ინტიმური დრამა, რომელიც დიდათ უყვარს საშუალო მაყურებელს.

ეს თავისებურობა არავითარ შემთხვევაში არ ჩაითვლება საბჭოთა კინო განვითარების შემაფერხებელ მომენტად. პირიქით, ეს თავდებია ჩვენი კინოს აყვავების და მისი მოხმარების მუშათა კლასის სასარგებლოდ.

კინო კრიტიკოსები საფუძვლიან შიშს გამოთქვამენ, რომ ბურჟუაზიულ კინომრეწველობაში მხატვრული ინტერესი ეწირება კომერციულს. კინო ჩამოდის გაუნათლებელი და განუვითარებელი მასის გემოვნებამდე. სალაროს ანგარიში განსაზღვრავს რეჟისორის ფანტაზიას. ჩვენში ეს სავსებით მოხსნილია, ან უკეთ უნდა იქნეს მოხსნილი. ეს კომერციულ ზარალს უდრის მხოლოდ განსაზღვრულ საფეხურამდე, მანამ. ვიდრე საზოგადოების გემოვნებას აწევს ახალ პროდუქციამდე, ვიდრე ხალხი შეეჩვევა ახალ მხატვრულ ფაქტებს. ეს კი უეჭველად მოხდება თუ ჩვენი კინო გასცდება კუსტარულ ხასიათს და იდეოლოგიურ სისწორეს შეუფარდებს მხატვრულ სიმაღლეს. ამას გარდა, კინო კაპიტალის მოგება იმდენად მაღალია, რომ მისი შემცირებაც, არავითარ შემთხვევაში არ შეაფერხებს კინო ინდუსტრიის ზრდას.

ცხადია, ჩვენ ვამბობთ ნორმალურ კინო კაპიტალზე, უკეთ ნორმალური წარმოების მოგებაზე. უცხოეთში კინო წარმოება იტანს დიდ კონკურენციას სხვადასხვა ქვეყნის წარმოებათა შორის. იგი არავითარი პრივილეგიებით არ სარგებლობს. მიუხედავად ამისა, კინო კაპიტალზე რამდენიმე ასეული პროცენტით ირიცხება მოგება. ჩვენში კი წინააღმდეგ კინო მრეწველობა ყოველგვარი პრივილეგიებით სარგებლობს და დეფიციტიდანაც თავი ვერ დაუხსწევია. ასეთ გარემოებას ვერასოდეს ვერ დაახწევს თავს კუსტარული კინო წარმოება. ეს მისი ბუნებრივი ბედი.

კინო კაპიტალი თავისი მოცულობით არ მოითხოვს დიდ რაოდენობას. კინო წარმოებისთვის უმთავრესია საბრუნავი კაპიტალი. ამავე დროს, კინო მრეწველობაში კაპიტალის ბრუნვა ჩქარია. ეს კინოს შესაძლებლობას უქმნის საბანკო, საკრედიტო გზითაც დააყენოს წარმოება მკვიდრ ნიადაგზე. განსაკუთრებით ჩვენში, სადაც სახელმწიფო მრეწველობას საბანკო კრედიტები სისტემატიურად ეძლევა, კინოს საშუალება აქვს დაუსრულებლად გააფართოვოს მუშაობა თუ ეს უკანასკნელი გონივრულად იქნება დაყენებული. მაშასადამე, ჩვენში კინო ინდუსტრიის აღორძინებას არ ელოდება არც ფინანსიული დაბრკოლება.

როგორც ვხედავთ, ყოველგვარი პირობა არსებობს კინო ინდუსტრიის აღორძინებისთვის. **საჭიროა მხოლოდ საქმის მცოდნე პირები, სპეციალისტები და სათანადო ტექნიკური აპარატები.** ეს არ შეადგენს დიდსა და დაუძლეველ დაბრკოლებას.

ჩვენ ვალდებული ვართ უყურადღებოდ არ დავტოვოთ ეს შესაძლებლობანი. ჩვენ აუცილებლად უნდა დავაყენოთ საკითხი—**კინო ინდუსტრიალიზაციის გატარების.** ამით ჩვენ შევქმნით ჩვენი მეურნეობის ერთ დიდ საფუძველთაგანს, ჩვენი კულტურის ერთ დიდ დარგს.

სახალხო ჯანმრთელობა გასაბჭოების 10 წლის თავზე.

ოქტომბრის რევოლუციამ სრული გარდატეხა მოახდინა სახალხო ჯანმრთელობის დაცვის დარგში. მუშათა კლასი დაეპატრონა სახელმწიფო ძალაუფლებას და გამოიწვია სახალხო ჯანმრთელობის დაცვის ახალი მეთოდები და ფორმები.

საბჭოთა ხელისუფლებისათვის სახალხო ჯანმრთელობის დაცვა წარმოადგენს საერთო აღმშენებლობის განუყოფელ ნაწილს და უჭირავს განსაკუთრებული ადგილი იმ ღონისძიებებს შორის, რომელთაც მიზნად კომუნიზმის გამარჯვება აქვს.

ძველი რეჟიმის დროს სახალხო ჯანმრთელობის დაცვა დაქსაქსული იყო სხვადასხვა უწყებებსა; დაწესებულებებსა და საზოგადოებრივ ორგანიზაციებს შორის. მხოლოდ რუსეთის ზოგიერთ გუბერნიაში ქონდა ერობებს ეს საქმე წესიერად დაყენებული, რაც აიხსნება ამ ერობათა აქტივობით. ამ მხრივ საქართველო, სადაც ერობა არ არსებობდა, მძიმე პირობებში იმყოფებოდა.

სახალხო ჯანმრთელობის დაცვის საქმე კიდევ უფრო გაუარესდა 1914-17 წლებში, როდესაც მობილიზაციით ფრონტზე გაიწვიეს ექიმების დიდი ნაწილი და საავადმყოფოების უდიდესი ნაწილი გადაკეთდა სამხედრო ლაზარეთებად.

მენშევიკურმა ხელისუფლებამ ვერ შესძლო საექიმო-სასანიტარო საქმის გაუმჯობესება და, პირიქით, საქართველოდან გაქცევის დროს მათ გაზიდეს მედიკამენტების არსებული მარაგიც.

მხოლოდ საბჭოთა ხელისუფლების დამყარების შემდეგ გახდა შესაძლებელი საბჭოთა მედიცინის ლოზუნგების განხორციელება: როგორცაა, უფასოდ წამლობა, მთლიანობა; ხელმისაწვდომობა და კვალიფიციურობა.

საქმის წესიერად დაყენებისათვის საჭირო იყო უპირველესად საუწყებო დაქსაქსულობის მოსპობა და საექიმო სასანიტარო საქმის ერთ სახელმწიფო ორგანოში—ჯანმრთელობის სახალხო კომისარიატში—გაერთიანება.

ბურჟუაზიულ მედიცინის მეთოდის წინააღმდეგ, რომელიც მთავარ ყურადღებას ინდივიდუალურ მკურნალობას აქცევს, საბჭოთა მედიცინა პირველ რიგში მოსახლეობის მასიურ გაჯანმთელებას აყენებს, რასაც ვალწევთ გამაფრთხილებელი ღონისძიებების ფართოდ გაფრცელებით.

ისტორიული პირობების გამო საქართველო სანიტარიის მხრივ მეტად ჩამორჩენილი იყო.

თანების სიმცირის მიუხედავად ჰიგიენურ დაწესებულებათა ქსელი, თანდათან ფართოვდებოდა. რასაკვირველია ეს ქსელი არაა საკმაო, საჭიროა მისი გაფართოებაც, მაგრამ მეფის მთავრობასთან შედარებით ამ დარგში დიდი მიღწევები გვაქვს. მაგ. მეფის რეჟიმის დროს გადამღებ სენით შეპყრობილთათვის არსებობდა 3 კარავი, ამჟამად-კი—11, საღებზინფ. კამერა—3, ამჟამად—46, ლაბორატორია—3, ამჟამად—64, პასტერის სადგური—1, ამჟამად—4.

პირველად საბჭოთა ხელისუფლების დროს დააარსდა ბაქტერიოლოგიური ინსტიტუტი, სანიტარულ-ჰიგიენური ინსტიტუტი, სოციალური ჰიგიენის მუზეუმი, პროფავადმყოფობათა შესწავლის ინსტიტუტი და აგრეთვე სამაზრო სანიტარული აპარატები, რომელთაც უდიდესი მნიშვნელობა აქვს მოსახლეობისათვის.

სოციალურ ავადმყოფობათა (ვენერიზმი, ქლეკი) წინააღმდეგ ბრძოლა სწარმოებს ორი საშუალებით: ეწყობა ისეთი დაწესებულებანი, რომელთაც ობიექტად ავადმყოფი ჰყავს და ამავე დროს სწარმოებს მოსახლეობის შორის ფართო სანიტარული აგიტაცია.

ქლეკი საქართველოში და განსაკუთრებით დასავლეთ ნაწილში ფართოდაა გავრცელებული.

ქლეკთან მებრძოლ დაწესებულების საუკეთესო ტიპს წარმოადგენს დისპანსერი, რომელიც მკურნალობასთან ერთად აწარმოებს ავადმყოფთა აღრიცხვას, გამოკვლევას და აგიტაციას. ასეთი ტუბ-დისპანსერი 4 გვაქვს.

მშრომელთა გასაჯანსაღებლად ფართოდაა გამოყენებული კლიმატური საკურორტო ადგილები, რომლებიც საქართველო მდიდარია. მშრომელთა განკარგულებაშია ათი სანატორიუმი 1200 საწოლით და რამდენიმე დასასვენებელი სახლი. 1921 წ. ჩვენს სანატორიუმებში (აფხაზეთსა და აჭარისტანს გარდა) გატარდა 1359 ავადმყოფი; 1926 წ. გაცემულია 180.269 მან. აბაზანა, ნახშირ-მევა—6.464, ტალახის—26.002.

დიდი მუშაობაა ჩატარებული კურორტების აღდგენისა და კეთილმოწყობისათვის: დაარსებულია მრავალი ახალი საექიმო დაწესებულება, აგებულია ელსადგურები, მისასვლელი გზები და სხ.

საბჭოთა კავშირის არსებობის ათი წლის თავზე ტფილისში ზემოთ გაიხსენება კურორტოლოგიის და ფიზიატრიის ინსტიტუტი, ბორჯომში — ბალნეო-ფიზიო-ტერაპევტიული ინსტიტუტი, აბასთუმანში საძირკველი ჩაეყრება კანალიზაციასა და წყალსადენს, წყალტუბოში — გლეხის სახლს.

საკურორტო მრეწველობის პროდუქციის მოპოვებისა და რეალიზაციის მხრივ დიდი მიღწევები გვაქვს — მაგ., 1926 წ. დამზადებულია 383.000 ბ. ბორჯ. წყალი, 1925 წ. 3.600.759 ბ., ხოლო 1927 წ. საწარმოო გეგმით განზრახულია 8.000.000 ბ. დამზადება.

ასეთივე მიღწევები გვაქვს ნახშირკანგისა და ბოთლების დამზადების დარგში.

კარგად არის დაყენებული ვენერიზმის წინააღმდეგ ბრძოლის საქმეც. ამჟამად გვაქვს 6 ვენდისპანსერი და რამდენიმე სპეციალური კაბინეტი.

განსაკუთრებით მწვავედ სდგას ჩვენში მალარიისთან ბრძოლის საკითხი. მალარიის გავრცელებას ხელს უწყობს ჩვენი გეოგრაფიული და ეკონომიური პირობები. მალარიიდან დაცულია მხოლოდ ორი რაიონი—სვანეთი და ახალქალაქის მაზრა, რომელთა მოსახლეობა 80.000* სულს უდრის. განსაკუთრებით გავრცელებულია ეს სენი დაბლობ ადგილებში, როგორცაა, ყარაიხის და ალანის ველი, მდ. რიონის და იორის დაბლობები და მთელი შავი ზღვის სანაპირო. თვითეულ 1000 მცხოვრებზე მოდის 137 მალარიით დასნეულებული.

საქართველოში მალარიასთან ბრძოლას ხელმძღვანელობს ცენტრალური სამალარიო კომიტეტი. გვაქვს ორი ტროპიკული ინსტიტუტი და 13 სამალარიო სადგური.

სანიტარულ განათლებას განსაკუთრებული ყურადღება ექცევა. ტფილისში არსებობს სანიტარული განათლების სახლი და სოციალური ჰიგიენის მუზეუმი. ყველა სამაზრო ცენტრებიდან დაარსებულია სანიტარულ-განმანათლებელი გამოფენები, ხოლო სასოფლო ადგილებში ქოხ-სამკითხველოებისათვის დაგზავნილია საგამოფენო მასალები.

შესამჩნევი მუშაობაა ჩატარებული დედისა და ბავშვის დაცვის დარგში. ბავშვათა მკვდოვანობა საქართველოში ყოველთვის დიდი იყო, რაც აიხსნება მოსახლეობის სიღარიბით და უკულტურობით. ძველი რეჟიმის დროს არ არსებობდა ძუძუმწოვარ ბავშვათვის არცერთი კონსულტაცია. ამჟამად გვაქვს 22 კონსულტაცია.

დიდი ყურადღება ექცევა მაზრების უზრუნველყოფას საექიმო პერსონალით. ყველა სამაზრო ცენტრებში გვაქვს საავადმყოფოები სამი ძირითადი განყოფილებით: ქირურგიულით, სამეანო-გინეკოლოგიურით და ტერაპევტიულით. მეფის დროს საქართველოში იყო 38 საავადმყოფო, მენშევიკების დროს 45, ეხლა—83. ამბულატორია იყო—7, ეხლა—143, კბილის საექიმო კაბინეტი 4, ეხლა—57. იზრდება სასოფლო ქსელიც. ამჟამად სოფლებში გვაქვს 333 საექიმო და 87 საფერწლო პუნქტი. საუკეთესოდ დაყენებულია დაზღვეულთა საექიმო დახმარება.

ჩვენს წინაშე სახალხო ჯანმრთელობის დაცვის დარგში გრანდიოზული ამოცანები სდგას. უნდა ვიმედოვნებდეთ, რომ, მომავალში, საწარმოო ძალთა განვითარებისა და სახალხო მეურნეობის აღორძინებასთან დაკავშირებით, უფრო მთლიანად განვახორციელებთ ჩვენს ამოცანებს.

ელექტროფიკაციის თანამედროვე მდგომარეობა და პერსპექტივები საბჭოთა კავშირში*).

ცნობილია ელსადგურების ორი ჯგუფი: 1) საერთო სარგებლობის სადგურები—ელცენტრალები, რომელნიც აწვდიან ენერჯიას ყველა მომხმარებელთ. თუკი შესაძლებელი იქნა უკანასკნელთა შეერთება მათ ქსელთან; 2) სპეციალური დანიშნულების სადგურები, რომელნიც ცალკე საწარმოებს ემსახურებიან. ამათში რაოდენობისა და ძალოვნობის მიხედვით პირველი ადგილი საქარხნო-საფაბრიკო და აგრეთვე მალაროების ელსადგურებს უჭირავთ. ჩრდ. ამერიკის შეერთებულ შტატებში, სადაც ელმომარაგების კონცენტრაცია უკიდურესადაა განვითარებული, ცენტრალურ სადგურთა ძალოვნობა სპეციალური დანიშნულების სადგურების ძალოვნობაზე გაცილებით მეტია. იქ სპეციალურ დანიშნულების სადგურებს კერძო სადგურებს უწოდებენ. გერმანიაში საწინააღმდეგო მოვლენას აქვს ადგილი: კერძო სადგურთა შეერთებული ძალოვნობა გაცილებით სჭარბობს საერთო სარგებლობის ელსადგურთა საერთო ძალოვნობას. 1926 წ. დასასრულს საბჭოთა კავშირში საქარხნო-საფაბრიკო სადგურების ძალოვნობა ყველა ელსადგურთა სუმარულ ძალოვნობის (1.452.000 კილოვატი) 52% შეადგენდა. დანარჩენ ელსადგურებზე 48% მოდიოდა. ომამდე საფაბრიკო-საქარხნო ელსადგურების პროცენტი კიდევ უფრო მაღალი იყო და ელსადგურთა საერთო ძალოვნობის 64% (850.000 კილოვატამდე) შეადგენდა.

საბჭოთა კავშირში ელსადგურების ზემოხსენებულ ორ ჯგუფად დაყოფას არ აქვს ისეთი არსებითი მნიშვნელობა, როგორც სხვა ქვეყნებში და მხოლოდ ელმომარაგების კონცენტრაციის დონის ნაჩვენებელია. მართლაც, საბჭოთა კავშირში ყოველ სადგურს შეუძლია გასცეს ენერჯია მომხმარებელზე, ეს არამც თუნებადართულია, არამედ სავალდებულოც, თუ ეს გეგმიანობის თვალსაზრისით მიზანშეწონილად იქნა აღიარებული. ასე ელექტროფიკაციის გეგმის შედგენის დროს არის შემთხვევები, როდესაც ქალაქის სადგურის აგების ან გაფართოების ნაცვლად უფრო მიზანშეწონილად მიიჩნევა საქარხნო-საფაბრიკო სადგურის გაფართოება, თუ ის შესძლებს უფრო მცირე პირველადი ხარჯის გაწევით უფრო იაფი ენერჯიის გაცემას. ასეთი წესის გამოყენებას განსაკუთრებით მაშინ აქვს ადგილი, როდესაც წარმოებაში შესაძლებელია ელენერჯიისა და სითბოს გამომუშავების კომბინაცია. ამჟამად საბჭოთა კავშირის საქარხნო-საფაბრიკო სადგურ-

*) წერილი დაწერილია საგანგებოთ უფრ. „საქ. ეკონომისტისათვის“. რედ აქცია.

მის უმეტესი ნაწილი ფაქტიურად საერთო სარგებლობის სადგურებს წარმოადგენს და აწვდის ენერჯიას სხვა სამრეწველო საწარმოებს, ქალაქებს და მახლობელ სოფლებს. ამიტომ სადგურების მიკუთვნებას ელცენტრალთა ან საქარხნო საფაბრიკო სადგურების ჯგუფისადმი საბჭოთა კავშირში მხოლოდ პირობითი ხასიათი აქვს.

საერთო სარგებლობის სადგურები თავის მხრივ რაიონულსა და ადგილობრივ სადგურებად იყოფა. რაიონულ სადგურების დამახასიათებელ ნიშანს შეადგენს დიდი ძალოვნობა და ძლიერი მაღალვოლტიანი ქსელი, რაც ელენერჯიით მრავალ მომხმარებელთა უზრუნველყოფის შესაძლებლობას იძლევა; მეორე ნიშანია მსხვილი სამრეწველო დატვირთვა, რომელიც კრმუნალურ დატვირთვას სჭარბობს. საბჭოთა კავშირში რაიონული სადგურები და მათი მაღალვოლტიანი ქსელები საკავშირო კუთვნილებას წარმოადგენენ, ადგილობრივი სადგურები კი ეკუთვნის ცალკე რესპუბლიკებსა და კომუნალურ მეურნეობებს. ოქტომბრის რევოლუციამდე არსებულ სადგურებიდან რაიონულ სადგურებად და მაშასადამე ქალაქებისა და საწარმოთა მფლობელობიდან გამოირიცხულად ითვლება ლენინგრადის, მოსკოვის და ბაქოს ნავთის სარეწაოთა ელსადგურები.

1913 წელში რაიონული სადგურების ჯგუფი ძალოვნობის მიხედვით ყველა ელცენტრალების საერთო ძალოვნობის 51% შეადგენდა. 1926 წ. დასასრულში რაიონულ სადგურების ძალოვნობა საერთო სარგებლობის ელსადგურების ძალოვნობის 56%^{1/4} და საბჭოთა კავშირის ყველა ელსადგურების ძალოვნობის 27%^{0/6} შეადგენდა. მათი მნიშვნელობა ელენერჯიის საერთო გამომუშავებაში კიდევ უფრო მეტია: სახელდობრ 1925/26 საოპერაციო წელში რაიონულ ელსადგურების გამომუშავება საერთო სარგებლობის ელსადგურთა გამომუშავების 73%^{0/6} (1913 წ.—63%^{0/6}) და საბჭოთა კავშირის ელსადგურების გამომუშავების 34^{1/2}%^{0/6} შეადგენდა.

რაიონული სადგურების განვითარება, რომელიც ახალ სამრეწველო მშენებლობის ძირითად ენერგეტიულ ბაზად ითვლება, საბჭოთა მთავრობის განსაკუთრებულ ყურადღების ობიექტს წარმოადგენს. ყოველწლიურად მატულობს ამ მიზნისათვის საბრუნველად წესით გადადებული თანხების რაოდენობა. გარდა სახელმწიფო ბიუჯეტით გათვალისწინებულ თანხებისა, რაიონული სადგურების აგებასა და გაფართოებას ხმარდება აგრეთვე რაიონული სადგურების ყველა დაარსებელსა, საამორტიზაციო ფონდები და სადგურის სასწრაფოდ აგებაში დაინტერესებულ მსხვილ მომხმარებელთა და ადგილების მიერ გადადებული თანხები. უკანასკნელ შემთხვევაში არსდება სააქცოო საზოგადოება საკავშირო ორგანოების მთავარი მონაწილეობით ს.მ.უ.ს.-ის მთავარ ელექტროტექნიკურ სამართველოს სახით.

რაიონული სადგურების აგება ხდება ტენიკის უკანასკნელი სიტყვის მიხედვით. 1926 წლიდან შეკვეთილი იქნა მოწყობილობა ორთქლის მაღალ წნევისათვის (25-30 ატმ. წინანდელი 18 ნაცვლად), გათვალისწინებულია ყველა სადგურებზე ორთქლის მეორედი გათბობის გამოყენება.

ყველა რაიონულ სადგურებზე, რომელთა აგება ან გაფართოება დაწყებულია 1926 წ., გარდა ერთად ერთი სარატოვისა, რომლისთვის შეკვეთი-

ლია 5.000 კილოუატ სიმძლავრის ტურბოგენერატორები, იდგმება 11.000, 22.000 ან 44.000 კილოუატიანი ერთეულები; ამათში პირველი ორი 3.000 ბრუნვით წუთში, უკანასკნელები კი 1.500-ით. 1926 წლამდე შატურისა და კლასონის სახელობის სადგურებზე დადგმული იყო 16.000 კილოუატის ტურბოგენერატორები 3.000 ბრუნვით წუთში. აგრეთვე ლენინგრადის სადგურისათვის მიღებული იყო 30.000 კილოუატის ტურბოგენერატორი. იმავე 1926 წლიდან, როდესაც მოხდა ტურბოგენერატორების ძალოვნობის სტანდარტიზაცია, საბჭოთა ქარხნებსაც გადაეცა შეკვეთები 11.000 კ. ერთეულებზე. 1927 წ. კი საბჭოთა ქარხნებისათვის შეკვეთილ იქნა ორი 22.000 კილოუატიანი ტურბოგენერატორი 3.000 ბრუნვით წუთში. ყველა დანარჩენი ტურბოგენერატორები და მძლავრი ქვაბები შეკვეთილია უცხოეთის ქარხნებისათვის.

რაიონულ სადგურებიდან ელენერგის მოხმარების მსხვილ ცენტრებისათვის გადასცემად გაყავთ ელგადამცემის ხაზები 115.000 ვოლტის ჭინვით, მსხვილ მოხმარებლებზე ენერგის განრიგების მიზნით გამოიყენება 38.000 ვოლტი ჭინვა. უმაღლეს ჭინვისათვის საჭირო მოწყობილობის შეკვეთა უკანასკნელ დრომდე უცხოეთში ხდებოდა, ხოლო 1927 წლიდან ამ მოწყობილობის ნაწილი საბჭოთა კავშირში მზადდება.

38.000 ვოლტი ჭინვისათვის საჭირო ყველა მოწყობილობანი და აგრეთვე ამ ჭინვის კაბელები მზადდება საბჭოთა კავშირში.

ყველა რაიონულ ქსელებში გამოიყენება 50 პერიოდის სამფაზიანი დენი.

მაშინ, როდესაც 1925/26 წ. საბჭოთა კავშირის სახალხო მეურნეობამ მხოლოდ ომამდე არსებულ დონეს მიიღწია, ელმომარაგებამ მძლავრად გადააბიჯა ამ დონეს. ვნახოთ, როგორ ნაწილდება ელენერგია მოხმარებელთა ცალკე ჯგუფებს შორის:

მილიონი კილოუატ-საათი

სახელმწიფო მრეწველობა	2.289
ბინების, ქუჩების და სავაჭრო დაწესებულებათა განათება	312
კომუნალური საწარმოები (ტრამვაი, წყალსადენი)	192
წვრილი მრეწველობა	72
სხვადასხვა ტექნიკური მიზნები	10
რკინისგზების საჭიროება (განათება და სახელოსნოები)	96
ელსადგურთა საკუთარი საჭიროებანი	88
დანაკარგი ქსელებსა და ელგადამცემებში	189

3.248

თუ კი საერთო სარგებლობის ელსადგურთა გამოწევაებას და აგრეთვე სპეციალურ დანიშნულების სადგურებიდან მათ მიერ შექმნილ ენერგიას ქსელების დანაკარგისა და საკუთარ საჭიროების ხარჯის გამოკლებით, ოფიციალურ სტატისტიკის მიხედვით მოთხოვნილების სამ ძირითად ჯგუფად დავანაწილებთ, შემდეგ ციფრებს მივიღებთ 1913 წ., 1924/25 წ. და 1925/26 წ. %-ში.

	1913	1924/25	1925/26
გათენება	28,29 ⁰ / ₀	26,3 ⁰ / ₀	24,3 ⁰ / ₀
ტენიკური მიზნები	37,9	59,9	64,1
ტრამეია	33,9	13,8	11,6
	100 ⁰ / ₀	100 ⁰ / ₀	100 ⁰ / ₀
გამომუშავება მილიონ			
კილოუატ-საათებში 690	1132	1435	
⁰ / ₀ ⁰ / ₀	100	164	210
⁰ / ₀ ⁰ / ₀		100	126

ეს ციფრები იმის მაჩვენებელია, რომ საერთო სარგებლობის ელსადგურებმა ძლიერ გააძლიერეს ელენერჯის გამომუშავება ტენიკურ მიზნებისათვის. ამ ჟამად ცენტრალურ ელსადგურთა დატვირთვის მიმართება მთავარ მომხმარებელთათვის პროცენტულად ახლოა იმ გამაწილებასთან, როჰელიც ჩრდილოეთ ამერიკის შეერთებულ შტატებში არსებობს, სადაც ელმომარაგების კონცენტრაციის ღონე მეტად მაღალია. 1913 წ. და 1925/26 წ. ცნობების შედარებიდან ვხედავთ, რომ რეგულიაციის პერიოდში ძლიერ ღრმა ცვლილებებს ჰქონდა ადგილი.

ქვემოთ მოგვყავს ცნობები ელენერჯის სულობრივ მოხმარების შესახებ კილოუატ-საათებში რამდენიმე მსხვილ ქალაქში მომხმარებელთა იმავე ძირითად ჯგუფებად დაყოფით (ცხ. იხ. 143 გვ.)

მოყვანილი ცნობები გვიჩვენებენ, რომ ენერჯის მოხმარება მოსახლეობის კულტურულ მიზნებისათვის თანდათან იზრდებოდა. ეს მოვლენა საბჭოთა კავშირის ყველა რაიონების დამახასიათებელია. რეგულიაციამდე ელექტრონით მხოლოდ მოსახლეობის შეძლებული ნაწილი სარგებლობდა. რეგულიაციის დროს საშინელ რღვევის პერიოდშიც კი, როდესაც ელსადგურები სათბობის უქონლობის გამო ძლიერ აზარტულად მუშაობდნენ, დიდი მუშაობა სწარმოებდა ელენერჯის გასაერცელებლად განაპირა რაიონებში და მუშათა უბნებში.

განათების ქსელის გავრცელება ელენერჯის დიდი ზრდის ერთ-ერთ მიზეზად უნდა ჩაითვალოს, მაგრამ რამდენადაც დადი არ უნდა იყოს განათების დატვირთვა, ის მაინც სადგურის ტენიკურ მიზნებისათვის დატვირთვაზე გაცილებით ნაკლებია.

ცენტრალურ სადგურებზე გამომუშავებულ ენერჯის მოხმარების გაზრდის მეორე მიზეზია მრეწველობის მიერ საკუთარ სადგურებზე ენერჯის გამომუშავების შეკვეცა და რაიონულ ქსელიდან ენერჯის მიღება. ამას ხელი შეუწყო მრეწველობის ნაციონალიზაციამ და გეგმიანობის შეტანამ მსხვილ ელექტრიფიკაციაში. ის გარემოება, რომ ახალი რაიონული სადგურები მოსკოვსა და ლენინგრადში მუშაობდნენ ადგილობრივ სადგურზე და რომ მთელი კავშირი სათბობის დიდ კრიზისს განიცდიდა აღდგენითი პერიოდშიც კი, რის გამო საჭირო გახდა ნავთისა და მალახარისხოვან ნახშირის მოხმარების ხელოვნურად შეკვეცა, ხელს უწყობდა რაიონულ სადგურების კლიენტურის გაზრდას საქარხნო საფაბრიკო სადგურების ხარჯზე. ეს პროცესი უფრო ინტენსიური იქნებოდა, რომ მოსკოვსა და ლენინგრადში ელსადგურების გაფართოება საკმაო ინტენსიური

ქილაქები	წლები	ბინის და ქუ- ჩის განათება	ტრაფიკი	მოსახლეობის საქართველოში	პროცენტები	ს უ ლ
მოსკოვი	1913 ¹⁾	15	37,7	52,7	30,4	83,1
	1916	21,6	33,6	54,6	51,6	106,2
	1924/25	47,6	28,2	75,3	84,2	160,0
	1925/26	54,7	33,2	87,9	112,1	200,0
ლენინგრადი	1913 ²⁾	15,1	16,7	31,8	28,4	60,2
	1916	—	—	—	—	—
	1924/25	36,3	22,2	58,5	65,1	123,6
	1925/26	36,5	27,4	63,9	84,6	148,5
ხარკოვი	1912	5,6/1,6	11,0	18,2	0,9	19,1
	1924/25	17,8/3,3	14,3	35,4	20,1	55,5
	1925/26	22,2/2,8	12,9	37,9	22,7	60,6
კოსტრომა	1914	4,1/1,9	—	6,0	1,5	7,5
	1924/25	9,1/0,2	—	9,3	3,0	12,3
	1925/26	10,9/0,7	—	11,6	3,3	14,9
ოდესა	1913	4,5/0,6	0,4	5,5	1,4	6,9
	1924/25	12,5/0,8	15,1	28,4	17,6	46,0
	1925/26	13,7/0,9	18,2	32,8	28,8	51,6
სიმფეროპოლი	1914	5,2/0,3	4,9	10,4	0,7	11,1
	1924/25	7,9/0,9	10,0	18,8	0,2	19,0
	1925/26	9,2/0,9	10,8	20,9	0,9	21,8

ტემპით წასულიყო. უკანასკნელი წლების განმავლობაში საჭირო შეიქმნა მომხმარებლების რაიონულ ქსელებთან შეერთების ხელოვნური ზომებით შემცირება და მხოლოდ ორი წლის შემდეგ რაიონულ სადგურების ძალოვნობა შეფარდებული იქნება მოთხოვნილებასთან.

თუ კი ჩვენს მიერ აღნიშნულ მოვლენით შეიძლება რაიონულ სადგურების როლის გაძლიერება ელმომარაგების საერთო სისტემაში, ეს თითქოს

1) 1913 წ. მოსკოვის მოსახლეობა მიღებულია 1.700.000 სულის რაოდენად.

2) ლენინგრადისათვის 2.100.000 სული.

ენინალმდებებმა იმ ფაქტს, რომ თვით საქარხნო-საფაბრიკო სადგურებმა უფრო მეტი ენერგია გამოიმუშავეს, ვიდრე ომამდე იმუშაებდნენ, მიუხედავად იმისა, რომ მრეწველობამ მხოლოდ 1913 წ. ღონეს მიაღწია.

აქ უკვე მოხანს ის მოვლენა, რომლითაც ხასიათდება მრეწველობის განვითარება საბჭოთა კავშირში: ადგილი აქვს ჩვენში არა მხოლოდ მრეწველობის აღდგენას რევოლიუციის წინადროინდელ მასშტაბით, არამედ ხდება მისი რეკონსტრუქცია. გაბედულად შეგვიძლია ვსთქვათ, რომ საბჭოთა მრეწველობამ წარმოების ომის წინადროინდელ საზომს მიაღწია უფრო მაღალ საფეხურზე, ვიდრე 1913 წ., რის მაჩვენებელია ელენერგიის მოხმარების ძლიერი ზრდა. კერძოდ, ბაქოს ნავთის მრეწველობა ელექტრიფიკაციაზე გადაყვანილი, რაც მიღწეულია უკანასკნელ დროს ნავთის ამოღების უფრო რაციონალური წესების შემოღებასთან ერთად.

მრეწველობის მიერ ელენერგიის მოხმარების ანალიზი, მოხდენილი 1925-26 წ. ცნობების მიხედვით, გვიჩვენებს, რომ ამ წელს წარმოებისათვის საჭირო ენერგიის 55,5% ან ძალოვნობის 51,5% ვიღებდით ელექტრონის ფორმით და დანარჩენი ენერგიის 44,5% ან ძალოვნობის 48,5% კი უშუალოდ მექანიური ძრავების საშუალებით. რევოლიუციის წინადროის სტატისტიკური ცნობების სიღარიბე ნებას არ გვაძლევს მოვახდინოთ შედარება, მაგრამ ცალკე საწარმოებებში შეიძლება დავარწმუნდეთ, რომ ამ ყამად მრეწველობაში უფრო მეტად არის გამოყენებული მექანიზაცია და ელექტრიფიკაცია, ვიდრე რევოლუციამდე.

ამრიგად საბჭოთა კავშირში ელენერგიის მოხმარების დიდი ზრდა შემდეგი მიზეზებითაა გამოწვეული: 1. ელგანათების დემოკრატიზაციით, 2. მექანიზაციის ზრდით, 3. ელექტრიფიკაციის გადიდებით მრეწველობის აღდგენის დროს.

ელენერგიის გამოიმუშავების კონცენტრაციამ, ელმომარაგების დარგში გეგმიანმა მუშურნობამ და ელენერგიის გამოიმუშავებაზე დიდი მოგების უარყოფამ მიგვიყვანეს იმ მდგომარეობამდე, რომ, როგორც ამას ქვემო მოყვანილ ციფრებიდან დავინახავთ, ამჟამად ელენერგიის ფასი გაცილებით დაბალია ომის წინადროინდელ ფასზე, თუ კი მხედველობაში მივიღებთ, რომ ყველა დანარჩენ საქონლისათვის ინდექსი არ არის 1,5-ზე ნაკლები.

საშუალო ტარიფი კილოვატ-საათზე კაპიკებში:

	1914 წ.	1925/26 წ.
მოსკოვი	9,4	8,6
საშუალო საბჭოთა კავშირის 12 პროვინცია-		
ლურ ქალაქში	16,7	17,0

რასაკვირველია, ელენერგიის შედარებითი სიახვე თავის მხრივ ხელს უწყობს მოხმარების გაფართოებას.

როგორც ქვევით დავინახავთ, ამჟამად დიდი ძალოვნობის სადგურები შენდება და ეს შედეგი მიღებულია განსაკუთრებით „გოელრო“-ს A გეგმის შესრულების ხარჯზე და მხოლოდ მცირე ნაწილში პროგრამის B ნაწილის ხარჯზე.¹⁾

¹⁾ 1920 წ. ლენინის ინიციატივით შექმნილ იქნა კომისია რუსეთის ელექტრიფიკაციის გეგმის დასაბუშავებლად (Госплан) საბჭოთა კავშირის საეგმო კომისიის ეხლანდელ თავმჯდომარის

რასაკვირველია, სახალხო მეურნეობისათვის გაცილებით მეტი მნიშვნელობა ექნება პროგრამის მთელი ნაწილის შესრულებას, რაც უნდა მოხდეს 1932 წელს ამ წლისათვის განხრახულია მრეწველობის პროდუქციის ორჯერ გადიდება 1925/26 წელთან შედარებით. და სწორედ მრეწველობის ამ საფეხურისათვის შეფარდებულია ელექტრომშენებლობის პროგრამა. იმ შემთხვევაში თუ ადგილი ექნა ისეთ გარემოებებს, როგორც შეაფერხებენ ან, წინააღმდეგ, დააჩქარებენ მრეწველობის განვითარებას. ელექტრიფიკაციის დარგში ხუთწლიანი გეგმის შესრულებაც ან დაშორდება ან დაუახლოვდება 1932 წლისათვის ნაგარაუდვე მშენებლობას. თუმცა, დაახლოვებაც პრაქტიკულად მხოლოდ ერთი წლით თუ არის შესაძლებელი, ვინაიდან ჰიდროელსადგურების აგებისა და ტორფის ქაობების მომზადებისთვის მრავალი წელია საჭირო. შედარებისათვის მოგვყავს ელმოზარაგების ბალანსი 1925/26 და 1931/32 წლებისათვის:

1925/26 წ.

წლის განმავლობაში გამოშვებული კილოვატ-საათები მილიონებში	%	წლის განმავლობაში დახარჯული კილ.-საათები მილიონებში	%
რაიონულ სადგურების მიერ . . . 1121	33,3	მსხვ. მრეწველობის მიერ . 2400	74
ადგილობრივი სადგურების მიერ (რკინისგზის სადგურების ჩართვით) . 427	13	მოსახლეობის და წვრილ მრეწველობის მიერ . . . 818	26
საკარხნო-საფაბრ. სადგურებზე . 1700	52,5		
ს უ ლ . . . 3248	100	3248	100

მარის ინჟ. გ. კუკუაძისთვის თავჯდომარეობით. ამ კომისიის მიერ 200-მდე ცნობილ მეცნიერის მონაწილეობით დაუშვებელი გეგმა დამტკიცებულ იქნა 1921 წ. ის სახალხო მეურნეობის პირველი გენერალური გეგმა იყო. რომელიც ითვალისწინებდა მის განვითარებას 10-15 წლ. ფარგლებში (ზუსტი ვადა არ იყო დანიშნული). ელექტროფიკაცია მათი რაციონალიზაციისა და გაერთიანების საშუალებით—ეს პროგრამა ამჟამად უკვე შესრულებულია, და პროგრამა ს—საბჭოთა კავშირის სხვადასხვა ადგილას მსოფსვილის რაიონულ ელსადგურის აგება 1.500.000 კილოვატი საერთო ძალეობით, იმ რაიონულ სადგურების ზევით, რომელნიც მაშინ უკვე არსებობდა და რომელთა ძალეობა 235.000 კილოვატს უდრიდა. გარდა ამისა გეგმა ითვალისწინებდა აგრეთვე რამდენიმე რკინისგზის ხაზის ელექტროფიკაციას. გეგმა შეიცავდა მთელ საბჭოთა კავშირის ამიერკავკასიისა და შორეულ აღმოსავლეთის გამოკლებით. ამჟამად 10ათი-ს გეგმის ს ნაწილის თანაბარფასიან სადგურებად ითვლება—ხემოაქალის, ქუთაისის, ძორაგეთის და ახიძრო. ცენტრალი (უკანასკნელი პროექტში).

სამწელ განადგურებისა და რღვევის ხანაში „10ათი“-ს გეგმის შესრულება ბევრს შორეულ უნიადაგო ოცნებად ეჩვენებოდა, მაგრამ ის ამჟამად საკმაოდ ჩქარი ტემპით ხორციელდება.

1931/32 წ.

რაიონულ სადგურებზე	5200	52%	მსხვილ მრეწვ. მიერ	7700	77%
ადგილობრივ სადგურებზე	1250	12,5	მოსახლეობისა და წვრილ მრეწველ. მიერ	2000	20%
საქარხნო-საფაბრ. სადგურებზე	3550	35,5	რკინისგზის ელსადგურების მიერ	300	3%
ს უ ლ	10000	100		10000	100

ამ ბალანსების შედარება გვიჩვენებს ძირითად ცვლილებას ელმომარაგების სისტემაში „ГОЭЛПО“-ს გეგმის შესრულების საფუძველზე ცენტრალიზაცია ქმნილ ელმომარაგების როლის გაზრდის მნიშვნელობით.

ღრმა ცვლილებას ექნება ადგილი მრეწველობისათვის ელმომარაგების დარგში 1931/32 წ. ნაცვლად ეხლანდელი 55,5%-სა მრეწველობის 74,5% გაატყუანა იქნება ელექტროფიკაციაზე და ენერჯის 61%, ნაცვლად ეხლანდელი 29%-ისა, მიიღებს რაიონულ ქსელებიდან.

დაახლოებით ელექტროენერჯის კონცენტრაციის ის საფუძვრი იქნება მიღებული, რომელიც ამჟამად ჩრდ. ამერ. შეერთებულ შტატებში არსებობს, თუმცა, რასაკვირველია, აბსოლუტურ რაოდენობის მხრივ საბჭოთა კავშირი მაშინაც ძლიერ ჩამორჩენილ იქნება ამერიკასთან შედარებით. შემდეგი ხუთწლიელების ამოცანას შეადგენს „ГОЭЛПО“-ს გეგმის შესრულებით შექმნილ საბჭოთა კავშირის ელმომარაგების რაციონალურ სისტემის დაცვის საფუძველზე, ენერჯის შედარებითი და აბსოლუტური მოხმარების გადიდება. საკმარისია აღვნიშნოთ, რომ ხუთწლიედი ჯერ კიდევ არ შეიცავს საბჭოთა ელექტროქიმიისა და ელექტრომეტალურჯის განვითარებას, რომლის ჰირველი მსხვილი ცენტრი დნებრის ჰიდროელსადგური იქნება.

„ГОЭЛПО“-ს გეგმის ნაცვლად ამჟამად მუშავდება ახალი გენერალური გეგმა, რომელიც ელენერჯის გამომუშავებას იოვალისწინებს 1941 წლამდე აბსოლუტურად და შედარებით შემდეგ რიცხვებში:

	1926-27	1931-32	1936-37	1941-42
ჯველა ელსადგურთა ძალეონობა ათას კილოუატებში	1440	3.600	6000	10.000
გამომუშავება მილიონ კილოუატებში	4.100	10.000	18.000	30.000
კილოუატ-საათი მოსახლეობის სულზე	22	63	102	156

ჩვენ ვხედავთ, რომ გენერალური გეგმის პერსპექტივისათვის რეკოლიუციის წინაღობინდელი რიცხვები სავსებით არასრულყოფილ ციფრებს წარმოადგენს შედარებისათვის. საბჭოთა ხელისუფლების შემდგომ მიღწევათა შესაფასებლად აღებული უნდა იქნეს 1926 წლის ციფრები, როდესაც საბჭოთა კავშირის მრეწველობამ ომის წინაღობინდელ მდგომარეობას მიიღწია ახალ ტენზიკური და ეკონომიური თვალსაზრისით უფრო მაღალ საფეხურზე.

(გავრძელება იქნება).

საბჭოთა კავშირის ეკონომიკის ხასიათი და მისი მიღწევები ოქტომბრის რევოლუციის 10 წლის თავზე.

1. საბჭოთა ეკონომიკის ზოგადი თეორიული ანალიზის ცდა.

საბჭოთა ეკონომიკა, რასაც ჩვეულებრივ გარდამავალ ტიპის ეკონომიკას უწოდებენ. წარმოადგენს საქონლის — კაპიტალისტური ეკონომიკის სოციალიზმში გადასვლის გარკვეულ საფეხურს. იგი გარდამავალი საფეხურია, რომელშიაც ჯერ კიდევ დალექილია მემკვიდრეობით მიღებულ კაპიტალისტური მეურნეობის ელემენტები; მაგრამ ამავე დროს მოცემულია მომავალი სამეურნეო ფორმაციის ნიშნებიც.

გარდამავალი პერიოდის ასეთი ზოგადი განმარტება ოდნავათაც ვერ დააკმაყოფილებს ჩვენს შკითხვლებს. დღეს ყველას აინტერესებს გაიგოს თუ რა გვარ დამახასიათებელ თვისებებს იჩენს გარდამავალი პერიოდის ეკონომიკა: საიდან. საით და განვითარების რა და რა საფეხურები უნდა გაიაროს მან. ამ კითხვებს უკვე აღარ აქვს მარტო თეორიული ღირებულება. არამედ მათ დიდი აქტუალურ-პრაქტიკული მნიშვნელობაც ენიჭება.

ამ კითხვებში საჭირო გარკვეულობის შეტანა ერთი ძირითადი პირობაა; რომ ჩვენი ორიენტაცია ყოველ ცალკე შემთხვევაში შეუმცდარი გამოდგეს.

მაგრამ რა გვარი მეთოდით უნდა შევისწავლოთ ეს ჩვენი ეკონომიკა, რომ მისი დახმარებით სწორი სამოქმედო ხაზი ავირჩიოთ.

ერთადერთ სწორ მეთოდს, რომელსაც შეუძლია დაგვეხმაროს ჩვენი ეპოქის უაღრესად რთული სინამდვილის გაგებაში. წარმოადგენს მარქსისტული მეთოდი. ვერც ერთი სხვა მეთოდი ამ მხრივ დახმარებას ვერ გავგიწევს, რადგან ყოველი ეპოქის ძირითადი შინაარსის გათვალისწინება და შესწავლა მარქსისტული აზროვნებით შეიძლება.

სახოგადოებრივ მოვლენათა შესწავლის პროცესში მარქსისტი ყოველთვის ცდილობს აღმოაჩინოს ამ მოვლენათა შორის არსებული კანონზომიერება. ერთგვარი კანონზომიერება დამყარდა ჩვენშიაც ორ პრინციპიალურად განსხვავებულ სამეურნეო ფორმაციის თანარსებობის პროცესში. ასეთ პირობებში. როცა ჯერ კიდევ. როგორც მარქსი იტყოდა, ფორმა და შინაარსი ერთი მეორეს არ

ეთანხმებიან. შეუძლებელია დაეკმაყოფილდეთ მარტო სამეურნეო ფორმით აღწერით. ასეთი აღწერა ვერ მოგვცემს წარმოდგენას გარდამავალი პერიოდის ნამდვილი შინაარსის შესახებაც.

ამავე მარტისტული მეთოდით უნდა მიუღდეთ გარდამავალი პერიოდის ეკონომიკის შესწავლასაც. რომელშიაც წარმოიშვა ამ ეპოქის დამახასიათებელი გარკვეული შინაარსის კანონზომიერებანი.

რადგან მომავალი გზების დასახვა უნდა გამომდინარეობდეს არსებული სინამდვილის სწორად გაგებიდან, ამიტომ ჩვენი ამოცანაც სწორედ ამ პერიოდის მეურნეობის სოციალ-ეკონომიური ბუნების გარკვევაში გამოიხატება.

მაგრამ ჩვენი ეკონომიკის შინაარსის გასაგებად რაღია საკმაო მარტო სტატისტიკური ციფრები, ჩვენი სამეურნეო განვითარების რაოდენობის მაჩვენებელი ცნობები. მართალია, ეკონომიკის შესასწავლად ციფრებს დიდი მნიშვნელობა ეძლევა. მაგრამ მარტო ეს მინც არაა საკმაო. ციფრები რაოდენობითი ანალიზის ელემენტებია. რომელითაც ყოველთვის და ყოველგან შეუძლებელია გამოირკვეს ჩვენი მეურნეობის ხასიათი. ამისათვის საჭიროა სპეციალური ხარისხობრივი ანალიზი მოვხდინოთ იმ ფაქტების. რომლებიც დაფუძნებული არიან ციფრებზე. ასეთი ანალიზი ხშირად უფრო მეტს ამბობს. ვიდრე მთელი წყება ციფრებით გატენილი ცხრილებისა. მეორე მხრივ ხარისხობრივი ანალიზი იმითაცაა მნიშვნელოვანი. რომ მისი საშუალებით გვიადვილებდა ჩვენი სამეურნეო განვითარებაში ჩასახული ტენდენციების გაგება და იმ კანონთა აღმოჩენა, რომელთა მიხედვითაც მიმდინარეობს ჩვენი სამეურნეო პროცესები.

სოციალიზმი. უპირველეს ყოვლისა. აღრიცხვას წარმოადგენს. სწრაფად და ჩვენი მეურნეობის გეგმიანი ხელმძღვანელობაც წარმოუდგენელია სამეურნეო პროცესთა სტატისტიკური აღრიცხვის გარეშე: რომ სტატისტიკური მასალების დაგროვება და მისგან საჭირო დასკვნების გამოყვანა მეტის სარგებლიანობით სწარმოებდეს, საჭიროა უკვე დაგროვილ ცნობებით ჩვენი მეურნეობის ერთგვარი თეორიულ-ეკონომიური ანალიზი მოვხდინოთ: ეს კი თავის მხრივ ხელს შეუწყობს სტატისტიკური მასალების დაგროვებასა და დამუშავებას იმ წესით, რაც ჩვენი მეურნეობის გეგმიან ხელმძღვანელობას გაადვილებს.

ჩვენი მეურნეობის თეორიული ათვისება იმ მოსახრებითაცაა ნაკარნახევი. რომ რაც დრო გადის, ჩვენს გეგმიან ხელმძღვანელობის რეალში ექცევა სახალხო მეურნეობის ახალ-ახალი ელემენტები, რომელთა მოთავსება გეგმიანობის ჩარჩოში უკეთ შესაძლებელი გახდება, რამდენად ნათლად გვექნება წარმოდგენილი ჩვენი სამეურნეო პროცესთა მექანიზმი: ამ მექანიზმის ხასიათის გაგება კი საშუალებას მოგვცემს იგი ჩვენი ზემოქმედების გავლენის ქვეშ მოვაქციოთ და მით ეგვიან ხელმძღვანელობის არე საბოლოოთ გადავართვიოთ.

იმისათვის, რომ რამდენიმეთ გავერკვიოთ საბჭოთა სინამდვილის რთულ დინამიკაში, საჭიროა ჩვენი კვლევა-ძიება დავიწყოთ იქიდან: თუ ჩა ხასიათისაა ჩვენი მეურნეობა, რით განსხვავდება იგი წმინდა სახის კაპიტალისტური ან დაწმინდა სახის სოციალისტური მეურნეობიდან და როგორია ის კანონზომიერებანი, რომლებიც ხელმძღვანელობენ საბჭოთა ეკონომიკის განვითარებას.

თავისთავად გარდამავალ პერიოდის ეკონომიკის შესწავლა ერთ-ერთ უძველეს თეორიულ საკითხს წარმოადგენს. ამხ. ნ. ბუხარინი ამ საკითხის შესახებ გასულ წელს „პრავდაში“ შემდეგს სწერდა: „გარდამავალი პერიოდის ანალიზის განსაკუთრებული სიძნელე ტანთსამოსთა სიჭრელეში გამოიხატება; განსაკუთრებით თუ ჩვენს წინაშე მდებარე ქვეყნის ეკონომიური ორგანიზმი უაღრესად სხვადასხვა სამეურნეო ფორმებისაგან შეესდგება. პროლეტარიატის მიერ ძალა-უფლების დაპყრობა და „ექსპროპრიატორთა ექსპროპრიაცია“ არის იმის წინამძღვარი, რომ დაიწყოს საზოგადოებრივ კანონთა კანის გაცლის პროცესი. ამ პროცესის ბაზას სახელმწიფო მეურნეობის ზრდა და მისი გავლენის გაძლიერება წარმოადგენს. ეს ზრდა მიმდინარეობს უაღრესათ რთულს და ხშირად ერთი მეორეს საწინააღმდეგო ფორმებში“¹⁾.

იგივე ავტორი გარდამავალ პერიოდის შესახებ დაწერილ შრომაში ამავე პერიოდის ეკონომიკაზე შემდეგს სწერს: „პირველ სერიოზულ ცდის შემთხვევაშიაც კი როცა მართლა აქვს თეორიულად შეიწოხის მეთად დაუდგოქელ კონკრეტულობა, რომელსაც ჩვენ გარდამავალ პერიოდის ეკონომიკას უწოდებთ. ჩვენ ვეჯახებით იმ დაბრკოლებას, რომ თეორიული ეკონომიის ძველი ცნებები ფიქსლავ უარს გვეუბნებიან ექსპლუატორს. ჩვენ ვჩვენებით მეთად საყურადღებო დაბრკოლებას. პოლიტიკური ეკონომიის ძველი ფორმები ისევ რჩებიან განუწყვეტელ ცვალებადობაში მყოფ ცოცხალ ეკონომიურ სინამდვილის პრაქტიკულ განზოგადოების ფორმად. ამავე დროს ეს კატეგორიები არავითარ საშუალებას არ იძლევიან შევიკრათ „მოვლენის ზედაპირის“ მიღმა. ე. ი. გავსცდეთ ვულგარულ აზროვნებას და შევიცნოთ სამეურნეო ცხოვრების პროცესი მთლიანად და მის განვითარებაში“²⁾.

1925 წ. კომუნისტურ აკადემიაში ამხ. სტებანოვ-სკვორცოვის მიერ წაკითხულ მოხსენების ირგვლივ გამართულ კამათში იმავე ამხ. ბუხარინმა გარდამავალი პერიოდის შესწავლის სიძნელის შესახებ შემდეგი სთქვა: „კაპიტალისტური კატეგორიები ჯერ კიდევ არ იცლიან თავის საკუთარ კანს. აქ არაა მარტო ფორმალური მხარე აქ ორი მხარეა: ერთი, ფორმალური, ერთგვარ მოვლენათა მიმართ და არაა ფორმალური მეორე გვარ მოვლენათა მიმართ და ისინი გადაჯაჭვული არიან ერთი მეორესთან სხვადასხვა გვარად... როცა მუშა მუშაობს სახელმწიფო მრეწველობაში ან კერძო მრეწველობაში ჩვენ ვლაპარაკობთ: მოგება იქაცაა და აქაც. ჩვენ ჯერ კიდევ ვერ შევიმუშავეთ სათანადო გამოთქმები და ეს ქმნის უდიდეს სიძნელეს როგორც პრაქტიკულ, ისე თეორიულ ხასიათისას“³⁾.

როგორც ამ ამჩანაწერებიდან სჩანს, გარდამავალი პერიოდის ეკონომიკის თეორიული შეცნობა განსაკუთრებულ სიძნელეს წარმოადგენს. რადგან ძველი ცნებები, სხვა გვარი სოციალური შინაარსის მქონე, ვერ გამოხატავს უნაკლოდ იმ ახალ ურთიერთობას, რომელიც წარმოიშვა საბჭოთა ეკონომიკის ნიადაგზე.

გარდამავალი ეკონომიკის სირთულე მკვლევარისაგან მოითხოვს, თუ კი მას სურს სწორად და მთელი თავისი სირთულით შეიცნოს იგი, განსაკუთრებულ

1) იხ. „Правда“ 26 წ. № 148.

2) იხ. ნ. ბუხარინი, „Экономия переходного периода“ 1920 წ. გვ. 124—5.

3) იხ. „Вестник Комкадемии“ № 11 გვ. 297—8.

მახვილ დაკვირვების უნარს ერთის მხრივ; მეორე მხრივ კი საჭიროა მკვლევარი არ იყოს მოკლებული ფართო განზოგადოების თვისებასაც, რათა ზედმიწევნით სრულიად ჩაწედეს ერთი მეორის საწინააღმდეგო სამეურნეო პროცესთა შინაარსს და აქედან აღმოაჩინოს გარკვეული ტიპიური კანონზომიერებანი. რადგან საკვლევი ობიექტი მეტის-მეტად რთულია და ჩვენ მიერ აღნიშნული საჭირო თვისებები საკმაო რაოდენობით ბევრს არ აღმოაჩნდა, ამიტომ საბჭოთა ეკონომიკის თეორიული შეცნობა ჯერ კიდევ თავის მკვლევარის მოლოდინში იმყოფება.

მაგრამ გარდა ჩვენ მიერ აღნიშნულ, ასე ვთქვათ, „სუბიექტიურ მიზეზებისა“ არსებობს აგრეთვე წმინდა ობიექტიური ხასიათის მიზეზებიც, რომელთა დაძლევა უძარსად ნიჭიერ მკვლევარსაც კი არ ძალუძს. ამ გვარი ობიექტური მიზეზები მრავლადაა ჩამარხული თვით გარდამავალ პერიოდში, რომელიც ბევრად აძნელებს მის სწორად შეცნობას. ერთი უმთავრესი ობიექტიური მიზეზი გარდამავალი პერიოდის ანალიზის სირთულისა იმაში მდგომარეობს, რომ გარდამავალი ეკონომიკა, როგორც ჯერ კიდევ გარდამავალი ხასიათის ფორმაცია, არ იძლევა საშუალებას სწორად გავარკვეოთ: ესა თუ ის მოვლენა „შემთხვევითი“ მიზეზითაა გამოწვეული თუ აღებულ სამეურნეო ფორმაციის „ბუნებრივ“ პირობებიდან გამომდინარეობს. და როგორც ყოველი დაუსრულებელი სხეულის შესწავლა დიდ სიძნელეს წარმოადგენს, რადგან მისი დამახასიათებელი თვისებებიდან ერთი ნაწილი შეიძლება არც კი სჩანდეს, ხოლო მეორე ნაწილს ჯერ კიდევ არ გავშალოს საესებით თავისი სახე, ისე გარდამავალ პერიოდის სწორად შეცნობაც ძნელია, ვინაიდან არაა მოცემული სრულად მისი სპეციფიური თვისებები; ასეთ პირობებში, რა გინდ ფრთხილი და დაკვირვებელი შესწავლა არ მოვახდინოთ უკვე მოცემულ თვისებათა, მინც მომავლის ტენდენციებს სწორად ვერ დავსახავთ.

ამ ერთგვარი შესავლის შემდეგუნდა შეუდგეთ გარდამავალი პერიოდის ეკონომიკის შესწავლას.

მიუხედავით იმისა, რომ კაპიტალიზმმა თავისი განვითარების უკანასკნელ პერიოდში მეტოქეობის პრინციპი ნაწილობრივ მონოპოლიის პრინციპით შესცვალა და ამ ნიადაგზე თავის სახელმწიფოს შიგნით ერთგვარ მოწესრიგებას მიაღწია, იდეალურად მოწესრიგებული კაპიტალიზმი ჯერჯერობით არსად არ წარმოშობილა და არც წარმოიშვება. და ყველგან, სადაც მუშათა კლასი თავის პოლიტიკურ ბატონობას დაამყარებს, ის მემკვიდრეობით მიიღებს როგორც გეგმით, ისე სტიქიური ხასიათის მეურნეობას. რუსეთშიაც რევოლუციამდე, ისე როგორც ყოველგან, კაპიტალიზმმა შესძლო წარმოეშვა ერთგვარი მოწესრიგებული ორგანოები. მაგრამ მათ გვერდით ჯერ კიდევ საკმაო ძალით განაგრძობდნენ არსებობას სტიქიური რეგულიაციის ელემენტებიც.

საბჭოთა კავშირში მუშათა კლასის მიერ ძალა-უფლების დაპყრობის შემდეგ მისი ეკონომიური პოლიტიკის ტრანსფორმაციული მოღვაწეობა გაიშალა იმ საბაზრო ფორმის საწარმოო ურთიერთობათა პირობებში, რომელიც ახალ წყობილებას მემკვიდრეობით გადმოეცა ძველისაგან.

პროლეტარიატის დიქტატურის პირობებში, როცა უფლება მოსილი პროლეტარიატის უმთავრეს ამოცანას გეგმიან მეურნეობის დამკვიდრება წარმოადგენს, სამეურნეო ღონისძიებანი სწორედ იმ მიმართულებით იქნება გამოყენებული, რომ წინა სამეურნეო ფორმაციიდან მემკვიდრეობით მიღებულ ორ რეგულიატორიდან — გეგმითი და სტიქიური — უკანასკნელის სისტემატიური შესუსტებით გაძლიერდეს პირველი.

მაგრამ ნათქვამით შეუძლებელია დავკმაყოფილდეთ, მით უმეტეს, რომ ამგვარ გამოთქმამ ჩვენში უკვე ტრაფარეტული ხასიათი მიიღო.

საჭიროა ერთგვარი დაწვრილებითი ანალიზი მოვასდინოთ თუ როგორ და რა პირობებში განაგრძობს თანამშრომლობას ეს ორი რეგულიატორი გარდამავალი პერიოდის ეკონომიკაში. რა ხასიათისაა ეს თანამშრომლობა და რაგვარი კანონზომიერებით განისაზღვრება იგი.

როგორც ავღნიშნეთ, გარდამავალი პერიოდის საწარმოო ურთიერთობაში მემკვიდრეობაში შემოდის როგორც სტიქი. ისე გეგმიანი ხელმძღვანელობის ელემენტები და დიდი ხნით განაგრძობენ პარალელურ საქმიანობას. მართალია, გამარჯვებულ პროლეტარიატის სამეურნეო საქმიანობის ლოგიურ ტენდენციას სტიქიური ელემენტების თანდათან შესუსტება წარმოადგენს. მაგრამ რამდენადაც ეს ჯერჯერობით მხოლოდ ტენდენციაა, იმდენად იგი ერთი ხელის დარტყმით არ ხორციელდება. ამის გამო, გარდამავალ პერიოდში ჩვენ საქმე გვაქვს ორ დამეტრალურად მოწინააღმდეგე პრინციპის ურთიერთ-თანამშრომლობასთან. რომელიც აშკარა ბრძოლის ნიშნის ქვეშ მიმდინარეობს. აქ ჩვენ ვხვდებით აგრეთვე ამ ორ პრინციპთა ერთგვარ დიალექტიურ ურთიერთობას, რომელიც თავის მხრივ ართულებს გარდამავალ პერიოდის შესწავლას.

გარდამავალი პერიოდის შესწავლის მეორე სირთულე იმაში გამოიხატება. რომ „გარდამავალი მეურნეობა მექანიკურ ნარევს კი არ წარმოადგენს. არამედ ძველისა და მომავლის ელემენტების გარკვეული შეთანხმებით ქიმიური შეერთებაა. ამის გარეშე არც შეიძლება წარმოადგვედგინა სახალხო მეურნეობის ორგანიზმის მთლიანობა. აქედან ნათელია, რომ ყველაზე მეტი მნიშვნელობა, უდღესი ინტერესი, თუმცა მეორე-მხრივ კვლევა-ძიებისათვის უდიდეს სიძნელეს და სირთულეს წარმოადგენდეს სახელობე ანალიზი იმ კავშირის, რომელიც ორ საწინააღმდეგე ფორმის საწარმოო ურთიერთობათა ელემენტების ქიმიურ და კავშირებაში გამოიხატება, რაიც დამახასიათებელია გარდამავალი პერიოდის ეკონომიკისათვის. მის ისტორიულ სტატიკაში და ამ ელემენტთა ურთიერთ შორის ბრძოლის პირობებში, რომელიც ახასიათებს გარდამავალი მეურნეობის ისტორიულ დინამიკას“¹⁾.

ასეთ პირობებში განსაკუთრებული სიფრთხილეა საჭირო, რომ საბჭოთა ეკონომიკაში არსებული კანონზომიერებანი დაახლოვებით სისწორით მიიწიქნეს გათვალისწინებული.

¹⁾ იხ. А. Леонтьев и Е. Хмельницкая „Очерки переходной экономики“ 1927 წ. გვ. 80.

რომელი ეკონომიური სისტემაც არ უნდა ავიღოთ თავის კონკრეტულობაში წარმოდგენილი, იგი იმდენად რთულია, მასში მომქმედი ტენდენციები იმდენად ერთი-მეორეზე გადაჯაჭვულია და ზოგჯერ ერთი-მეორეს აშკარა საწინააღმდეგოა, რომ სწორი ანალიზის საშუალებას გვართმევს. ამიტომ ამა თუ იმ კონკრეტი ეკონომიური სისტემის თეორიული ანალიზი ჩვეულებრივად ამ სისტემის აბსტრაქტიული მოდელის შექმნით სწარმოებს, ეს კი კონკრეტ სინამდვილის ისეთ გამარტივებაში გამოიხატება, სადაც მოცემული იქნება ყველაზე ძირითადი და არსებითი ელემენტები. საერთოდ კი აბსტრაქცია საშუალებას იძლევა იმგვარი კანონზომიერებანი შევიცნოთ; რომელიც ხელმოწოდებულა მკვლევარისათვის ეკონომიურ პროცესთა მისი კონკრეტობაში განსილების დროს.

მარქსმა კაპიტალისტური მეურნეობის ანალიზისათვის ხელოვნურად შექმნა წმინდა კაპიტალისტური მეურნეობის მოდელი. მან წინასწარ მოსაზრებით სამეურნეო ფორმების რთული კომპლექსიდან გამოპყო მხოლოდ კაპიტალისტური, მეურნეობის ფორმა და იგი გახადა თავის კვლევა-ძიების ობიექტად. ამის უფლება მარქსს ჰქონდა იმდენად, რამდენადაც კაპიტალისტური მეურნეობის ფორმაში ყველაზე უფრო დასრულებულადაა მოცემული საქონლის მეურნეობის ტენდენციები, რომელთა შეცნობა თვით მეურნეობის ამ ტიპის შეცნობას მოასწავებს.

საბჭოთა ეკონომიკაც ისე, როგორც კაპიტალისტური მეურნეობა, სხვადასხვა სამეურნეო ფორმათა კომპლექსი არის, რომლის სპეციფიურ თავისებურებას ის ვარემოება შეადგენს, რომ აქ არსებობს განსაზოგადოებული სექტორი და როგორც ასეთი, ეს სამეურნეო სისტემა, სამეურნეო ფორმათა ეს თავისებური კომპლექსი უპრეცედენტოა.

გარდამავალ ეკონომიკაში ერთ-ერთ აქტუალურ საკითხს ცალკე სამეურნეო ფორმების ურთიერთობის საკითხი წარმოადგენს. უფრო მეტიც, გარდამავალ პერიოდის ანალიზის სიმძიმის ცენტრი ამ ურთიერთობის თეორიულ შეცნობაში გამოიხატება. რადგან ჩვენი ეკონომიური სინამდვილე უფრო მეტად რთულია. ვიდრე ჩვეულებრივი კაპიტალისტური სისტემა. აქაც, ისე როგორც კაპიტალისტურ მეურნეობის ანალიზის დროს, უნდა შევქმნათ ჩვენი სინამდვილის გამოხატველი მოდელი, რომელშიაც მოცემული იქნება საკვლევი ობიექტის ძირითადი დამახასიათებელი თვისებები. მაგრამ რას უნდა შეიცავდეს ჩვენი სინამდვილის აბსტრაქტიულად გამოხატველი მოდელი? ცხადია, აქ მოცემული უნდა იქნას ის, რაც უმთავრესად ახასიათებს ჩვენ ეკონომიურ სინამდვილეს, ასეთს კი ჩვენი ძირითადი სამეურნეო ფორმები წარმოადგენს; ანუ აქ იქნება მოცემული განზოგადებული, მარტივი საქონლის და კაპიტალისტური მეურნეობის ელემენტები:

სამივე ეს ელემენტები მეტი თუ ნაკლები ხვედრითი წილით მოქმედობენ ჩვენს სინამდვილეში და თეორიული ანალიზის დროს თვითეული მათგანი მხედველობაში უნდა იქნას მიღებული. ასეთ პირობებში აბსტრაქტიულად წარმოდგენილი გარდამავალი პერიოდის ეკონომიკა შესდგება სამი ნაწილისაგან: 1) განზოგადებული მეურნეობის სექტორი — სახელმწიფო და კოოპერატიული

მეურნეობიდან (ეს უქანასკნელი არა მთლიანად); 2) კაპიტალისტური სექტორი და მარტივი მეურნეობის სექტორი.

აქ საჭიროა აღინიშნოს ერთი გარემოებაც: რამდენად არც ერთი სამეურნეო ფორმა არ წარმოადგენს წმინდა სამეურნეო ფორმას. არამედ მასში შემოკრილია ან ამ ფორმის წინამორბედი ან შემდგომი ფორმაციის ელემენტები, ამდენად ყოველ სამეურნეო ფორმაში წარმოშობილი ეკონომიური კანონზომიერება არ შეიძლება ჩაითვალოს მხოლოდ ამ ფორმის ძირითად ძალების ნაყოფად. ამიტომ აბსტრაქტიული ანალიზის დროს ეკონომიური კატეგორიები, წარმოდგენილი კონკრეტ სინამდვილეში გადატანის დროს, სხვადასხვა სამეურნეო ფორმების ცოცხალი დიალექტიური ურთი-ერთზედმოქმედების პროცესში ერთგვარ მოდიფიკაციას განიცდიან.¹⁾

სანამ ცალკე სექტორის ანალიზს შეუდგებოდეთ და იმ თავისებულებათი ერთობათა გარკვევას დაეწყოთ, რომელიც არსებობს ცალკე სამეურნეო ფორმათა შორის. მანამ ჩვენ საჭიროდ მიგვაჩნია მოკლეთ აღნიშნოთ აგრეთვე თუ რა ხასიათისაა საბჭოთა კავშირში არსებული ძირითადი წინააღმდეგობანი სამეურნეო სუბიექტთა შორის.

ა მშემთხვევაში ჩვენ ხედველობაში გვაქვს ის ძირითადი შინაგანი კლასობრივი წინააღმდეგობანი, რომელიც ყოველ ფორმაციაში ამა თუ იმ სახით არსებობს.

საბჭოთა კავშირში სოციალ-კლასობრივი წინააღმდეგობის სიმძიმის ცენტრი გადატანილია ახალ სიბრტყეზედ. ოქტომბრის რევოლუციამ ამ საკითხში დიდი კორექტივი შეიტანა და სახელმწიფო სექტორში იგი სრულიად მოსპო. მაგრამ ასეთი წინააღმდეგობა ჯერ კიდევ განაგრძობს არსებობას კერძო წარმოებასა და ვაჭრობაში; საკონცესიო წარმოებასა და მსხვილი საგლეხო მეურნეობაში.

აქ თითქოს ყოველივე ძველ ნაცნობ ფორმაში მიმდინარეობს. აქ საწარმოო საშუალებათა მფლობელი იმავე დროს დაქირავებული ექსპლოატატორია, ანუ ამ შემთხვევაში ჩვენ საქმე გვაქვს კაპიტალისტური ექსპლოატაციით გამოწვეულ, საწარმოო ურთიერთობათან.

არ შეიძლება იმის უარყოფა, რომ სახელმწიფო და კოოპერატიულ მეურნეობაშიაც ერთგვარი წინააღმდეგობა არსებობს. მაგრამ ამ წინააღმდეგობის სოციალური ბუნება პირველისაგან საგრძნობლად განსხვავდება. აქ არის თავისებური წინააღმდეგობა აღმოცენებული ერთი კლასის წევრთა შორის, კონკრეტულად ამ წინააღმდეგობის საფუძველს მეურნეობის სოციალისტური დაგროვებისა და მუშის პირადი მოხმარების ინტერესთა დაპირისპირება შეადგენს. როგორც აღვნიშნეთ. ეს წინააღმდეგობა სულ სხვა ბუნებისაა, ვიდრე ორ კლასს შორის არსებული წინააღმდეგობა, და რამდენადაც არ უნდა გააზვიადონ სახელმწიფო მრეწველობაში ერთი კლასის წილში არსებული ინტერესთა წინააღმდეგობა. მისგან ვერავითარი ლოლიკით ვერ დაასკვნებ, რომ იქ ისეთივე წინააღ-

¹⁾ იხ. А. Мендельсон. „Категории стоимости в условиях переходного периода“. Журн. „Пашное хозяйство“ № 6 1927 წ. გვ. 114—115.

მდევობის ელემენტებია. როგორც კაპიტალისტისა და მუშის შორის არსებულ წინააღმდეგობაში.

გარდამავალ პერიოდში ჩვენ ვხედავთ აგრეთვე თავისებურ დაპირისპირებას ქალაქის მრეწველობისა და სოფლის მეურნეობის შორის. თვითეული მათგანი კაცობრიობის ცხოვრების გარკვეული ისტორიული ტიპებია. როგორც ვიცით, განსაზოგადოებული სამეურნეო ფორმაში შემოდის არა მარტო ქალაქის მრეწველობის ნაწილი, არამედ კოლექტიური გაერთიანების გზაზე მდგარი სოფლის ნაწილიც. ამ გაეთრიანებულ ფორმაში მოქცეულ ქალაქისა და სოფლის მეურნეობას მაინც ერთგვარი საკუთარი ინტერესები აქვს. რომელიც ზოგჯერ არა სათანადო ყურადღებით არის გათვალისწინებული ხელმძღვანელ ორგანოს მიერ, ამდენად ერთგვარი წინააღმდეგობის გამომწვევი პირობები ყოველთვის არსებობს; ეს წინააღმდეგობა უფრო სუსტია, ვიდრე ის. რომელიც კაპიტალისტურ მეურნეობის სექტორში შემავალ ქალაქის კაპიტალისტური მეურნეობისა და სოფლის მეურნეობის კაპიტალისტურ ქვე სექტორს შორის არსებობს. რადგან კაპიტალისტური მეურნეობის იმანენტური ბუნება წინააღმდეგობას უფრო აღრმავებს, ვიდრე ანელებს.

არის თუ არა სოციალ-კლასობრივი წინააღმდეგობა ჩვენში არსებულ მარტივ საქონლის მეურნეობაში? აქ წინააღმდეგობა ან სრულიად არ არსებობს ან და მისი მხოლოდ ჩანასახებია. ამის ასხნა იმაში უნდა ვეძიოთ. რომ ერთი მხრივ რევოლიუციამდე აქ არსებულ პატრიარქალური პირობების რამდენიმედ შენარჩუნების გამო, სოციალური წინააღმდეგობა ვერ გაიშალა შესამჩნევად, ხალხი ოქტომბრის რევოლიუციის შემდეგ კი მოხდა ენაგუაჩა ნიველიროვცა არსებულ სოციალურ ურთიერთობაში და ამის დამხედვეთ სოციალური გამწვავების გამომწვევი პირობებიც შენელდა.

სამაგიეროდ გარდამავალ პერიოდის ნიშნობლივ მხარეს წარმოადგენს სოციალ-კლასობრივი წინააღმდეგობის გამწვავება ორ უმთავრეს სექტორთა შორის ერთის მხრივ სოციალისტური და მეორე მხრივ კაპიტალისტურ სექტორების ურთიერთობის პროცესში.

ესადა, ნათლად გამოხატული შინაგანი კლასობრივი წინააღმდეგობა ახასიათებს კერძო კაპიტალისტურ სექტორს. მაგრამ ამ სექტორის ხვედრითი წონა თავისთავად იმდენად სუსტია, რომ მასში წარმოშობილი შინაგანი სოციალ-კლასიური წინააღმდეგობანი არ წარმოშობს საფუძველს ჩვენს მთლიან სახალხო მეურნეობაში არსებულ სოციალკლასობრივ წინააღმდეგობისათვის. სოციალ-კლასობრივი წინააღმდეგობა მთელი თავისი სიგრძე-სიგანით იშლება იქ, სადაც ემიჯნება ერთი სექტორი მეორეს. ანუ, უფრო სწორად, ორ მოწინააღმდეგე სექტორთა ურთიერთობაში. აქ ჩვენ საქმე გვაქვს ორიგინალურ მოკლენასთან. თუ ჩვეულებრივად ცალკე სექტორის შიგნით წინააღმდეგობა წარმოადგენილია ერთი კლასის მიერ მეორე კლასის ექსპლუატაციის მოხდენით. ცალკე სექტორთა შორის არსებული სოციალური წინააღმდეგობა კონკრეტულად გამოიხატება ცალ-ცალკე მდებარე ანტაგონისტურ სამეურნეო ფორმათა ურთიერთობაში, სადაც თვითეულ სამეურნეო ფორმაში მოცემულია გარკვეული კლასობრივი ინტერესები.

ამრიგად, ჩვენს პირობებში სოციალ-კლასობრივ წინააღმდეგობათა ტიპიურ სახეს წარმოადგენს არა ცალკე სამეურნეო ფორმებში არსებული წინააღმდეგობა, არამედ იგი მოცემულია იმ თავისებურ ურთიერთობაში, რომელიც არსებობს ცალკე სამეურნეო ფორმათა შორის.¹⁾

სახელმწიფო და კერძო კაპიტალისტური სექტორია ერთიერთობა ტონს აძლევს მთელ გარდამავალ პერიოდს. სახელმწიფო მრეწველობა მეურნეობის სოციალისტური ფორმა და უფრო ფართოდ კი-განზოგადოებული მეურნეობის სექტორი — განვითარების პროცესში არა თუ თვით ყოველმხრივ სრულადიხდება, არამედ, და რაც მთავარია, ნელ-ნელა, იაკრამ შეუპოვრად იწყებს ახვაფორმების ქსოვილთა სოციალისტურ გარდაქმნას. აუ კიჭნებოდი მართალი, თუ განსაზოგადოებული მეურნეობის განვითარებას ვხას სწორი ხაზით წარმოვიდგენდით. ამის საშუალებას მოწინააღმდეგე საკუთრნეო აკრძაკის არსებობა არ იძლევა. აქ ორივე ფორმაცია ერთი მეორეზე დიალექტიურ ზედმოქმედებას ახდენს და ამდენად განსაზოგადოებული მეურნეობის განვითარებაც ერთგვარი წინააღმდეგობებში მიმდინარეობს.

საბჭოთა კავშირის მეურნეობის განვითარების ამგვარი ხასიათი, ხელს უწყობს იმას, რომ გარდამავალი პერიოდის ეკონომიკაში მოვლენათა განვითარება ჩქარი ტემპით მიმდინარეობს. რის გამო მთლიანად საბჭოთა ეკონომიკას უარესი დინამიურობა ახასიათებს. მაგრამ საბჭოთა ეკონომიკის დინამიკა მიმდინარეობს ერთი გარკვეული ნიშნის მხედვით. აქ ჩვენ საქმე გვაქვს ძველ ფორმათარღვევის პროცესთან და ჯერ არ ნახულ ახალ სამეურნეო ფორმათა ჩამოყალიბებასთან. ჩვენი სამეურნეო განვითარების ამგვარი გენერალური ხაზი ხელს უწყობს განზოგადოებულ მეურნეობის სექტორის მიღმა მდებარე სამეურნეო ელემენტთა განზოგადოებულ მეურნეობის ჩარჩოში სისტემატიურ შემოყვანას.

გარდამავალ პერიოდის ამგვარ ხასიათს სულერთაველ განასზღვრავს ჩვენი ეკონომიური პოლიტიკა. ეკონომიური პოლიტიკა ყოველგვარ ღონისძიებას მართავს, რომ ჩვენში სოციალისტური მეურნეობის ელემენტები გაძლიერდეს; თვით ამ ეკონომიურ პოლიტიკის ხასიათს და ტემპს კი თავის მხრივ განასზღვრავს რამდენიმედ ჩვენი ეკონომიკაც. ამ მხრივ ჩვენ აქ საქმე გვაქვს ორთავეს ცოცხალ დიალექტიურ ურთიერთ ზედმოქმედებასთან. ჩვენი ეკონომიური პოლიტიკა და ფასებელი უნდა იქნას არა მარტო იმ სამეურნეო ეფექტით, რასაც გასახელმწიფოებელი ჩვენი მეურნეობა იძლევა, არამედ იმათაც, თუ რამდენად ფართოდ შეეხო იგი ჩვენი სახალხო მეურნეობის ცალკე დარგებს. ამ მხრივ ჩვენმა ეკონომიურმა პოლიტიკამ ასე თუ ისე თავის გავლენა აგრძნობინა სამეურნეო ცხოვრების ყოველ დარგს და თავის კონტროლის ქვეშ დააყენა იგი. მართალია, ეს კონტროლი ზოგ შემთხვევაში სუსტია, მაგრამ ეს რაოდენობის საკითხია; და თუ წელს ჯერ კიდევ სუსტია კონტროლი, გაისად იგი უეჭველად გაძლიერდება და ასე შემდეგ.

¹⁾ იხ. P. Вайсберг „О процессах обществования“. კვრით კი თავი 5 „Трансформация основных противор. в СССР“. ჟურნ. „План хоз.“ № 4. 1927 წ.

ჩვენი სამეურნეო განვითარების ახალეულად ეკონომიური პოლიტიკა განაგრძნობს გააფართოვოს თავის გავლენა ჩვენში მოქმედ საწარმოო ძალთა განვითარებასა და მის ნიადაგზე აღმოცენებულ საწარმოო ურთიერთობაზე. ჩვენი ეკონომიური პოლიტიკა სოციალისტური მეურნეობის ელემენტების გაძლიერების გვერდით ხელს უწყობს სოციალისტურ ურთიერთობათა დამკვიდრებას, ჩვენი ეკონომიური პოლიტიკის ტენდენციის ლოლიკურ დასასრულს კაპიტალისტური კატეგორიათა და კაპიტალისტურ ურთიერთობათა სოციალისტურ ურთიერთობაში გარდაქმნა წარმოადგენს.

როგორც ზევით აღვნიშნეთ, გარდამავალ პერიოდის ეკონომიკის უმთავრეს სექტორს განზოგადოებული მეურნეობა წარმოადგენს. რა ხასიათისა იგი, რა გვარი ტენდენციები ისახება მასში და როგორ ურთიერთობაში იმყოფება იგი სხვა მეზობელ სექტორებთან. აი კითხვები, რომლითაც რამდენიმედ მიინც გავიცნობთ განზოგადოებულ სექტორის ბუნებას.

რამდენად სოციალიზმის წინაპირობას წარმოადგენს საწარმოო ძალთა განვითარების გარკვეული დონემდე აყვანა. სადაც მსხვილ საწარმოო დარგებში უნდა იყოს თავმოყრილი საწარმოო საშუალებები და სამუშაო ძალა — ამდენად ასეთი პირობები რუსეთშია მრეწველობის ზოგ დარგებში კაპიტალიზმის განვითარებით უკვე არსებობდა და მის ნაციონალიზაციამ საძირკველი ჩაუყარა ჩვენში სოციალისტური მეურნეობის დამკვიდრებას.

ამრიგად, განსაზოგადოებული მეურნეობის სექტორში შემოვიდა ყველა სამეურნეო დარგები, როგორიცაა მსხვილი ქარხნები, სარკინისგზო და საზღვაო ტრანსპორტი, მსხვილი კულტურული სოფლის მეურნეობა. ე. ი. სადაც სოციალიზმისათვის საწარმოო ბაზა თავისთავად მოცემული იყო.

თუ ჩვეულებრივად კაპიტალისტური მეურნეობა თავის განვითარების პროცესში წარმოშობს ერთგვარ გამაერთიანებელ ცენტრებს. ბანკების სახით ყველა ესენი ოქტომბრის რევოლიუციის შემდეგ უჯარო ფენარლებათ რჩებოან, რადგან კერძო წარმოება ჩვენში უკვე აღარ ეკუთვნოდა უმეტეს შემთხვევაში მათ, ვის ინტერესების დასაცავადაც იყო მოწოდებული ეს კაპიტალისტური ცენტრები. განსაზოგადოებულ მეურნეობას რამდენად ჯერ კიდევ ბაზარი ესპიროება თავის პროდუქტთა რეალიზაციისათვის და რამდენად ჩვენი მეურნეობა ასე თუ ისე კავშირში იმყოფება მსოფლიო მეურნეობასთან. იმდენად ჩვენშიაც წარმოიშვა ორგანიზაციების მთელი რიგი, რომელთა საზრუნავ საგანს სახლხო მეურნეობისათვის ხელის შეწყობა წარმოადგენს.

განსაზოგადოებულ მეურნეობის სექტორში შემოდის აგრეთვე წვრილი საქონლის მწარმოებელთა კოლექტიური და კოოპერატიული საეაქრო სამრეწველო გაერთიანებანი, რომლებიც ერთგვარ სოციალისტურ გარდაქმნის პროცესს განიცდიან.

თუმცა საბჭოთა კავშირში ჯერ-ჯერობით რაოდენობის თვალსაზრისით სასოფლო-მეურნეობა სჭარბობს, მაგრამ რადგან განზოგადოებულ სამეურნეო სექტორში მოქცეულია ყველა სამეურნეო „საკომანდო მწვერვალები“, რომლებიც ხელმძღვანელობას უწყევნ მთელ მეურნეობას, ამდენად ჩვენი საწარმოო

ძალთა ლოლიკური ტენდენცია გამოიხატება სოციალიზმისათვის საჭირო მატერიალური ბაზის შექმნაში.

საბჭოთა ეკონომიკის ერთ-ერთ თავისებურებას სწორედ მისი სოციალიზმისაკენ სვლის განუწყვეტელი ტენდენცია შეადგენს. ჩვენს პირობებში უმთავრეს ამოცანას სოციალიზმისათვის, საჭირო მატერიალური საფუძვლების განმტკიცება წარმოადგენს, ხოლო ამ ამოცანის შესრულების პირობას კი ის გარემოება შეადგენს, რომ განზოგადოებულ მეურნეობის სექტორი, რომელსაც უშუალოდ ხელმძღვანელობს სახელმწიფო, თავის მხრივ მთელი სახალხო მეურნეობის ხელმძღვანელის როლში გამოდის.

ჩვენ საჭიროდ მიგვაჩნია მკითხველის ყურადღება უფრო დაწვრილებით შევიჩიროთ იმაზე თუ როგორ ახერხებს ამას განზოგადოებული მეურნეობის სექტორი, რომელიც რაოდენობის თვალსაზრისით წვრილი საქონლის მეურნეობის სექტორთან უმცირესობაში იმყოფება, ხოლო სახალხო მეურნეობის თვალსაზრისით კი ხელმძღვანელის როლს ასრულებს.

განსაკუთრებული პირობების მიხედვით, განზოგადოებული სექტორი თანდათანობით იმორჩილებს კერძო სამეურნეო სექტორს და ამ უკანასკნელს ისევე ტენიკური და ეკონომიური პირობებში აყენებს, რომლის შედეგად ახლო მომავალში მეორე პირველის აუცილებელ დამატებათ იქცევა.

ჩვენში ერთ საყურადღებო მოვლენას აქვს ადგილი: რაოდენობით სუსტი სახელმწიფო მეურნეობა ორგანიზაციულად ხელმძღვანელობს თავის მოწინააღმდეგე კერძო მეურნეობას და მას კიდევ იმორჩილებს ამის შესაძლებლობა მოცემულია მეურნეობის ორივე დარგის ისტორიულ განვითარების ტენდენციის მიხედვით: სადაც ქვეყნის ეკონომიური განვითარება ნორმალური ტემპით მიმდინარეობდა, მრეწველობა მთელი სახალხო მეურნეობის ტონის მიმცემია. მრეწველობის უშუალო ხელმძღვანელობა ამჩნევია განსაკუთრებით სოფლის მეურნეობას. სამრეწველო კაპიტალი ყოველგან გამოდის, როგორც პატრიარქალურ საწარმოო ურთიერთობათა დამრღვევი საშუალება სოფლის მეურნეობაში. სოფლის მეურნეობა თავისი ხასიათით მრეწველობისათვის საჭირო ნედლეულის ბაზას წარმოადგენს და რამდენად ეს უკანასკნელი განვითარებას თავის საწარმოო ძალეზე. იმდენად მეტია მოთხოვნილება ნედლეულზე, იმდენად მეტად გარდაიქმნება სოფლის მეურნეობა. იმდენად დაკარგავს იგი თავის სამეურნეო „უმანკობას“ და იმდენად მეტად დაემორჩილება ქალაქის მრეწველობის მოთხოვნილებას. ამის დამიხედვით ქალაქის მრეწველობა თანდათანობით შემოიტანს ახალ ტენიკას სოფლის მეურნეობაში. რითაც გაადვილებს ნედლეულის დამზადებას. მართალია, რომ სოფლის მეურნეობა და მრეწველობა ერთმანეთს დიალექტიკურ ურთიერთობაში იმყოფებიან. მაგრამ აქ მრეწველობის როლი უფრო დიდია. რამდენად მრეწველობა შესძლებს საჭირო ტენიკური ვაუმჯობესებანი შეიტანოს სოფლის მეურნეობაში, იმდენად იგი განსაზღვრავს ამ უკანასკნელის განვითარების ხასიათს. აგრეთვე იცვლება სოფლის მეურნეობის ხვედრითი წილიც მთელ მეურნეობაში.

და თუ საბჭოთა კავშირში ჯერ კიდევ სოფლის მეურნეობა სჭარბობს ქალაქის მრეწველობას, ასეთი მდგომარეობა უფრო ნაკლებად შეიძლება ჩაითვა-

ლოს ბუნებრივ მოვლენად და ეს გარემოება მომეტებულათ რუსეთის მრეწველობის არა საკმაო განვითარებას მიეწერება.

მაშასადამე, ჩვენი მრეწველობის განვითარების ლოლიკურ ტენდენციას წარმოადგენს ის, რომ ახლო მომავალში განზოგადოებული მეურნეობის სექტორი განსაზღვრავდეს სოფლის მეურნეობის განვითარების ხასიათს. მეორე მხრივ ჩვეულებრივად პოლიტიკურ ბრძოლის პროცესში „გადამწყვეტ მომენტში, გადაწყვეტ პუნქტში საჭიროა გკონდეს ძალების უპირატესობა“ — როგორც ამის შესახებ სწერდა ერთხელ ლენინი. სამეურნეო აღმშენებლობის დარგშიაც გამარჯვების მიღწევის ერთ-ერთ უდიდეს პირობას მეურნეობის „საკომანდო მწვერვალებზე“ მოქცევა შეადგენს, რომლითაც ადვილად შეიძლება მართო სახალხო მეურნეობის დანარჩენი ნაწილიც. „საკომანდო მწვერვალები“ დაპყრობით ადვილად ხერხდება ჩვენი მეურნეობის კაპიტალისტურ ფენების ქსოვილთა სოციალისტური გარდაქმნა ანუ ასეთი გზით სწარმოებს ამ ელემენტების სოციალში თანშეზრდა. გარდამავალი პერიოდის უმთავრეს დამახასიათებელ მომენტს ის ურთიერთობა შეადგენს, რომელიც განზოგადოებულ და წვერილი საკონლის მეურნეობის სექტორთა შორის არსებობს. სადაც პირველი, იყენებს რა მთელ თავის ტენხიკურ-ეკონომიურ უპირატესობას, სისტემატიურად ცდილობს მეორე დაიმორჩილოს, მაგრამ ეს უკანასკნელი ყოველგვარ საშუალებას მიმართავს გაახანგრძლივოს თავისი არსებობა. ეს ბრძოლა ჯერ არ დასრულებულა. იგი მომდინარეობს ოქტომბრის რევოლიუციიდან, ხოლო როდის დასრულდება, ამის თქმა ამჟამად შეუძლებელია. ერთი კი ნათელია: ყოველ წლიური დაკვირვება ყოველ ექვს გარეშე გვეუბნება, რომ პირველის ხვედრითი წონა მეორეს შეცდომების ხარჯზედ იზრდება.

არა სოციალისტური მეურნეობაზე სოციალისტურ სექტორის ზემოქმედება ჩვენს პირობებში, სადაც არა სოციალისტური მეურნეობის ხვედრითი წონა აღემატება მეორეს, ერთობ ძნელი საქმეა; მაგრამ იგი ადვილად შეიძლება შესრულდეს თუ გამოჩახული იქნება ზემოქმედების ისეთი ფორმები, როცა კერძო კაპიტალისტურ სტიქიას მოვაქცევთ იმგვარ ორგანიზაციულ ფორმაში, რომ იგი გამოავლდეს განზოგადოებული სექტორის დამატებით; ეს მაშინ, თუ გამოჩახული იქნება თანამშრომლობის ისეთი, ფორმები, როცა ამ სტიქიის ძალა მის და უნებლიედ განსაზოგადოებულ სექტორის გაძლიერებას მოხმარდება.

ასეთ ფორმას კერძო მწარმოებელთა კოოპერაციაში გაერთიანება წარმოადგენს; კერძო მწარმოებლები კოოპერატიულ ცენტრებისა და სახელმწიფო მწარმოებელთა კონტროლს ქვეშ მოექცევიან, რითაც ჩვენი შინაგანი კაპიტალიზმი ისევ განზოგადოებულ მეურნეობას დაემორჩილება.

არა თუ ჩვენი სუსტი შინაური კაპიტალიზმის გამოყენება შესაძლებელი ჩვენში სოციალისტური მეურნეობისათვის საჭირო მატერიალურ წინამძღვრებთან შესაქმნელად, არამედ უცხოეთის კაპიტალისტებიც კი, რომლებიც კონცესიებს იღებენ, მათთვის სრულიად საწინააღმდეგო სამეურნეო ფორმაციის დამკვიდრებას უნებლიედ ხელს უწყობს. რამდენად ისინი ტენხიკურად უკეთ მოაწყობენ თავის საკონცესიო წარმოებას, რომელსაც ვადის შესრულების შემდეგ მემკვი-

არებით ვლებულობთჩვენ — იმდენად გააძლიერებენ ჩვენში სოციალისტური საძირკველის განმტკიცებას.

მაგრამ საბჭოთა კოოპერაცია. ჩვენში არსებულ წვრილ კაპიტალისტურ სტიქიის განზოგადოებულ მეურნეობის ჩარჩოში ჩასაყენებლად განსაკუთრებულ იმიშენელობისაა. კოოპერაციის უდიდესი მნიშვნელობა ჩვენს პირობებში იმაში გამოიხატება, რომ მისი საშუალებით შესაძლებელი ხდება შევადულოთ კერძო მესაკუთრის კერძო ინტერესი სოციალისტურ აღმშენებლობის საერთო ინტერესთან: ამ აღმშენებლობაში კოოპერაციის საშუალებით შესაძლებელია ჩავებათ საბჭოთა კავშირის მოსახლეობის დაახლოებით ის 80%, რომელიც თავის ობიექტიური მდგომარეობით სოციალისტური აღმშენებლობის მიღმა იმყოფება. თუ მოვიგონებთ ლენინის მიერ კოოპერაციის სახეის ჩვენს პირობებში განსაკუთრებული მნიშვნელობის მინიჭებას. — კოოპერაცია ჩვენს პირობებში ყოველ მხრივ სოციალიზმს უდრის, — მაშინ კოოპერაცია სერიოზულ საშუალებათ უნდა იქცეს, რომ მისი მეოხებით გლეხები სოციალიზმის აქტიურ მშენებლებათ გავხადოთ. ¹⁾

ამრიგად, განზოგადოებული სამეურნეო სექტორის ხელმძღვანელობა სიჭიროა იმ მიმართულებით გამოვიყენოთ, რომ მის კონტროლის ქვეშ მოექცეს, როგორც შინაური, ისე საგარეო კაპიტალიზმის მატერიალურ-ტექნიკური რესურსები; ამ გზით გადაფართოვებთ ჩვენს სოციალისტურ აღმშენებლობას. ამის ერთ-ერთ საუკეთესო საშუალებას ჩვენი სოფლის მოსახლეობის კოოპერატიული აღმშენებლობის ჩარჩოებში მოქცევა წარმოადგენს.

განზოგადოებულ სექტორთა და სახალხო მეურნეობის დანარჩენ ნაწილს შორის ერთგვარი დიალექტიური ურთიერთობა არსებობს. რომლის გათვალისწინებაც, გარდამავა ლებერიოდის ეკონომიკის ანალიზის დროს, აუცილებელ საჭიროებას წარმოადგენს.

რადგან განზოგადოებული სექტორის განვითარება სხვაგვარ ფორმაციათა გარემოცვაში მიმდინარეობს. ეს უკანასკნელები პირველზე რამდენიმედ მოქმედობენ. ეს გარემოება იმდენად სერიოზულ ფაქტს წარმოადგენს, რომ განზოგადოებული სექტორის ორგანოები, რომლებიც მოწადინებული არიან არა განზოგადოებულ ნაწილებზე იმოქმედონ, ითვისისწინებენ ამ გარემო-პირობებზე. განზოგადოებული სექტორის ორგანოები გამოხატავენ არა მარტო განზოგადოებულ წარმოების საწარმოო ძალებს და მათ საწარმოო ურთიერთობას, არამედ რამდენიმედ იმასაც. თუ რა ძალისაა ის წინააღმდეგობა, რომელსაც იჩენს არა განზოგადოებული სექტორი განზოგადოებულის მიმართ. მართალია. ჩვენში არა განზოგადოებული სექტორი რომ არ არსებობდეს, მაინც იარსებებდა მთელი რიგი ორგანოები, რომლებიც თავიანთ საქმიანობას განსაზღვრავდნ წარმოებისა და განაწილების პროცესების ხელმძღვანელობით, მაგრამ ეს ორგანოები უკანასკნელ შემთხვევაში გაცილებით მარტივი იქნებოდნენ, ვიდრე ესლა არიან. ამ ორგანოების რიცხვიც ნაკლები იქნებოდა და ცენტრალიზაციაც შესა-

¹⁾ უფრო დაწვრილებით ამ საკითხზე იხ. А. Айхенвалда „Советская экономика“ 1927 წ. გვ. 260—279.

ჩნევი განდებოდა. ასე, გარდამავალ პერიოდში კერძო და განზოგადოებულ სექტორთა ურთიერთობა განზოგადოებულ სექტორისაგან მთელ რიგ ორგანოების შექმნას მოითხოვს. რომელზედაც ინარჯება სახელმწიფოს შემოსავლის საკმაოდ დიდი ნაწილი. ცხადია, თუ ამ ორგანოების რიცხვი შემცირდებოდა და მისი სტრუქტურა გამარტივდებოდა კერძო სექტორის გაუქმებით, ამ ორგანოების შენახვად საჭირო ხარჯებიც შემცირდებოდა.

გარდამავალი პერიოდის ეკონომიკის განვითარების სირთულე, სხვათა შორის იმაშიაც გამოიხატება, რომ უშუალო სოციალისტური აღმშენებლობის თვალსაზრისით ჯერ კიდევ უნაყოფოდ ინარჯება სოციალისტური ენერჯის ერთი ნაწილი, რომელიც მიმართულია მომავლად არა სოციალისტური სექტორის სოციალისტურად გარდაქმნისაკენ. რამდენად გარდამავალ პერიოდში კომუნისტური საზოგადოების ნათესაყოფდელს მიუახლოვდება ჩვენი სოციალისტური გეგმა. იმდენად შემცირდება სოციალისტური ენერჯის „უნაყოფო“ ხარჯეც და პეტის ძალით გამოყენებული იქნება იგი სოციალისტურ წარმოებისა და სოციალისტურ განაწილების მოსაწესრიგებლად.

მართალია საბჭოთა კავშირის პროლეტარიატმა ძველი წესწყობილებიდან სოციალისტური აღმშენებლობისათვის. მძიმე მემკვიდრეობა მიიღო, რის გამო დიდძალი ენერჯია საჭირო არა სოციალისტური ელემენტების სოციალისტურად გარდასაქმნელად, მაგრამ ის, რაც ბრძოლის საშუალებით მოვიპოვეთ. სრული თავდება იმის, რომ ჩვენს ცდასა და შრომას უნაყოფოდ არ ჩაუვლია. ჩვენ უკვე მივიანიჭეთ განზოგადოებულ მეურნეობას ხელმძღვანელობის როლი და ეს იქნება რამეს ნიშნავს. ამის შემდეგ ბრძოლა არა სოციალისტურ ელემენტებთან შესაძრწევად გადავიღებულა და გამარჯვებაც საცხებით უზრუნველყოფილია.

კერძო კაპიტალისტურ სექტორს ერთი თავისებურება ახასიათებს. რომელიც ანსხვავებს მას ბურჟუაზიულ ქვეყნებში არსებულ კაპიტალიდან. „ბურჟუაზიის აღმასრულებელი კომიტეტი“ — სახელმწიფო, როგორც კაპიტალისტური წყობილების იარაღი. ჩვენში ა რარსებობს და პირიქით. ძალაუფლება იმ კლასის ხელშია, რომელიც ქმნის კაპიტალიზმის პრინციპიალურად საწინააღმდეგო სისტემას. ამის გამო. ჩვენში არსებული კერძო კაპიტალი „არა ბუნებრივ“ პირობებში ვითარდება, და ეს გარემოება მის ხასიათში შესაფერის ცვლილებებს ახდენს.

ამ სექტორში გაერთიანებულია ბევრო სამრეწველო. საეკვრო და სხვა-გვარი წარმოება. რომლებიც თავის მასშტაბით წერილ ან საშუალო ზომისაა; რადგან საბჭოთა ხელისუფლება შეგნებულად აბრკოლებს მსხვილ კერძო წარმოებათა გაფართოებას, აგებული არიან ჩვეულებრივი კაპიტალისტური წესით. ამ სექტორში ჯერ კიდევ შერჩენილია ექსპლოატაცია, რადგან კერძო დამკირავებელი დაქირავებულისაგან ითვისებს ზედმეტ ღირებულებას. რადგან სოფლის მსხვილი მეურნეები ჩვეულებრივად სარგებლობენ დაქირავებული შრომით. ამიტომ მათი მეურნეობაც შედის აღნიშნულ სექტორში. კონცესიონერებისგან ესინა განსხვავდებიან მხოლოდ იმით. რომ თუ პირველნი გარკვეულ ხელშეკრულებას სდებენ მთავრობასთან. ეს უკანასკნელები ეწევიან სამეურნეო საქმიანობას ყოველგვარ ხელშეკრულების გარეშე. მაგრამ აქედან არ შეიძლება დავასკვნათ.

თითქოს ისინისრულიად თავისუფლად საქმიანობდენ და საბჭოთა სახელმწიფო მოკლებული იყოს საშუალებას კერძო მწარმოებელთა საქმიანობას კონტროლი გაუწიოს. პირიქით, მათი ეკონომიური დამოუკიდებლობა ჩვენში საგრძნობლად შეკვეცილია. ეს კი გამოწვეულია იმით, რომ ისინი ვალდებული არიან დაიცვან ჩვენ მიერ გამომუშავებული შრომის კოდექსი, გადაიხადონ საკმაო, დიდი ვალდახანადები და ამდენად ისინი ჩვენ ეკონომიურად გვეპორჩილებიან.

საგარეო ვაჭრობის მონობლია, ბანკების ნაციონალიზაცია, ტრანსპორტის, ნედლი მასალის, მსხვილი მრეწველობის გასახელმწიფოება შესამჩნევად ჰკვეცავს კერძო კაპიტალის სამოღვაწეო ასპარეზს.

კერძო კაპიტალის თანამშრომლობა სახელმწიფო მრეწველობასთან გაიწვეულია იმით, რომ სახელმწიფო წარმოებას ჯერ კიდევ არ შესწევს ძალა მარტო თითონ დააკმაყოფილოს მოსახლეობის გადიდებული მოთხოვნილება. მართალია, ჩვენი კავშირის მოსახლეობის ეკონომიური კეთილდღეობის გადიდებასთან ერთად აბსოლიუტურად გაიზარდა კერძო კაპიტალისტური ელემენტებიც. მაგრამ თუ მივიღებთ მხედველობაში იმ გარემოებას, რომ სახელმწიფო მრეწველობა გიგანტიური ნაბიჯით მიდის წინ, პირველის ზრდა მეორესთან შედარებით შეუმჩნეველი იქნება და მისი ხვედრითი წონაც ერთბაშად მცირეა.

წვირლ ისაქონლის მეურნეობის სექტორს ავსებს; როგორც ამის შესახებ ლენინი სწერდა თავის „სასურსათო გადასახადში“. გლეხობის ის დიდი ნაწილი, რომელიც ჰყიდის პურს. ანუ ამ სექტორში შედის 22 მილ. დაქსაქსული საგლეხო მეურნეობა. მაგრამ აქვე მოთავსებული არიან ის შინამრეწველები, რომლებიც არ სარგებლობენ დაქირავებული შრომით. სახალხო მეურნეობის ამ სექტორს ფრიად მნიშვნელოვანი ხვედრითი წონა აქვს თავისთავად და ჩვენში სოციალისტური აღმშენებლობის გაღრმავება ბევრადაა დამოკიდებული ამ სექტორზე.

რომ სწორი წარმოდგენა შევიმუშავოთ ამ სექტორზე. ამიტომ საჭიროა უფრო დაწვრილებით გავეცნოთ თუ რას წარმოადგენს თავისთავად ის არა სოციალისტური ეკონომიური ქსოვილი, რომლისაგანაც შესდგება ჩვენი საბჭოთა მეურნეობის უდიდესი ნაწილი.

როგორც ავღნიშნეთ. იგი წარმოადგენს წვირლ საქონლის მეურნეობას: ხოლო მისი დამახასიათებელი ნიშანია ის, რომ აქ არ სწარმოებს დაქირავებული მუშის სამუშაო ძალის ექსპლოატაცია: ამ რიგად, მეურნეობის ამ სექტორში არ არსებობს ისეთი საწარმოო ურთიერთობანი, რომელიც ჩვენ გვხვდება ჩვეულებრივ კაპიტალისტურ წარმოებაში.

კაპიტალისტურ მეურნეობაში საქონლის პატრონი საქონელს კი არ ქნის. არამედ სწარმოო საშუალებებს ფლობს და მუშის მიერ შექმნილ ზედმეტ ღირებულებას ითვისებს; აქ კი. მარტივ საქონლის მეურნეობაში, საქონლის პატრონი ამ საქონლის უშუალო შემქმნელიცაა. ამის დახვედვით პირველი საქონლის პატრონი მეორე საქონლის პატრონისაგან თავისი შინაგანი რაობით დამეტრალტრად განსხვავდება და ეს განსხვავება სოციალისტური აღმშენებლობის გაძლიერებისათვის და ხელის შეწყობისათვის ფრიად მნიშვნელოვანია; და რამდენად კერძო საკუთრების ინსტიქტი პირველში ძლიერია და მეორეში სუს-

ტადა განვითარებული, იმდენად პირველი სოციალიზმის აშკარა მოწინააღმდეგეა, მეორე კი სოციალიზმის გაძლიერებისათვის ნაკლებათ საშიშია.

გლენობის კავშირი ბაზართან ხელს უწყობს კაპიტალიზმის გაძლიერებას წერილი საქონლის მეურნეობა წარმოშობს კაპიტალიზმს, გამოყოფს თავის რიგებიდან კაპიტალისტებს, მაგრამ ჩვენს პირობებში, სადაც მიწის ნაციონალიზაცია დაპროლეტარატის ეკონომიური პოლიტიკა მთლიანად ხელს უშლის ამ პროცესს, რადგან ხელოვნურად ვენზარებით წვრილ და საშუალო გლენობას, ვაერთიანებთ მათ, ვაწვდით სამეურნეო მანქანებს და სხვ. ყოველივე ეს თავისებურ სახეს აძლევს ჩვენში წვრილი საქონლის მეურნეობის დაშლის პროცესს.

თუ ჩვეულებრივად კაპიტალისტურ ქვეყნებში სოფლის მეურნეობის ეკონომიური განვითარება კაპიტალისტური გზით მიმდინარეობს საბჭოთა კავშირში სოფლის ეკონომიურ ევოლიუციას ახალი გზა ესახება, — ეს არის არა კაპიტალისტური გზით განვითარება. ამის შესაძლებლობა „საკომანდო მწვერვალების“ დაპყრობითაა მოცემული; შემდეგ, ჩვენში თუმცა სწარმოებს „კულაკურ“ ელემენტების ერთგვარი ზრდა, მაგრამ ეს პროცესი ამჟამად უფრო ნელი ტემპით მიმდინარეობს ვიდრე წინადა, რადგან უღარიბეს და საშუალო გლენობის გაერთიანებით კოოპერაციაში ამ უკანასკნელთა კეთილდღეობა შესამჩნევად უმჯობესდება. სხვათა შორის ლენინი უდიდესი ყურადღებით ეპყრობოდა გლენობის კოოპერაციაში გაერთიანების საკითხს, რაზედაც ბევრადაა დამოკიდებული ჩვენში სოციალიზმის განმტკიცების საქმე.

ამრიგად, თუმცა საერთოდ მარტივ საქონლის მეურნეობის და კერძოა ჩვენი სოფლის მეურნეობის ტენდენციას შეადგენს ამ მეურნეობის კაპიტალისტურ მეურნეობათ გარდაქცევა, მიუხედავთ ამისა, ეს ტენდენცია ეჯახება განზოგადოებული სექტორის ორგანიზაციულ-ეკონომიურ ზეგავლენას, რის გამოც პირველის ტენდენცია ერთგვარ მოდიფიკაციას განიცდის.

ამ განხილვიდან ჩვენ შეგვიძლია ასეთი დასკვნა გამოვიყვანოთ: გარდაბნულ ეკონომიკის პირობებში განზოგადოებული სექტორი განუწყვეტელ ეკონომიურ ბრძოლას აწარმოებს არა სოციალისტური მეურნეობის სექტორთან, როჟელსაც ერთი გარკვეული მიზანი აქვს — არა სოციალისტური მეურნეობა სოციალისტურ მეურნეობის გზაზე დააყენოს. ბრძოლა ამ მხრივ განსაკუთრებულ მწვავე ხასიათს ატარებს, რადგან განზოგადოებულ სექტორის წინააღმდეგ სდგას კერძო კაპიტალისტური სექტორი, რომლის ხვედრითი წონა ჩვენს მეურნეობაში ჯერ-ჯერობით პირველს სჭარბობს. მიუხედავად ამისა, განსაზოგადოებული სექტორი მაინც ახერხებს ორგანიზაციული ხელმძღვანელობა გადაიტანოს კაპიტალისტური სექტორზედაც „საკომანდო მწვერვალებისა“ და პოლიტიკური ძალა-უფლების მეოხებით და რამდენად გაღრმავდება ეს ორგანიზაციული გავლენა პირველის მეორეზე, იმდენად შემცირდება არა სოციალისტური ელემენტებიც ჩვენს მეურნეობაში, იმდენად დაუახლოვდებით ჩვენ სოციალიზმს.

ჩვეულებრივ საქონლის მეურნეობაში ღირებულების კანონი წარმოადგენს იმ ერთადერთ კანონს, რომლის მიხედვით მყარდება კაპიტალისტურ მეურნეობაში გარკვეული წონასწორობა, ანუ ღირებულების კანონი ხელმძღვანელობს მეურნეობის ცალკე დარგებში სამეურნეო ენერჯის პროპორციონალურ

განაწილებას. ამ კანონის გარეგნული ფორმა, როგორც ვიცით, გამოიხატება საქონლის ფასში, ხოლო მისი მოქმედება თავს იჩენს საქონლის ფასის ცვალებადობაში კონკრეტულად ეს კანონი საქონელთა დამზადებულზე მოქმედობს იმით, რომ ფასების ურთიერთობაში ასე თუ ისე ცვალებადობას იწვევს.

გარდამავალ პერიოდში საბაზრო ურთიერთობა და საქონლის ფორმა შერჩენილია არა მარტო იმიტომ, რომ ამ გზით განზოგადოებული მეურნეობის სექტორი უფრო უკეთ უკავშირდება კერძო მეურნეობას, არამედ იმიტომაც, რომ საქონლის ფორმის შენარჩუნება საჭიროა თვით განზოგადოებული მეურნეობის ცალკე ნაწილთა ურთიერთ დასაკავშირებლად. მაგრამ საქონელთა გაცვლას განზოგადებულ სექტორში, მართალია, შერჩენილი აქვს ჩვეულებრივი საბაზრო ურთიერთობის ფორმა, მაგრამ ამ ძველ ნაცნობ ფორმაში ჩაქსოვილია სრულიად ახალი სოციალ-ეკონომიური შინაარსი. უფრო უკეთ რომ ვთქვათ, ერთა და იგივე ძველი ფორმები ჩვენს პრობებში გამოხატავენ, როგორც ძველს, ისე ახალ ურთიერთობებს. ამ სხვადასხვაობას ადვილად შევამჩნევთ, თუ მოვლენის სიღრმეში ჩავხედავთ და გავცდებით ზერეულ ეუგარულ აზროვნებას. ასე მაგ., ერთ შემთხვევაში მოგება შედგია ექსპლოატაციის მოხდენისა, ხოლო მეორე შემთხვევაში კი ნაყოფია პროდუქტის იმ თავისებური გაყოფის, როცა ერთი ნაწილი პროდუქტისა მიდის ცალკე მუშის პირადი საჭროებასთვის, მეორე ნაწილი კი პროდუქტისა საერთო კლასობრივი საჭროებისათვის.

ასევე ითქმის ფასის შესახებაც: თუ ერთ შემთხვევაში იგი შედეგია შეგნულ ლეგემიან ხელმძღვანელობის, მეორე შემთხვევაში კი იგი სტიქიური ძალის ნაყოფია. აქ ჩვენ საქმე გვაქვს გარდამავალ პერიოდის იმ თავისებურ მოვლენასთან, რომელიც მის სპეციფიურ ნიშნას წარმოადგენს და რაც იმაში მდგომარეობს, რომ ბევრ შემთხვევაში ფორმა სცილდება შინაარსს და პირიქით, ძველ ფორმაში თავსდება პრინციპიალურად სხვაგვარი, ახალი შინაარსი.

აქ საქონელთა გაცვლა-გამოცვლა არ გამოხატავს საქონლის ორ დამოუკიდებელ მწარმოებელთა ურთიერთობას, არამედ ის არის ურთიერთობა ორი სამეურნეო ოერთეულისა, რომელსაც ხელმძღვანელობს ერთი ცენტრი. მაშასადამე, თუ ფორმით სახელმწიფო მრეწველობის ცალკე ნაწილები ერთი მეორესთან საბაზრო ურთიერთობაში იმყოფებიან, სინამდვილეში ამ სამეურნეო პროცესებს არ ხელმძღვანელობს ის სტიქიური რეგულიატორი, რაც საქონლის მეურნეობას მართავს. აქ საბაზრო ძალები სტიქიურად ვერ მოქმედობენ, რადგან ყველა ესენი ერთი მთელის ნაწილს შეადგენენ. მოკლედ აქ სამეურნეო პროცესები თანდათანობით გეგმიან ხელმძღვანელობას ემორჩილებიან და თავისი ფუნქციებიან სტიქიურ რეგულიატორის გავლენისაგან.

საბაზრო აპარატის გამოყენება განზოგადოებულ სექტორში დამზადებულ საქონელთა გასანაწილებლად ჯერ კიდევ დიდხანს იარსებებს, რადგან იგი ჯერჯერობით ყველაზე უკეთესი ფორმაა ამ განაწილების მოსახდენად. საბაზრო ურთიერთობა რჩება კანონიერ მოვლენად გარდამავალ პერიოდში, და დანარჩული შრომა, რომელიც საფუძვლად უდევს ყოველგვარ სამეურნეო პროცესს, თავის გამოხატულებას ჰპოვებს ღირებულების ფორმაში. ამის გამო კი ღირებულების კანონი ერთგვარი მოდიფიკაციით ჯერ კიდევ განაგრძობს არსებობას

გარდამავალ პერიოდში. და ვინაიდან გარდამავალ პერიოდში გვემინი ხელმძღვანელობა ჯერ კიდევ არ დამკვიდრებულა საესები, ეს რეგულიატორიც არაა. საკმაო იმისათვის. რომ საზოგადოების მთელი შრომა პროპორციონალურად განაწილდეს მეურნეობის ცალკე დარგებს შორის. საზოგადოების სამეურნეო ენერჯის ასეთი პროპორციონალური განაწილება კი ძირითადი კანონია, ურომლისოდ შეუძლებელია სამეურნეო განვითარების წარმოდგენა. აი რას სწერს მარქსი ამის შესახებ: „თავისთავად ცხადია, რომ საზოგადოებრივი შრომის განაწილების აუცილებლობა გარკვეულ პროპორციებად ყოვლად შეუძლებელია გაჭრეს საზოგადოებრივი წარმოების გარკვეული ფორმით; შეიძლება შეიცვალოს მისი გამოხატვის ფორმა. საერთოდ შეუძლებელია მოისპოს ბუნების კანონი. შეიძლება მოხდეს იმ ფორმის შეცვლა, რომელშიაც ეს კანონები გამოიხატება. სხვადასხვა ისტორიულ პირობების ზეგავლენით“¹⁾.

რასაკვირველია, ჩვენში შექმნილ სოციალ-ეკონომიურ ორგანიზაციას აქ კანონში ერთგვარი შესწორება შეაქვს, რაზედაც ჩვენ დაწვრილებით ქვევით შევჩერდებით. აქ დასმულია ის ყველაზე უფრო ძნელი თეორიული საკითხი, რომელიც ჯერჯერობით საბოლოოდ არავის გამოურკვევია და რაც კონკრეტულად იმაში გამოიხატება თუ როგორ უნდა გვესმოდეს ღირებულების კანონის მოქმედება გარდამავალ პერიოდის ეკონომიკის თავისებურ პირობებში და როგორ და რამდენად ხელმძღვანელობს ეს კანონი გარდამავალ პერიოდის ეკონომიკას.

მართალია, ჩვენი გარდამავალი პერიოდის სოციალური სტრუქტურის თვალსაზრისით განზოგადოებულ მეურნეობის სექტორში არ არსებობს ექსპლოატაცია არმდენადაც აქ საწარმოო საშუალებათა და სამუშაო ძალის პატრონი ერთი და იგივე მუშათა კლასია, მაგრამ იგივე სექტორი ქმნის საქონლს, იღებს მოგებას და სხვ.; ამავე დროს სამეურნეო პროცესებს ჯერ კიდევ საფუძვლად უდევს შრომა — სამუშაო ძალის მიზანშეწონილი გამოყენება; და ამ დახარჯულ შრომის გამოხატვის ფორმად დატოვებულია ღირებულების ირაციონალური ფორმა: ამის გამო, ამ სექტორში დახარჯული შრომა გაცვლის დროს ღირებულების ფორმაში გვევლინება. მაგრამ, როგორი შინაარსისაა ღირებულების კატეგორია ჩვენი განზოგადოებული მეურ. პირობებში? „შეიძლება კი თანასწორობის ნიშანი დავსვათ ღირებულების კატეგორიათა შორის. რომლებიც საფუძვლად უდევს მარტივ საქონლის. კაპიტალისტური და განზოგადოებული მეურნეობის, მოძრაობას გარდამავალ პერიოდში?“ — ეითხულება ამხ. ა. მენდელსონი და თვითვე იძლევა ამაზე შემდეგ პასუხს: „შრომითი ხარჯების მოდიფიკაციის მკითხველზე ჩვენი გაგების თვალსაზრისით პასუხი არ წარმოადგენს სიძნელეს. ჩვენ ვფიქრობთ: რომ გარდამავალ პერიოდის პირველს საფუძვლად განზოგადოებულ მეურნეო პროცესთა ერთ-ერთ საფუძველს ჯერ კიდევ ღირებულების კატეგორია წარმოადგენს, მაგრამ სოციალური შინაარსი ანსხვავებს მას მარტივი საქონლის მეურნეობის საწარმოო ურთიერ-

¹⁾ იხ. „Полная Марксовы Система“ ვ. აღორატსკის თარგმანი გვ. 176 177 გვ. 1923 წ.

თიხის პირობებში წარმოშობილ ღირებულების კატეგორიიდან და ღირებულების იმ კატეგორიიდანაც, რომელიც წარმოიშვა კაპიტალისტურ საწარმოო-ურთიერთობათა პირობებში¹⁾

ამრიგად, აქ ფორმის ერთგვარობა, მასში მოთავსებულ შინაარსის ერთგვარობას ყოველთვის და ყოველგან არ გულისხმობს. ერთდამავე ღირებულების კატეგორიის ფორმაში ჩაქსოვილია სხვადასხვა სოციალ-ეკონომიკური შინაარსი.

საერთოდ კი გარდამავალ პერიოდში ღირებულების კანონი შესამჩნევ ცვალებადობას განიცდის თავის ხარისხობრივი თვისების მიხედვით; ხოლო რაც შეეხება ღირებულების კანონის რაოდენობითი მხარეს, იგი სრულიად უცვლელი რჩება არა თუ გარდამავალ პერიოდში, არამედ განზოგადოებული მეურნეობის სექტორშიაც კი. გეგმიანობის შემოღება მეურნეობაში არ გულისხმობს საცვლელი პროპორციების რაოდენობითი მნიშვნელობის შეცვლას. „პირიქით საცვლელ ურთიერთობათა რაოდენობითი მნიშვნელობა არც შეიძლება არ დარჩეს. საერთოდ ისეთნაირადვე, როგორც ეს იყო ღირებულების კანონის მოქმედების დროს. რამდენად ამ პროპორციების საფუძველი დანაბარჯ, შრომის შეფარდებითი ოდენობაა, რომელიც საჭიროა ამ საქონლის დასამზადებლად და დამზადების კვლავ გასამეორებლად, ერთი და იგივეა როგორც ღირებულების კანონის მოქმედების დროს. აგრეთვე შეგნებული ფასების დამყარების პოლიტიკის მიერ მისი შეცვლის დროს, სრულიად ცხადია, რომ საერთოდ საცვლელ ურთიერთობათა რაოდენობითი მნიშვნელობაუნდა დარჩეს ისეთივე. ძველი პროპორციათა შენარჩუნება მათი საერთო სახით; რასაკვირველია არ უარყოფს, შესაძლებლობას საკმაოდ არსებითი ცვლილებათა შესახებ, რომლებიც შესაძლებელია შეტანილი იქნას ამ პროპორციებში ამა. თუ იმ გეგმიან ამოცანების მისაღწევად“²⁾.

სამაგიეროდ ღირებულების კანონი, როგორც აღვნიშნეთ, ხარისხობრივი თვალსაზრისით საკმაოდ დიდ ცვლილებას განიცდის გარდამავალ პერიოდის ეკონომიკაში. თუ რაგვარი ხასიათისაა ეს ცვლილება, ამის ნათლად წარმოსადგენათ იძულებული ვართ მოვიყვანოთ უკვე დასახელებულ შრომიდან ამ საკითხზე სათანადო ადგილი: „ღირებულების კანონი თავის ხარისხობრივი მხრით, როგორც საწარმოო საშუალებათა სტიქიურ განაწილებისა კანონი და სტიქიურად ხელმძღვანელი და მართველი საზოგადოების ყველა საწარმოო პროცესთა, გარდამავალ პერიოდის ეკონომიკაში განიცდის არსებითი მნიშვნელობის ტრანსფორმაციას, რომელიც კლებადი ხარისხით მომდინარეობს განზოგადოებული სექტორის შინაგანი ურთიერთობიდან. სადაც ეს ტრანსფორმაცია ყველაზე უფრო ძლიერია. კერძო-სამეურნეო წრის შინაგან ურთიერთობისაკენ სადაც იგი ყველაზე უმნიშვნელოა. საერთოდ ღირებულების კანონის ხარისხობრივი ტრანსფორმაცია მდგომარეობს ბაზრის სტიქიური „გონების“ თანდათანობით გამო-

¹⁾ იხ. А. Менделеев, „Категория стоимости в условиях переходного периода“ ჟურნ. „Плановое хозяйство“ № 6 გვ. 119—121.

²⁾ იხ. А. Леонтьев и Е. Хмельницкая, „Очерки переходной экономики“ 1927 წ. გვ. 259—260.

დენაში სამეურნეო პროცესთა შეგნებული და გეგმიანი მართვლობის მეორედებით. იხევეს და ტოვებს რა პოზიციებს პოზიციებზე, ღირებულების კანონი, როგორც მეთოდი სამეურნეო ოცნოვრების სტიქიური, ირაციონალური. აპოსტორობიური ხელმძღვანელობისა, ყოველგან იგი იცვლება სამეურნეო ცხოვრების ახალი დასაბამით შეგნებულ — რაციონალური, აპრიორულ გეგმიან ორგანიზაციით“.¹⁾

საყურადღებოა, რომ მარქსიც ღირებულების კანონის არსებობას არ უარყოფს სოციალისტური საზოგადოებაშიაც და „კაპიტალის“ III 2 ტ. შემდეგს სწერს: „წარმოების კაპიტალისტური წესის გაუქმების შემდეგ, მაგრამ საზოგადოებრივი წარმოების შენარჩუნების პირობებში. ღირებულების ცნება უწინდულად განაგრძობს არსებობას იმ აზრით, რომ საზოგადოებრივი შრომის განაწილება და სამუშაო დროის მოწესრიგება წარმოების ცალკე დარგებს შორის, და მთელი ეს ბუნებრივად უფრო მნიშვნელოვანი ხდება, ვიდრე ის ოდნემეო“²⁾. აქ მარქსი, სჩანს, გულისხმობს ღირებულების კანონის შენარჩუნებას მისი რადიკალური მნიშვნელობის მხრივ და არა მისი ხარისხობრივი თვალსაზრისით.

ამრიგად, ღირებულებს კანონი, როგორც ერთგვარი ბუნებრივი კანონი ჩვენში ჯერ კიდევ არსებობს; ხოლო ამ კანონის გამომხატველი ფორმა სხვადასხვა სექტორებში გარკვეულ ისტორიულ-ეკონომიურ პირობების გამო სხვადასხვა გვარია. ერთ შემთხვევაში ამ კანონის გარეგნული სახე ირაციონალური სტიქიური ფორმისაა, ხოლო მეორე შემთხვევაში კი რაციონალურ-გეგმიანია. კარდინალური საკითხი, რომელმაც დიდი კამათი გამოიწვია ჩვენს მარქსისტულ ეკონომიურ ლიტერატურაში (პროებრაჟენსკის შემცდარი კონცეპციის გამო), იმაში მდგომარეობს, როგორ მოქმედობს ეს ორგვარი რეგულიატორი — სტიქიური და გეგმიანი, — ჩვენს ეკონომიკაში. თვითელი ცალ-ცალკე აძლევს „სიგნალს“ წარმოებას და განაწილებას თუ ორივე რეგულიატორი ერთ რეგულიატორად იქცევა და მის კონტროლის ქვეშ მიმდინარეობს ჩვენი გარდაქმნა-პერიოდის სამეურნეო პროცესები. თუ ამ უკანსკნელ თვალსაზრისს მივიღებთ. მაინც საჭიროა გამოირკვეს: როგორ სახეს და შინაარსს ატარებს ეს ორი დიამეტრალურად მოწინააღმდეგე რეგულიატორი როცა ისინი ერთს შეორეზე გარკვეულ შემოქმედებას ახდენენ.

ყოველ სამეურნეო სისტემაში შესამჩნევი ხდება არსებულ ძალთა შორის ერთგვარი წონასწორობა ანუ მყარდება ერთგვარი პროპორციულობა საზოგადოების სამეურნეო ენერჯითა შორის, რის მეოხებით ამზადდენ იმგვარ და დაახლოვებით იმდენ საქონელს, რომელზედაც არსებობს მოთხოვნილება და რამდენიც საჭიროა. მაგრამ ესეა ვიკითხოთ, ჩვენში არსებული, წონასწორობა ეთანხმება თუ არა ცალკე აღებულ სტიქიურ ან გეგმიან ხელმძღვანელობას? ცხადია არა. რადგან იგი არის შედეგი ორივე ძალის რეალურად მოქმედებისა. რომლის საშუალოს ეს წონასწორობა შეადგენს. პროებრაჟენსკის მთელი შეც-

1) იხ. იქვე გვ. 258—259.

2) ციტატა ამოღებულია ჟურნ. „Под Знаменем Марксизма“ № 7—8, 1927 წ. გვ. 93.

დომა იმაში მდგომარეობს, რომ მისი აზრით საშუალო არის მექანიკური საშუალო. რომელსაც ვიღებთ გეგმიან დასაბამის და ღირებულების კანონის თავის წმინდა სახით მოქმედების დროს; და აქ ავტორს მხედველობიდან გამორჩენია ის კორექტივები, რომელსაც ერთი ფაქტორი მეორეში იწვევს; ამიტომ პრეობრაჟენსკის საშუალო არ არის ისეთი ხასიათის საშუალო, რომელსაც მართლაც, აქვს ადგილი ჩვენს სინამდვილეში.

ჩვენში მოქმედებს სხვადასხვა სოც. შინაარსის მქონე ორი რეგულიატორი, რომლებიც სხვადასხვა მეთოდით უდგება სამეურნეო განვითარებას; ჩამდენად ესენი ერთი მეორეს პრინციპიალურად მოწინააღმდეგე მეთოდებია, იმდენად გარდამავალ პერიოდში ჩვენ საქმე გვაქვს ამ ორი დასაბამის განუწყვეტლივ ბრძოლასთან. ღირებულების კანონის გამოხატველი გარეგნული ფორმები ერთი მეორეს ებრძვიან, რომლის შედეგად ჩვენ ვღებულობთ ერთ საერთო ფორმაში გამოხატულს, ერთს საერთო რეგულიატორს.

ჩამდენად ეს სხვადასხვა რეგულიატორები ჩვენს სახალხო მეურნეობაში სხვადასხვაგვარ საწარმოო ურთიერთობათა არსებობის ნაყოფია. იმდენად შეუძლებელია თითოეულ სექტორში ცალ-ცალკე არსებობდეს თავის წმინდა სახით, სხვადასხვა რეგულიატორები ისე, რომ მეზობლად მყოფი რეგულიატორი მასზე გავლენას არ ახდენდეს. პირიქით, ამ ორი რეგულიატორის ერთად თანამშრომლობა ურთიერთზე გარკვეულ ზემოქმედებას იწვევს; ამის გამო, თვითეული რეგულიატორი ნაწილობრივ ჰკარგავს თავის ბუნებრივ თვისებებს და იძენს იმას რაც მეორეს აქვს.

თვით გეგმიანობის პრინციპი ჩვენგან მოითხოვს, რომ აღვირცხოთ ყველა სტიქიური ფაქტორები, თავის მხრივ კი, სტიქიური რეგულიატორი ემყარება გეგმიან რეგულიაციის ფაქტორებზედაც. სამეურნეო განვითარების ლოლიკა თავის შინაგანი უღმობელოებით აქ მოითხოვს თვითეულ ცალკე რეგულიატორისაგან მეორე მოწინააღმდეგე რეგულიატორთან ერთგვარი საერთო ენის გამოხატვის აუცილებლობას. და საერთოს მთელი სიმძიმეც სწორედ აქა მოქცეულია; როგორ ხდება ერთიანობის დამყარება როცა ამ უკანასკნელის საფუძვლად მოცემულია ორი ერთი-მეორეს პრინციპიალურად მოწინააღმდეგე ელემენტი.

რადგან, როგორც აღვნიშნეთ სამეურნეო განვითარების ლოლიკა ერთგვარი კატეგორიული იმპერატივით მოითხოვს ორი მოწინააღმდეგე დასაბამის შეთანხმებას. ამიტომ ამ შეთანხმების მეორე მხარეთ ჩვენ ვიღებთ თვითეულ რეგულიატორის შინაარსის ნაწილობრივ შეცვლას, ანუ შესაფერისად იცვლებიან ღირებულების გამოხატვის გარეგნული ფორმები. აქ სტიქიას ნაწილობრივ ჩამოერთვა თავისი უფლებები და ის გადევნა გეგმიან ხელმძღვანელობას, როგორც პირუკუ.

ჩამდენად გარდამავალ პერიოდში ერთი-მეორეს გვერდით მოქმედობენ წონასწორობის დამამყარებელი სხვადასხვა მექანიზმები, იმდენად ამ სიხალხოვიდან სრულიად ბუნებრივად გამოიძინარეობს სტიქიურ ხელმძღვანელობაში ერთგვარი „შესწორებების“ შეტანა და მისი წმინდა სახის ნაწილობრივი შეცვ-

ლა, როგორც პირუტყუ, სტიქიურ რეგულიატორს შესწორებები შეაქვს გეგმიან ხელმძღვანელობაში.

უკვე აღენიშნეთ, რომ სათანადო კორექტივი შეაქვს სტიქიურ რეგულიატორს გეგმიან ხელმძღვანელობაში, რადგან ეს უკანასკნელი ითვალისწინებს იმ ბუნებრივ აუცილებლობას, რომლის ერთ-ერთ გამოხატულებას ბაზრის-სტიქიური ხელმძღვანელობა წარმოადგენს, ანუ გარდამავალ პერიოდის გეგმიან ხელმძღვანელობაში შესულია, როგორც ამ გეგმიანობის ერთ-ერთი აუცილებელი ელემენტი, სტიქიური საზოგადოებრივ-ეკონომიური აუცილებლობა. ეს სრულიად ბუნებრივია, რადგან რა გვარი გეგმიანი ხელმძღვანელობა იქნებოდა, თუ გინდ განზოგადოებულ სექტორში, თუ კი ამ სექტორის ხელმძღვანელი არ გაითვალისწინებდა არა მარტო ამავე სექტორში არსებულ სამეურნეო პროცესებს; არამედ მის მიღმა მდებარესაც, რომელიც თავის ბუნებით მოწოდებულია გეგმიანი ხელმძღვანელობის ხელის შესაშლელად; და სწორედ რომ ეს დაბრკოლება მინიმუმამდე დაეყვანოთ, ამისათვის საჭიროა კარგად გავეცნოთ მის ხასიათს და შინაგან ძალას, და ამ ურთიერთ გაცნობისა და მოქმედების ნიადაგზე საზოგადოების ერთიან მეურნეობაში წარმოიშობა ერთგვარი წონასწორობა.

მაშასადამე, ჩვენს გარდამავალ პერიოდში არ არსებობს არც წმინდა გეგმიანი ხელმძღვანელობა და არც წმინდა სტიქიური რეგულიაცია. ერთიმეორისა; შეუძრილი ორ რეგულიატორიდან გვაქვს ერთ საერთო რეგულიატორი. მაგრამ გეგმიან ხელმძღვანელობაში ჩვენში მაინც აქვს უპირატესობა სტიქიურთან შედარებით. ამ უპირატესობას ხელს უწყობს გარკვეული პოლიტიკური პირობები ერთის მხრივ და განზოგადოებული სამეურნეო სექტორის სუბიექტის ხელში ქვეყნის სამეურნეო „საკომანდო მწვერვალების“ მოქცევა მეორე მხრივ.

გარდამავალ პერიოდის ერთ-ერთ თავისებურებას ისიც წარმოადგენს, რომ აქ ორი ფაქტორის წონასწორობა მყარდება არა სტიქიურად. თუ გინდ ერთი მეორის მიმართ ზემოქმედების შემდეგ, არამედ ამ შემთხვევაში წონასწორობა, ასე ვსთქვათ, წინასწარ შეცნობილია, იგი დაახლოვებით გარკვეულია. გეგმიანი წონასწორობაა. ამის შესაძლებლობა ჩამარხულია იმ ფაქტში, რომ სტიქია ვაქციეთ გარკვეულ წონასწორობის დამამყარებელ ფაქტორად, რადგან ორ მომქმედ რეგულიატორს შორის თანამშრომლობა, გადაჯაჭვა ხდება არა სტიქიურად. არა თვითნებურად. არამედ ორგანიზაციულად. ამიტომ აქ წონასწორობა ერთგვარ გეგმიანობის ხასიათს ატარებს. ეს ანიჭებს დიდ თავისებურებას გარდამავალ ეკონომიკის პირობებში წარმოშობილ წონასწორობას. ¹⁾

ამრიგად, გარდამავალ პერიოდში ჩვენ საქმე გვაქვს ღირებულების, კანონის ორგვარ ფორმაში მოქმედების ერთგვარ გაერთიანებასთან, რომლის საშუალებით იქმნება ერთიანი სისტემა ამ პერიოდის რეგულიაციისათვის. ამ ერთიანი სისტემის ძირითადი შინაარსი იმაში მდგომარეობს, რომ გეგმიანი ხელმძღვანელობა გულისხმობს ყველა იმ ობიექტიურ აუცილებლობათა მხედველობაში მიღებას, რომლებსაც სტიქიურად გამოჰყოფს სამეურნეო განვითარება და ამ გზით,

¹⁾ დაწვრილებით ამის შესახებ იხ. А. Дйхенвальд „Советская экономика“, 1927 წ. გვ. 279—330.

ისახება წინასწარ გეგმიან ხელმძღვანელობით გათვალისწინებულ ერთგვარი წინასწარობა. გარდამავალ პერიოდის წინასწარობის ნიშნობლივ თვისებას წარმოადგენს ის გარემოება, რომ გეგმიან ხელმძღვანელობას დათმობილი აქვს ჰეგემონის როლი, რადგან სტიქია აქ წინასწარობის ერთერთი ფაქტორია, სტიქია შედის გეგმიან ხელმძღვანელობაში და არა გეგმიანობა ითვლება სტიქიის წარმოშობის ერთ-ერთ ფაქტორად. თუმცა სტიქიის სახე ჩვენში ეხლა სხვაგვარია და იქნებოდა სულ სხვა სახის, რომ არ არსებობდეს გეგმიანი ხელმძღვანელობა. მაგრამ გეგმიანი ხელმძღვანელობა სტიქიას უფრო იმორჩილებს, ვიდრე პირუტყვ. გეგმიან ხელმძღვანელობას საგრძნობი დეზორგანიზაცია შეაქვს სტიქიურ რეგულიატორში, რადგან სოციალისტური ელემენტები საშუალებას ართმევენ სტიქიას. რომ თავის რყევადობას ერთგვარი ნორმალური ხასიათი მისცეს. და იქ, სადაც განუსაზღვრელად ბატონობს სტიქიური ძალები, წინასწარობაც სტიქიურია; ჩვენში. სადაც სტიქიური ძალების აბსოლუტური თავისუფლება გაუქმებულია გეგმიან ხელმძღვანელობით, წინასწარობა არაა ნაყოფი ორი დასაბამის სტიქიური ურთიერთობისა; რამდენად განზოგადოებული სექტორი გამოდის ქვეყნის სამეურნეო პროცესთა უმთავრეს ხელმძღვანელ რეგულიატორად, იმდენად ჩვენში წარმოშობილი წინასწარობაც ბევრადაა დამოკიდებული გეგმიან ხელმძღვანელობაზე.

პროლეტარიატის ეკონომიური პოლიტიკა ფართოდ იჭრება საწარმოო ურთიერთობაში და კაპიტალისტურ კატეგორიებს თავისუფალი მოქმედების საშუალებას ართმევს. ის იღიბს საკითხი, რომელიც ახალი ეკონომიურ პოლიტიკის შემოღების დროს დასვა ლენინმა — „ვინ ვის“ — დღესაც კითხვად რჩება და მისი ჩვენ სასარგებლოდ გადაჭრა დამოკიდებულია იმაზე შევსდებთ თუ არა შეგნებულ გეგმიან ხელმძღვანელობას დაუმორჩილოთ ჩვენში არსებული კაპიტალისტური სექტორის საწარმოო ურთიერთობათა საწარმოო პროცესები; დავმარცხდებით, თუ კაპიტალისტურმა საწარმოო ურთიერთობამ დაიმორჩილა ჩვენი ეკონომიური განვითარების პროცესი.

რამდენად ჩვენში ჯერ კიდევ შენარჩუნებული აქვს თავისი მნიშვნელობა სტიქიურ ელემენტს, იმდენად მოქმედობს ეკონომიური აუცილებლობის ნაწილობრივ შეუფერხებელი გამოხატვა. მაგრამ რამდენად სახალხო მეურნეობის პროცესების სტიქიური ხელმძღვანელობა თანდათანობით უკუგდებული ხდება და ადგილს უთმობს თავის მემკვიდრე გეგმიან ხელმძღვანელობას, იმდენად ეკონომიური აუცილებლობა უფრო მეტად პოულობს თავის გამოხატულებას პროლეტარიატის ეკონომიურ პოლიტიკაში.

თქმა არ უნდა, ბრძოლას გეგმიანობისა და სტიქიის შორის ჩვენს გარდამავალ პერიოდის ეკონომიკაში ჯერ კიდევ არ უჩანს დასასრული, მაგრამ ეს, რაც გვაქვს ოქტომბრის რევოლუციის 10 წლის თავზე, გადაუჭარბებლად ღალადებს ერთ რამეს: მთელი ამ 10 წლის განმავლობაში განზოგადოებული სექტორი იზრდება კაპიტალისტური სექტორის შეკცრების ხარჯზე და გეგმიანი რეგულიატორი მტკიცდებოდა სტიქიურ რეგულიატორის დაუსტებობით.

ოქტომბრის 10 წლის თავზე საბჭოთა ეკონომიკა თავის სოციალ-ეკონომიურ შინაარსით ბევრად დასცილდება კაპიტალისტურ ურთიერთობათა სანაპიროს, თუმცა სრული გეგმიანი ხელმძღვანელობის ნავთსაყუდელამდე ჩვენს სახელმწიფოებრივ გემს ჯერ კიდევ დიდი სავალი გზა აქვს.

განვლილი მანძილი და მიღებული გამოცდილება, როგორც სუბიექტიური წინწამძღვარი და 10 წლის განმავლობაში სოციალისტური მეურნეობისათვის შექმნილი მატერიალური ფუძე, როგორც ობიექტიური წინამძღვარი, ჩვენში სოციალიზმის გამარჯვების უტყუარი თავდებია.

II

ჩვენი სამეურნეო მიღწევები ოქტომბრის რევოლუციის 10 წლის თავზე.

საბჭოთა ხელისუფლებამ თავისი არსებობის ათი წლის განმავლობაში რადიკალურად შესცვალა რუსეთის ყოფილ იმპერიის სოციალ-ეკონომიური განვითარების გზები. ათი წელი, რასაკვირველია, დიდი პერიოდია ჩვენს პირობებში, რადგან ესლა მოვლენათა განვითარება ისეთი სისწრაფით მიმდინარეობს. რომ თვითველი წელი უდრის მშვიდობიან დროის ათულ წელს. ასეთ პირობებში განსაკუთრებული ყურადღებით უნდა გადავფურცლოთ საბჭოთა კავშირის ამ ხნის განმავლობაში არსებობის და სამეურ. განვითარების ისტორიის გვერდები. განვლილი ცხოვრების ფაქტები აქ თავისთავად მეტყველებენ, საით მივდივარო. სოციალიზმისა თუ კაპიტალიზმისაკენ.

მაგრამ განვლილი პერიოდის შეფასებას უნდა მიუღდეთ ერთის მხრივ სა-მეურნეო დარგის ძირითადი ამოცანის მიხედვით, რომელიც ჩვენმა პარტიამ შეიმუშავა და რაც კაპიტალიზმის საბოლოო განადგურებასა და სოციალისტურ საზოგადოების დამკვიდრებაში მდგომარეობს, ხოლო მეორე მხრივ საჭიროა განვიხილოთ რამდენად იძლეოდა სამეურნეო აღმშენებლობა მუშათა კლასის და გლეხობის დაკავშირების საშუალებას, ვინაიდან ეს გარემოება წარმოადგენს სოციალიზმის ჩვენს ქვეყანაში გამარჯვების ერთ-ერთ ძირითად პირობას.

მართალია, ჩვენი ძირითადი ამოცანების განხორციელება არ არის ახლო მომავლის საკითხი, უფრო სწორად. ჩვენ ჯერ კიდევ სოციალისტურ საზოგადოების მიჯნასთან ვიმყოფებით. მაგრამ განვლილი გზა და სამეურნეო მიღწევები უფლებას გვაძლევს ხმა მაღლა ვილაპარაკოთ ამის შესახებ, თუ გინდ იმიტომ. მაკ, რომ ყველა დარწმუნდეს, რა მოაქვს ოქტომბერს ეკონომიურად და ტექნიკურად ისეთ ჩამორჩენილ ქვეყნებისათვისაც კი, როგორც ჩვენი ქვეყანაა. დიდა მიღწევები ყოველ დარგში, მაგრამ უფრო ფართოა ჩვენი ამოცანები და ამიტომ არც შეიძლება სავსებით დავკმაყოფილდეთ იმით, რაც გვაქვს ოქტომბრის რევოლუციის ათი წლის თავზე.

რადგან საბჭოთა კავშირის მეურნეობის ორგანიული განვითარება იწყება ახალი ეკონომიური პოლიტიკის შემოღებით, ამიტომ, საჭიროა ჩვენი მიღწევები განვიხილოთ 1921 წლიდან მოყოლებული ვიდრე 1927 წლამდე.

თუ რამდენად დიდია ეს მიღწევები, თუ გინდ, იქედანაც სჩანს. რომ 1920 წელს ქალაქის მრეწველობის საერთო პროდუქტია 18% უდრიდა 1913 წელთან.

შედარებით, ხოლო 1927 წ. კი ამავე დარგში ჩვენ გვაქვს თითქმის 100% ომის წინა დროსთან შედარებით.

ასეთივე მნიშვნელოვანი მიღწევები სოფლის მეურნეობაში, სახელმწიფო ზიუჯეტის დარგში, საგარეო ვაჭრობაში და სხვ. მხარეებში ამ მიღწევების უფრო ნათლად წარმოსადგენად ცალ-ცალკე უნდა განვიხილოთ სოფლის მეურნეობა, მრეწველობა, საშინაო და საგარეო ვაჭრობა, ტრანსპორტი და ფინანსები.

სოფლის მეურნეობა.

ყველა ის ღონისძიებანი, რომელსაც მიმართავდა საბჭოთა ხელისუფლება, თავის არსებობის 10 წლის განმავლობაში, სოფლის მეურნეობაში ხელს უწყობდა იმპერიალისტურ და სამოქალაქო ომით დანგრეულ მეურნეობის ამ დარგის აღდგენას, მის ახალ სისტემაზე გადაყვანას.

1927 წ. ჩვენ გვაქვს დათესილი არე 96 — 97% ომის წინა დროის სივრცისა, ანუ 115 მილ. ჰექტარი. მაგრამ ამ ზრდის ტემპი და მისი აღდგენის ხარისხი ყველა კულტურისათვის ერთი და იგივე არაა. შესამჩნევი და მნიშვნელოვანი ზრდა ემჩნევა ტექნიკურ და ინტენსიურ კულტურათა მიერ დაკავებულ სივრცეს. სულ ამ კულტურათა ჯგუფს დაკავებული აქვს 1927 წ. 160% ომის წინა დროის სივრცისა. ამ გარემოებას უაღრესად დიდი მნიშვნელობა აქვს, როგორც სოფლის მეურნეობისათვის კერძოდ. ისე მთელი სახალხო მეურნეობის დაწინაურებისათვის საერთოდ, რადგან მეურნეობის ეს დარგები იძლევიან მრეწველობისათვის საჭირო უმთავრეს ნედლეულს და საექსპორტო პროდუქტებს ერთი მხრივ, ხოლო მეორე მხრივ მათი განვითარება ერთი უმთავრესი საშუალებაა ჩვენი სოფლის მეურნეობაში ინტენსიფიკაციისა და რაციონალიზაციის გასატარებლად.

რაც შეეხება მესაქონლეობის დარგს აქაც მიღწევა უდრის 97% ომის წინა დროისას. ხოლო თუ ცალ-ცალკე განვიხილავთ საქონელთა ჯიშების აღდგენით ტემპს, მაშინ ამგვარი სურათი წარმოგვიდგება: (1926 წ. ჩვენ გვაქვს მესაქონლეობის დარგში მიღწევები პროცენტულად 1916 წ. და 1922 წ.).

საქონლის დასახელება	1916 წელთან შედარებით %	1922 წელთან შედარებითი % ¹⁾
ცხენი	84,6	129,1
მსხვილი რქიანი საქონელი	109,2	152,4
ძროხა	116,4	132,3
თხა და ცხვარი	105,4	163,9
ღორი	84,4	138,9 ¹⁾

¹⁾ იხ. А. П. Смирнов „Сельское хозяйство за 10 лет“, გვ. „Заря Восп.“ 1927 წ. № 16-17.

ამ საკითხის კიდევ უფრო ნათლად წარმოსადგენად ხვენ მოვიყვანთ ასეთ ცხრილს:

წლები	ცხენი და მსხვილფეხა საქონელი (მილიონი)	ცხვარი (მილიონი)	თხა (მილ.)	ლორი (მილიონობით)
1923	68,8	64,9	2,9	10,1
1924	75,8	75,9	3,5	17,7
1925	80,1	87,0	4,4	17,3
1926	83,2	92,2	5,0	16,2

აქედან სჩანს, რომ 1926 წელს 1923 წელთან შედარებით შემდეგი ზრდას ჰქონდა ადგილი: მსხვილ ფეხა საქონელი გაზრდილა 20,9%-ით, ცხვარი გაზრდილა 42%-ით, თხა — 72%-ით და ლორი 60%-ით.

ამრიგად უფრო მეტი აღდგენითი ნიშნებს იძლევიან ის დარგები, რომლებიც უფრო მეტად პროდუქტიული არიან.

თუ სოფლის მეურნეობის დინამიკას სოფლის მეურნეობის საქონლიანობის ზრდის თვალსაზრისით მიუდგებით, მაშინ ამ ათი წლის განმავლობაში აქაც ერთგვარ მიდრეკებათან გვაქვს საქმე. ეს მომენტი საყურადღებოა იმ მხრივაც, რომ საქონლიანობის ზრდა სოფლის მეურნეობაში სოფლისა და ქალაქს შორის არსებულ კავშირის და ქვეყნის ინდუსტრიალიზაციის პროცესის ზრდის მაჩვენებელია.

მემინდერეობის, მეველეობის და მებოსტნეობის დარგში საერთო პროდუქცია და საქონლიანობა ასე იზრდებოდა:

წლები	პროდუქცია	
	საერთო (წინა წლებთან შედარებით %%-ში)	საქონლითი
1924—25	98,3	99,1
1925—26	133,6	136,5
1926—27	108,2	117,5

აქედან სჩანს, რომ უფრო მეტად იზრდებოდა სოფლის მეურნეობის საქონლიანობა, ვიდრე საერთო პროდუქცია.

კერძოდ მესაქონლეობაში ეს ზრდა ასე გამოიხატებოდა:

წ ლ ე ბ ი	პროდუქცია	
	საერთო (წინა წლებთან შედარებით %"-ში)	საქონლით
1924—25	110,1	136,1
1925—26	108,3	105,7
1926—27	104,9	111,9

ჩვენი სოფლის მეურნეობის საქონლიანობის ზრდა უმთავრესად აიხსნება იმით, რომ ჩვენ თანდათანობით გადავდივართ მიწადმოქმედებაში ტენნიკურ კულტურათა გაძლიერებაზედ და მესაქონლეობაში კი იმ ჯიშების განვითარებისათვის ხელის შეწყობაზედ, რომლებიც გასაყილად უფრო გამოსადეგი არიან.

რამდენიმე მაგ. თუ როგორ იზრდებოდა ტენნიკური კულტურები ამ აჯა წლის განმავლობაში:

1922 წელს ბამბა დათესილი იყო 64 ათ. დეს., 1926 წ. — 668 ათ დეს. ე. ი ამ მოკლე პერიოდში მისი სივრცე გაზრდილა 10-ჯერ, ხოლო 1913 წ. ბამბის ნათესის სივრცე უდრიდა 527 ათ. დეს. მაშასადამე, დღეს ჩვენ გვაქვს წარმატება 27% 1913 წელ. შედარებით.

1913 წ. ქარხალი დათესილი იყო 569 ათ. დეს., 1926 წ. 520 ათ. დეს. ანუ 91.4% 1913 წ. შედარებით. ხოლო 1923 წ. შედარებით კი ქარხალით ნათესი სივრცე გაზრდილა 2½ ჯერ.

სოფლის მეურნეობაში საქონლიანობის ზრდა ხელს უწყობს მის რეკონსტრუქციას. რის გამო უკანასკნელ ხანებში შესამჩნევად იზრდება მოთხოვნილება სამეურნეო იარაღებზე. ამ უამად საბჭოთა კავშირის სოფლის მეურნეობაში გამოყენებულია სულ 27.667 ტალი. ამასთან დაკავშირებით „სელმაშტრემა“-ს გააძლიერა სამეურნეო იარაღების დამზადება.

წ ლ ე ბ ი	გ უ თ ა ნ ი	მოსამკელი	სანიავებელი და დამზარისხებელი
1923—24	145.764	13.440	23.851
1924—25	577.079	53.925	58.761
1925—26	915.082	87.711	97.349

თუ სასოფლო-სამეურნეო ინვენტარის ზრდას გავეცნობით მარტო ერთი წლის მაგალითზე, მაშინ 1925/26 წელს მისი ღირებულება უდრიდა 779,4 მილ. მან.. 1926/27 წ. კი 859,5 მილ. მან. გაზრდილა 10%-ით.

სოფლის მეურნეობაში არსებულ მიღწევათა მნიშვნელობა, რომ უფრო სწორედ წარმოვიდგინოთ, ამისათვის შევადაროთ 1927 წელში სოფლის მეურნეობის მთელი პროდუქცია 1913 წ. პროდუქციას. წელს ჩვენ გვაქვს ომის წინანდეგ ლკურსით 11 მილიარდ 580 მილ. მანეთის ღირებულება. ხოლო 1913 წ. იყო 12 მილიარდ 896 მილ. მან. ანუ ჩვენი პროდუქცია უდრის 92,2% ომის წინა დროისას. ხოლო ს. ს. რ. კ. საეკგმო კომისიის მიერ გათვალისწინებულა, რომ 1927 — 28 წ. პროდუქცია უნდა აყვანილ იქნას 97,6%. ასეთი სწრაფი წინსვლას ხელს უწყობდა მთელი რიგი ფაქტორები. მთავრობა სოფლის მეურნეობას ეხმარებოდა თესლითა და სამეურნეო იარაღებით... ასე მაგ. 1918 წ. — 1927 წ. მთავრობამ დაურიგა მეურნეებს 3,147 ათასი ტონა სათესლე ხორბალი, აქედან არ დაუბრუნდება უკან მთავრობას 1.694 ათასი ტონა. ხოლო პირველი ნაწილი კი სესხად არის გაცემული. მარტო 1926 — 27 წ. მთავრობამ დაარიგა 70 ათასა ტონა თესლი. ხოლო თუ ამას მიუმატებთ ზემოდ აღნიშნულ 27.667 ცალ ტრაქტორს, რომლის სოფლის მეურნეობაში შეტანა სულ ერთთავად მთავრობის ინიციატივას ეკუთვნის, არ შეიძლება სათანადო მნიშვნელოვანი ეფექტი არ მოჰყოლოდა.

მიწად მოწყობისათვის სისტემატიური ზრუნვის შედეგათ ჩვენ მივიღეთ არა კლასობრივი დიფერენციაციის გაძლიერება სოფლად, არამედ მისი თანდათანობითი ამოწრობა. უფრო უკეთ ჩვენ სოფლებში მიმდინარეობს საშუალო შეძლების გლეხობის % ზრდა, რადგან ერთი მხრივ მცირდება რიცხვი უღარიბეს გლეხობის მეორე მხრივ კლებულობს მსხვილი გლეხური მეურნეობის რაოდენობაც.

ჩვენი სოფლის მეურნეობის წინსვლას ხელი შეუწყო აგრეთვე იმ საიჯარო გადასახადებისაგან გლეხობის განთავიუფლებამ, რომლის გამო დიდი ნაწილი მისი შემოსავლის წინაღ მემაძულეს მიჰქონდა. ამას თუ დაუმატებთ კიდევ წმინდა სუბიექტიურ ფაქტორებს, ჩვენი გლეხობის განსაკუთრებულ ენერჯიას და ლტოლვას, რომელსაც იგი იჩენს ახალი ცხოვრების დამყარებისათვის, მაშინ ყველა ამათმა ხელი შეუწყო სამოქალაქო და იმპერიალისტური ომების დროის განადგურებულ სოფლის მეურნეობის აღდგენას.

თქმა არ უნდა ჩვენი მიღწევები სოფლის მეურნეობაში აქ ვერ შეჩერდება. რაც გვაქვს იგი ოდნავათაც ვერ დაგვაკმაყოფილებს. ომის წინა დროის პროდუქციას დაუახლოვდით, მაგრამ ეს ერთი ნაწილია იმ ამოცანის, რომელსაც ჩვენ ვისახავთ სოფლის მეურნეობაში. საჭიროა გამოვძებნოთ ის კონკრეტი ფორმები, ღიითაც სოფლად შევიტანოთ მანქანებს, მიწის დამუშავების ახალ მეთოდებს, შემოვიღებთ ამერიკულ და ევროპიულ აგრიკულტურას. ჩვენ ჯერ კიდევ პირ-

1) „Промышленность и народ. хозяйство“ “Эконом. жизнь“-ის გამოცემა 1927 წ. 33. 28.

ველი ნაბიჯები გვაქვს გადადგმული სოფლის მეურნეობაში განზოგადოებული მეურნეობის ფორმების დასამკვიდრებლად და უნდა ითქვას, რომ აქაც ჩვენ ჯანსაღ წინსვლას ვამჩნევთ. სასოფლო-სამეურნეო კოოპერაციის ზრდა ასეთ ხასიათს ატარებს:

	1918 წ.	1922 წ.	1926 წ.
სამრეწველო სას.-სამ. კოლექტივი	950	12.028	12.099
დამხმარე სამრეწველო	—	1.700	16.892
გადამუშ. და გამსალეველი	—	3.500	8.503
სასოფ.-სამ. და საკრედიტო ამხ-ბა	—	4.750	16.184
დანარჩენი	—	180	1.144
სულ	950	22.158	55.122

ამრიგად, 1926 წ. 1 ოქტ. რ. ს. ფ. ს. რ. (ცნობები ეხება მხოლოდ ამერს-პუბლიკას) ყოფილა 55.122 სასოფლო-სამეურნეო კოოპერ. გაერთიანება 5 მილიონ წევრით.

აღასნიშნავია ისიც, რომ სასოფ.-სამ. კოოპ. რაოდენობითი ზრდის პარალელურად მიმდინარეობს ამ უკანასკნელთა ხარისხობრივი შეცვლა მის სტრუქტურაში და საქმიანობაში. თუ პირველ ხანებში იზრდებოდა უფრო მეტად რიცხვი გამსალებ. ხასიათის კოოპერატივებისა, დღეს უფრო მეტად იზრდება სამრეწველო ხასიათის გაერთიანებანი:

	1925 წ.	1926 წ.
სამანქანო ამხანაგობანი	2.268	6.356
სათესლე ამხანაგობანი	398	1.113
ცხენების მოსაშენებელი ამხანაგობანი	386	681
სამელიორაციო ამხანაგობანი	3.361	4.819
ვრბო და ყველის დამამზადებელი ამხ-ნი	5.946	6.491
კართოფილი პროდ. დამამზადებელი ამხ-ნი	48	73
სას.-სამ. ამხანაგობანი (უნიფ. ხასიათის)	9.020	8.312

აქედან ნათლად სჩანს, რომ იზრდება სამრეწველო ხასიათის ამხანაგობანი და კლებულობს უნივერსალული ხასიათის ამხ-ნი, რომლებიც აწამოებენ ზაცვლითი პროცესებს.

ამრიგად ჩვენ უკვე სერიოზულად გადავდგით ნაბიჯი განზოგადოებულ მეურნეობათა დასამკვიდრებლად. ჩვენ ესლა შევდივართ აგრარული რევოლუციის მეორე ფაზისში — განზოგადოებულ მიწაზე შრომის განზოგადოების მოწყობის ხანაში და თუ სოფლის მეურნეობის აღდგენითი პროცესის დროს ჩვენ ამ საკითხისათვის ვერ ვიცილიდით სათანადოთ, დღეს, რეკონსტრუქციის პერიოდის დაწყებისას, შრომის განზოგადოებისათვის ზრუნვა უნდა იქცეს ჩვენი ყურადღების უმთავრეს საგნად.

მრეწველობა.

სახალხო მეურნეობის ორ უმთავრეს დარგიდან მრეწველობა უფრო მეტად დაზარალდა ომის დროს, ვიდრე სოფლის მეურნეობა, ამას ხელს უწყობდა სხვადასხვა პრობები. ჯერ ერთი ომის დროის და მის შემდეგაც ქალაქის მრეწველობას მოსწყდა სამრეწველო მუშათა ფენა, რომლის დიდი ნაწილი ომში იყო გაწვეული, ომის შემდეგ კი მუშების ერთი ნაწილი სოფლად გარბოდა პურის რაიონებში.

მეორე-მრეწველობას არ ჰყოფნიდა სათბობი მასალა არც ომის დროს და არც მის შემდეგ.

მესამე მიზეზი იმაში მდგომარეობს, რომ არ იყო საკმაო ნედლი მასალა; უცხოეთიდან მისი შემოტანა მინიმუმამდე ჩამოვიდა, ადგილობრივ კი ტექნიკურ კულტურიდან დაბალ კულტურაზე გადასვლის გამო, იგი ერთობ მცირე რაოდენობით მოგვეპოვებოდა. ამას თუ დაუმატებთ იმას, რომ სამოქალაქო ომის დროს ნედლეულის დამამზადებელი რაიონები ხელიდან ხელში გადადიოდა და მომეტებულად თვით გვარდიელთა ზონაში იმყოფებოდა. აგრეთვე თუ მოვიგონებთ სატრანსპორტო საქმის არეგდარევის და მოუწყვსრიგებლობას, მაშინ მრეწველობის დაშლის სურათი ნათელი გახდება.

ასეთ პირობებში საბჭოთა კავშირის მრეწველობის პროდუქცია 1920 წელს უდრიდა ომის წინა დროის 18%.

ესლა თუ თვალს გადავაკლებთ ჩვენი მრეწველობის განვითარებას ახალ ეკონომიური პოლიტ. შემოღებიდან. ასეთი სურათი წარმოგვიდგება:

წ ლ ე ბ ი	ომის წინა დროის კურსით მილ. მან.	ზრდა წინა წლებთან შედარებით %/მ-ში
1921—22	850	100
1922—23	1.239	146
1923—24	1.621	191
1924—25	2.643	311
1925—26	3.750	441

1) პროფ. კაფენგაუზის გამოანგარიშებით.

ჩვენი მრეწველობის ასეთი სწრაფი ზრდა, რასაკვირველია, არ მიეწერება თვით მრეწველობაში არსებულ რაიმე სპიციფიურ ფაქტორებს, ყველა ეს ზემოდ ჩამოთვლილი დაბრკოლებათა გამოსწორებით აიხსნება. ასეთია მაგ. მუშათა კლასის დაბრუნება ქალაქად, სოფლის მეურნეობაში ტექნიკურ კულტურააა. მოყვანის გაძლიერება, სათბობ მასალით მრეწველობის უზრუნველყოფა, ტრანსპორტის აღდგენა და სხვ.

ქვეყნის სამეურნეო ცხოვრების გაუმჯობესებასთან ერთად იზრდება წარმოების გაძლიერების, ასე ვთქვათ, სუბიექტური ფაქტორიც; მტკიცდება შრომის დისციპლინა, მცირდება თვითნებურად გაცდენილი სამუშაო დღეების რიცხვი, რაც თავის გამოხატულებას პოულობს შრომის ნაყოფიერების ზრდაში.

სახელმწიფო მრეწველობაში თვითეუ ლმუშაზედ ყოველდღიური პროდუქციის ღრეებულება უდრიდა:

1923 წ.—3 მ. 84 კ.

1924 წ.—3 მ. 76 კ.

1925 წ.—5 მ. 52 კ.

1926 წ.—6 მ. 06 კ.

1922 წ. სახელმ. მრეწველობაში სულ გაფიცვა იყო 437 ჯერ. რომელშიაც მონაწილეობა მიიღო 186.909 მუშამ, 1923 წ. გაფიცეს 379 ჯერ და გაფიცულთა რიცხვი უდრიდა 169.933 მუშას, 1924 წ.—151 ჯერ, გაფიცული იყო 42.793, ხოლო 1925 წ.—99 ჯერ 34.037 მუშამ მიიღო მონაწილეობა. ამის გამო ვანცდენილ დღეების რიცხვი უდრიდა 1922 წელს 544.869 დღე, 1923 წ.—349.235 დღე, 1924 წ. 111.705 დღე; 1925 წ.—69.681 დღე.

უფრო მნიშვნელოვანი იყო მუშების მიერ თვითნებურად გაცდენილ დღეების რიცხვი. 1920 წ. თვითეულ მუშაზე მოდიოდა 23.6 დღე, 1921 წ. 20.6 დღე, 1922 წ.—10.3 დღე, 1923 წ.—9,8 დღე, 1924 წ.—8,8 დღე, 1925 წ.—7,4 დღე და თუ 1925 წ. ფაქტიურად ნამუშევარი დღეების რიცხვი თვითეულ მუშაზე მოდიოდა 261.9 დღე; 1921 წ. კი 221.5 დღე. ე. ი. 1925 წ. გაზრდილა სამუშაო დღის რიცხვი 18%-ით.

ამას ხელი შეუწყო აგრეთვე სამუშაო ხელფასის მომატებამაც, რომლის გამო ერთი მხრივ შრომის ნაყოფიერებამ იმატა, ხოლო მეორე მხრივ სამუშაო დღეების გაცდენამ იკლო.

სტატისტიკის ცენტრალურ ბიუროს ცნობებით შრომის ხელფასი მატულობდა შემდეგ ნაირად: მსხვილ მრეწველობაში საშუალოდ მოწა დღიურად იღებდა 1922 წ. 51,4 კ., 1923წ.—71,6 კ.—80,8 კ., 1924 წ. 90,6 კ.—102,4 კ., 1925წ. 102,9 კ.—108,8 კ. ხელფასის ასეთი ვადიდება ანვითარებდა მრეწველობაში ჩაბმულ მუშების შრომის ნაყოფიერებას.

სათბობ მასალის დამზადების გაძლიერებას ბუნებრივად უნდა მოჰყოლოდა მრეწველობის გაჯანსაღება; და მართლაც, ახალი ეკონ. პოლიტიკის შემოღების შემდეგ ჩვენ ვამჩნევთ ქვანახშირის ამოღების გაძლიერებას:

(ომის წინა დროის მილ. მან.)

1920—21 წ.—	46
1921—22 წ.—	56
1922—23 წ.—	65
1923—24 წ.—	87
1924—25 წ.—	86
1925—26 წ.—	134

ჩვენი ნახშირის მრეწველობაში აღსანიშნავია აგრეთვე ერთი გარემოება: აქ ჩატარდა დიდი რეორგანიზაცია. მან ხელი შეუწყო ინდუსტრიის ამ დარგის ნახშირზედ, როგორც სათბობ მასალაზედ, მოთხოვნილების შემცირებას და მით შემოსავალიც მნიშვნელოვნად გაიზარდა.

1920/21 წ. საკუთარი საჭიროებისათვის იხარჯებოდა მთელი პროდუქციის 39%, ანუ 2/5 რჩებოდა აქვე ნახშირის წარმოებას. 1921/22 წ. ამ ნორმამ დაიკლო 28%-ამდე, 1923/24 წ. — 15%. 1924/25წ. — 12,1%, 1925/26 წ. — 8,5 პროც. 1925/26 წ. ქვანახშირის მრეწველობამ მოგვცა 123 მილ. მან., ანუ 1921-22 წ. შედარებით 3 ჯერ მეტი.

ესლა თუ ნავთის მრეწველობას გავითვალისწინებთ, მიღწევები აქაც უმკველად ფრიად მნიშვნელოვანია. ეს კი ბევრადაა დამოკიდებული ამერიკული მანქანების ნავთის მრეწველობაში ფართოდ გამოყენებაზე, რომელიც დიდძალი რაოდენობით შეეძინეთ ბაქოს ნავთის წარმოების გასაუმჯობესებლად. ნავთის ამოღება ყოველწლიურად ასე მიმდინარეობდა:

1921-22 წ. 98 მილ. მან. ომის წინადროის კურსით, 1922-23 წ. — 111 მილ. მან., 1923-24 წ.—127 მილ. მან., 1924-25 წ.—149 მილ. მან., 1925-26 წ.—175 მილ. მან. ხოლო 1926-27 წ. კი სამრეწველო გეგმის თანახმად ამოღებული უნდა იქნას 195 მილ. მანეთის ნავთი.

აქ აღსანიშნავია არა მარტო ის, რომ ჩვენ ამ დარგშიც უახლოვდებით ომის წინა დროის ნორმას, არამედ ისიც, რომ აქ წარმოების ტექნიკა შესაძინევად გაუმჯობესდა. 1925-26 წელს გათხრილი ახალი კვები 284.295 მეტრ.; 1921-22 წ. კი — 19.400 მეტრი ანუ 15 ჯერ ნაკლები.

ასეთივე საყურადღებო მიღწევები ახასიათებს ჩვენს მძიმე ინდუსტრიას ლითონის დამზადების დარგშიც. თუ თუჯის დამზადებას ვამოხებთავთ ათასინგლისურ ტონებში, მაშინ ზრდა ასეთი ტემპით მიმდინარეობდა:

1914 წ.—	4.019
1921—22 წ.—	164
1922—23 წ.—	296
1923—24 წ.—	643
1924—25 წ.—	1.242
1925—26 წ.—	2.207

1921-22 წ. — 1925-26 წ. თუჯის ამოღება გაზრდილა 13 ნახევარჯერ. ეს ჯერ კიდევ არაა საკმაო, ვინაიდან ლითონზედ მოთხოვნილება ჩვენში ერთობ დიდია.

1926-27 წ. დამზადებულ თუჯი უდრის 3.000 ათას ტონს, და გაჯანდვრა ბრ. მილიონ 500 ათას ტონს. 1914 წელთან შედარებით, ჯერჯერობით

პირველ დარგში ჩვენ მივადწიეთ 75 პროც., ხოლო მეორეში კი 71 პროც. როგორც აკადემიკოსი ა. ფერსმანი ამბობს, რკინის მოხმარა არაა მაჩვენებელი ამა თუ იმ ქვეყნის კულტუროსნობის ხარისხის, იგი მეცხრამეტე საუკუნეში ითვლებოდა ასეთად და ამიტომ დღეს ამერიკაში და სხვა სახელმწიფოებში გადადიან უფრო გავრცელებულ და მარტივ ნივთიერებათა გამოყენებაზე, როგორცაა თიხა, ქვიშა და ქვა და ფერსმანი გვიჩვენებს ჩვენშიც უნდა მოვახდინოთ დაზოგვითი გამოყენება ლითონის, ქვანახშირის და ნავთისო.¹⁾

აკადემიკ. ფერსმანის ეს მოსაზრება განსაკუთრებით საყურადღებოა ჩვენთვის, რადგან ძველი ტექნიკური მოწყობილობათა დატოვების პირობებში, განსაკუთრებით ინვენტარის გაცვეთის გამო, მეტალურგიას არ შეუძლია ომის წინა დროის პროდუქცია მოგვცეს, აქ მწვევეთაა დასმული საკითხი გაუმჯობესებულ იარაღების დამზადებისა და ახალი ქარხნების აგების შესახებ, ასეთ პირობებში ჩვენ მოგველის დიდძალი ლითონის დახარჯვა, რომელიც ძვირიც ჯდება და ჩვენში არსებულ მარაგსაც საგრძნობლად შეამცირებს.

თუ როგორ იზრდებოდა წარმოება რკინეულების დამზადების დარგში, ამისათვის შემდეგ ცნობებს მოვიყვანთ: 1921/22 წ. რკინის მადანი ამოღებული იყო 185 ათასი ტონა, 1926/27 წ. კი — 5.000 ათ. ტონა.

საერთოდ კი, თუ როგორ ვითარდებოდა მრეწველობის უმთავრესი დარგები საბჭოთა ხელისუფლების დამკვიდრების შემდეგ, ამას გვიჩვენებს შემდეგი ცხრილი:

		1913 წ.	1925—26 წ.	1926—27 წ.
ქვანახშირი		29.055.000	25.209.000	33.780.000
ნავთი		9.194.000	8.290.000	9.452.000
რკინის მადანი	ტონებში	9.230.000	3.513.000	5.031.000
ო.უჯი		4.206.000	2.334.000	2.930.000
ფოლადი		4.247.000	2.242.000	3.293.000
რკინა		3.509.000	2.109.000	2.354.000
ქსოვილები	მეტრებში	2.238.000	1.995.000	2.133.000 ²⁾

ჩვენი მრეწველობის უმსხვილეს დარგების პროდუქციის ზრდის გასაცნობად 1921-22—1925-26 წ. ვისარგებლებთ პროფ. კაფენგაუზის ცხრილით. (ცნობები მოცემულია ომის წინანდ. კურ. მილ. მან.).

¹⁾ იხ. Акад. А. Ферсман. „Состояние и перспективы развития производ. сил СССР“. უფრ. „Новый мир“ მე-9 წიგნი 1927 წ. გვ. 152.

²⁾ იხ. Эр. Квининг „Новые задачи нашего социалист. строит.“ 1927 წ. გვ. 17.

წლები	განუწყვ. წარმ.	სეზონ. წარმ.	სულ	წინა წელთან %/o	1921—22 წ. %/o
1921—22	833	17	850	—	100
1922—23	1.199	40	1.239	145.8	145.8
1923—24	1.553	68	1.621	130.8	190.7
1924—25	2.560	83	2.643	163.0	310.9
1925—26	3.556	194	3.750	141.9	441.2*

აქ ნათლადაა მოცემული ჩვენი მრეწველობის დინამიკა, დაწყებული ახალი ეკონ. პოლიტ. შემოღებიდან დღემდე. განვიღო პერიოდში ჩვენი მრეწველობა გაზრდილა 41½ ჯერ და ამ პერიოდის დასასრულს ჩვენ უახლოვდებით ომის წინანდროის დონეს. მართალია, როგორც პროფ. კაფენგაუზი სწერს, ომის წინანდროის სტატისტიკური ცნობები სავესებით გამოსადევი არ არის ამჟამად ჩვენთვის, რადგან საქონლის ასორტიმენტი სხვადასხვაგვარია, მაშინ და ესლა სხვადასხვაგვარია საქონლის ხარისხიც, უთანაბროა სტატისტიკური დაკვირვების წრეც. მაგრამ დაახლოვებით მაინც შეიძლება ითქვას, რომ 1925-26 წ. ჩვენმა მრეწველობამ მიაღწია 90% ომის წინა დროის ნორმისას.

ეს მიღწევა ერთობ მნიშვნელოვანია იმიტომაც, რომ წარმოების ზრდა სულერთავედ ემყარებოდა საკუთარ შინაურ რესურსებს და თითქმის არავითარი დახმარება არ აღმოუჩინა მას უცხოეთის კაპიტალმა.

ეს პერიოდი დასრულდა ჩვენი მრეწველობის აღდგენით.

მაგრამ მოხდა არა მარტო აღდგენა, არამედ მისი რეკონსტრუქციისათვის ჩვენ უკვე გავიღეთ პირველი წვლილიც. რეკონსტ. ელემენტების შეტანა ჩვენს მრეწველობაში გამოიხატება 1925-26 წ. კაპიტალურ ხარჯების გაწევაში 780 მილ. მან. რაოდენობით; ამით არა თუ აღვადგინეთ ძირითადი კაპიტალის ნაწილი, არამედ მოვახდინეთ ჩვენი მრეწველობის საწარმოო ძალის შესაძენეი ზრდაც.

თუ თვალს გადავაყვებით მრეწველობის ფინანსურ მდგომარეობას. ამ მხრივაც ვაძინევთ გაუმჯობესებას. 1923-24 წ. საბჭოთა კავშირის მრეწველობა უკვე უზარალოა, პირიქით, მოხდა მოგების დაგროვება 105 მილ. მან. რაოდენობით, 1924-25 წ. ეს დაგროვება იზრდება და აღწევს 305 მილ. მან. 1925-26 წ. კი 474 მილ. მან. ეს თანხა, სამრეწველო ბანკისა და სახელმწიფო ბანკის საშუალებით, ნაწილდება მრეწველობის ცალკე დარგებზე სათანადო გეგმით. სახელმ. მრეწველობას ხელს უწყობს აგრეთვე სახელმ. ბიუჯეტი. 1924-25 წელს მრეწველობამ მიიღო ბიუჯეტით 184 მილ მ. რაოდენობით. დაუბრუნა 121 მილ. მ. მასზე დარჩა 63 მილ. მ.; 1925-26 წ. კი მიიღო 491 მილ. მან., დაუბრუნა 196 მილ. მან. და ვალათ დაედო 295 მილ. მან.

*) იხ. Проф. А. Б. Кафенгауз „Государ. промышленн. С. С. С. в. 1925/26“ 1927 წ. გვ. 112.

საბრუნავ თანხების წყაროდ ითვლება ბანკის კაპიტალი, რომლითაც ჩვენი მრეწველობაც ფართოდ სარგებლობს. 1924 წ. მრეწვ. მიიღო სესხათ 275 მილ. მ., მთელმა სახალხო მეურნეობაჲ კი — 574 მილ. მან., ანუ მრეწველობამ მიიღო 45%, 1926 წ. მრეწველობაზე მოდის მთელი სესხის 53%.

რადგან ჩვენს პირობებში საწარმოო საშუალებათა დამზადებას ქვეყნის მეურნეობის ახალ ტენიკურ ბაზისზე გადასაყვანათ უდიდესი მნიშვნელობა ეძლევა. ამიტომ სესხის გაცემის დროს და ბიუჯეტით დახმარების პირობებში მეტი ეძლევა ლითონის მრეწველობას, ვიდრე საფეიქრო ან საკვებ საშუალებათა დამზადების წარმოებას. ამის გამო, ჩვენი მრეწველობის ზრდა ასეთ ხასიათს იღებს: თუ მთელი პროდუქციას 100-ად ჩავთვლით, მაშინ საწარმოო საშუალებანი და სამომხ. საშუალებები მზადდებოდნენ:

წლები:	საწ. საშ.	სამომხ. საშ.
1923—24	51,7	48,3
1924—25	52,6	47,4
1925—26	54,4	45,6
1926—27	56,1	43,9

ასეთი პოლიტიკა სრულიად გამართლებულია ქვეყნის ინდუსტრიალიზაციის გეგმის თვალსაზრისით.

როგორც ვიცით, რუსეთში ჯერ კიდევ მსხვილი მრეწველობის გვერდით განაგრძობს არსებობას წვრილი მრეწველობაც, რომელიც, მართალია, თანდათანობით მცირდება, მაგრამ თავისთავად მას უდიდესი მნიშვნელობა აქვს; იგი აძლევს დამატებით შემოსავალს მოსახლეობის უდიდეს ნაწილს — გლეხებს და ხელოსნებს, რომლებიც კომპარატიული გაერთიანების გზით აწოდებენ ნახევარ ფაბრიკატებს მსხვილ ქარხნებს ანა და მზადდებულ პროდუქტებს ჰყიდნიან პირდაპირ მომხმარებელზე.

მრეწველობის მთელი პროდუქტია ასეა განაწილებული: 1923-24 წ. ცენზიანი წარმოების პროდუქტია უდრიდა:

1923—24 წ. ცენზ. წარ. 4.466 მილ. მ. ანუ 76% წარ. წარმ. კი—1.419 მილ. მ. ანუ 24% ⁰			
1926—26 წ. 10.867 „ 84% „ 2.135 „ 16% ⁰			

ანუ წვრილი წარმოების პროდუქტია $6\frac{1}{2}$ ჯერ უფრო ნაკლებია მსხვილი წარმოების პროდუქტიაზე. ჩვენი მიღწევები მრეწველობის დარგში ამით არ ამოიწურება. ჩვენ დაწყებული გვაქვს სხვადასხვა ადგილას ახალი ქარხნების აგება და მუშაობის დასრულების შემდეგ ჩვენი წარმოების პროდუქტია კიდევ უფრო მოიმატებს, ახალი ტენიკის გამოყენებით კი საქონლის თვითმომზადება კიდევ უფრო შემცირდება. ახალი ქარხნები შენდება ტენიკის უკანასკნელი სიტყვის თანახმად. აი რამდენიმე მათგანიც: ქერჩში შენდება მეტალურგიული ქარხანა, რომელიც ჯდება 45 მილ. მან., როსტოვში ფაბრიკა სასოფ. სამ. მანქანების დამამზად. ქარხანას — 57 მილ. მან., ყოფ. „პროვოდნიკის“ ქარხანაში ვაწყობა ელექტრო-ტენიკურ ქარხანას — 10.3 მილ. მ., დონეცკში 20 მაღაროს მოწყობა — 152 მილ. მ., ბათომში ნავთის საწმენდი ქარხანა — 5 მილ. მ., შუშის ქარხნები გუს-ხრუსტალში და ბელომოიკაში — $5\frac{1}{2}$ და $6\frac{1}{2}$ მილ. მან., ვლადიმირში სა-

ფექრო ქარხანა — 100.000 თითის ტარით — 7½ მილ. მ., ივანოვოვოზნენსკში 128000 თითისტარით — 11 მილ. მ., 368 შენების პროცესში მყოფ ქარხნებზე სულ ზრახულია დახარჯოს 650 მილ. მ., ანუ საშუალოდ თვითეულზე 1.8 მილ. მან.

შეიძლება დავასახელოთ აგრეთვე ის ქარხნებიც, რომელთა აშენება განზრახულია მოკლე პერიოდში და რომლებიც თავიანთი სიდიდით მსოფლიოში არსებულ უმსხვილეს საწარმოო გიგანტებს შეედრებიან. ასეთია ტელბესის მეტალურგიული ქარხანა—680 მილ. მ., კრივოროგში მეტ. ქარხანა—81 მილ. მ., ურალში (მაგნიტ მთაზე) — 118 მილ., მ., ნიჟნე-ტაგულის რონოდის დამამზადებელი ქარხანა—44 მილ. მ., სტალინგრადის ტრაქტორის ქარხანა—31 მილ. მ., იარაღების ქარხანა — 7 მილ. მან.

მკითხველი ამ მოკლე მიმოხილვიდან ნათლად დაინახავს, თუ რა ფართო ამოცანები გვაქვს დასახული, ქვეყნის მრეწველობის აღორძინების დარგში და რა საგრძნობი მიღწევები ახასიათებს განვლილ აღდგენითი პერიოდს.

ვ ა ჯ რ ო ბ ა .

განვლილი პერიოდის გასწვრივ შეუჩერებელი ზრდა დაეტყო სახელმწიფო და კოოპერატიულ ვაჭრობასაც, რაც თანდათანობით ფართოვდება კერძო ვაჭრობის შემცირებით. სავეგმო კომისიის საკონტრ. ციფრების თანახმად, სხვადასხვა სოციალურ სექტორთა თანამშრომლობა ვაჭრობის დარგში იცვლებოდა ასე:

წ ლ ე ბ ი	სახელ. ვაჭ.	კოოპერატიული	კერძო	სულ
1923—24	31,0	28,2	40,8	100
1924—25	35,5	37,5	27,0	100
1925—26	34,0	42,3	23,7	100
1926—27	34,0	44,5	21,5	100

მართალია, რაც დრო გადის სახელმწიფო და კოოპერატიული ვაჭრობა ერთგვარ გამოცდიბელას იღებს. კერძო ვაჭრობას ავიწროებს, მაგრამ ამ ცხრილში აღნიშნული კერძო ვაჭრობის ხვედრითი წონის შემცირება აიხსნება ავერთვე საერთო საქონლის სიმცირით, რომლის დროს კერძო ვაჭრობას არ აქვს საშუალება თავისუფლად შეიძინოს იგი; საქონლის გაერცელებას სახელმწიფო აკისრებს სულ ერთავად სახელმწიფო და კოოპერატიულ ვაჭრობას.

კოოპერაცია, როგორც სავაჭრო აპარატი, უფრო ჩქარა ვითარდება, ვიდრე სახელმწიფო ვაჭრობა; ასე, მაგ., 1925-26 წ. კოოპერაციამ მთელი პროდუქციის 56,2% გაასაღა. ეს იყო 10.საწარმოო დარგის ნაწარმოები; 1926-27 წ. კი—61,3%. მაგრამ ეს % თავისთავად მიიწვ არაა დამაკმაყოფილებელი, რადგან ჩვენი სა-

ბოლო მიზანია კერძო ვაჭრობის სრული გაუქმება და მის მაგიერ სახელმ. და კოოპერატიულ ვაჭრობის შემოღება.

ჩვენი სავაჭრო აპარატის დეფექტი, რომელიც ჯერ კიდევ ვერ აგვიცილებია თავიდან, არის წარმოებიდან მოხმარებამდე არსებული მრავალი გადამცემ რგოლის არსებობა; 1923 წ. ამან ხელი შეუწყო „მაკრატელის“ წარმოშობას, ესაა კი იწვევს საკმაო დიდ დამატებით ნარჯებს, რის გამო ჩვენ საქონელზე საწვრილმანო ფასები ერთობ დიდია. საქონლის გაძვირებას ხელს უწყობს აგრეთვე ზშირად დიდი მოგების მიღების სურვილიც; მაგ., კოოპერაცია ზოგჯერ მოგებას იღებს თავის საკუთარ კაპიტალზე 38 — 100 — 173 და ზოგჯერ 460%; თუ მთელ კოოპერაციას ავიღებთ, მისი მოგების % საკუთარ თანხებზე უდრიდა 1925-26 წ. 54.7%, საწვრილმანო კოოპერაციაში კი — 69%.

ამის გამო ჩვენი პარტიის ცეკამ 1927 წ. თებერვლის პლენუმზე გამოაცხადა დაკერითი წესით ბრძოლა მაღალ ფასებთან და ფასების დაკლება 10%. ეს ღირებულება უკვე შესრულებულია, თუმცა ეს დაგვიანებით მოხდა.

მართალია, საშინაო ვაჭრობის დარგში. ისე როგორც სხვა დარგებში, მიღწევები მნიშვნელოვანია, მაგრამ სავაჭრო აპარატის გამარტივება და კერძო სავაჭრო კაპიტალთან ბრძოლა ჯერ კიდევ დიდხანს იქნება დასმული ჩვენს დღიურ წესრიგში.

კერძო კაპიტალი უცდის დროსა და პირობებს თავის თავი გამოიყენოს იქ, სადაც ჩვენ განსაკუთრებულ სისუსტეს გამოვიჩინეთ. ამიტომ ამ მოდარაჯე შინაური მტრის დაძლევა ერთ-ერთ გადაუდებელ ამოცანათ რჩება მომავალშიაც.

საგარეო ვაჭრობა.

საგარეო ვაჭრობა ახალი ეკ. პოლიტ. შემოღებიდან თანდათანობით იზრდება, მაგრამ ჯერ-ჯერობით უმნიშვნელოა იგი. ასე მაგ.:

წლები	ექსპორტი	იმპორტი
1922—23	210 მილ. მან	187 მილ. მან.
1923—24	523 „	439 „
1924—25	551 „	720 „
1925—26	668 „	756 „
1913 წ. %/0-ში	37 „	42 „

როგორც ვხედავთ ზრდა სწარმოებს, მაგრამ ომის წინა დროსთან შედარებით ჯერ კიდევ შორს ვართ.

ჩვენ მიზნად ვისახავდით, არა მარტო საგარეო ვაჭრობის გადიდებას. არამედ უმთავრესად მისი ხასიათის შეცვლას. მთელი ჩვენი ამოცანა ამ დარგში, იმაში მდგომარეობდა, რომ ფართო მოხმარების საგნების შემცირებით საწარმოო საშუალებათა შემოტანის საქმე გაგვეფართოებია. მართალია სურსათის კრიზისის გამო პირველ ხანებში ეს გეგმა არ ხორციელდებოდა, მაგრამ უკანასკნელ ხანებში ჩვენ ამ ამოცანას თითქმის უკვე ვანხორციელებთ. ამის დასამტკიცებლად ვი-სარგებლებთ შემდეგი ცხრილით:

	1924—25 წ. მიელი ჯამთან %/0		1925—26 წ. მიელი ჯამთან %/0	
საარსებო საშუალებანი	165,7	25,7	38,6	5,7
ნედლეული და ნახევრად ფაბრიკ.	315,9	49,1	365,3	54,2
ოთხფეხი საქონელი	1,1	0,2	2,9	0,5
ფაბრიკატები	161,1	25,0	266,9	39,6
	673,8	100	613,7	100

აქედან ნათლად ჩანს, თუ როგორ იზრდებოდა ნედლეულისა და საწარმოო საგნების შემოტანა საარსებო საშუალებათა შემოტანის შემცირებით.

თუ ესლა საწარმოო საშუალებებს ფულში გამოვხატავთ მისი ზრდა ასეთ ხასიათს ატარებდა: 1923-24 წ. 19 მილ. მან., 1924-25 წ. 49 მილ. მან., 1925-26 წ. 74 მილ. მან. ამავე წლებში სასოფ.-სამეურნეო მანქანების და ტრაქტორების შემოტანა გაზარდილა ასე: 6 მილ. მან.-ით, 32 მილ. მან. და 48 მილ. მან.

ახალი მშენებლობისა და კაპიტალური შეკეთებათა დაწყების გამო, კიდევ უფრო გაიზარდება მანქანების შემოზიდვა.

სამაგიეროდ იზრდება ექსპორტიც. გაგვაქვს პური, კვერციხი, ნედლეული, ნავთი და სხვ.

1423—24 წ. კვერციხი გავიტანეთ 2,4 ათასი **რონოდ**

1924—25 წ. „ „ „ „ „ 4,1 „ „ „ „ „

კანაფის გატანა გაიზარდა ამავე წლებში 2,1 მილ. მან.-დან 4,2 მილ. მან.-დღე. ჩვენი ნაწარმოები უცხოეთის ბაზარზე შედარებით ძვირია, ეს აიხსნება შით, რომ ჯერ კიდევ ჩამორჩენილი ვართ ტექნიკურად, რის გამო ჩვენი საქონლის თვით ღირებულება შედარებით უცხოეთში ასეთივე საქონელთან, მაღალია. უფრო მნიშვნელოვანია ნავთის გატანა, 1923-24 წ., გავიტანეთ 43 მილ. ფუთი, 1925-26 წ. კი — 90 მილ. ფუთი.

ჩვენი კავშირი უცხოეთთან, რომელიც ფართო დიკუსიის საგანად აქცია ოპოზიციამ, არ წარმოადგენს ჩვენ მრეწველობისათვის რაიმე საფრთხეს: პირიქით. ჩვენ ამით სათანადოთ ვსარგებლობთ. ამხ. ბუხარინმა თავის მოხსენებაში, კომ. ინტ. აღმასკომის გაფართოებულ პლენუმზე 1926 წ., ამ საკითხზე შემდეგი სიტყვა: „ერთი მხრივ ჩვენ ვექცევით მსოფლიო მეურნეობის ეკონომიურ გაყვანის ქვეშ, მაგრამ მეორე მხრივ — თუმცა ეს რამდენიმედ პარადოქსალურად გვეჩვენება — ჩვენ ვხდებით სულ უფრო დამოუკიდებელი, ჩვენი ეკონომიურ ბაზისი უფრო მტკიცდება, კაპიტალისტურ ქვეყნებთან. კავშირის პირობებში, აქ არის დიალექტიური წინააღმდეგობა“ *).

*) იხ. Н. Бухарин—„Анклажи оппозиция“ 27 წ. გვ. 9.

მეორე ადგილას ამხ. ბუხარინი სწერს: „კაპიტალისტურ მეურნეობისაგან ჩვენი დამოკიდებულების ზრდა არის იმავე დროს ჩვენი დამოუკიდებლობის ზრდაც. თუ ჩვენ ბევრი პური გავვაქვს და ბევრი მანქანები შემოგვაქვს, ეს გარემოება ერთი შეხედვით არის ჩვენი დამოკიდებულებისა და დაქვემდებარების ზრდა. მაგრამ ეს არის ჩვენი დამოუკიდებლობის ზრდაც... შემოტანილი მანქანებით ჩვენ საძირკველს უყრით ჩვენს დამოუკიდებლობას კაპიტალისტურ ქვეყნებიდან“.¹⁾

არის თუ არა საშიში კაპიტალისტურ მსოფლიოსთან კავშირი? ამაზე ამხ. ბუხარინი შემდეგნაირად უპასუხებს: „ჩვენს ქვეყანაში მოიპოვება იმდენი რესურსები, რომ ჩვენთვის არ არის საშიში მსოფლიო ბაზრის ზეგავლენა. მსოფლიო ბაზრის ზეგავლენა მხოლოდ გვაიძულებს ჩვენ უკეთესად ვიმუშაოთ, რომ მოვივლოთ ბრძოლა იმ უდიდეს შეჯიბრში, რომელიც სწარმოებს კაპიტალიზმისა და მშენებლობის პროცესში მყოფ სოციალიზმის შორის. მსოფლიო ბაზრის ზეგავლენა — ეს ის მათრახია, რომელიც ჩვენ ავგამოქმედებს, მაგრამ ის ვერ გახდება ჩვენი დაღუპვის მიზეზი“—ო.“²⁾

ფ ი ნ ა ნ ს ე ბ ი .

რამდენად ჩვენში საეურნეო ცხოვრება ჯერ კიდევ ჩვეულებრივი აღებ-მიცემის ფორმაში მიმდინარეობს და რამდენად ჯერ კიდევ არიან ცალკე დამოუკიდებელი სამეურნეო ერთეულები, იმდენად ჯერ-ჯერობით ფულის საჭიროება შერჩენილია. ახალი ეკონ. პოლიტიკის შემოღებამ გამოიწვია საქონლის მეურნეობის არსებობასთან დაკავშირებულ მთელ რიგ მოვლენათა წარმოშობა. და რადგან სამეურნეო ცხოვრების ნორმების განვითარების დერძი ფულის მტკიცე კურსის შენარჩუნებაში მდგომარეობს, დაწყებული 1921 წლიდან ბოული ყურადღება მიექცა მტკიცე ფულის სისტემაზე გადასვლის საქმეს.

მეურნეობის გაუმჯობესებით და სათანადო საფინანსო პოლიტიკის მომარჯვებით, ჩვენ შეესძლებოდა 1924 წ. გადასულიყავით ჩერვონეცის ფულის ხმარებაზე. ნაცვლად საბჭოთა ფულის ნიშნებისა. ამის პარალელურად, მნიშვნელოვანი ცვლილებები მოხდა ჩვენს სახელმწიფო ბიუჯეტში. მთელი ყურადღება მიქცეული იყო იქეთ, რომ შეგვექნა უდფიცითო ბიუჯეტი. თუ როგორი მძიმე ნარკობდა სახალხო მეურნეობის გაუმჯობესებასთან ერთად სახელმწიფო ბიუჯეტის განმტკიცება, ამისათვის შემდეგ ცხრილს მოვიყვანთ: (იხ. მეორე გვ.).

კიდევ უფრო მეტი მჭერმჭეტველურ საბუთად ბიუჯეტისა და სახალხო მეურნეობის შორის არსებულ მტკიცე ურთიერთობის დასამტკიცებლად გამოგვაღება. თუ გუნებათ, ისიც რომ 1922 წლიდან კლებულობს გადასახადები, და ნატულობს არა გადასახადებისაგან მიღებული შემოსავალი. 1922-23 წელს გადასახადებიდან შემოსავალი უდრიდა 51,3%, არა გადასახადებიდან კი — 48,3%; 1926-27 წელს პირველი უდრიდა 48,6%, უკანასკნელი კი — 51,4%. არა გადასახადებიდან შემოსავლის გადიდება მრეწველობის, სასოფ. მეურნეობის, ტრან-

¹⁾ იხ. ნ. ბუხარინი — „საბჭ. კავშირის საერთ. და სამ. მდგომ.“ 1927 წ. გვ. 35, 38.

წლები	საერთო პროდ.	ერთიანი საკავშირო ბიუჯეტი	მთელი პროდუქციის საკონლითი ნაწილი
1922—23	13.608	1.354	5.491
1923—24	19.567	2.298	10.291
1924—25	26.150	2.988	14.828
1925—26	37.129	4.039	19.651
1926—27	37.339	5.002	22.075

სპორტის შემოსავლის ზრდის შედეგია. საკონტრ. ციფრ. მასალებიდან სჩანს, რომ მრეწველობის, ვაჭრობის და ტრანსპორტის შემოსავალი იზრდება ასე:

1922—23	5,9 მილ. მან.
1923—24	47,9 „
1924—25	120,7 „
1925—26	214,0 „
1926—27	254,0 „

მართალია, ჩვენში ჯერ კიდევ შერჩენილია სხვადასხვა სახის გადასახადები, მაგრამ აღსანიშნავია, რომ თანდათანობით მცირდება არა პირდაპირი გადასახადი: საშაგიერო იზრდება ისეთი გადასახადები, რომელიც მძიმე ტვირთად აწევება მოსახლეობის შეძლებულ ნაწილს. ასე მაგ., არაპირდაპირი გადასახადები შემცირებულია: 1922-23 წ. შემოსავალი უდრიდა — 55%, 1925-26 წ. კი — 33%; საშაგიეროდ ამავე წლებში ფუფუნების საგნებზე გაზრდილია გადასახადები და მოუმატია შემოსავალსაც. თუ 1922-23 წ. უდრიდა 17% — უკანასკნელ ხანებში — 46% ფუფუნებიდან აღებული გადასახადია.

რამდენად იზრდებოდა სახელმწიფოს შემოსავალი იმდენად ფართოვდებოდა მისი კულტურულ-ეკონომიური ამოცანები და მეტი იხარჯებოდა სახელმ: ბიუჯეტიდან. თუ სოციალ-კულტურულ მნიშვნელობის სახალხო კომისარიატებისათვის 1923-24 წ. იხარჯებოდა მთელი ხარჯის 12%; 1926-27 წ. კი ამ საქმეს მონადრომეს 15,3%. ყველა ხარჯებისა; მაგრამ ამასთანავე ერთად მიმდინარეობს აპარატის რაციონალიზაცია და ხარჯების შემცირება.

მართალია, ჩვენი ფინანსური მდგომარეობა ჯერ კიდევ ნახევრადაც ვერ აკმაყოფილებს ჩვენი სამეურნეო გეგმის მოთხოვნილებას, რაც ბევრად უსწრებს წინ ჩვენს ფინანსურ შესაძლებლობას, მაგრამ ის ფაქტი, რომ შეესძლებოდა მანეთის სტაბილიზაცია მოგვეხდინა და საფინანსო მდგომარეობის შენება დავიწყეთ განადგურების პირად მისულ სახალხო მეურნეობის პირობებში, შემდეგის მან: ჩვენებელია: ამიერიდან ამ გზაზე არსებული დაბრკოლებები კიდევ უფრო აღვილად იქნება გადალახული.

ტ რ ა ნ ს პ ო რ ტ ი .

ტრანსპორტი, რომელიც სამოქალაქო ომის დროს თითქმის განადგურდა, დღეს არა თუ ომის წინა დროის მდგომარეობას უახლოვდება არამედ ბევრს რაშეში წინაც უსწრებს.

თუ რკინის გზის სიგრძე 1913 წ. უდრიდა 58.162 კილ., 1926-27 წ. უდრის 76.589 კილ. სამოძრაო ნაწილიც გაუმჯობესდა, როგორც რაოდენობით, ისე თვისობრივად. 1921-22 წ. სულ გადატანილი იყო 2.436 მილ. ფუთი, 1925-26 წ.— 7.131 მილ. ფ., ე. ი. 4 წელიწადში გაზრდილა 3 ჯერ, ასევე გაიზარდა მგზავრების რიცხვიც.

სამოქალაქო ომის დასრულების შემდეგ რონოდების მოძრაობის სიჩქარე-მაც კი იმატა. 1913 წ. დღეში გადიოდა 204 ვერსს; ესლა საშუალოდ გადის 268 ვერსს.

აღსანიშნავია ისიც, რომ ჩვენი რკინის გზები დღეს მუშაობენ თითქმის უდღეფიცით და ახლო მომავალში ჩვენ მოწამე ვიქნებით რკინის გზის ტრანსპორტის კიდევ უფრო გაუმჯობესების.

1913 წ.	392,4	797,2
1923—24	671,3	738,3
1924—25	928,8	941,5
1925—26	1.415,0	1.440,5
1926—27	1.800,0	1.650,5

რკინის გზების უდღეფიცითა მუშაობა იმ მხრივაც აღსანიშნავია, რომ დღეს ტარიფი თითქმის ისეთივეა, როგორიც ომამდ იყო.

ასეთივე გაუმჯობესება ეტყობა საზღვაო ტრანსპორტსაც; ადგილობრივ მნიშვნელობის გზებსაც, რომელთა შესაკეთებლად ყოველწლიურად სახელმწიფო ხარჯავს დიდძალ თანხებს. ასე მაგ., გზათა შესანახავად 1923-24 წ. დახარჯული იქნა 5 მილ. მან., 1926-27 წ. კი 23 მილ. მან.

ტრანსპორტის დარგშიც ჩვენ უკვე მივალწიეთ ომის წინა მდგომარეობას, ესლა იწყება ახალი პერიოდი — პერიოდი რეკონსტრუქციის, რომლის დროს ტრანსპორტის ზრდა უნდა დაეწიოს მთელი სახალხო მეურნეობის ზრდას. ეს ამოცანა რთულიცაა და დიდ თანხებსაც მოითხოვს, მაგრამ გეგმიან მუშაობის პირობებში ჩვენ ამის შესრულებასაც შევძლებთ.

დავასრულეთ ჩვენი მოკლე მიმოხილვა საბჭოთა კავშირის სამეურნეო მიღწევათა შესახებ. და დღეს როცა ოქტომბრის რევოლუციის 10 წლის თავზე ცალი თვალთი განვილილ გზას ვავსცქერით, ხოლო მეორეთი ჩვენ მორიგ სამეურნეო ამოცანებს, ერთი რამ უდაოდ შეიძლება დავასკვნათ: განადგურების პირად მისული მეურნეობის აღდგენითი პერიოდი საესებით დასრულებულია და მომზადებულია მტკიცე მატერიალური ბაზა ახალი გეგმის მიხედვით მისი განსავითარებლად. ვასაფართოვებლად.

ბევრი დაბრკოლებებია ვადალახული განვლილი აღდგენითი პერიოდის სიგრძეზე, არა ნაკლები იქნება მომავალშიც; მაგრამ 10 წლის გამოცდილებით გაკავებული მუშაობა და გლეხთა მასები ადვილად დასძლებენ ამასაც და რეალობად აქცევენ სოციალისმის შენების საქმეს საბჭოთა კავშირში.

სარედაქციო კოლეგიის წევრები:

1. ა. კვიციანი,
2. ვ. ავაქოვი, } პასუხისმგ. რედ-ბი.
3. გ. ავალიშვილი,
4. ეპ. აღმაშობაძე,
5. ბ. გოგია,
6. სეთ დედოფანი,
7. დ. თოფურიძე,
8. ბ. ჭიჭინაძე,
9. აკ. კალაძე—პასუხისმგ. მდივანი.

მიმდინარე 1927 წლის ივლისიდან, ს. ს. ს. რ. მიწათმოქმედ-
სახალხო კომისარის ა. გეგეჭკორის რედაქტორებით, გამო-
დის სასოფლო-სამეურნეო შრომელთა შორის

„სოფლის მეურნეობა“

ს. ს. ს. რ. მიწსახეობის და ა. ლ. კ. კ. ცეკას ორგანო. გაზ.
„ახალი სოფლის“ გამოცემა.

შურნალი თავის მთავარ ამოცანად იხსნავს სოფლის
მეურნეობის საკითხების გამოკვლევას-გაშუქებას.

შურნალში მონაწილეობენ საუკეთესო აგრონომიული ძალები.

ქუჩნალის ცალკე ნომერი ღირს 40 კაპ.
ხელის ნომრებით: { მთელი წლით 4 მან.
 { ნახევარი წლით 2 მ. 40 კ.

ბანკადების ფასი მოკრებით.

ხელის მოწერა და განცხადება მიიღება გაზ. „ახალი სოფლის“ კანტო-
რაში: ტფილისი, ვოლოდარსკის ქ. № 11.

შურნალს ხელმძღვანელებს სარედაქციო კომისია.

შურნალში მოსათავსებელი წერილები და ყოველი კორექსონდენცია უნდა გაიგ-
ზავნოს შემდეგი მისამართით: ტფილისი, მიწსახეობი, სარედაქციო კომისიას.

სარედაქციო კომისია: დ. ახმეტელი, ს. ბაქრაძე, ვ. გოგილაძე,
დ. ვოლსკი, აბ. კაკაბაძე, გ. მუშიშვილი, დ. სამადაშვილი, ვლ. ხოფერიძე.

ს. პ. ძ. ს. არს. ინფ-ბუნ. ცენტრ. ბიურო და ს. ბუნ. საზ-ბის

ყოველთვიური

ქურნალი

მოდება ხელის
მოწერა 1927 წ.

„ტექნიკა და ცხოველები“

ქურნალში შემდეგი განყოფილებებია: თბო-ტექნიკა, ელექტროტექნიკა, ელექტროფიკაცია, ჰიდროტექნიკა, სამთო საქმე, მეტალურგია, ქიმიური მრეწველობა, ტექნოლოგია. შინამრეწველობა, ტრანსპორტი, საფეიქრო მრეწველობა, მუნიციპალიური მეურნეობა, სასაფლო-სამეურნეო მანქანათმშენებლობა, სატყეო მეურნეობა, მიწათმოწყობა, მრეწველობის და მეურნეობის ორგანიზაცია, „შმო“, ტექნიკის ინფორმაცია, ავიაცია, რადიო, პროფტექნიკური განათლება, გამოგონებანი, ბიბლიოგრაფია, პროფ-ცხოვრება, ტერმინოლოგია და ქრონიკა.

ქურნალში თანამშრომლობენ:

ინჟ-ები გ. აბაშიძე,	ინჟ-ები ლ. დიასამიძე,	ინჟ. მ. მალაქვიძე,
„ ვ. ავალიანი,	„ ა. დედარიანი.	დოც. გ. ნიკოლაძე,
„ კ. ამირაჯიბი,	პროფ. ა. დიდებულიძე,	ნ. ნიკოლაძე,
„ ე. აღშიბია,	ინჟ-ები ვ. კაკაბაძე,	რუსულდან ნიკოლაძე,
„ ი. ანდრონიკაშვილი,	„ ა. კაციტაძე.	ტ. სპარინკვილი,
პროფ. ა. ბენაშვილი	„ ს. ფირალიშვილი.	ინჟ-ები პ. ტუროვეცი,
„ ბ. ბაბოვი,	„ ნ. კეზერელი-კობაძე.	„ ვ. ფელდტი,
ინჟ-ები გ. ბერიძე,	„ მ. კობაძე.	„ ა. ჩიოგაძე,
„ დ. ბერეკაშვილი,	„ გ. კორინაშვილი,	„ ს. ჩომბიძე,
„ ი. ბერიძე,	„ ე. კრანცი,	„ გ. წულუკიძე,
„ ი. ბურჯანაძე,	„ ნ. კორინთელი,	„ ბ. ჭიჭინაძე.
„ გ. ბარამიძე,	„ ნ. ლეჟავა	„ ი. ყიფშიძე,
„ ნ. გვარამაძე,	„ შ. ლიაძე.	„ გ. ქურდიანი,
„ გ. გვერდწითელი,	„ ე. ლეჟავა,	პროფ. ს. ქურდიანი,
„ გ. გემეკორი,	პროფ. ნ. მუსხელიშვილი,	ინჟ. გ. თუმანიშვილი,
„ გ. ვედვეანიშვილი,	„ მ. მაჭავარიანი	პროფ. ი. ჯანდიერი,
„ კ. გიორგობიანი,	ინჟ-ები პ. მამრაძე,	ინჟ-ები მ. ჯაში,
„ ვ. გოგილაძე,	„ ი. მჭედლიშვილი.	„ ა. ჯორჯაძე,
„ კ. გაბრიჭაძე,	„ გ. მუხაძე,	„ ს. ყირქესალიშვილი
„ ბ. გოგავა,	„ ს. მეფისაშვილი,	„ ვ. დიბერიძე,
„ ა. გულისაშვილი	„ გ. მარქაროვი,	„ ა. უდალოვი და სხვ.

განცხადების ფასი:

ხ ე ლ მ ო წ ე რ ა :

ერთი გვერდი 200 მ.	ერთი წლით 8 მ.
ნახევარი გვერდი 100 „	ნახევარ წლით 4 მ. 50 კ.
მეოთხედი გვერდი 60 „	სამი თვით 2 მ. 50 კ.
მერვედი გვერდი 35 „	ცმლკე ნომერი 75 კ.

ფული უნდა გადახდილ იქნეს ხელმოწერის დროს.

რედაქციის მისამართი: რუსთ. გამზ. 17, მეშ:და სასახ., ოთახი № 16 ტელ. 17.

